

PETRI GASSENDI  
DE PROPORTIONE  
QVA GRAVIA DECIDENTIA  
ACCELERANTVR.  
EPISTOLÆ TRES.

*Quibus ad totidem Epistolas R. P. PETRI CAZRÆ  
Societatis IESV Respondetur.*




PARISIIS,  
Apud LVDOVICVM DE HEVQVEVILLE, via Iacobæ,  
sub signo Pacis.

---

M. DC. XLVI.  
CVM PRIVILEGIO REGIS.







# EPISTOLARVM

## SVMMVLÆ.

---

### EPISTOLÆ PRIMÆ.

#### ART. I. Scribendi Occasio.

**C**um enim ante annos treis *Author* edidisset duas *Epistolas* De Motu impresso à Motore translato in scriptas, *R. P. Cazraus* Societatis *IESV* tum *Diuionensis* Collegij Rector scripsit ad ipsum *Epistolâ*, qua reprehendit capita varia tam circa cetera de Motu conscripta, quàm circa disputata speciatim de Motu *Terræ* attributo. Itaque *Author* ad illum rescripsit eâ *Epistolâ*, qua hec habetur ordine tertia, quàmque primam legere si libet, licet, imò & non incongruū est. Quia verò *R. P.* cetera inter obiecerat, non fuisse *Authorem* probaturum *Galilei* sententiam circa Proportionem, qua grauius decidentia accelerantur, si commissum à *Galileo* Paralogismum animaduertisset; & *Author* responderat se nec potuisse necdum posse Paralogismum illum videre, ac optare aded, ut *R. P.* tum illum reterer, tum proportionem quam crederet esse veriozem manifestaret; idcirco *R. P.* conscripsit, ediditque nuper *Epistolam* aliam hocce Titulo, *Physica*

# EPISTOLARVM

Demonstratio, qua ratio, mensura, modus, ac potentia accelerationis motus in naturali descensu grauium determinantur; aduersus nuper excogitatam à Galileo Galilei Florentino Philosopho; ac Mathematico de eodem motu Pseudo-scientiam. *Hac ergo Epistola est, ad quam heic primum Respondetur.* A pag. 1. in 3.

## ART. II. III. IV. V. Status Controuersia.

Queritur nimirum, An, cum lapide, v. c. ex alto cadente, accipere liceat primum quoddam spatium, vt vnā orgyiam; & habere pro momento, seu tempore primo illud, quod effluit, donec lapis per hanc orgyiam decedit: & pro gradu celeritatis primo eam celeritatem, quā in fine primi huius temporis acquisita est: An, inquam, acceptis deinceps aequalibus spatijs, temporibus, & gradibus, censi debeat lapis motus, vt ipsius ium acquisisse duos celeritatis gradus, cum est superata secunda orgyia, licet secundum tempus nondum totum effluxerit, ac pari modo treis, cum tertia, quatuor cum quarta, &c. adeo vt semper velocitates se habeant sicut spatia, quod R. P. contendit: An potius censi debeat tū acquisisse duos celeritatis gradus, cum effluxit secundum tempus, licet plura spatia, quam duo superata sint: ac pari modo treis, cum tertium, quatuor, cum quartum, &c. adeo vt semper velocitates se habeant sicut tempora; quae est Galilei sententia. Ex qua aliunde sequitur, vt temporibus aequalibus spatia superentur iuxta numeros ab unitate impareis: ita vt si primo tempore lapis decedat per vnā orgyiam, decedat secundo per treis, tertio per quinque, quarto per septem, &c. atque idcirco spatia in fine cuiusque temporis à principio vsque aggregata habeant se sicut quadrata temporum; hoc est, vt spatia superata sint in fine vnus



temporis vnum, in fine duorum quatuor; in fine trium nouem;  
in fine quatuor sexdecim, &c. Quæ omnia liceat representare  
in maiusculo quodam Triangulo, cuius lateribus, ac basi in par-  
teis æqualeis diuisis, interductisque lineis aream dissescentibus  
in minores, mutuò æqualeis, simileisque triangulos, partes  
vtriusvis lateris (incipiendo ab apice) habeantur pro tempori-  
bus; bases triangulorum ipsis respondentium pro gradibus ce-  
leritatis; & intercepta triangula, ipsorumve area pro spatiis.  
Vide & totius Epistolæ, siue Dissertationis seriem. Ap. 3. in 9.

ART. VI. VII. VIII. De Motus æquabiliter  
accelerati definitione.

Definit Galileus Motum æquabiliter acceleratum (qua-  
lis grauibus decidentibus competit) illum, qui à quiete reco-  
dens, temporibus æqualibus æqualia celeritatis mo-  
menta acquirit. Id autem improbens R. P. contendit po-  
tius definiendum cum vulgari sententia illum, qui æquali-  
bus spatiis æqualia celeritatis augmenta acquirit. Quan-  
quam ex Galilei definitione præclare intelligitur accelerationis  
æquabilitas: prout increscens celeritas se habet vt linea inter  
latera memorati Trianguli ab apice vsque in basim increscens;  
& hæc linea ideò increscit æquabiliter, quòd secundum parteis  
laterum æqualeis (per quas dictum est representari tempora)  
additamenta continuò æqualia acquirit. Ex definitione au-  
tem R. Patri probata, nihil tale potest intelligi: cùm nulla  
facta temporis mentione, & sumptis partibus lateris trianguli  
pro spatiis, & interceptis triangulis pro celeritatis gradibus,  
constet, si totidem semper addantur triangula, quot lateris par-  
tes, creatum iri triangulum totalem, cuius area inæquabilif-  
simè ab apice in basim increscat.

Ap. 9. in 14.

ART. IX. X. XI. XII. De Paralogismo,  
qui Galileo Definitionem spuriam impugnanti  
obiicitur.

*Impugnat Galileus definitionem R. Patri probatam, quod si velocitates essent, ut emensa spatia, atque idcirco spatium v. c. duplum percurreretur velocitate dupla illius, quæ dimidium: sequeretur duplum, & dimidium, seu totum, & partem, eodem, aut æquali tempore percurri. Nempe seu motus æquabilis, seu acceleratus æquabiliter sit, non potest celeritas esse dupla per duplum spatij, quin ea existente vbique dupla, duplæ partes percurrantur quibuscumque temporibus, sicque perueniatur eodem tempore ad dupli, & ad dimidij finem. Contendit R. P. committi heic Paralogismum: & nullam tamen rationem profert, quàm quæ continetur his verbis, Si graue descendens per A B, tempus quodcumque infumat, putà quadrantem; ac deinde B C ipsi AB æquale dimidio quadrante percurrat: quis neget in C duplam haberi velocitatem eius, quæ fuit in B? & tamen idem graue totam A C, & dimidium eius A B non percurreret. Vbi sanè nihil aliud, quàm rem controuersam supponit, habetque pro principio: videlicet secundam partem percurri dimidio temporis, quo primam. Atque id quidem præter Incommodum ex positione hac consequens, quod cum oporteat pari modo percurri partem tertiam dimidio temporis, quo secundam; quartam, quo tertiam, &c. debeat cum effluxu temporis secundi percurri spatium infinitum: quatenus omnia illa dimidiorum dimidia, siue fragmenta temporis non possunt*

A  
B  
C



*aquari vni integro (cuius semper relinquitur inexhaustam aliquid) nisi prius omnia, hoc est infinita, fuerint numerata.*

A. p. 14. in 21.

ART. XIII. XIV. XV. XVI. XVII.  
XVIII. De Postulato Galilei circa motum  
super æque-altis, non æque-inclinatis planis.

*Cum experientiâ constet accelerationem eadem ratione fieri, siue ad perpendicularum graue decingat, siue supra planum inclinatum delabatur; candidè egit Galileus, dum assumens Gradus velocitatis eiusdem mobilis super diuersas planorum inclinationes acquisitos tum esse æqualeis, cum eorumdem planorum eleuationes ponuntur æquales: id extulit, non vt demonstratum (tamen Torricellius postea demonstrationem attulerit) sed vt eatenus probabile, quatenus deducta ex eo conclusiones cum experientia consentirent. Id tamen R. P. exagitat, & confirmationem, non incongruè alioquin petitam ex pendulis, quæ longioribus, breuioribusque filis illigata, & ex eadem tamen altitudine vibrari permissa, ad eandem proximè assurgant, sicque debeant omnia parem impetum (seu velocitatem) descendendo acquirere: vtrumque per arcus inæqualeis procurrant. Neque verò etiam R. P. licet difficulta obiciat, propterea infirmat Galilei experimenta (quibus Author habet aliqua similia) ad probandum grauiam tam decidentiam, quam delabentiam conficere primo tempore vnum spatium, secundo tria, tertio quinque, &c.*

A p. 21. in 32

# EPISTOLARVM

ART. XIX. XX. XXI. XXII. De Experimento circa ictum, impetumve grauium cadentium, ad explorandum impetus-ne, vt spatium increſcat.

Tametsi conſtet grauia, quò ex altiore decidunt loco, eò maiore impetu eſſe, vehementiusque percutere, ac tantam eſſe velocitatem, quantum impetus, & percuſſio eſt: non ideo tamen conſtat vllis (qualia R. P. dicit in quolibet graui clara, facilia, indubitata) experimentis, graue decedens ex altitudine dupla duplò fortiùs percutere, triplò ex tripla, quadruplò ex quadrupla, &c. Quin-etiam ſunt Experimenta, quæ impetum, percuſſionemque non eſſe duplò maiorem inſinuant, niſi ex altitudine quadrupla; triplò, niſi ex nonupla; quadruplò, niſi ex ſedecupla. Huiusmodi ſunt illa de Aqua cylindrico vaſe conſenta; cuius duplum non exſilit tempore æquali, niſi altitudo quadrupla ſit; nec triplum, niſi nonupla; quadruplum, niſi ſedecupla: & de Chorda tenſa, cuius vibrata itus, reditusque dupli non ſunt, niſi quadruplo pondere tendatur; tripli, niſi nonuplo; quadrupli, niſi ſedecuplo: ac rursùs de Penſilibus, quorum vibrationes ad perpendicularum peruenientes non acquirunt impetum duplum, niſi altitudo deſcenſus ſit quadrupla, triplum, niſi nonupla, quadruplum, niſi ſedecupla, &c.

A p. 32. in 41.

ART. XXIII. XXIV. XXV. XXVI. XXVII. XXVIII. De Experimento in Bilance facto, ac aliud reuerà probante, quàm velocitates eſſe ſicut ſpatia.

Fuerunt omnia Experimenta R. P. ad vnum reſta, vt



non modò probaret impetum, atque idcirco velocitatem sicut  
 spatium increfcere; sed fpeciatim quoque illud, quod edixit,  
 diametrum cuiuslibet globi ita effe præcifam impetus illius  
 menfuram, ut ex altitudine duarum diametrorum præcifè, per-  
 cutiat duplò fortiùs: ex altitudine trium triplo: ex altitudine  
 quatuor quadruplò, &c. Inffit autem Experimentum in Bi-  
 lance peragi, qua ritè fufpenfa, & alterâ lancium per aërem  
 liberâ, alterâ fuffultâ, & pondere exæquatâ cum libera, glo-  
 bôque fimul, fi deinceps, inquit, dimittatur globus in liberam  
 ex vna fui diametro, is percuffionis impetu attollet fuffultam  
 cum fuper-addito præcifè vno fui pondere; fi ex duabus, cum  
 fupper-addito duplo: fi ex tribus, cum triplo: fi ex quatuor,  
 cum quadruplo. Et permirum tamen id Experimentum de-  
 prehendi falſum, quatenus dimiffus globus ex altitudine dia-  
 metri vnus, non modò attollit cum altera lance (eo, quo dictum  
 eft, modo exæquata) ponderis tantundem, quanto ipſe eft, ve-  
 rùm etiam duplū, etiam ad vſque feptuplū: & tantum idem  
 aliunde attollit non modò ex diametro vna altitudinis, verùm  
 etiam ex diametri femiſſe, imò ex quadrante, imò ex octante,  
 imò & ex vncia. Quin-etiam eius ponderis, quod eleuat ſum-  
 mum ex diametro vna, duplum eleuat non ex diametris dua-  
 bus, ſed ex quatuor: triplum non ex tribus, ſed ex  
 nouem: quadruplum non ex quatuor, ſed ex ſedecim: adeò  
 proinde ut proprio R. P. experimento eius ſententia euertatur,  
 & Galileana confirmetur. Adde &, ſi velocitatis gradus  
 pro ratione diametrorum creſcerent, euenturum, ut dimiſſis ex  
 eadem altitudine duobus globis ex eadem materia, quorum  
 vnus eſſet diametro decies maiore, quàm alius, minor caderet  
 decuplò velociùs, ac decuplò citiùs perueniret in terram, quàm  
 maior; cum experientia tamen doceat cadere æque-velociter,

## EPISTOLARVM.

*temporeque eodem peruenire in terram : utcumque aliunde  
Aristoteles censeat cadere maiorem velocius, & peruenire  
citius.* Ap. 41. in 53.

ART. XXIX. XXX. XXXI. XXXII. XXXIII.  
De Tempore, quo R. P. colligit parteis spatij  
singulas decursum non iri.

Origo fuit mali, quòd R. P. & Experimentum falsum  
( seu quod nullum esset ) pro vero habuerit, & illam Motus  
æquabiliter accelerati definitionem assumpserit, quæ traditur  
nulla temporis mentione : cū impossibile tamen sit seu celerita-  
tem, seu accelerationem, maximèque æquabilem, intelligi, sine  
comparatione ad tempus. Et quia supponendo velocitates  
acquiri, ut spatia, manifestè sequitur, ut secundum æquale  
spatium decurratur dimidio temporis, quo primum; tertium  
triente, quartum quadrante, &c. ( quippe tempore semper  
existente ad velocitatem incrementem submultiplo ) cum heic  
tamen consequantur incommoda varia, ac illud speciatim,  
quod acceleratio fieret, ut difformiter, sic in ratione plusquàm  
triplo: ideò ostendit quidem R. P. ex quibusdam incommodis  
fieri non posse ut decurrantur spatia temporibus huiusmodi;  
sed ostēdit tamen aduersus seipsum, quatenus decurri necessario  
sequitur ex ea positione, quod velocitates se habeant ut spatia.

Ap. 33. in 63.

ART. XXXIV. XXXV. XXXVI. XXXVII.  
XXXVIII. De Tempore, quo R. P. colligit  
singulas parteis decursum iri.

*Diuiso casus spatium in parteis æqualeis quotcumque,*



# S V M M V L Æ.

accipit R. P. punctum infimum primæ partis, & ab ipso sursum eiusdem primæ partis dimidium, trientem, quadrantem, & vniuersè tot fragmenta, quot sunt inferius partes æquales; ac tum contendit, quanto tempore dimidium inferius primæ partis percurritur, tanto deinceps partem secundam æqualem percurri; quanto triens, tanto tertiam; quanto quadrans, tanto quartam, &c. adeò proinde, vt in inferiore primæ partis dimidio contineantur sigillatim omnia tempora, quibus omnes superstites æquales partes percurruntur. Attamen abs re, & omninò gratis negligit superius dimidium, nullamque eius rationem habet, à cuius tamen initio, non fine, motus incipit, & per quod iam acceleratur, cùm pauciores parteis, quàm inferius non habeat. Gratis quoq; vsurpat inferius, ipsique fata omnium partium inferiorum alligat: nam & quòd vult secundam partem esse huius dimidiij duplam, atque ideò esse velocitatem duplam, & tempus æquale: nihil aliud; quàm quæsitum petit. Aliunde autem variis argumentis conficitur, vt assumpto quocumque primo tempore, tam inferius dimidium, quàm secunda pars tempore breuiore, breuioreque in infinitum percurrantur (subdiuiso nempe priore dimidio in duo alia, & rursus priore in alia, &c.) vt itè tam inferius dimidium, quàm secunda pars percurrantur dimidio temporis, quo integra prima: vt tempus per secundam partem sesqui-alterum sit, non duplum ad illud, quo percurritur inferius dimidium: vt tam prima pars sola, quàm prima, & secunda simul, hoc est pars, & totum eodem, aut æquali percurrantur tempore; atque id genus cetera, quæ proportionem etiam obuii in trientem, quadrantem, fragmentaque alia assumpta primæ partis possunt.

Ap. 63. in 72.

é ij

ART. XXXIX. XL. XLI. XLII.  
De Ratione continuò dupla, qua spatia decurri temporibus æqualibus R. P. contendit.

Diuiso eodem casus spatio in quocūque aequalis parteis, & parte prima subdiuisa in duo dimidia; assumit R. P. illud tēpus, quo inferius dimidiū percurritur, pro tempore primo: ac vult tempore æquali secundo percurri partem secundam, quæ est nempe dupla illius dimidiij: ac tertio parteis tertiam, & quartam, quæ iunctim sunt duplum secundæ: & quarto quintam, sextam, septimam, octauam, quæ iunctim sunt duplum tertiæ, & quartæ; & quinto octo succedenteis, sexto sequenteis sexdecim: atque ita porro in ratione continuò dupla. At verò heic quoque abs re præteritur primum primæ partis dimidium: & maximè cū requiratur, quæ accelerationis sit ratio non à medio vsque primæ partis, sed ab eius vsque initio. Peruertit etiam R. P. Arithmeticam progressionem, quæ superiùs statuens velocitates esse, vt spatia, voluit vni parti integræ, non eius dimidio competere vnum celeritatis gradum, duobus duos, &c. Conficitur rursus heic quoque, vt totum, & pars eodem tempore percurrantur; vt non ampliùs, quàm triens, & quadrans exaquantur toti; vt item solæ partes quinta, sexta, septima, octaua; atque ita de reliquis. Conficitur quoque, vt decurrantur spatia non modò in ratione dupla, sed etiam in tripla, quadrupla, &c. Denique & illud inde sequitur, quod iam ante obiectum est; vt primo nimirum tempore peracto, effluere secundum æquale non possit, quin de cursum fuerit spatium infinitum.



ART. XLIII. XLIV. De Tempore,  
quo globum ferreum casurum ex Luna in  
Terram contendit.

Cùm Galileus supponendo esse à Luna in centrum Ter-  
rae milliaria Italica 196000, deducat ex observatione, ac  
proportione à se instituta decursum iri id spatium à globo fer-  
reo è Luna dimisso intra horas 3. minuta 22. & secunda 4.  
deducit R. P. iuxta suam illam progressionem in ratione con-  
tinuò dupla, decursum iri id spatium intra minuta non omninò  
duo. Immanis sanè pernicitas, & quam refellit etiam ex-  
perientia, qua cùm constet globum non conficere amplius uno  
semi-minuto, quàm milliare vnum altitudinis; & seruata  
etiam acceleratione in ratione dupla, non possit secundo semi-  
minuto, nisi duo conficere: tertio, nisi quatuor: quarto, nisi octo:  
manifestum sit ex ijs aggregatis non posse intra duo minuta  
confici milliaria plusquam quindecim. Quàm ingenti verò  
discrimine hic numerus abest à milliariibus 196000. seu ab  
ijs potius, quæ ille vult intra duo minuta integra percurri,  
1677721½: & mira quidem incoherentia, quatenus de-  
bent primo semi-minuto percurri 6, cum proximè triente:  
secundo 403, cum vna quinta: tertio 25804, cum quatuor  
quintis: & quarto 1651507, cum vna quinta? A p. 79. in 82.

ART. XLV. XLVI. XLVII. De Tem-  
pore per primas parteis observatione determi-  
nando; pauca de caussa Physica, deque lapsu  
circa eam admissio.

Ingenue quidem R. P. fatetur non habere se unde tempus

## EPISTOLARVM

determinet, quo secunda pars, quo prima dimidia sigillatim percurruntur: ac alios ideò prouocat, vt rem experiantur in turri pedes ducentos alta (vicumque ipse præ cæteris videatur fuisse experturus) ac non videtur Galileum id determinantem ex obseruatis proprijs sufficienter refellere: dum ait duntaxat, esse verendum, ne cùm in alijs magnoperè errauerit, heic quoque sit hallucinatus. Quippe neque ostensum est errasse ipsum in alijs, neque heic habet aliquid non experientiæ consonum, maximèque illud effatum, si à lationis principio duo quælibet spatia sumantur, tempora ipsorum fore inter se, vt alterum eorum ad spatium medium proportionale inter ipsa: iuxta quod quidem promptum est, quanto speciatim tempore & secunda pars, & duo prima dimidia percurrantur, determinare. Excusatione, dilationeque vitatur R. P. circa causam Physicam, de qua videbatur ipse titulus fecisse aliquid sperandum. Circa hanc causam lapsus admissus in Epistolis de Motu impresso: quatenus in ea explicanda ipsi gradus velocitatis facti æquales spatijs sunt; & intercepta triangula, de quibus supra, assumpta sunt non modò pro spatijs, verùm etiam pro gradibus; pro quibus assumenda potius triangulorum bases fuerunt.

A.p. 82. in 96.

## ART. XLV. CONCLUSIO.

Ex præteritione eorum, quæ R. P. anacephalæosi quadam exaggerat; non oblitus etiam quantum condoluerit, habitam ab Authore fuisse Galilei principijs fidem: neque id sine solita beniuolentiæ significatione.

A.p. 86. in 88.



## EPISTOLÆ SECYNDÆ.

## ART. I. Scribendi Occasio.

*Reu. Pater viso superioris Epistolæ autographo, ipsam edi non improbauit, si modò attexeretur alia, quam subinde scripsit, inscripsitque Vindicias Physicæ Demonstrationis. Quia verò R. P. profitetur sese in ea ignotam Authori veritatem maiori iam luce illustratam aperire, & ab errore vindicatam exhibere; ac aliunde queritur frequens ea sibi affingi quæ nec dixerit, nec ex traditis à se principijs potuerint deduci; idcirco sic edi visum est Vindicias, vt Exceptio interseratur, ad explorandum quò fieri possit, vt veritatem sic illustratam, vindicatamque Author non videat; & ad eluendum labem illam, qua adspergi persensit se, ob afflictionem toties obiectam.*

A p.89.in 93.

## ART. II. III. IV. V. De Statu Controuersix.

*Quòd perstet R. P. pro Demonstratione habere eam Epistolam, in quam superior conscripta est; ideò vt Status controuersix luculentior fiat, ac simul appareat, qualis Demonstratio hæc sit; placet ipsam eruere ex eius totius Epistolæ textu, ac reducere, analysi facta, in hypotheticum Syllogismum, qui esse possit huiusmodi.*

*Si in motu accelerato grauium decidentium velocitates acquisitæ se habent vt emensa spatia, necesse est spatia decurrere temporibus equalibus in ratione continuò dupla:*

*Atqui in motu accelerato grauium decidentium veloci-*

*rates acquisita se habent vt emensa spatia:*

*Igitur in motu acceleratogrammum decidentium necesse est spatia decurri temporibus equalibus in ratione continuo dupla.*

*Nimirum, vt ex serie superioris Epistola patet, factum est initium ab Assumptionis confirmatione, dum in Galileum disputatum est; tum gradus ad eiusdem-met Assumptionis probationem factus, dum palmare illud Bilancis Experimentum est narratum; ac tandem ventum ad probandum consequentiam Propositionis, dum explicatus est conatus circa Rationem spatiorum duplam, quæ eadem conclusio fuit Demonstrationis.*

*Ap 93. in 97.*

## AD ART. VI. VII. VIII. De Motus æquabiliter accelerati Definitione.

*Constat semper, quam Galileus Definitionem tradidit. Neque enim possunt velocitatis gradus per triangulorum representari bases, si per parteis laterum represententur spatia, vt R. P. vult; tum quod nulla habita temporis mentione intelligi possit difformitas mira; tum quod gradus semel acquisitus aut perire debeat, aut nihil agere; neque possit duplum illius, qui acquiritur; tum quod sit futurum vt secundo tempore octo penè spatia primo equalia percurrantur. Confundit R. P. Vniformitatem cum Proportione, dum progressiones Geometricas non minùs esse vniformeis, quàm Arithmeticas vult: ac in eadem rursùs incidit Incommoda, dum in difformi Triangulo vult iteratò spatia per laterum parteis, potiusquàm per triangulos interceptos representari.*

*Ap 97. in 110.*

AD



AD ART. IX. X. XI. XII. De Paralogismo;  
qui Galileo Definitionem spuriam impugnanti  
obiicitur.

*Magno quidem molimine conatur R. P. Paralogismum ostendere: sed frustra nihilominus; cum seu varios sensus distinguat, seu propositiones retexat, seu consequutionem expendat, nihil aliud rursus, quam quæsitum, seu principium (ut fuerat illi obiectum) petat; aut in ipsum etiam, ubi retorquere quidpiam vult, mutato nomine, concludat. Haud iure verò conqueritur sibi affingi, quod dixerit, spatium in duas partes æqualeis diuiso, posteriorem percurri dimidio temporis, quo priorem (unde illatum est Incommodum de infinito spatio intra secundum tempus percurrente) cum relata ipsissima illius verba fuerint (de quadrante nempe, & dimidio quadrantis) ac, ut posset Paralogismi Galileum conuincere, non fuerit alio principio usus. Denique, si Paralogismus à Galileo admissus sit, ostenditur R. P. alio loco aut nihil conclusisse, aut apertissimè in eundem Paralogismum incidisse.*

A p. 110. 136.

AD ART. XIII. XIV. XV. XVI. XVII.  
XVIII. De Postulato Galilei circa motum  
super æque-altis, non æque-inclinatis planis.

*Galilei observata ad Postulatum hoc confirmandum nullus hæctenus falsitatis coniecta sunt; potestque adeò eius doctrina potiore iure censerì Scientia, ut quæ experientiæ consentanea sit, quàm ea, quæ à R. P. traditur, ut quæ experientiæ repugnet, ac fundata sit in Experimento, quod falsum de-*

# EPISTOLARVM

prehensum est. Si planum, ut minùs decliue, ita etiam prolixius  
 fit, potest profectò prolixitas paruitatem incrementorum  
 velocitatis sic compensare, ut acquisita in fine motus veloci-  
 tas sit nihilo minor. Quod est allatum de pendulis exemplum  
 semper congruit: & ex quatuor pendulis, quæ prolixitate  
 sint, primum vnius præcisè pedis, secundum quatuor, tertium  
 nouem, quartum sedecim: peragit reuerà, constanterque pri-  
 mum vibrationes quatuor, eodem tempore, quo secundum  
 peragit treis, & tertium duas, & quartum vnã: si modò  
 quidem eadẽ semper longitudine perseverent. A p. 136. in 141

## AD ART. XIX. XX. XXI. XXII.

De Experimentis circa ictum, impetumve gra-  
 uium cadentium, ad explorandum, impetus-  
 ne, ut spatium increascat.

Meruò fuere vno plura requisita Experimenta, vbi  
 fuit iactatum peragi ea posse in granibus quibuscumque; tametsi  
 ne in vno quidem peragere fuerit concessum. Allata tria ex-  
 perimenta quasi supparia ad suadendum non increascere impe-  
 tum, velocitatemve sicut spacia, sed sicut spationum radices,  
 attinent omninò ad rem; ac illud speciatim de Aqua ef-  
 fluente ex vase cylindrico, quatenus summa aqua in foramen  
 decidens, non magis à sibi subiecta, præcunteque impeditur,  
 quàm si per aërem caderet; quòd illa semper pari cum ipsa  
 velocitate sese subducatur, antecedenque nihil officiat.

A. p. 141. in 146.

## AD ART. XXIII. XXIV. XXV. XXVI. XXVII.

XXVIII. De Experimento in Balance facto, ac



aliud reuerâ probante, quàm velocitates esse sicut spatia.

Quandoquidem iactatum illud tantopere Experimentum falsitatis conuictum est: mirum videri profectò potest, quamobrem R. P. venditare pergat pro Demonstratione ratiocinium, quod fuerit eo Experimento duntaxat suffultum; ac potissimum provocando ad vberiore experientiam, qua controuersia dirimatur; quasi verò sinondum sit dirempta controuersia, eius Demonstratio interim cohæreat? Frustrâ iam sollicitus est de non assumendo supra æquilibrium excessu; cum agnoscat iam quàm vanè vsurpet diametrum globi pro mensura præcisa altitudinum, ex quibus totidem pondera attollantur. Incommodum illud de globo diametri decuplò minoris, & decuplò citius casuro ex eadem altitudine, obiectum legitime fuit, & R. P. eximere se ab illo nequicquam tentauit.

Ap. 146. in 157.

AD ART. XXIX. XXX. XXXI. XXXII. XXXIII.  
De Tempore, quo R. P. colligit parteis spatij singulas decursum non iri.

Haud abs re fuere obiecta illa de neglecto tempore in tradenda motus æquabiliter accelerati definitione. Afflictum nihil fuit R. P. inter vrgendum incommoda; quæ si variata interdum sint, in caussa fuit variatio principiorum, quibus ille est vsus. Nihil iteratò demonstrat: verum aut ex falsis concludit; aut in Diallellum incidit, circulum-ve, ut aiunt, committit; aut præterea inuoluit se multiplici contradictione. Quæstio neque est, neque fuit, an ostenderit (quod fuit concessum) non posse partem spatij secundam decurri dimidio tem-

## EPISTOLARVM.

*piris, quo primam, tertiam triente, &c. sed an ostenderit aduersus seipsum; ut pote ex cuius principio, positione ve illud sequatur. Nequicquam conatur capita absurda sibi obiecta retorquere; quasi sit perinde seu spatium, seu tempus cum velocitate conferat; & ad hominem cum argumentatur, in limine ipso aberrat, dici ut putà id supponens, quod minimè dicitur, & tempus cum velocitate secus conferri, quàm confertur. Tota gloriatio consequens nihil habet, quod inuideatur; & dum ait impugnationem sui ratiociniij, non posse, ut inanem, ac vanam, inuenire plausum, nisi apud minus peritos; satis est promocare illum ut proferat vel vnicum, cui suam sententiam persuaदेat, peritum.* A p. 157. in 181.

ART. XXXIV. XXXV. XXXVI. XXXVII.  
XXXVIII. De Tempore, quo R. P. colligit  
singulas parteis decursum iri.

*Non alia ratione probauit R. P. velocitatem per secundam partem esse duplam velocitatis per dimidium inferius primam, quàm quia spatium, duplum est: neque hanc consequationem vllò modo probauit; sed ex eo solùm supposuit, quod velocitates sicut spatia sint, quæ est iterata principij petitio: cum hoc ipsum sit, quod controuertitur, neque vllatenus inueniatur ostensum; nisi ex falso illo circa Bilancem experimento. Ex varijs obiectionibus vna est delecta, cui responderetur, propter errorem calami, quo in immensa, importunaque literarum farragine litera vna irrepsit pro alia. Beatus est R. P. cui Author esse non videatur ingressus in controuersie penetralia, quique cum æquè à dictis suis, arque à natura penitus inspicunda arceat. Tempus minutorum sex attributum prima*



parti, non ab Authore fuit delectum, sed suppeditatū à R. P. qui tametsi alicubi non probet ex ijs sex minutis quatuor priori dimidio, & duo posteriori attribui: id tamen tum ex varijs eius principijs deducitur: tum recipit Author deducturum se eadem, & plura incommoda, ex quacumque alia distributione eius numeri, aut alterius à R. P. facienda: si modò semper velocitates habere se vt spatia supponat. A p. 181. in 191.

## ART. XXXIX. XL. XLI. XLII.

De Ratione continuò dupla, qua spatia decurri temporibus æqualibus R. P. contendit.

Mirum, velle adhuc R. P. incipere acceleratum motum à primæ partis medio, non ab ipso eius principio; & maximè quidem, cum aliunde velit velocitates esse vt spatia, spatii-ve parteis, quarum una sit tota prima, non dimidium primæ: ac insignes præterea suboriantur difficultates ex eo, quòd dum ad objecta de subdivisione prioris dimidij in alia, aliaque dimidia respondet, standum ait alicubi, quòd diuisio esse in Phisicas parteis infinita non valeat; & ibi tamen standum, vbi tot partes adhuc supersunt, vt ex ijs ratio accelerati motus perfectè intelligatur. Quippe cum inter cetera assumpto casu ex Luna, Sole, aut Firmamento, & assumpta particula prima Phisicè diuidua, in qua reperiri debeant dimidium inferius, ac in ipso triens, quadrans, & tot fragmenta cetera, quot sunt partes ipsi primæ æquales in toto illo spatio, quotque etiam distingui possunt in superiore dimidio; incredibilis sit partium numerus, per quas in priore dimidio contentas oper- teat motum peragi, priusquam incipiat accelerari; & in quibus tamen consistendum sit, quòd diuisio vltiùs fieri in duo

## EPISTOLARVM

*dimidia non valeat, ne ratio motus accelerati non perfectè intelligatur. Quæstio heic iterùm non est, an velocitas per secundam partem sit præcisè dupla velocitatis per primam: sed an id sequatur (vt & absurda quadam alia) ex R. P. principijs. Refugit R. P. prouocationem ad calculos, nec incommoda clariùs pateant, ac illud speciaum, quod obiectum est ex triente, & quadrante non componi integrum: neque item ex partibus quinta, sexta, septima, octaua. Irrito conamine rationem duplam, vt solam congruam excusare adniti-  
tur; eò quòd ipsa quoque seipsam euertat, quoties tempora assumuntur maiora, vel minora dato, quæ sint ipsa quoque inter se equalia: siquidem ea quoque deberent in eadem ratione respondere spatijs: quod tamen non fit: vt in allato à R. P. exemplo de casu globi ex Luna monstratur. Ap. 191. in 208.*

**AD ART. XLIII. XLIV. De Tempore, quo globum ferreum casurum ex Luna in Terram contendit.**

*Nihil esse heic videtur addendum ad ea, quæ obiecta sunt: cum R. P. fateatur non posse illam rapiditatem, quam priùs asseruerat, insanam esse adeò, vt globus id spatium minutis non omninò duobus percurrat: tamen si lenire rem studet, dum naturam quidem id exigere, sed medijs tamen conditionem obstare ait.*

*Ap. 208. in 209.*

**AD ART. XLV. XLVI. XLVII. De quodam lapsu emendando circa causam Physicam accelerati grauium motus.**

*Quod R. P. in Vindicijs ad Artic. XL. de Physica*



*caussa accelerationis differuerit, docendo solam grauitatem esse causam initij motus, & solùm medium, putà aërem esse causam accelerationis, quatenus à fronte resiliens, & à tergo claudens, graue vrget; cùm alioquin sola grauitate agente, si- bique simili manente, vt in vacuo, descensus foret vniformis, similisque sui perseueraturus: idcirco ansa & accepta, & in hunc locum dimissa est adiiciendi quidpiam de Physica causa. Nam primùm quidem paulò fusiùs deducitur lapsus indicatus ad calcem superioris Epistolæ: declarando videlicet, quo progressu tentatum fuisset in Epistolis de Motu impresso à motore translato causam dicere, quamobrem graua acce- lerentur iuxta progressionem numerorum imparium ab vnita- te inceptorum; & quemadmodum talis causa fuisset agnita tum primo momento sola attractrix Terræ vis, quæ imprime- ret singularem ictum: tum secundo, & reliquis tam eadem attractrix, quàm aër à tergo succedens, instansque, adco- ut quolibet momento duo quasi ictus imprimerentur: sicque & primo momento vnus acquireretur velocitatis gradus, quo su- peraretur vnum spatium: sequente autem quolibet super-ad- derentur duo, essentque proinde tres, quinque, septem, &c. quibus spatia totidem consequenter superarentur: vnde & consentaneum foret velocitates esse, vt spatia, quæ proinde si- mul representari deberent per illas triangulorum areas: quod animaduersum est repugnare. Deinde verò ostenditur, quamobrem cùm causa vnica sufficiat, iuxta antè exposita (supponitur autem videri non esse ipsam aliam, quàm ipsam vim Terræ attractricem) ostenditur, inquam, vtramque à R. P. assignatam videri esse reiiciendam, quatenus medium, putà aër, ad accelerationem nihil confert, quin- etiam potius;*

officit, nec quantum obest, tantum iuuat, ac longè est adeò, vè  
 solus accelerationis sit caussa: grauitas verò, seu qualitas graui  
 insita, & ab attractione distincta, nulla est: neque proinde po-  
 test motum seu in spatio vacuo, seu in aëre, (vè si solus aër in  
 vniuerso esset) prestare. Ap 209. in 240.

## AD ART. XLVIII. De Responsionis Conclusionc.

Licetum fuit amicitia (sed seruata tamen illi reuerentiâ)  
 antepone veritatem. Fuit in R. P. vè quascumque veller, ducere  
 lituras, aut etiam rem totam suppressi iubere. Non capitur  
 quamobrem censeat se veritatem iam illustratam, & ab er-  
 rore vindicatam exhibere: ac speret tamen, vè ex correcto  
 falso suo Experimento veritas deinceps certius inueniatur. Ipse  
 fuit R. P. qui Authori alioquin ignotus, prouocauit prior; &  
 cui tamen nihil aut responsum, aut oppositum saltem, fuisset,  
 si is fuisset creditus, qui ipsa rei nouitate, quod iam ait, per-  
 celleretur, tanquam nemine alio hætenus inuento, qui in eius  
 assertionibus, ac decretis pugnam aliquam, contrarietatemque  
 aut inuenisset, aut obiecisset. Quare & esse securus potest  
 iri deinceps nihil inquisitum in ea, quæ se dicit habere  
 obscuriora, incertioraque; fore autem, vè solitum affectum,  
 venerationemque semper experiatur.



## EPISTOLÆ TERTIÆ.

## ART. I. Scribendi Occasio

De hac iam dictum. Notandum solum, Epistolas de Motu impresso à motore translato, pro quibus hac fuit velut Apologia, ea occasione fuisse conscriptas, quòd fides agrè habita fuisset Experimentis ab Authore factis, adstruendo illi Theoremati, Si id corpus, cui insistimus, transferatur, motus omneis nostros, rerumque à nobis mobilium, perinde fieri, apparereque, ac si illud quiesceret. Ea autem fuerant præ ceteris, Quòd naui velocissimè abducta, perinde atque quiescente, proiectus sursùm lapis secundum mali longitudinem, tueretur semper tam ascendendo, quàm exscendendo eandem à malo distantiam; & dimissus è carche-sio ad pternam, ita caderet, vt neque ex parte puppis defereretur, neque ex parte proræ attingeretur à malo. Quòd pila ex prora in puppim, ex puppi in proram proiecta, pari impetu ferri appareret, parque spatium conficeret; & neque tardiùs perueniret ad collusorem, tametsi aufugientem, qui ad proram: neque citiùs ad alium, tametsi occurrentem, qui ad puppim, donec volaret per aërem. Quòd è curru, aut equo citissimè abrepto, perinde ac quiescente, proiecta sursùm res in ipsam manum reciderent: dimissa cadere apparerent secundum perpendicularum; emissa prorsùm, retrorsùmque, nec propius, nec longius caderent in terram. Quòd dimissa pila ab incedente, currente ve per complanatum locum, antrorsùm semper procurreret; pari vi antrorsùm, retrorsùmque proiecta, pari abesset, dum à motu cessaret, à proiectore distantia; &

## EPISTOLARVM

proiecta speciatim retrorsum, nunc aliquantum excurreret, nunc ad perpendicularum caderet, nunc proiectorem etiam sequeretur; prout ad actio manus retrorsum esset velocior, æque velox, aut minus velox, quam corporis prorsum. Itaque horum aliorumque Experimentorum explicanda causa destinata fuerat Epistola Prior; ac fuerant idè varia de Motu attingenda difficultates. Fuerat & Posterior speciatim conscripta declaranda inanitati rationis illius, quæ aduersus Assertores motus Telluris peti soleret ex eo, quod sagitta sursum euibrata è puppi, dum nauis moueretur, non in puppiem recideret, sed in aquam à tergo puppis, quæ interim subducta foret: ac fuerat consequenter ostensa imbecillitas aliarum rationum complurium, quæ solent iisdem obici. Præstita, inquam, hæc fuerant; cum R. P. Epistolis visis, ea ex utrâque impugnavit, quæ potissimum displicuerunt.

A p. 227. in 228.

ART. II. III. IIII. Nondum obseruatum, qui Galileo obiicitur, Paralogismus: &, Neutram duarum virium à Motore translato impressarum imminui ab alterutra.

Qualem deinceps Paralogismus R. P. detexerit, satis est, superque in Epistolis superioribus adnotatum. Quod superest: cum mota, v. c. navi, lapis ex ea proicitur sursum; is apparet quidem tam proiectori, quam omnibus, qui in navi sunt, ascendere, descendereque secundum perpendicularum: sed reuerà tamen ascendit, descenditque obliquè (vbi & apparet quiescentibus in littore) describit nempe lineam curuam, quam dicunt parabolicam: causaque est, quia manus proiciens utcumque sursum moueri appareat, reuerà tamen mouetur obliquè, deflexa nempe à motu navis, qui illam, dum attollitur,



abducit vnà cum corpore ipsius proiectoris in latus, siue secundum horizontem. Et quoniam Author dixerat, Vim impellentem mobile fursùm, non modò non destrui, sed ne vlla quidem ratione imminui à vi depellente in latus (quippe lapis ille neque minùs peruenit aliùm, quàm si pari vi, naui quiescente, proiceretur à manu: vti neque minùs in latus, quàm si immota manu veheretur solo motu nauis). Idcirco R. P. istud improbans, obicit, quod esse apud peritos Effatum ait, Mobile quodcumque duobus motibus in diuersas parteis actis, tantò segniùs de ferri in vnum terminum, quantò fortiùs in alterum tendit. Sed cùm hoc esse possit verum, donec mobili iam separato à motore superuenit vis, quæ ipsum deflectat: falsum est tamen, si nihil noui à projectore vsque interueniat, in quo & vis ipsius propria, & vis corporis ipsum transferentis in vnâ coierint, quæ tantùm sit alterutrâ fortior, quantùm altera fortis est; vt in exemplo allato constat, in quo quicquid est motus sursum, à manu est; quicquid motus prorsùm, à naui; & quod deest virtuti manus propriæ ad proiciendum non minus altum secundum lineam curuam, quàm secundum rectam, suppletur à vi translatitia nauis; vti & quod deest naui ad adigendum non minus prorsùm secundum curuam, quàm secundum rectam, suppletur à vi proiectitia manus. Habentur & alia de Experimentis.

Ap: 228. in 235.

ART. V. VI. VII. Posse varias Sectas veritatis studio tentari: ac, Posse animalis incessum præ saltatione; & globi volutionem præ adactione, dici naturalem.

Quòd Authore explicando causas commemoratorum Experimentorũ, sequutus fuerit alia quedam, quàm Aristorelea,

## EPISTOLARVM

*Et* vulgaria principia: id R. P. reprehendit, quasi sic viris eruditis, p̄ssque minus placiturum: verum, salua modò maneat pietas, nihil est, quod vetet philosophari liberè, nullique Sectæ addictum esse. Displicet illi consequenter dici incessum animalis præ saltatione naturalem: sed non apparet quid sit incongruum, quatenus motus naturalis notio est, vt sponte, aut sine repugnantia fiat; violenti, vt præter naturam, seu cum aliqua repugnantia. Displicet *Et* globi volutionem supra planum dici naturalem præ adactione eiusdem per aërem: sed constat satis globum esse suapte natura comparatum, vt voluatur potius supra planum (quod nisi aliunde deficeret, euaderet motus vt æquabilis, sic perpetuus) quàm vt per aërem adigatur (per quem aliunde inæquabiliter, *Et* motu statim finiendo transfertur.) Vt prætereatur esse hæc omnia Aristoteli consona, quem coryphaeum eruditorū intelligit. R. P. A p. 235, in 240.

ART. VIII. IX. X. Incredibilem fore motus corporum decidentium segnitiam, si vt incipit, ita pergeret; & Non solùm accelerationem, sed ipsum quoque initium motus esse à principio externo.

Displicet rursus R. P. censerī casum lapidis violentum potius, quàm naturalem: nam quamvis accelerationem esse violentam non denegēt: ob descensum tamen, seu simplicem motum, cui illa superuenit, contendit esse potius dicendum casum lapidis naturalem. Sed primū, quia quicquid in hoc casus motu sensibile est, ex acceleratione est, ac ne millies quidem millesima eius pars ad simplicem motum, descensumve spectat: constat, si à potiore parte denominatio facienda sit, dicendum

potius esse casum ab acceleratione violentum, quàm à simplici motu naturalem. Quàm parùm autem censendum sit, quod ex simplici motu est, ex eo probatur, quòd si qualis incipit motus quo momento primo est adhuc ab acceleratione liber, talis perseveraret per duarum orgyiarũ altitudinem; ille, assumpto pro primo momento, vno minuto ex ijs, quæ decima vocant, nondum esset planè peractus post annos 5322380: neque adeò lapis, si occipisset illo motu ab vsque initio Mundi cadere, perfecisset iam septimam vnã digiti partem. Deinde, cùm illud violentum dicatur, cuius principium extra est; etiam descensus, seu simplex motus esse comprobatur à principio externo, nempe à virtute attractrice Terræ (credebatur tunc posse quoque aër à tergo impellere) tum quia lapis seu intra vacuum (vbi nihil cum Mundo, Terræque adeò communicaret, ac perinde illi foret, seu esset, seu non esset Mundus) seu intra aërem infinitum (si solus præter ipsum foret) talem motum nullum haberet: tum quia quæ res sunt intensionis capaces, à qua caussa habent gradus reliquos, ab ea nanciscuntur & primum; atque adeò, vti dum calefit aqua, non ceteri gradus ab externo sunt, primus ab interno principio, sed omnes ab externo sunt: ita dum lapis deorsum mouetur, non ceteræ motus partes ab externa caussa, & prima ab interna sunt; verùm sunt omnes ab externa.

A p. 240. in 246.

ART. XI. XII. XIII. XIV. Terram grauiã attrahere; & Quid illi contingeret, si versus Lunam dimoueretur? Quid lapidi, si intra fornicem ad centrum Terræ constitueretur?

Cùm attrahi grauiã à Terra videantur, ob caussam iam expesitam: Ad illud, quod quærit R. P. quid ipsi Terræ con-



## EPISTOLARVM

tingeret, si versus Lunam dimoueretur? Dicitur esse probabile, fore, ut ubicumque Terra constitueretur, illeic quiesceret eo modo, quo corpus eiusce materiae, ut aqua sub pari mole aequponderet, ubicumque in imo, in summo, in medio, aut ubiuis intra aquam statuatur, consistit. Nimirum, quod Terra secundum si totam neque grauis sit, neque leuis; & talis affectio partium propria sit, prout à tota distrahantur: quodque in Mundo spherico existente, medium quidem, & extremum sit, non item infimum, & summum; ac talis conditio sit Terræ, globorumque Mundi cæterorum propria, propter eandem partium distractionem, & retractionem, quæ sigillatim cum speciali cuiusque centro comparatur. Non probatur etiam aliunde Terram esse in Mundi medio; cum etiam oppositum arguant excentrici siderum motus: neque verisimile est, si Terra abduceretur in verticem Antipodum, ubi superficies, cui insistimus, excederet punctum, in quo fuisset centrum, nos ibi hæsurus: aut abreptos ulterius, eò auolaturus, seu potius casuros. Ad aliud, quod querit, quid eueniret lapidi, si intra cauernam in mediullio Terræ excavatam, oppletamque aqua, aut aëre constitueretur? Dicitur probabile esse, si Terra quidem quasi magnes sit, qui suis quasi radijs emissis attrahat terrena: euenturum, ut lapis in eam cauernæ partem feratur, è qua radij plures, confertioresque affluerint; & si supponatur ex æquo vndequaque affluere, fore, ut in medio suspensus teneatur. Vnde & quod rogat, cur lapis in puteum dimissus fundum petat, non latera? Causa est in promptu, quod plures, densioresque radij ex parte fundi, ad quam est tota Terræ moles, adueniant, quàm ex parte vlla laterum aduenire possint.

ART. XV. XVI. XVII. XVIII. XIX. XX.

Et Magnetem ferrum, & Terram grauia trahere per insensilia organula: & Cur attractio prope Terram non sit sensibilibior, quàm procùl.

*Non ridet Author in sinu, ut R. P. ait, dum Magnetem non trahere sine organulis corporeis contendit: neque non agit seriò, dum hamulos, catenulasque, quatenus patitur imbecillitas, fingit. Dum ait R. P. non alio modo tractionem fieri, quàm quòd Magnes, & ferrum sponte natura incitata in mutuos amplexus accurrant; id eleganter quidem, sed non ita ut res vocibus subiecta intelligi possit: quomodo scilicet vtrumuis, ac speciatim ferrum inanime, ac inarticulatum, incitet seipsum, & nullare à Magnete emissa, diuinet tamen, quando est propè, & metiatur vireis, ac spatium, è quo versus ipsum insiliat. Neque verò dicere potest emitti à Magnete qualilitatem quandam, quæ sit merum accidens: cùm exinde difficultatum inextricabilium seges subnascatur. Quod caussatur autè organula insensilia dicta: constat satis ea sic dici, quòd nec videri oculis, nec palpari manibus possint. Iniurià traducit Auctorem R. P. quasi propterea neget posse Deum Magneti talem qualitatem, qualem describit imprimere: cū quæstio non sit, an à Deo sit, quicquid Magneti impressum est: sed quale sit, quod est impressum. Quod obiicit verò, ut ferrum à Magnete fortius è propinquo, quàm, è longinquo trahitur, non sic observari trahi à terra lapidem, quatenus magis non ponderat, nec velocius initio cadit ad basin turris, quàm ad fastigium: Pater caussam esse, non quòd discrimen aliquod non sit: sed quòd euadere sensibile non possit, quousque lapis ponderetur, incipiatve cadere ex tanta altitudine, quæ non minorem habeat*

# EPISTOLARVM

rationem ad molem Telluris, quàm intercapedo, qua ferrum trahitur, ad molem Magnetis.

A p. 254. in 267.

## ART. XXI. XXII. XXIII. XXIV. XXV.

Non esse Atomorum minùs, quàm Aristoteleas Materiæ tolerabilem in Religione positionem.

*Haud iure traducit R. P. ea, quæ de ortu, interitu, alteratione, calore, frigore, & ceteris rebus naturalibus iuxta Atomorum suppositionem dicta sunt, ad statum supernaturalem: ac præsertim cùm Atomum nihil aliud sint, quàm prima Materies, quæ si prout asserta est ab Aristotele, toleretur, assumendo solum, quòd à Deo creata sit: tolerari sanè possint Atomum, prout asseruntur non modò ab Epicuro, aut Democrito, sed etiam ab alijs, ac nominatim à Platone (qui cum illis ne iure exsulet, ut R. P. loquitur, à Regno Philosophico, consue- lendi Patres) assumendo solummodò, fuisse illas à Deo creatas. Satis esse vult R. P. si dicamus halitus calidos, &c. à corporibus exhalari: at non illi inepti, qui requirunt prætereà ex quibus nam corpusculis texantur isti halitus, ut modum actionis ipsorum condiscant: quod & Plato post alios fecit, & Democritus speciatim sic est exsequutus, ut ideò Platoni ab Aristotele præferatur, & à Cicerone, Plutarcho, alijsque mirè commendetur. Exclamat R. P. conclamatum fore de Formis substantialibus, si ortus, & interitus nihil aliud sint, quàm locales quedam Atomorum motiones: exclamat, inquam, ut videtur, ob Rationalem animam: cùm tamen, ut generali Effato de formis è materia educibilibus adhibetur exceptio Rationalis animæ, sic adhiberi possit Effato de accidentalibus: ac ipsa Anima aliunde sit propriè futura substantia, quatenus subsistit per se,*



se, secus ac formæ cætera, quæ vnde, aut quomodo habeant suam substantialem entitatem distinctam à materia, dicere communis sententia non possit. Querit & quò sint abitura sanctiora Religionis nostræ mysteria: idque, ut videtur, ob mysterium augustissimum Transubstantiationis: cum tamen, ut iuxta Aristotelea sententiam existentia substantiæ sine accidentibus, aut accidentium sine substantia defenditur virtute naturæ impossibilis, sed possibilis virtute diuina: eodem modo, ac iisdem verbis iuxta Democriticam defendatur.

A p. 267. in 276.

ART. XXVI. XXVII. XXVIII. Actum esse de Motu Terræ, proponendo, non asserendo; &, Ferant-ne magis Sacræ literæ Terram in centro, quàm extra centrum circumuolui.

Cùm ex disputatis in Priore de Motu impresso à motore translato Epistola, deduci posset nullum esse, quod aduersus motum Telluris petitur vulgò argumentum ex sagitta sursùm è naui emissa, neque in nauim recidente; nullum, inquam, prout sicuti mota naui, omnes motus siue nautarum, siue rerum, quas ipsi mouent, perinde fiunt, apparentque, ac si naui quiesceret, missaque adeò sursùm sagitta in eandem nauis, è qua fuerit emissa, partem recidit: ita si Terram versus ortum moueri supposuerimus, omnes motus nostri, rerumque à nobis mobilium, perinde fient, apparebuntque, ac si Terra quiesceret. lapisque adeò sursùm proiectus, in eundem Terræ recidet locum, è quo proiectus fuerit; Scilicet Terra transferens proiectorem, eiusque manum, superaddit, intercedente manu, tantum impetus lapidi, quantum oportet, ut superet mundanum

## EPISTOLARVM

spatium æquale illi, quod ea pars Terra, è qua facta fuerit proiectio, interim peruadit; eodem modo, quo naus transferens superaddit sagitta, intercedente arcu, tantum roboris, quantum est necesse, vt superet aëreum spatium æquale illi, quod peruadit interim ea naus pars, è qua facta emissio: Cum, inquam, deduci id possit; Author reipsa ita deducit in posteriore Epistola, vt admonuerit querendam ergo, ad impugnandum Terræ motum, rationem verisimiliorem. Et quia poterat responderi alias iam multas esse inuentas: idèò illas, esse ostendit magna ex parte baud magis firmas. Iam R. P. hoc non fert, ac superiore ratione euerfa, indignatur fuisse ceteras convulsas: quasi aut eas expendere præoccupando non licuerit, aut sit, cur magis, quàm superior vocari in examen non possint, nec debeant. Et traducit quidem Authorem R. P. quasi asseruerit moueri Terram non diurna modò reuolutione circa axem proprium, verùm etiam annuo motu circa Solem: vnde Et ait tolerabilius fuisse, etiam per sacras Literas, si assertus fuisset diurnus dumtaxat. Attamen, neque asserendo, sed proponendo solummodò de motu Terra actum est; neque ea loca Scripturæ sacra, quæ aduersus motum Terræ obiciuntur, comperiuntur minùs aduersus diurnum, quàm aduersus annum esse comparata; neque non præclare addit R. P. debere nostram Philosophiam fidei Christianæ esse consonam; sed supere est nosse quid sit dissonum; cum non statim quicquid videtur repugnare Literis sacris, idcirco reuera repugnat, vt rectè ostendit D. Augustinus aduersus eos, qui dicant cælum Sphæricum, cum Scriptura dicat extensum, vt pellem.

A p. 276. in 281.

ART. XXIX. XXX. XXXI. De Consequutionibus ex Terra Planetis intersita

ductis, de quæ ignorata Copernicanæ opinionis improbatione.

Obiicit R. P. Si moueri Terram inter Planetas persuasum sit, creditum quoque iri ipsam esse Planetam; & esse in alijs Planetis, Stellisque suos incolas; ac iri vocatū in suspitionem Genesin, Incarnationem, Euangelium, fidem Christianam, quæ docet Astra non ad hominum, aliarumve rerum habitationem esse facta, sed ut illuminent, fecundentque Terram. Verum legitimas non esse huiusmodi consequutiones, declaratur, Tum ex eo, quod ostenditur pari ratione deduci easdem ex placitis alijs, quæ à viris pijs, eruditisque defenduntur (cuiusmodi sunt illa de rotunditate Terræ; de Luna eclipsin patiente ob Terram, ut Terra patitur ob Lunam; de quæ ipsius superficie montibus, & conuallibus, terrena instar interstincta: de Terræ exilitate comparatè ad Stellæ; de quæ Luna adhuc longè exiliore, quæ præ illis tamen habetur in magnis luminarijs, atque ita de cæteris) Tum ex eò, quod ostenditur, quàm malè cohæreant cum Antecedente, ex quo deducuntur. Quod autem R. P. opinionem de motu Terræ fuisse Ecclesiæ suspectam ait à Copernici usque tempore; id Author est incomperitum, & quod iam demùm damnatam ait decreto Pontificio, profitetur Author se vel sola fama, ac non expectata promulgatione legitima, ad id complectendum induci. Ap. 28 in 288.

ART. XXXII. XXXIII. XXXIV. Sicne absurdum reputare Orbem magnum (seu coelum Solis) esse quasi punctum comparatum ad Firmamentum; & Solem quasi vnam Fixa-

û ij



## EPISTOLARVM

rum, Fixas quasi Soleis totidem habere.

*Si Terra moueatur circa Solem, tantum describet circulum, quantum Sol motus circa Terram; atque adeò quantum cælum Solis est, tantum erit & cælum Terræ, quod dicunt potiùs Orbem magnum. Itaque R. P. pro absurdo habet, quòd Copernicani assumunt tam immanem esse Fixarum à nobis distantiam, ut si Orbis magnus fingatur in earum regionem translatus, nobis heic remanentibus, sit appariturus nobis quasi punctum: nimirum ex hoc sequitur, Stellas, quæ nobis sunt quasi puncta, fore hoc orbe non minores. Ac Author quidem habet diuersa, quod Stellæ sunt, & quod apparent, ut dicendum illicò est: interim autem illi respondent, cum ea sit Fixarum distantia, ut nulla observatio sit, qua definire illam liceat, & ab omnibus merè gratis, proutque libitum maior, aut minor assumatur (nemine putà aliam rationem, quàm propriam siue opinionem, siue voluntatem habente) ideò tam posse se maiorem, quàm alios minorem eam assumere: imò & tantò magis, quantò exinde fit commendatior tum concinnitas, tum maiestas operum Dei. Quod verò R. P. absurdum habet censeri Solem, quasi vnā quāpiam Fixarum, & Fixas esse quasi totidem Soleis: iubent illi attendere, ut vel iuxta ipsam communem sententiam (quæ tam propè admouet Fixas) si Sol recedat, quantum Fixæ, Fixæ accedant, quantum Sol, fore ut Sol, quasi vna Fixarum, & vna Fixarum, quasi Sol appareat.* Ap 288. in 293.

ART. XXXIV. XXXV. XXXVI. XXXVII.  
 Posse Solem è Fixis non minorem, quàm Orbem magnum apparere: & veros omnium Stellarum discos in vnum compositos vix apparenti disco vnus mediocris Stellæ exæquatū iri.

*Ut in lucernæ flammula inter nocturnas tenebras procul visa distinguere licet discum apparentem à vero; cùm ille possit esse pedalis, iste (hoc est flammulæ facies secundum diametrum transversam) semidigitali non maior; ita in Stellis, quæ non videntur, nisi per tenebras nocturnas, distinguendi haud dubiè sunt disci apparentes à veris. Itaque, si apparentes quidem Stellarum 1022. disci in vnum quemdam compingerentur, is triplò maior euaderet, quàm Solaris vulgò appareat. Sin autem pari modo in vnum disculi veri coaptarentur, is non maior euaderet, quàm vnius Stellæ magnitudinis quartæ discus. Et accepto harum Stellarum dimidio; quasi non ampliùs (licet reuerà ampliùs) supra horizontem appareat; disci quidem apparentes conficerent discum ad Solarem, sesquialterum; ac veri non maiorẽ eo, quo apparet vnica magnitudinis quintæ Stella. Ex quo efficitur, vt mirum non sit, si Stellæ tam parùm per noctẽ collustrent, cùm illustrent per veros, & non per apparentes discos. Heinc autem responderi potest ad id, quod R. P. obiicit de Sole è Fixis, aut heinc inter Fixas per immensam illam distantiam Spectato; quasi nimirum constitutus in ipso Orbis magni centro, aut quasi centrum eius existens, non possit tantus apparere, quantus ipsemet Orbis est. Scilicet exinde intelligitur, futurum, vt Sole, quasi Stellula factò, tamen si verus illius discus foret exilissimus, apparens tamen tantus esset, qui totum ipsum Orbem magnum, aut etiam ampliùs, quasi compleret: quod declaratur plenius exemplo flammulæ per noctem conspectæ.*

A p. 293. in 301.

ART. XXXVIII. XXXIX. Huc accommodari non potuisse causam, quæ redditur vulgò, quare flammæ noctu maiores appareant.

## EPISTOLARVM

Quod vulgò dicunt aërem, qui proximè circumstat flammam, ita per parteis halituosas è flamma procedentis vehementer illuminari, vt ab oculo computetur in vnā flammā continuā: id tum repugnat ( quatenus & nullum inter flammā verā, spuriamque apparet discrimen; & , si vera flamma occultetur sola, nulla apparet spuria; & , si verā flammā præter foramen visā, aër occultetur, spuria nihilominus appareat ) tum aliunde accommodari nec Luna potest, nec ipsis Stellis, quarum species noctu magnoperè increscit. Quamobrem fuit longè commodius repetere causā ex affectione oculi, pupillæ nempe dilatatione, & impressione retinæ facta, donec oculus in tenebris degit. Quippe causā hæc non nostris modò flammis, & tam Lunæ, quàm Stellis congruit; sed congruet etiam ipsi Soli, si in ipsam Fixarum regionem supponatur translatus. Videlicet tunc paradoxum non erit, videri noctu Solem, seu oculum videntem Solem versari in tenebris; Sole, vt putā, facto, conspectoque quasi vna quāpiam Stellarum fixarum.

A p. 301. in 306.

**ART. XL. XLI. XLII.** Qua mente, & quatenus ex motu Terræ æstus Maris deductus; & , Posse exinde explicari varietates, quæ tam per Æquinoctia, & Solstitia, quàm per Nouilunia, & Plenilunia contingunt.

Vt de motu Terræ est actum proponendo, non asserendo: sic & de ipso Maris æstu, quatenus est visus cum hac motus Terræ hypothesi congruere; maximè verò quatenus aqua bis dissimulit, ac refluit, vt bis contingit in motu Terræ inæqualitas, propter commissionem diurni, & annui, respectu partis eiusdem Terræ, qua, vt vase, contenta aqua, dum inæquali ductu



# S V M M V L Æ.

mouetur, non potest non fluere, ac refluxere. Quòd porro sicut Iupiter suos satellites sibi circumducens, dum interim vnà cum ipsis motu duodecenni transfertur per Zodiacum, censetur esse vnà cum ipsis totale quodam mobile; ita Terra Lunam sibi circumducens, dum interim vnà cum ipsa transfertur motu annuo per Zodiacum, vnum aliquod mobile totale cum ipsa censetur: Ideò, si aliunde supponatur Sol, dum sibi circumuoluitur, emittere quosdam veluti magneticos radios, quibus Planetas sibi circumducatur, ac speciatim hoc mobile (Terram videlicet cum Luna) Efficietur, vt quia hoc mobile pendeat à Sole per radiũ, veluti plumbum à clauo per filum; efficietur, inquam, vt, Quemadmodum plumbum segniùs vibratur, si infra appendatur plumbulũ, quo longius pensile euadat; aut ociùs, si supra illigetur plumbulũ, à quo appetente redire celeriùs, reducatur citiùs: Ita Terra per Plenilunium moueatur aliquantò pigriùs, quòd tunc propter Lunam veluti infernè appensam prolixius euadat quasi pensile; & per Nouilunium velociùs, quòd tunc Luna veluti supernè impendens acceleret nonnihil motum. Quare & exinde superuenit quedam tam in Plenilunio, quàm in Nouilunio inaequalitas, ob quã tunc mare fluat, ac refluxat, quàm per quadraturas aestuosius. Quòd autem præterea hi fluxus, refluxusque intenduntur ipsis Solstitiorum, Æquinoctiorumque temporibus; causa esse potest superueniens tertia inaequalitas, ob prolixiores, breuioreque diurni motus arcus (parallelos semper æquatori acceptos) per Zodiacum; atque ita quidem, vt cùm in Æquinoctiis motus diurnus per hosce arcus sit maximè aduersus motui annuo secundum Zodiacum, efficiatur aliunde, vt æstus sint per Æquinoctia, quàm per Solstitia uehementiores.

# EPISTOLARVM

ARTICVL. XLIII. XLIV. XLV.

Posse & varietates alias ad locorum situs; & accessus retardationem, quæ dietim fit, ad motum Lunæ menstruum, quatenus est idem cum diurno Telluris, referri.

*Quæ varietas fluxus in fluminum ripis inequalibus obseruatur, eadem affluxus, & refluxus in litoribus Marisprehenditur; sicque ad varios littorum situs referri possunt diuersitates, quæ mox memoratis generalibus accidentibus superueniunt; vt vel exemplo nauticæ, cui similes insint inequalitates, intelligi potest. Quod autem affluxus ad littora fiat diebus singulis vnâ propè horâ (seu quatuor hora quintis) tardiùs, ex eo esse potest, quod cum, vt iam dictum, Terra, & Luna vnum totale mobile sint, & Terra suo motu diurno sic Lunam circum-rapiat, vt Luna tamen non penitus, ob distantiam, obsecundando, circulum vnum non absoluat, nisi intra mensem; ac diebus proinde singulis integra propè hora tardiùs ad meridianum perueniat, è quo pridie cum aliqua Terræ parte discesserit, Idcirco affluxus non præcisè redeat, cum ipsa eadem Terræ pars ad meridianum eundem redit, sed cum redit Luna, quæ est mobilis totalis quasi complementum. Epistolæ conclusio.*

Ap. 313. in 318.

*Errata in his Summis. fol. ẽ, pag. 1. l. 17. lege tantumdem. p. 2 l. 16. heire. p. 6 l. 4. at non. l. 22. XLVIII. fol. 1. p. 6 l. 5. ne. fol 5. p. 1 l. 17. conficere. p. 3 l. 21. curuam. Omissa in textu. p. 293. l. 10. lege τὸ ἀμω. 242. 13. octingentes. 430. 25. ἀντιματις. 255. 17. collinees. 256 28. voce non. 270. 24. Aristoteleæ sententiæ. 285, 2 ad hoc. In ipsis Erratis. l. 10. lege 128. 26.*



I  
DE PROPORTIONE,  
QUA GRAVIA DECIDENTIA  
ACCELERANTVR.  
EPISTOLA PRIMA.

ADMODVM REVERENDO,  
& religiosissimo, doctissimoque Viro, P.  
PETRO CAZRÆO Societatis IESV,  
Metensis Collegij Rectori sapientissimo.

PETRVS GASSENDVS S.

**R**ELLEGI, optime Cazræe, quam dignatus es ad me dare, ac publici iuris simul facere *Demonstrationem Physicam*, qua Ratio accelerationis in motu rerum gravium naturali determinatur. Agnoui verò imprimis illam singularem beneuolentiam, qua perrexisti obstringere me, quæque est sanè tota ad tuam bonitatis eximiam indolem accepta ferenda. Promptum deinde fuit meminisse eruditæ Epistolæ, qua ante duos annos ea significasti, quæ in meis illis, *de Motu impresso à motore translato*, minimè probares; ac illud inter cetera, quòd



fenfiffem cum Galileo, *Motum naturalem rerum decē-*  
*dentium ea ratione accelerari, vt superata ſpatia temporibus*  
*equalibus, numerorum imparium progrefſionem imitarentur.*  
 Commemini etiam, cū fuiſſem conatus facere ſatis  
 in cæteris, expetiſſe me, vt quia neque Paralogiſmum,  
 quem in Galileo cauſabaris, animaduertiſſem, neque  
 experientia, aut ratio monſtraſſet quidpiam oppoſi-  
 tum; dignareris ipſe tum mihi fallaciam Galilei rete-  
 gere, tum innocentam illam à te progrefſionem me edo-  
 cere. Voluiſti id porro nunc demū cumulatiffimè præ-  
 ſtare, ac me vel ex eo deuinxiſti, quòd euulgare Medi-  
 tationes de motu præclaras aggreſſus, hanc eſſe pri-  
 mam volueris, quam non creditori profectò, qualem  
 me habes, perſolueres; ſed debitori, qualem me potiùs  
 ingenuè fateor, oppignerares. Heinc eſt, cur licet ni-  
 hil in me ſit, quod quaſi par pari rependam; adnitar  
 tamen, quantum licet, teſtari gratitudinem, eandem  
 tecum rem meditatſus, ac eas dubitandi rationes, quæ  
 mihi ſeſe inter legendum vltro obtulere, reponens.  
 Quippe lōgè abſum ab eo, quem tu me eſſe protua illa  
 rara comitate voluiſti, dum decreuiſti Iudicē tuæ hu-  
 ius Demonſtrationis. Is nimirum ſum, qui aliud  
 nihil valeam, quàm difficultates quaſdam excitare, ac  
 tibi met proponere, qui in hiſce rebus & diutiſſimè, &  
 curioſiſſimè verſatus, ipſas explanare faciliſſimè poſſis.  
 Interim autem non ſubuecreor, ne tametiſi videar ab te  
 diſſentire, neque illicò manus dare, tu idcirco mihi ſu-  
 cceſſeas: cū ea ſis humanitate, eo in veritatem affe-  
 ctu, vt non poſſis in me candorem, quem ego in te  
 probem, improbare.

II. Principio verò, vt experiar, num rem fatis capiam, de qua agitur; Quæri, ecce, mihi videtur, *Quæ ratione, seu proportionè celeritas rerum decidentium increseat?* Videlicet supponimus rem nimis-quàm notam, motû rerû grauium ex alto cadentium esse velociorem in fine, quàm in medio; & in medio, quàm in ipso principio. Supponimus rursus hanc velocitatem ita continuò increfcere, vt ab ipso vsque instanti, quo mobile à quiete recedit, illius motus magis, magisque continenter acceleretur; seu incrementa velocitatis plura semper, ac plura vniformiter præ-acquisitis super-addantur. Supponimus tertio isthæ incrementa comparari posse aut cum partibus temporis, quæ vno tenore succedunt, aut cum partibus spatiij, quæ plures, pluresque continenter percurruntur. Supponimus quarto posse accipi, siue designari primum quoddam tempus, vt minutum horæ secundum, siue interuallum inter duas pulsationes arteriæ, cui consequentia tempora æqualia possint designari; adeò vt totum illud tempus, quod in decidendo mobile insumit, in plureis huiusmodi æqualeis parteis distinguatur. Supponimus quinto posse accipi, siue designari primum quoddam spatium, quod tempore nempe primo percurratur, vt putà orgyiam, aut aliam mensuram, cui aliæ æquales possint accipi, in consequente spatio; adeò vt totum illud spatium, quod à mobili decidente peruaditur, intelligatur esse in plureis huiusmodi parteis diuisum. Supponimus demum posse accipi, siue designari velocita-

## De Proportione, quæ gravior

rem aliquam primam, quæ scilicet sit acquisita in fine eiusdem primi temporis, & cui per consequentem motum æquales aliæ super-addantur, vt solent gradus gradibus in capacibus intensiõis qualitatibus super-addi; adde vt, quæ velocitas in fine motus est acquisita, ac intensissima est, esse coalita censeatur ex omnibus velocitatibus, siue gradibus, qui perseverante motu acquisiti fuerint, ijque inter se, & cū primo illo æquales. Hisce autem suppositis, quia partes temporis æquales, quæ primæ succedunt, pauciores sunt numero, quàm quæ spatij partes æquales decurruntur post primam; & qui velocitatis gradus acquiruntur post primum, ac sunt veluti incrementa superaddita, comparari possunt, vt iam dictum est, aut cum partibus æqualibus temporis, aut cum partibus æqualibus spatij; ideo difficultas, seu quæstionis status is videtur potissimum, *Vtrum gradus velocitatis primo æquales tot acquirantur, quot fluunt partes temporis: an potius, quot spatij partes percurruntur?* Nempe non aliò respicitur, cum requiritur, *an velocitates sicut tempora, an sicut spatia sese habeant?*

III. Cæterū ea est tua opinio, vt velocitates habeant se quemadmodum spatia; seu, vt tot gradus velocitatis æquales primo acquirantur, quot sunt partes æquales spatij, quæ post primum, primoque gradu superatum decurruntur. Siquidem toto spatio diuiso in decem v. c. orgyas; qualis, quantusque est velocitatis gradus in fine primæ orgiæ acquisitus, taleis, tantosque vis acquisitos in fine secundæ duos, in fine tertiæ treis, in fine quartæ quatuor, & ita deinceps, quovsque in




¶ Hinc decimæ sint decem. At Galileus vult potius se velocities habere sicut tempora; siue gradus velocitatis æqualeis primo tot acquiri, quot temporis partes primæ æquales post ipsam fluunt. Addit verò spatij partibus continuò acquiri per partes temporis æqualeis, caserie continua, qua numeri impares ab vnitatem progrediuntur; adeò vt si primo momento, seu prima æquali parte temporis mobile deciderit per vnā origyiam, decidat secundo per treis, tertio per quinque, quarto per septem, ac ita deinceps. Addit rursus, quia numeros sic progredientes aggregando, quadrati continuò numeri creantur; heinc fieri, vt si primo spatio illa continuò aggregentur, quæ æqualia æqualibus percurruntur temporibus, spatia tunc se habeant sicut quadrata temporum; hoc est, vt quemadmodum primo tempore est superatum vnum spatium, secundo tempore sint superata quatuor, tertio nouem, quarto sexdecim, & sic consequenter. Hæc autem melius intelligi, declararique non valeant, quàm productis ex eodem puncto duabus rectis lineis angulum in ipso creantibus, ac in partibus quocumque æqualeis diuisis, interductisque rectis lineis tum inter respondentia singula heinc inde diuisionis puncta, tum à quouis huiusmodi in vtraque linea puncto secundum ductum alteri lineæ parallelum. Tale est schema, quod exhibui ad calcem prioris mearum illarum Epistolarum, quodque si heic iam repetiero, ac paulò accuratiùs, obfactam illam, de qua postea, æquiocationem, exposuero, erit fortassis operæ pretium.

¶ Itaque illud heic apponendo, vides primum

lineas AB, AC, angulum creanteis in A, sic diuisas esse  
heinc inde in parteis æqualeis, ad puncta D, E, F, G, H,  
I, K, L (possent autem in longè plureis continuatæ di-  
uidi) vt lineæ ductæ cùm inter ipsa puncta, tùm ex ipsis  
in puncta M, N, O, totum spatium KAL dispescant

in triangula inter  
se similia, ac prorsus  
æqualia. Cùm  
possimus porro  
habere punctum  
A pro initio tem-  
poris, pro initio  
spatij, pro initio  
velocitatis, quæ  
tria heic in motu  
spectantur, ac vna  
cùm ipso inci-



piunt; Possumus imprimis habere parteis æqualeis al-  
terutrius, aut vtriusque lineæ AB, AC pro partibus,  
siue momentis æqualibus temporis ab initio fluentis;  
adeò proinde, vt AE, v. g. repræsentet primū momen-  
tum, EG secundum, GI tertium, IL quartum.  
Possumus secundò habere æqualia illa triangula pro  
æqualibus spatij partibus, quæ ab initio percurrun-  
tur; adeò vt ductâ seorsim lineâ PQ casum refe-  
rente per orgyias sexdecim, Triangulum ADE  
repræsentet primam orgyiam PR, quæ primò mo-  
mento percurritur; tria proxima, treis orgyias RS,  
quæ secundò; quinque sequentia quinque orgyias  
ST, quæ tertio; & septem succedentia septem or-

*decidentia accelerantur.* Epist. I.

gyias T Q, quæ quarto. Constat autem exinde spatia  
 aggregata ita se habere, sicut quadrata tempo-  
 rum; quandò A D E triangulum (spatiumve  
 P R) est vnum; quemadmodum quadratum  
 ipsius A E, hoc est temporis vnus, est vnum; &  
 aggregatum A F G (seu P S) est quatuor; quem-  
 admodum quadratum A G, duorum, est qua-  
 tuor; & aggregatum A H I (seu P T) est nouem;  
 quemadmodum quadratum A I trium, est no-  
 uem; & aggregatum A K L (seu P Q) est sex-  
 decim; quemadmodum quadratum A L qua-  
 tuor, est sexdecim. Possumus tertio habere li-  
 nearam D E, pro primo gradu velocitatis acqui-  
 sitæ in fine primi temporis: quatenus, vt pri-  
 mum tempus A E non est indiuiduum, sed in  
 tot instantia, seu temporula potest diuidi, quot  
 sunt puncta, particulæve in ipsa A E (aut A D)  
 ita neque gradus velocitatis indiuiduus est, seu  
 vno instanti, acquisitus totus; sed ab vsque ini-  
 tio per totum primum tempus increfcit, ac re-  
 præsentari potest per tot lineas, quot possunt  
 parallelæ duci ipsi D E inter puncta linearum  
 A D, & A E; adeò vt quemadmodum illæ lineæ  
 continuo increfcunt à puncto A in lineam D E, sic  
 velocitas à principio motus continuo increfcit, & re-  
 præsentata, qualis est in interceptis primi temporis in-  
 stantibus, per interceptas lineas, repræsentetur qualis  
 est in vltimo instanti eiusdem primi temporis, per  
 ipsam D E inter vltima ductam puncta. Et quia ve-  
 locitas deinceps increfcere pergens, repræsentari rur-

P

R

S

T

Q



fus potest per lineas maiores, maioresque continenter ductas inter omnia puncta succedentia residuarum linearum DB, & EC, heinc efficitur, vt linea FG representet velocitatem acquisitam in fine secundimomenti: linea HI acquisitam in fine tertij, & linea KL acquisitam in fine quarti. Constat verò inde, vt velocitates se habeant sicut tempora; cū ob triangulos anguli communis, & parallelarum basium, notum sit esse vt DE ad EA, ita FG ad GA, HI ad IA, & KL ad LA. Atque hæc quidem, vt clariùs constet, quæ de re inter nos agatur.

V. Iam, Tu initio argumentum Dissertationis ita partiris, vt duo præstanda tibi proponas. Vnum, vt Galilei hac in re errores, eorumque fonteis aperias, clarèque demonstres ea, quæ ab ipso de acceleratione Motus in naturali descensu grauium Libro secundo nouæ scientiæ, & toto Dialogo tertio dicta sunt, non modò suspitionibus meris, vixque probabilibus coniecturis niti, sed ex principijs etiam aperiè falsis, euidentibusque paralogismis omnia concludi; ex quo consequens sit, nouam illam scientiam euanescere, quam ingenioso quidem, & plausibili, sed inani tamen, & casto apparatu nobis Galileus exhibuerit. Alterum, vt reiecta Galilei pseudo-scientiā, veram tu, ac certam in eius locum substituas, rationemque, modum, ac mensuram accelerationis eiusdem in naturali descensu grauium ex euidentibus, atque indubitatis experiētiis demonstres. Circa priùs deinde caput, duo sunt, in quibus occuparis; nam impetis primò definitionem Motus æquabiliter accelerati à Galileo traditam: & secundò quod idem ait de gradibus velocitatis, qui acquiruntur à mobili, dū super planis

planis inclinatis mouetur. Circa posterius exsequeris tria: Nam *primò* declaras quod experimentum, circa Bilancem excogitasti; *secundò* deducis quam putas exinde accelerationis ratione haberi; ac *tertiò* infers progressionem, qua superantur spatia temporibus æqualibus, imitari progressionem non numerorum imparium, sed rationis continuò duplæ, quam & exprimis in descensu globi à Luna vsque in centrum terræ. Hæc est igitur Dissertationis summa.

*De Motus æquabiliter accelerati Definitione.*


VI. Ut ordine autem de singulis dicam, & à Priore capite incipiam, *Primum errorem, & tanquam originem cæterorum* dicis, quòd Galileus falsam hanc accelerati Motus definitionem instituerit, Motum æquabiliter acceleratum dico eum, qui à quicte recedens temporibus æqualibus æqualia celeritatis momenta acquirat. Rem autem putas eius momenti, ut dicas te contendere huiusmodi definitionem adulterinam esse, ac falsam; & quicquid toto illo Libro de eodem motu accelerato, satis alioquin ingeniosè Galileus commentus est, nihil veritatis habere. Improbas subinde, quòd definitionem non experientia certa, ac euidenti confirmauerit, sed ab eius tantum simplicitate motibus naturalibus maximè congruente; à perfectà cum demonstratis à se theorematibus consensione; & ab aperta, ut ipse quidem fidenter asserat, recepta vulgò definitionis absurditate. Tum verò circa simplicitatem perpendere solùm me iubes, an non simplicior sit definitio, quæ à cæteris vulgò usurpatur, dum Motum æquabiliter acceleratum cum potius esse asse-

runt, *Qui æqualibus spatijs æqualia celeritatis augmenta acquirunt.* Circa consensionem autem solum obiicis, nouum non esse, si falsa falsis aptè quandoque, & concinnè cohereant; ac postremò in eo insitis, vt probes esse paralogismum, quo ille vulgarem, moxque re-latam definitionem absurditatis apertæ damnauit.

VII. Ego interea, optime Vir, neque video Definitionem à Galileo institutam à te directè impugnari, falsitatisve vllius conuinci; neque agnosco quàm magis vera, congruaque potuerit institui. Quippe meminisse, aut potius adnotasse diligenter oportet, agi heic de motu æquabiliter accelerato, siue cuius celeritas continenter, vniformiterque increseat, neque vllum sit momentum consequentis temporis, in quo motus non sit velocior, quàm in quouis antecedente, & in quo non eadem ratione ipsa velocitas augeatur. Fieri id porrò est manifestum ex ijs, quæ deducta iam sunt; si æqualibus temporibus æqualia celeritatis momenta, seu incrementa acquirantur. Nam vt repetamus superiorem figuram, nemo dicat celeritatem vniformiter incrementem posse melius representari, quàm diductione crurum anguli, linearumve AB, AC, quatenus complectuntur spatium, quod à puncto A magis continenter, vniformiterque crescere non possit: ac aliunde angulus BAC apertior, aut conductior (prout fingitur maior, aut minor velocitas) valet vsurpari. Vt autem rem magis ob oculos ponam; duco ecce lineam VX, per ipsum apicem A, quæ cum li-



neis AB, AC, angulos constituat utrumque æqualis, & seruatâ eorumdem angulorum mensurâ, ita fluere concipiatur, vt totum spatium BAC peruadat. Tunc enim manifestum est portiones huius lineæ continuè veluti resectas, interceptasque à lineis AB, AC, crescere semper, seu maiores, maiores-




que vniformiter esse; ac non portiones semel interceptas perire, sed ipsis permanentibus nouas, nouasque heinc inde continenter super-acquiri. Cùm verò etiam gradus velocitatis consimiliter crescant, siue maiores, maioresque vniformiter euadant, ac semel acquisiti non pereant, sed ipsis superstitionibus, perseverantibusque noua, atque noua momenta, siue incrementa velocitatis super-addantur; superest, vt quemadmodum linearum illarum incrementa fiunt, sic fiant quoque velocitatum. Notum est autem, vt acceptis partibus æqualibus lineæ AC, verbi causâ, incrementa earum portionum, siue linearum parallelarum interceptarum, acquirantur semper æqualia sub æqualibus illis partibus. Nam, vt sub AE acquisita est linea DE, ita sub EG, acquiritur æqualis alia; cùm ipsa FG sit dupla ipsius DE; & sub GL iterum alia; cùm ipsa HI sit eiusdem tripla; &

sub IL rursus alia, cum ipsa KL sit eiusdem quadrupla; atque ita porro, seu ulterius pergās, seu alia puncta intra easdem partes lineæ AC, aliasque parallelas commemoratis interceptas, singulasque suis punctis respondenteis, accipias. Quare & assumptis partibus æqualibus temporis per partes æquales lineæ AC representatis, notum est momenta, seu incrementa velocitatis per parallelas representata, æqualia acquiri sub huiusmodi partibus; adeo ut qualis gradus velocitatis acquisitus est in fine primi temporis unus, talis alius, hoc est æqualis, sit ipsi super-acquisitus in fine secundi, ac sint iam duo; & iterum æqualis alius in fine tertij, ac sint iam tres; & rursus alius in fine quarti, ac sint iam quatuor; atque ita de cæteris, siue consequentibus, siue intersumptis.

VIII. Sic itaque mihi videtur Motus æquabiliter, hoc est continenter, uniformiterque acceleratus perquam appositè definiri is, *Qui à quiete recedens temporibus æqualibus æqualia celeritatis momenta (augmentave) acquirat*; cum præsertim non videam posse ipsum alia ratione concipi, aut describi talem. Nam quod spectat quidem ad illam à te laudatam definitionem, qua motus æquabiliter acceleratus describitur is, *Qui æqualibus spatiis æqualia celeritatis augmenta acquirit*: dic amabò quam ratione concipere exinde licet acceleratum æquabiliter motum? Esto enim spatium percurrendum v. c. lineæ AB in partibus æqualeis diuisa ad puncta C, D, E, F, G, I, K. Decidat mobile ex A; & in C fine primæ partis acquisierit primum velocitatis gradum; in D autem

secundum, quo ad priorem perseverantem iuncto  
 duo iam sint: in E tertium, quo  
 iuncto ad duos superiores, per-  
 severanteisque sint tres; in F  
 quartum, & ita porro, quo-  
 usque in B acquisierit nonum,  
 quo iuncto cum octo antece-  
 dentibus sint novem. Iam cum  
 quilibet horum graduum la-  
 titudinem quandam habeat;  
 neque enim est magis indivisi-  
 bilis, aut ex indivisibilibus  
 constans, quàm pars AC, CD,  
 DE, quælibet-ve alia: ac idcir-  
 cò ipse quoque increseat æqua-  
 biliter, vnoque tenore: repræsentetur primus gradus  
 per triangulum ALC, ut pote à puncto, seu angulo  
 A ad basin LC æquabiliter, vnoque tenore crescen-  
 tem. Aptentur deinde ad CD duo triangula æqua-  
 lia tum inter se, tum cum ipso ALC, quorū CMD  
 repræsentet illum, qui secundo acquiritur, LCM au-  
 tem primò acquisitum, ac perseverantem. Nihil est  
 opus, ut desude ad ostendendum non increuisse  
 velocitatem æquabiliter, eodemve tenore ex C in D,  
 quo incœperat, perrexeratque usque in D; ut fecisset  
 enim, oporteret descriptum esse non quadrangulum  
 LD constans ex duobus triangulis; sed trapezion CN  
 constitutum ex tribus. Eadem autem ratione mani-  
 festum est, si ad DE aptentur tria triangula, defutura  
 duo; si ad EF quatuor, defutura tria, & ita deinceps,





quousque, si ad KB aptentur nouem, sint defutura octo; vt proinde intelligamus totidem deesse ad accelerationis æquabilitatem velocitatis gradus, quot numerare licet triangulos ad læuam è regione cuiusque partis, complendo summam triangulorum APB. Constare ergo videtur Motum æquabiliter acceleratum definiti non posse illum, *Qui æquabilibus spatiis equalia celeritatis augmenta acquirat*; sed potiùs illum, *Qui acquirat equalia equalibus temporibus*: atque idcirco definitionem à Galileo traditam esse meritò præferendam.

*De Paralogismo, qui Galileo Definitionem spuriam impugnanti obiicitur.*

IX. Ac tu id quidem non fers; sed ais, *Mirari resaris non posse, quomodo Galileus vir alioquin perspicacis ingenij receptam communi consensu motus accelerati definitionem non modò falsam, atque impossibilem existimauerit; sed patenti quoque, ipsisque tyronibus obuio paralogismo eiusdem falsitatem palam, atque euidenter demonstrasse adeò præfidenter asseruerit; & quod ampliùs est, etiam viris non ineruditis persuaferit. Tum autem pergis, Audi igitur, mi Gassende, & mecum mirare tanti viri demonstrationem. Si acceleratio motus, inquit, in descensu grauium equalibus spatiis equalia sumeret velocitatis incrementa, essent sine dubio velocitates inter se, vt emensa spatia: At quotiescùmque velocitates inter se sunt vt emensa spatia, debent necessariò ea spatia aut eodem, aut equali tempore percurrere. Si igitur velocitas acquisita per totam AC eam rationem habeat ad velocitatem acquisitam per AB, quam*

*Spacium AC ad spacium AB, necesse est, ut spacium totum AC eodem, aut equali tempore decurratur, quo spacium AB absolvitur. Impossibile est autem, ut corpus graue descendens per AC eodem, aut equali tempore percurrat totam AC, quo percurrit partem eius AB, nisi motus fiat in instanti. Tam impossibile est igitur, ut velocitates in descensu grauium inter se sint, ut emensa spatia (ac proinde, ut etiam equalibus spatiis crescant equaliter) quam impossibile est motum illum fieri in instanti. Pergis subinde, Proh tuam, mi Gassende, Philosophorumque omnium, ac Mathematicorum fidem! istud ne demonstrare est? Et tamen mirum quantum Galileus de hac, ut putat, subtili, clara, euidenti, ac Mathematica demonstratione sibi applaudat, quam integra pagina mirificis laudibus exaggerat. Sed illud multò adhuc mirabilius, quod Lynceus Philosophus, ac Mathematicus, Lynceorumque princeps in tam aperta luce cecutiat, & vir eius nominis tam facile deludatur.*

A  
B  
C

X. Ego verò, ô optime, ac religiosissime Vir, quo me censu putem iri habitum, qui non sim ex viris non ineruditis, & eandem tamen cum Galileo opinionem persuasus sim, ac perinde cecutiam, perinde deludar? Etenim cum meam quæsis fidem, fateor ingenuè me non videre quem in eo notas Paralogismum; ac videri mihi necessariò deduci, fore, ut si velocitas per totam AC acquiratur dupla illius, quæ acquiritur per totam AB, ipsa AC eodem, aut equali tempore, quo AB percurratur. Rem certe in hunc modum concipio. Intelligatur AC diuisa in duodecim parteis æqualeis, ac proinde eius dimidium

A B, seu ipsi æqualis D E in sex : sintque duo mobilia, quorum vnum discedat ex A versus C, eodem momento, quo aliud ex D versus E. Notum est, si vtrumque quidem ferretur non accelerato, sed æquabili motu, euenturum esse, vt velocitate illius existente dupla ad velocitatem istius, illud perueniret in C eodem momento, quo istud in E; quoniam spatium ab illo superatum foret vbi- que ad spatium ab isto superatum duplum, hoc est, forent ab illo superatæ duæ partes, cùm ab isto vnā; ab illo quatuor, cùm ab hoc duæ, &c. quatenus spacia se haberent vbique vt velocitates, hoc est velocitas per totam A C esset vbique dupla velocitatis per totam D E. At verò, quoniam heic agitur de motu non æquabili, sed continenter accelerato; ita descendant rursus mobilia eodem tempore, vnum ab A, aliud à D, vt succrescentibus continuò velocitatis gradibus, illud perueniendo in C acquisierit duodecim, hoc perueniendo in E sex: Quæso quid impediat, quo minùs illud perueniat in C eodem tempore, quo istud in E? Nam discrimen est quidem inter motum acceleratum, & æquabilem, quòd in æquabili partes spatiorum æquales percurrantur æqualibus temporibus, vt singulæ partes lineæ D E singulis minutis, & geminæ partes lineæ A C minutis item singulis; in accelerato non item: At in eo tamen motus conueniunt, quòd vbique velocitas per totam A C dupla sit velocitatis per totam D E; & qua ratione plures, pluresque ex singulis partibus lineæ D E.

[percurruntur.



percurruntur æqualibus temporibus, percurruntur quoque plures, pluresque ex geminatis lineæ  $AC$ . Ex hoc autem fit, ut quemadmodum in æquabili motu,  $DE$  percurrebatur sex minutis, &  $AC$  similiter sex, ob geminas parteis istius correspondenteis singulis illius; ita in accelerato, si  $DE$  percurratur tribus minutis,  $AC$  percurratur similiter tribus; quod dum primo minuto percurritur pars illius una, percurrantur istius duæ, ob geminam velocitatem; & ob eandem causam, dum secundo minuto percurruntur illius duæ, percurrantur istius quatuor; dum tertio demum illius tres, percurrantur istius sex. Nimirum non alia ratione dici possent habere se velocitates ut spatia: neque velocitas per totam  $AC$  dupla esset velocitatis per totam  $DE$ . Esto deinde unicum mobile, quod decedens ab  $A$ , tendat versus  $C$ , & sit rursus velocitas per totam  $AC$  dupla velocitatis per totam  $AB$ ; patet idem prorsus dicendum de  $AC$ , respectu  $AB$ , quod dictum fuit de eadem respectu  $DE$ . Nam in æquabili quidem motu oporteret mobile percurrere simul, seu primo minuto primam, & secundam parteis; secundo secundam, & quartam; ac ita porro quovisque sexto, percurreret, seu attingeret simul sextam, atque duodecimam. In accelerato vero est necesse, ut percurrat simul unam, & duas in primo; duas, & quatuor in secundo; treis, & sex in tertio; atque adeò totam  $AB$ , & totam  $AC$  tempore eodem. Atque ego quidem rem ita concipio.

XI Verum tu sic instas, *Ut prima illius Paralogismi assumptio in motu uniformi, ac perpetuò sibi equali*

vera, & necessaria sit; in motu tamen accelerato minimē necessaria est, & non vno modo tantum, sed pluribus intelligi potest, quo modo velocitates sint inter se, vt emensa spatia: licet eadem spatia neque eodem, neque equali tempore percurrantur. Pergis autem, Vt, si graue descendens per *AB* tempus quodcumque insumat, puta quadrantem; ac deinde *BC* ipsi *AB* aequale, dimidio quadrante percurrat; quis neget in *C* duplam haberi velocitatem eius, quæ fuit in *B*? & tamen idem graue totam *AC*, & dimidium eius *AB* non percurreret. Et hæc est quidem tota tua ad conuincendum paralogismi Galileum probatio, ob quam continenter hæc verba subiungis: *Assumptio igitur Galilei falsa est, & tota eius ratiocinatio merus Paralogismus: ideoque nullo modo, vt ipse gloriatur communem, sanio remque aliorum sensum erroris reuincit, qui in naturali grauium descensu volunt equalibus spatijs equalia velocitatis momenta acquiri.* An verò patietur tua bonitas, si dicam posse cuipiam videri, esse te potiùs, qui hoc loco incidas in paralogismum? Nimirum videris sic argumentari, vt id, quod controuertitur, assumas pro principio, dum nihil aliud, quàm supponis spatium *AB*, percurri duplo temporis, quo spatium *BC*; & velocitatem in *C*, esse duplam eius, quæ fuit in *B*; quæ ipsa tamen est controuersia. Et cum soluenda esset ratio, qua conficitur fore, vt *AC* percurratur eodem, aut æquali tempore, quo spatium *AB*, nihil aliud, quam conclusionem negas, fore dicendo, vt idem graue totam *AC*, & dimidium eius *AB* eodem tempore non percurreret. Teneri certè




videbaris ad vberiore paralogismi detectionem, solutionemque; cum si ista quidem methodus sufficiat, nihil esse videatur facilius, quàm paralogismi arguere vniuersum Euclidem. Et agnosco quidem te supponere tanquam rem nimis euidentem, totum spatium AC prolixiore tempore, quàm eius partem AB percurri: sed cum Galileus non neget esse illud tempus prolixius, imò tale esse reuerà supponat; ab incommodo tamen arguit, probando prolixius non fore, si velocitas acquisita per totam AC dupla defendatur illius, quæ acquiritur per totam AB: vnde & videtur omninò obiecta ratio fuisse soluenda. Agnosco etiam te heinc moueri, quòd non satis appareat ratio, cur si ex A in B acquiratur vnus velocitatis gradus, acquiri alius ex B in C, perseverante primo, non valeat. Sed caussa nimirum intelligitur non modò ex dictis in vulgarem definitionem; verùm etiam maximè ex incommodo, in quod aliunde incidis, dum consequenter loquens, vis spatium BC percurri dimidio temporis, quo AB; vt putà, quod AB vnico gradu velocitatis BC, gemino percurratur.

XII. Nam, vt illud paucis deducam, sequitur exinde, vt tempore dato, quo decursa semel fuerit pars AB, tempus aliud ipsi æquale attingi nulla ratione valeat, nisi superato spatio infinito. Intelligatur enim linea AC infinite producta, diuisaque in parteis CD, DE, EF, &c. ipsis AB & BC æqualeis. Qua ratione tu vis tempus, quo percurritur AB, esse duplum temporis, quo percurritur BC; velis oportet tempus id, quo percurritur BC esse




duplum temporis, quo percurritur CD, & hoc  
 duplum eius, quo DE, & istud illius, quo EF,  
 & sic deinceps; neque enim maior vnus,  
 quàm alterius est ratio; ac in accelerato potis-  
 simùm æquabiliter motu, de quo præsertim  
 quæstio heic est. Quare & velis etiam oportet,  
 vt cùm tempus, quo percurritur BC, sit  
 dimidium temporis, quo percurritur AB; illud,  
 quo percurritur CD, sit quadrans eiusdem  
 primi temporis; illud, quo DE, octans; quo  
 EF, pars decima-sexta; quo FG, trigesima se-  
 cunda; quo GH sexagesima quarta, &c. Por-  
 rò hæc omnia tempora simul iuncta nunquam  
 æquabuntur primo tempori, quo decursum  
 fuerit AB (quandò procedentes hoc modo  
 fractiones relinquunt semper ex integro, to-  
 tave quidpiam inexhaustum) nisi lineam, seu  
 spatium infinitum admiseris, & parteis æqua-  
 leis in eo infinitas, quæ infinitis analogis (seu  
 dimidiorum dimidiis in tempore ipso, aut  
 æquali, quo AB percurritur) contineri intel-  
 lectis, respondeant. Adderem heic etiam  
 incommodum aliud de spatijs inerescentibus,  
 & in fine cuiuslibet æqualis temporis numerandis  
 secundum rationem non modò duplam, verùm etiam  
 triplam, & ampliùs: sed res erit postea vberius dicen-  
 da. Adderem rursùs alia quoque, vt Quòd sequere-  
 tur lineam projectorum, & illam speciatim, quæ des-  
 cribitur à lapide sursum, & secundum mali altitudi-  
 nem, dum naui mouetur, projecto, non esse Parabo-



licam, neque tantum temporis, exscendendo, quantum ascendendo consumi; ac proinde lapidem illum neque peruenturum ad mali carchesium, neque recasurum in pedem eiusdem: verum ista aut colliguntur ex ijs, quæ sunt dicta in Epistolis, aut in promptu sunt, facileque occurrunt. Et de Definitione hucusque.

*De Postulato Galilei circa Motum super æquæ altis, non æquæ inclinatis planis.*

XIII. Insectaris secundo loco, tanquam aliam erroris causam, Quod Galileus sibi dari, & gratis concedi, inquis, postulat, Gradus velocitatis eiusdem mobilis super diuersas planorum inclinationes acquisitos tunc esse æquales, cum eorundem planorum eleuationes ponuntur æquales; hoc est gradus velocitatis ab eodem globo (exempli gratia) per plana CA, & CD descendente, in punctis A, & D acquisitos, esse inter se A  
æquales, quod æqualem, vel potius eandem eleuationem habeant, videlicet BC. Hoc enim postulare, inquis, cum neque ex terminis notum sit, neque ulla sufficiente experientia confirmatum; imò cum rationes etiam non desint, quibus oppositum probabilius reddatur (nempe gradus velocitatis per longius planum acquisitos gradibus per breuius planum acquisitis esse minores) id à Galileo non peti, sed debuerat demonstrari. cum præsertim maxima pars subsequentium theorematum hoc unico postulato nitantur.  
Quid enim certi ex incertis concludi potest: aut ex principio,



ut ipsemet Galileus agnoscit, verisimili tantum, ac probabili demonstrari? Postmodum autem, ubi hæc præmisisti, In scientiarum, ac demonstrationum principiis evidentiam exigimus, suspiciones, ac verisimilitudines nulla ratione admittimus, subdis, Porro quæ ex his consequuntur, aut inferuntur theorematâ, suis illis principiis certiora, aut evidentiora esse non possunt, & nominatim solemne illud, & quod totius scientiæ à Galileo excogitatæ firmamentum est, spatia scilicet æqualibus temporibus emensa eam inter se rationem observare, quæ est inter numeros omnes impares continua serire ab unitate procedentis (quamvis aliunde falsum demonstrari non posset) neque ex præsuppositis illis principiis evidenter, neque aliunde sufficienter concluditur.


XIV. Hoc autem loco non video primum, qui reprehendendus Galileus sit, si quam propositionem non demonstratam, sed verisimilem solum habuit, non ut demonstratam, sed ut verisimilem duntaxat exhibuit. Candidè nimirum videtur egisse, neque exegisse à Lectoribus, ut maiorem, quàm ipse Postulato fidem haberent; sed illos potius quasi monuisse, ne ipsum concederent, nisi deinceps agnoscerent constabilitum variis ex eo deductis conclusionibus, quæ cum experientia planè consentirent. Deinde cum in scientijs, ac demonstrationibus attinentibus ad Mathesin puram, mera evidentia, non sola suspicio, aut verisimilitudo admittenda sit: in scientijs tamen Physicis, ac mista Mathesi, quacumque sese Physica, hoc est caligo humanæ mentis in rebus naturalibus inuestigandis, ingerit; foelices simus, si non



evidentiam, sed verisimilitudinem assequamur. Vnde & videtur posse Postulatum, si verisimile modò sit, ac neque ratione, neque experientia vlla oppugnetur, admittere ad scientiam, quæ utcúmque perfecta absolute non sit, eiusmodi tamen sit, cuius sit humana imbecillitas capax. Ad hæc, addam-ne fuisse rem mihi quodammodò stupendam, accessisse casu ad me ista conscribentem, nobilissimum Senatorem Petrum Calcauium virum omninò promouendis bonis artibus comparatum, puræque cum-primis Matheseos studiosissimum; ac visa mihi præmanibus tua Dissertatione, argumentoque cognito, innuisse transmissum in hanc urbem exemplum editi nuperrimè Libri ab Evangelista Torricellio, qui Galilei successor eximius demonstrauerit in eo istud Postulatum? Prætereò autem, vt copiâ illius videndi statim impetratâ, deprehenderim rem confectam quinque propositionibus, ac Præmissio illo, *Non posse duo Grauia simul iuncta ex se moueri, nisi centrum commune grauitatis ipsorum descendat.* Videlicet prima Propositio est, *Grauia in planis inæqualiter inclinatis, ac eandem tamen eleuationem habentibus, constituta, si eandem inter se rationem homologue habeant, quam habent planorum longitudines, habere æqualia momenta.* Secunda, *Eadem grauia, si æqualia fuerint, habere momenta in ratione reciproca longitudinum eorundem planorum.* Tertia, *Illa æqualiū grauium momenta esse in ratione homologa cum perpendicularis partium æqualium eorundem planorum.* Quarta, *Temporalesationum ex quiete esse homologue vt longitudines eorundem planorum.* Quinta autem est ipsum Postulatum

ex superioribus deductum, Gradus velocitatis eiusdem mobilis super diuersas planorum inclinationes acquisitos tunc esse æquales, cùm eorundem planorum eleuationes æquales sunt.

XV. Verùm, ne ad alia excurram, quàm quæ ipsemet ex Galileo commemoras; improbas ecce experimentum, quo ille est conatus fidem Postulato asserere, quodque adscripta figura sic refert *E clauo A*



parieti infixo, globus plumbeus, aut alius quilibet tenui filo, tribus, aut quatuor digitis à pariete remoto suspendatur, sitque *AB*; Descriptraque in pariete recta *CD* horizonti parallela, globus *B* à perpendiculari eductus vsque ad altitudinem rectæ *CD* manu altollatur, nempe ad *C*; indeque liberè dimittatur. Tum globus idem, inquit Galileus, non solum descendet ad punctum *B*, sed eodem impetu ulterius vsque ad *D*, aut proximè ad illud, ascendet. Similiter, si globus idem è puncto *E* suspendatur, Et item ad altitudinem eiusdem

eiusdem rectæ  $CD$  attollatur ad  $G$ , inde liberè dimissus, pari modo ad eandem rectam  $CD$ , aut proximè ad eam conscendet versus  $H$ . Imò, si ex  $F$  suspensus attollatur ad  $I$ , inde feretur, usque ad  $K$ . Per diuersos igitur illos arcus decedens globus, semper ad æqualem altitudinem conscendit. Ergo è quolibet descensu æqualem acquirit impetum; nisi enim esset impetus æqualis, globum ad æqualem altitudinem non attolleret. Quid ni igitur idem quoque faciat globus, si per plana  $CB$ ,  $GB$ ,  $IB$  descendat? Credibile igitur etiam est globum per illa, aut similia plana decidentem, æqualem tali descensu impetum, ac proinde æqualem quoque velocitatis gradum acquirere. Subinde autem, ut ostendas quàm hæc sint incerta, incohærentia, &c. Impri-  
mis quidem nescio, inquis, an globi ea, quæ vult Galileus ratione suspensi, ac librati alius in Etruria, quàm in Gallia assurgant; at heic neque tam propè ad horizontalem lineam, neque per diuersos arcus ad eam æqualiter accedunt. Nempe filo pedum quatuor cum dimidio suspensus globus ad lineam horizontalem tribus infra centum pedibus descriptâ, propiùs quàm duobus digitis nunquam accessit. At centro nouem tantum digitis supra lineam horizontalem accepto, filòque duorum pedum constituto, iam globus ad lineam horizontalem vno digito, quàm antè propiùs accessit. Vbi verò centrum septem infra lineam horizontalem digitis assumptum est, vix ad quatuor à linea horizontali digitos globus ascendit. Concludis igitur his verbis, Quia igitur fide Galileus tam assuecramer ait globum ita suspensum, ac per quoscumque arcus librum, ad æqualem semper altitudinem assignere? aut quomodo ex re adeò euidenter falsa petere auius est testimonium veritatis?



XVI. Imprimis porrò non retices ipse dictum esse à Galileo demissum ex C globum ascensurum usque ad D, aut proxime : vt proinde non videatur dictum ab illo asseueranter asurrecturum globum ad eandem altitudinem, aut veritatis testimonium ex re falsa ab ipso peti; quasi intellexerit globum assequi altitudinem exquisitè, seu præcisè eandem. Et certè non modò dixit ipse *quasi*, seu *ferè*, ac *superfluum interuallum quoddam perexiguum*; sed etiam causam attigit, ob quam ita fiat; referens eam putà ad impedimentum partim aëris, partim filii; de quo vtroque heic dicerem, nisi iam dictum satis copiosè in Epistolis memoratis foret. Deinde, quòd globus ad horizontalem lineam propiùs ad H, remoriùs ad K ascendat, quàm ad ipsum D; videri potest causa perspicua, neque infringere vim experimenti. Nam quod spectat quidem ad H, res ideo contingit, quòd quoties clauus defigitur inter A, & horizontalem lineam, breuitas tum filii, tum spatii aërei, per quod arcus describitur, minùs præstet impedimenti: vnde & absuisset globus adhuc propiùs, si fuisset clauus infra E defixus, vti & longiùs, si supra ipsum. Quod verò ad K, res minùs est mira; quòd quoties clauus defigitur infra horizontalem lineam, dimissus ex I globus non per totum arcum IB decidat, sed per inferiorem solum eius partem, in quam perpendiculariter cadit; vnde & minùs adhuc, minusque resiliisset, si defixisset clauum inferiùs, quousque globus non potuisset ad lineam attolli; veluti & magis, magisque, si superiùs, quousque clauo defixo in linea,

ipsum resiliendo proximè attigisset. Ex quo efficitur, ut cum res propriè attendenda non sit, ubi clauus infra lineam defigitur, quòd tunc libratio simplex non sit, sed mistio duorum motuum, quorum impetus se mutuò retundunt; sit verò propriè attendenda, cum clauo supra lineam defixo, vibrationis motus simplex est; idè non sit existimandum illam qualemcumque interuallorum inæqualitatem interturbare negotium; ac potissimùm quidem, cum ipsa ordinata sint, ac eandem inter se, quàm fili, & arcus prolixitates proportionem seruent. Ad hæc, id videtur præsertim esse obseruatione dignum in his pendulorum vibrationibus, quòd, Si quatuor distinctos globos quatuor distinctis filis sic appendas, ut primi longitudo sit vnus, v. c. pedis, secundi quatuor, tertij nouem, quarti sexdecim; experturus sis, ubi omnes dimissi simul fuerint, quartum perfecturum vnā vibrationem eodem tempore, quo tertius interim perfecit duas, secundus treis, & primus quatuor. Scilicet exinde intelligitur, tum pendulorum vibrationes tantò segniùs fieri, quantò earum arcus planiores, siue inclinatiores sunt; tum inclinationes arcuum mensuratas secundum varias perpendiculi, seu fili longitudines, habere se perinde ut quadrata temporum, ac vibrationes habere se reciproce ut ipsas radices; sicque rem eximiè quadrare ad superiùs expositam motus æquabilis rationem; tum globum quartum non acquirere impetum ad eleuationem necessarium, nisi tempore duplo tertij, triplo secundi, quadruplo primi; ac esse quidem im-

petus omnium globorum inter se æqualeis; sed quò tempore impetus exprimitur à quarto semel, exprimi à tertio bis, à secundo ter, à primo quater, &c.

XVII. Quod attinet autem ad comparationem arcuum CB, GB, IB, cum ipsis planis punctim notatis inter extrema eadem; tu sic instas, vt licet totum id esse verum concedi retur, quod dicitur de impetu globi per diuersos arcus librati, vrgeas *aliā esse rationem, aut meriò saltem videri posse aliā, descendētis globi per diuersa plana.* Globus enim, inquis per aërem semper toto suo pondere deorsum nititur, & eatenus solum eius descensus interrumpatur, quatenus à recto, & perpendiculari cursu ad circularem cogitur, atque adducitur: at præter impedimentum ex varia planorum inclinatione, adhuc maius, dum globus etiam magis à perpendiculari descensu distrahitur; tantò minoribus insuper momentis globus per planum descendit, quantò minus accliuē fuerit, vt facile omnibus notum est. Verum non video quā id concludas; quatenus non assumis planum, quantò minus decliuē est, tantò esse quoque prolixius. Etenim notum quidem est acquiri minores velocitatis gradus in minus decliuī, quod sit decliniori æquale; at, si vt minus decliuē, ita etiam prolixius sit, notum quoque est velocitatem in fine illius quæsitam esse posse æqualem velocitati in fine declinioris acquisitæ, prolixitate nempe descensus paruitatem incrementorum velocitatis compensante. Interim autem æqualitas impetus in B acquisiti, siue per arcum, siue per planum contingat globi delapsio, ex eo videtur consequi, quòd filum supernè globum



cohibens aliud nihil præstare videatur, quàm præstaret infernè, & sine filo arcus marmoreus, aut ligneus perfectè politus, qui esset  $CB$ , si supra ipsum delaberetur. Atque id quidem tantò magis, quantò idem Galileus ostendit arcum  $CB$ , & planum  $CB$  eodem, seu æquali tempore percurri; ac pari modo arcum, & planum  $GB$ , & porrò arcum quemlibet non maiorem quadrante cum plano vnà terminato. Quinetiam cùm ostenderit percurrere globum eodem, seu æquali tempore quoduis planum inter quodlibet circumferentiæ circuli punctum, & infimum punctum, quale est heic  $B$ , constitutum, vt putà semper exæquato illi tempori, quo percurritur diameter circuli eiusdem perpendicularis; elicitur quoque exinde, vbi ea omnia plana fuerint in eandem reducta altitudinem, diuersa quidem tempora fore, sed impetum nihilominus parem. Atque eadem quidem ostendit præclarus vir Ioannes Baptista Balianus Genuensis, edito hac derelibello, qui eodem ipso anno, quo Galilei Liber prodijt, argumento sumpto ab ipsis pendulorum vibrationibus: sed, vt præmonui, nihil est necesse maiorem Galilei Postulato asserere fidem, quàm ipse assertam voluerit; dum eatenus solum adhibendam petijt, quatenus deductæ ex eo conclusiones cum experientia consentirent.

XVIII. Id prætereo, quod subiicis, ex ascensu globi ad eandem altitudinem, non satis rectè colligi impetus æqualitatem; quoniam id aduersaretur recitandæ tuæ rationi, atque experientiæ: vti & dum causam petis ex eo, quòd, quòd *circulus minor est, eo*

*descensus procliuior, faciliorque, & ascensus difficilior videatur: id repugnaret tum compensationi, aduersus quam nihil obucis, inter breuitatem, & decliuitatem spatij; tum familiari experientiæ de rebus deorsum impactis, quæ impetu pari deiectæ tantò emergunt altius, quantò incidentia est magis perpendicularis. Attingo ergo potius id, quod superest, dum id sugillas, quod Galileus se esse sæpius expertum ait, tum globum ferreum per aërem cadentem, tum globum aeneum per excavatum in longiore tigillo alueolum, in quacumque tigilli supra horizontem eleuatione descendentem, perpetuò tantum præcisè temporis in descensu per primum totius percurrendi spatij quadrantem, quantum in reliquorum decursu insumpsisse: ex quo sine dubio consequens esset, spatia aequalibus temporibus decursa in ea esse ratione, quæ reperitur inter numeros impareis ab unitate procedenteis. Nimirum, vt ostendas ea, quæ ex istis quasi principiis consequuntur, aut inferuntur, esse ipsis certiora, aut euidetiora non posse: Id, inquis, tot erroribus obnoxium est, & exploratu adeò difficile, vt nihil inde certi concludi posse videatur. Enimverò, vtcumque experiundi modus difficilis sit, obnoxiusque erroribus; non idcirco tamen experimentum conuincitur falsum. Tuum certè illud de Libra, cui totus postea inniteris, quot quæso, vel te deducente, erroribus obnoxium est? quàm exploratu difficile? & ipsum tamen falsum non habes? Cum profectò ille testetur se saltem centies rem explorasse, & experimentum semper ita successisse, vt vix vlla vnquam differentiola intercesserit; videri potest non esse tua*

satis idonea refutatio, nisi tester iste esse rem, aliquoties saltem, accuratissimè expertum, ac ipsam falsam deprehendisse: aut rationem certè congruam afferas, qua impossibilem demonstrares. Et tamen, neque te vel semel ipsam explorasse, falsamque comperisse dicis, neque ullam rationem profers: sed causaris solummodò explorandi difficultatem; quam & repetis, dum postquàm retulisti tempora ab illo notata, notatis nempe, expensisque ponderibus aquæ, quæ è clepsydra interim fluxisset: *Quippe nemo, inquis, non videt, quàm hic observandi modus incertus sit, & quàm difficile, ne dicam impossibile, tempus utriusque illius descensus ad exactam mensuram exigere, vel eo maxime nomine, quòd in tanta celeritate initia, & fines horum motuum satis præcisè adverti, notarique posse non videantur.* Sed nihil est opus insistam ad arguendum id non sufficere; nisi aliunde aut res factu impossibilis demonstraretur; aut observator probetur fuisse malæ fidei, ac indiligens, & difficultates præcauere nescius. Adderem quemadmodum ipse rem explorare fuerim conatus, tum dimisso per aërem globo, tum delabente globulo per tubulos vitreos etiam orgyiis duabus longiores, factosque nunc magis, nunc minùs declivis, & adnotatis partibus æquis tum ad parietem, secundum quem globus decideret, tum ad utramque oram alveoli in tigno excavati, & tubulum quemque continentis; ac simul adhibitis sociis, qui adnotarent singuli parteis singulas, quæ interim pertransirentur, dum ipse temporis momenta nunc pulsationibus arteriæ, nunc ictibus, reditibusque penduli di-



stineta, vocibus monosyllabis cuique illorum sigillatim assignatis significarem: verum memini rem ad te perscriptam; & circa hæc nimius iam sum.

*De Experimentis circa ictum, impetumue grauium cadentium, ad explorandum impetus-ne vt spiritui increascit.*

XIX. Venio igitur ad Posterius caput, secundamue partem tuæ Dissertationis; in qua scilicet recepisti te veram, ac certam de Motu accelerato scientiam falsæ, ac incertæ Galileanæ substituturum; & in qua professus te iterum omnia, quæ ab illo conscripta sunt, falsa, ac inania esse demonstraturum; prouocas me primum ad clara, facilia, indubitata experimenta: tametsi ego tenuitatis conscius personam Arbitri, ludicisque, quam mihi humanissimè iteratò defers, recuso; iteratò professus nihil aliud à me, quàm rationes quasdam dubitandi expectari posse. Et prima quidem experientia petitur, inquis, ex impetu, quo globus, aut graue aliud corpus quodcumque per aërem sponte natura deorsum cadit, ac percutit. Indubitatum enim est, pergis, quod ipsemet Galileus passim agnoscit, tantam præcise percutientis corporis esse velocitatem, quantus impetus, quantaque ipsa percussio fuerit. Impetus enim omnis, & percussio ex velocitate est, imò impetus ipse velocitas est, nulloque hæc abinuicem discrimine dirimuntur, vt merito, proinde, qua ratione accrescit velocitas, eadem impetus, & percussio augeantur. Hactenus nihil est, quod non probem. Prolequeris autem: At faciliè experientiâ constat corpus graue quodcumque ex qualibet altitudine per aërem cadens, & percutiens, vt libet, perpetuò ex altitudine duplâ duplo præcise

precisè ampliùs, & ex tripla, quadruplæ distantia, triplo, quadruplone fortius percutere: velocitas igitur quoque ex altitudine dupla, duplò maior est, & tripla, aut quadrupla, si tripla, quadruplæ altitudo fuerit: ac proinde velocitas, spatiis æqualibus, non autem æqualibus temporibus, æqualia momenta acquirit. Quæso verò heic patere, religiosissimè Vir, me meam testari hebetudinem; neque enim quod tu assumis, facile experienciâ constare, mihi vllâ prorsus experienciâ constat; neque tu vllam specialem affers, ex qua res, vt tibi, ita mihi constet. Ad deducis quidem deinceps, quasi secundam experienciam, id, quod in Libra expertus es: sed interim circa hanc primam, cæcutio planè, neque agnosco, quâ rem facile explorâris. Et explorasse tamen quis hæreat, quandò isthæc subiicis? *Experienciam hanc Galileus, nullo (vt credibile est) facto ipsius periculo, tanquam falsam, atque impossibilem, eodem paralogismo reiecit, quo definitionem motus accelerati vulgò receptam, & ex eadem experiencia sine dubio deductam, conatus est reuellere. Si ex altitudine dupla, inquit, duplò maior percussio est, vt puta ex A dupla eius, quæ ex B, erit & velocitas dupla. At velocitatis dupla esse non potest, nisi graue, æquali, imò eodem tempore, totum spatium AC, & dimidium eius AB percurrat; quod tamen est impossibile. Nec percussio igitur, nec velocitas dupla est, ex altitudine dupla. Do'eo equidem virum non ignobilem, in re tam obuia, & facili adèò turpiter delusum esse; mirorque item vehementer tales, tamque apertos eius errores, non modò à nemine hætenus esse reprehensive, sed tanquam primò*



*scientiæ principia, & viris etiam eruditis esse receptos.*  
 Quandò, inquam, hæc subiicis, nemo profectò facile hæreat, quin ipse, expertus, illa videris, quæ neque Galileus, neque alij viderunt.

XX. Quod me attinet; cùm lapidem video ex vna, ex duabus, ex tribus, ex quatuor orgyis cadentem in terram; agnosco quidem esse ictum, atque idcirco impetû, velocitatemque maiorem ex duabus orgyis, quàm ex vna; ex tribus, quàm ex duabus, ex quatuor quàm ex tribus; verùm esse duplò præcisè maiorem ex duabus, quàm ex vna, triplò ex tribus, quadruplò ex quatuor, nulla penitus ratione agnosco. Neque enim possum id dispicere ex cavitæ in terram facta, aut penetratione in ipsam; quoniam neque lapis duplò profundius cauat, penetratque ex dupla altitudine, aut triplò ex tripla; neque cognitus est aut gradus resistantiæ, quo talis terra obnititur; aut progressus, quo crescit resistentia, dum quò inferius tenditur, eò partes terræ minùs seu deorsum, seu in latera cedere, compelli, ac subire possunt: vt habita proinde ratione huius resistantiæ, colligere valeam id, quod ad duplam penetrationem ex altitudine dupla decst, non aliunde esse, quàm ex huiusmodi resistantia. Sic cùm video fistucam in palum delapsam ex simplici, dupla, aut tripla altitudine: quandoquidem neque video palum defigi profundius in terram, duplò quidem ex dupla, aut triplò ex tripla altitudine; neque perspectum habeo quo gradu, in qualibet profunditatis parte ipsi vrgenti resistatur; aduerto quidem maiorem ictum, maioremque impetum, ac veloci-

tatem esse ex altitudine dupla, quàm ex simplici; itemque ex tripla, quàm ex dupla, &c. At esse illam duplo præcisè maiorem ex dupla, triplò ex tripla, &c. nulla penitus ratione perspicio. Sic, dum graue quoduis ex dupla, triplae altitudine decedens rem subiectam commouet, contundit, confringit: Sic, dum cadens in cuneum scindendo ligno accommodatum, ipsum compellit, adigit, figit: Sic, dum cadens in ipsam manum, aliàmue partem corporis, ipsam vrget, deprimit, lædit: Sic, dum alia huiusmodi diuersimodè peraguntur; maiorem quidem semper ictum, siue impetum, ac velocitatem ex altiore casu fieri nullus hæreo; at ex casu duplò altiore duplò maiorem fieri, triplò ex triplo, &c. quò discernam prorsus non habeo. Quocirca beasses me valdè, si experientiam, aut saltem modum experiendi subindicasses; cùm dicas & rem experientiâ in graui quocumque facilè constare; & Galileum, cæterosque eruditos viros coniicis fuisse socordeis, vt nullum ipsius periculum fecerint; fecisse autem eos, qui vulgarem definitionem accelerati motus tradiderunt primi.


XXI. Addo videri posse me non absque ratione hacce de re ambigere; & coniicere ictum, percussionemque, atque idcirco impetum, velocitatemque maiorem duplò non haberi, nisi ex altitudine quadrupla; triplum, nisi ex nonupla; quadruplum, nisi ex sexdecupla, atque ita porro iuxta numerorum quadratorum seriem. Nam Primò, sit vas cylindricum erectum, & continens aquam ad certam altitudinem, exempli causâ vnus pedis: Certum est aquam



in fundo substantem vrgeri, ac premi à super exstante (& ab ipsa quidem superficie) vt perspicuum fit vel ex vehementia, qua exsilire deprehenditur, foramine ad basin aperto. Aperiat<sup>r</sup> ergo foramen, & superfusâ leniter aquâ, ita vt contineatur semper ad eandem altitudinem, excipiat<sup>r</sup> aqua, quæ interim effluet, dato tempore, v. c. sextantis minuti, ac sit illius mensura certa, exempli gratiâ, congius. Vt deinde tempore eodem, & per idem foramen exsiliant duo congij, & aqua proinde sit duplò compressior, ad quam nam vsque altitudinem adaugendus erit, complendusve cylindrus? Ad duplam-ne solum? Non sanè, sed omninò ad quadruplâ. Et vt exsiliant tres, ad triplam-ne? Haud-quaquam profectò, sed ad nonuplam. Et vt exsiliant quatuor, ad quadruplam-ne? Minimè gentium, sed ad sexdecuplam. Quin poterit etiam aliunde res facillimo negotio notari, si repleto siue ad labium, siue ad certam vsque altitudinem cylindro, & aperto foramine, totâque aqua vno tempore, nullamque refundendo effluente, notentur in vase aquæ decrementsa æqualibus temporibus facta. Quippe si interuallum vltimi decrementi fuerit vnus v. c. pedis, erit interuallum penultimi trium, antepenultimi quinque, antecedentis septem, ac ita semper procedendo per succedenteis impareis: vnde & si primi temporis initio fuerit altitudo pedum sexdecim, erit initio secundi nouem, tertij quatuor, quarti vnus. Cùm exsilitio verò, aquæ continenter fiat ex continente impetu, quo à superstante vrgetur, & impetus iste nihil differat à continente velocitate,

qua aqua superflans continenter incumbit, ac premit;  
An-non planum est intelligere impetum, ac velocita-  
tem duplò maiorem fieri non ex altitudine dupla,  
sed penitus ex quadrupla; triplo non ex triplò, sed ex  
nonupla, & ita deinceps? Secundò, si alligatus vno  
sui extremo ad parietem funis prælongus, altero ex-  
tremo dependeat ex fulcro, ac appenso pondere certo,  
v. c. vnius libræ, tensione sit leni inter ipsa extrema:  
verò digitis, ita abducatur, vt vltro citròque horizon-  
taliter vibretur, seu eat, ac redeat certo tempore (erunt  
autem itus, reditusque omnes æqui-temporanei, seu  
tam primi, quam vltimi, tam longi, quàm breues  
eiusdem prorsùs durationis) sitque tempus tantum,  
quantum interstitium ab vna artenæ pulsatione ad  
aliam. Vt fiat funis duplò intensior, & itus, reditus-  
que ipsius euadant duplò velociore, hoc est æquali  
tempore duo; quantum, putas, erit ponderis adden-  
dum? An duplum? Non; sed quadruplum. Et vt  
fiat triplo, sintque adeo itus reditusque eodem tem-  
pore triplò velociore, seu plures: an triplum dum-  
taxat? Nequaquam, verum nonuplum. Et vt qua-  
druplò, an quadruplum? Haud certè, sed sexdecu-  
plum. Cùm pondera porro æqualia primo superad-  
dita se perinde habeant ad creandum hanc velocita-  
tem, ac partes æquales altitudinis, per quas pondus  
demittitur; An-non intelligi rursùs licet, quemadmo-  
dum velocitas non acquiritur duplò maior ex dupli-  
cato pondere, sed planè ex quadruplicato; ita duplam  
quoque non ex duplicata altitudine, sed ex quadru-  
plicata acquiri?

XXII. Est etiam Tertiò heic repetendum, quod iam antè dixi de globis ad fila appensis, & liberè ire, redireque permillis. Videlicet globus appensus ex vno v. c. pede, duplò quidem plurcis vibrationes peragit, quàm appensus ad quatuor, triplo, quàm appensus ad nouem, quadruplo, quàm appensus ad sexdecim; sed interim tamen secundus spatium conficit duplò maius, quàm primus, tertius triplò, quartus quadruplò eodem tempore; ac velocitas interim acquisita, impetusque ad perpendiculum expressus, non vt spatium pertransitum; sed vt tempus elapsum se-




habet. Ego certè rem sic intelligo. Sit linea perpendicularis AB in pariete ducta, diuisa que in sexdecim pedes; ac sint appensi quatuor globi; vnus ad primum, alius ad quartum, tertius ad nonum, postremus ad decimumsextum. Siquidem tametsi

inter experiendum applicari diuersis seorsim lineis debeant, ne inter mouendum sese inturbent: omnibus tamen schemate vno representari nihil prohibet. Ducantur heine inde duæ lineæ angulum statuentes in A, qui à perpendiculo biseccetur, sintque v. c. I A, K A; & centro A, agantur inter illas arcus C D ad primum pedem, E F ad quartum, G H ad nonum I K ad sextum-decimum; qui similes proinde erunt, pares videlicet portiones suorum cuiusque circularum eodem angulo mensuratæ. Ducantur & subtensæ arcuum; & adnotentur quasi sagittæ, seu appellati sinus versi, lineæ nimirum L M, N O, P Q, R B; cum sint altitudines, quibus globi delabuntur ex linea A I (vbi ad illam abducti, ex ea dimittuntur) in ipsum perpendiculum; primus puta ex C in M, secundus ex E in O, tertius ex G in Q, quartus ex I in B. Abducantur proinde globi ad memoratam lineam A I, vt suas, exinde dimissi, vibrationes peragant, ad lineam A K, aut quam-proximè terminandas. Nam & quamuis quilibet globus, seu longius, seu breuius dimissus, & seu moueri incipiat, seu desinat, vibrationes omneis æqui-temporaneas sortiatur, temporibusve paribus perficiat; proportio tamen semper est, quoties sub æquali, eodemue angulo accipiuntur. Dimittantur & globi simul, ac peruenire concipiantur ad vsque perpendiculum. Quoniam tunc vt filum A O quadruplum est fili A M, & filum A Q nonuplum, filum A B sexdecuplum; ita altitudo N O dupla est altitudinis L M, & altitudo P Q nonupla, altitudo R B sexdecupla; quo pacto interuallum quoque per-



transitum EO quadruplum est spatij CM, & spatium GQ nonuplum, spatium IB sexdecuplum: Idcirco, cum aliunde obseruemus tempus, quo globus secundus peruenit ad O, esse duplum temporis, quo primus peruenit ad M; & tempus, quo tertius ad Q, triplum; tempus, quo quartus ad B, quadruplum; Idcirco, inquam, intelligimus, impetum, seu velocitatem, quæ acquiritur ex E, aut N in O, & ex G, aut P in Q; & ex I, aut R in B, pari ratione se habere ad velocitatem acquisitam ex C, aut L, in M, quæ se habet impetus, seu velocitas, quæ acquiritur ex A in O, in Q, in B, ad velocitatem acquisitam ex A in M; seu comparando oppositè, vt illam ad illam, sic istam ad istam. Hoc autem habito, quoniam im-



petus, seu velocitas acquisita ex E in O non est acquisita ex C in M quadrupla, sed dupla; & acquisita ex G


ex G in Q, non nonupla eiusdem, sed tripla: & acquisita ex I in B, non sexdecupla, sed quadrupla est: quatenus quidem experiundo observare licuit, constitutam pilam supra planum libellatum, appositumque ad M, ad O, ad Q, ad B, dum percuteretur, propellereturque à globis incurrentibus, assequi velocitatem, excurrereque, non iuxta numeros quadratos, quales sunt spatiorum CM, EO, GQ, IB; sed iuxta radices ipsorum, qualia sunt & tempora, vnum, duo, tria, quatuor. Quamobrem & fuit iteratò proclive intelligere percussionem quoque à re secundum perpendicularum cadente factam, sequi rationem non quadratorum, seu spatiorum, sed radicum, seu temporum; atque ita, quò cadens graue vehementius feriat duplò, triplò, quadruplò, cadere debere ex altitudine non duplò, triplò quadruplò; verùm, quadruplò, nonuplò, atque sexdecuplò maiore.

*De Experimento in Balance factò ac aliud reuera probante,  
quàm velocitates esse sicut spatia.*

XXIII. Verumtamen, hisce dimissis, accedendum est ad secundam, peculiaremve experientiam, cui totam scientiam super-exstruis, & de qua in hunc modum præfari. Atque, vt quam tibi promisi experientiam, cum fenore etiam exhibeam, adiungam & aliam, à nullo mortalium hætenus observatam, quæ & priorem perfectissimè includat, & non rationem solùm, quæ celeritas in naturali descensu grauium augetur, sed eiusdem quoque celeritatis pene incredibilem modum, ac mensuram, exactis-

simè determinet. Pergis declarando ecqua illa sit. Aio igitur, ita esse à natura constitutum, vt globus quilibet, cuiuscumque materia, ex vnius diametri altitudine cadens, duplum sui ponderis, hoc est, prater pondus quod sine impetu in equilibrio retineret, aliud sibi æquale attollat; & ex altitudine duarum diametrorum, triplum; ex tribus diametris, quadruplum; & ita deinceps: adeo vt ex quauis altitudine cadens, semper (ultra æquilibrium) toties proprium pondus multiplicatum attollat, quot in tota, vnde cadit, altitudine diametri continentur. Subiicis, rem exaggerando, Mirum sanè quòd globus, cuius figuram, utpote simplicissimam, capacissimamque, natura singulariter amare videtur, mensuram, ac modum, tam velocitatis motus in descensu grauium, quàm virtutis eius motricis, quæ in eadem velocitate continetur, suā nobis diametro exhibeat: adeo vt ex decem, aut centum diametrorum altitudine decidens, eam acquirat impetum, qui attollendis decem, aut centum similibus globis, in altera lance impositis, sufficere possit, si materiae conditio id patiatur. Addis & quid ipse obseruaueris. Expertus sum ego, inquis, globum plumbum vnius vncie, ex altitudine sex pedum, siue diametrorum centum quatuordecim cadentem, vncias totidem ultra æquilibrium, hoc est, libras septem, & vncias tres in altera lance impositas, suo impetu eleuasse, non sine ingenti eorum qui præsentes aderant admiratione, ac stupore. Tum & hæc habeis. Porro si id in paucis diametris experiri placuerit, non admodum magna opus erit diligentia: at si è maiore altitudine idem tentare placuerit, iam in hac, vt in cæteris Physicis experimentis,

*accurata, ac solerti diligentia, atque industria, variis incommodis occurrendum erit; ut ne fortè ex conditione materiae effectus impediatur, nòsque ex errore, aut ex ignorantia, id impossibile arbitremur, quod solius materia vitio, ac defectu, in certis circumstantiis minus ex animi sententia succedit.*



Paginas deinceps aliquot insumis, ut ea incommoda describas, & modum, quo illis occurratur, tradas; depicta scilicet Balance, quæ ipsissima heic appingitur, agina putà immobili, & altera lancium suspensa in aëre, altera supra mensam CD quiescente, cum

imposito pondere, ac speculatore adstante, qui ad quamque vel minimam eius elationem attendat (idque dum globus manu H dimissus incidit in alterius



medium, directione circuli G, cui ob æquilibrium respondet consimilis F) ac insuper vtraque lance catenulis ferreis à scapo A B per intermedios circulos, triangulos-ve, dependente. Denique autem subiungis, *Tam apertam esse eius rei demonstrationem, ut nullus, inquis, intellectus refragari posse videatur, dum semel constet (quod quilibet sine tanto apparatu, tantâque diligentia facillimè experiri potest) globum quemcumque, ex vnius diametri altitudine, posse (vltra æquilibrium) pondus sibi æquale, & ex duabus diametris duplum pondus attollere.* Prætereo autem demonstrationem non alio nixam fundamento, quàm ipsâ experientiâ à te suppositâ; prætereoque item, quod iterum subdis, *Illud quoque pari certitudine constare, quod antè dictum est, nihil ad propositionis veritatem, atque euidentiâ opus esse, ut ex altiore distantia, tantoque apparatu experientia inquiratur, quæ ex aliquot diametrorum altitudine plusquam abundè, ac facillimè habeatur.*

XXIV. Et tale est quidem tuum experimentum. Ego autem, humanissime Vir, gratissimo primùm animo complector liberalissimum erga me affectum; ac deinde etiam tibi gratulor, quod primus mortaliū excogitâris quemadmodum negotium visum difficile reuocari ad trutinam posset. Nempe quantumvis res non videatur pro tua stare sententia; fuit tamen tua solertia dignum, id in mentem inducere, vnde examen improbum, quacumque ex parte huiusmodi foret, posset castigari. Ac si res quidem sic se haberet, ut enarrari abs te videtur, reputari posset penitus confecta; nullumque esset dubium, quin

Galilei scientiam falsitatis conuinceret, tuam tanquam veram substitueret iure: at res potius ita se habet, meo quidem iudicio, ut Galileanā confirmare, euertere tuam omnino videatur. Ecquid-nam verò, inquires, Tu igitur meus amicus mihi referenti non credis; ac virum me habes malæ fidei, dum hæres, idne verum sit, quod ipse me fuisse expertum enarro? Absit hoc à me, optime virorum, qui habeo te potius plenum fidei, & summo candore, sincerissimæque sinceritate visa narrantem. Sed patietur sanè sinceritas tua, ut, quod superest, si quid erroneum videbitur, culpam coniiciam aut in quidpiam non satis fortè animaduersum, ut omnes sumus homines; aut, si malis, etiam in illos, quorum operâ vsus fueris, quibusve referentibus censueris pro tua bonitate non esse negandum assensum. Itaque cum tua verba relegens, deprehendam te nihil aliud tibi, tanquam obseruatum à te vindicare; quàm illud, quod iam retuli, *Expertus sum ego globum plumbeum vnius vncie ex altitudine sex pedum, siue diametrorum centum quatuordecim cadentem, vncias totidem ultra æquilibrium, hoc est libras septem, & vncias treis in altera lance impositas suo impetu eleuasse.* Itemque illud, quod postea impedimenta memorans, *Propria, inquis, experientia ipse edoctus sum, qui adhibita omni industria globum vnius vncie ex altitudine sex pedum in lancem subiectam, viginti quinque, aut triginta vicibus dimittens, ter solum centrum attingere, & pondus perfectè attollere potui.* Cum, inquam, ita deprehendam, non cautor tuam fidem, quam cum persuasione aliqua non vera (re familiari

hominibus, etiam optimis) stare nihil vetat. Cum ad-  
dis autem præterea generale esse, vt pro numero dia-  
metrorum; quibus idem globus dimissus abfuerit à  
lance, pondera eleuet suo paria; quasi cum id præ-  
stitit in certo quodam numero, non valeat citra  
illum plureis, vltra pauciores eleuare; hoc est, quod  
peto mihi condones, vt dicere liceat, in veritatis gra-  
tiam, te aut satis non attendisse, aut alijs etiam ni-  
miùm credidisse.

XXV. Vt saltem liceat quid nam mihi contige-  
rit, commemorare; Tu sæpe adeò repetiisti non esse  
magno apparatu, magnaue diligentia opus ad  
peragendum experimentum, vt nisi argumentis su-  
perioribus fuisset oppositum persuasus, vix induxis-  
sem in animum (nihil scilicet hæsitans, imò hæsitans  
di pudore suffusus) periculum facere vllum. Feci  
tamen, & ipsa præsertim à te inculcata facilitate in-  
uitatus; vnde & obuiam primò Bilancem, qua numu-  
larius solebat nuper monetæ argenteæ summam ali-  
quot librarum Marcarum non-numeratam appen-  
dere, probaréque, assumendam duxi. Quoniam ve-  
rò tu asserebas ita à natura esse constitutum, vt globus  
quilibet cuiuscumque materiæ ex cuius diametri altitudine  
cadens, pondus attollat sibi æquale, præter illud, quod in sibi  
librio sine impetu retineret, &c. ideo sufficere putavi, si  
globum marmoreum, quem habebam præ manibus,  
duorum cum sextante digitorum pedis Parisini dia-  
metro, ac vnciarum proximè decem, Libræ itidem  
Parisinæ pondere, ad experiendum vsurparem. Ap-  
paratis ergo ponderibus variis, quæ ex æquo cum

ipso feci, apposui ad lancem in æquilibrio sustentatam (à supposita nempe tabula) duplum eiusce ponderis, hoc est vncias prope viginti; ac subinde elatum globum vna sui diametro supra fundum alterius lancis constantis in aëre, placidè in ipsam dimisi. Tum autem verum quidem fuit attolli ex ipsius casu oppositam lancem cum ponderis duplo; at quia vidi interim ipsam supra expectatam attolli altitudinem, idcirco statim duo intellexi, alterum posse idem pondus ex altitudine minore, alterum posse ex ipsa eadem, pondus adhuc maius attolli. Et aduocatis ecrète amicis, qui ad lancis elationem, emotionemve à tabula, me globum dimittente, attenderent, aut me attendente globum ipsi dimitterent, res ita successit, vt lanx sustentata cum duplo eodem pondere elata fuerit dimisso globo non modo ex diametro vna, verum ex dimidio etiam diametri, etiam ex triente, quadrante, sextante, octante, dextante; ac vice versa, vt dimisso globo ex eadem vnus diametri altitudine, elata lanx fuerit cum imposito pondere, non modo duplo, sed etiam triplo, quadruplo, quintuplo, & amplius. Experiri etiam consequenter lubuit, an saltem globus decidens ex duplo altitudinis (diametrorum scilicet duarum) eleuaret duplum eius ponderis, quod summum mox extulerat; sed longè sanè absuit; ac magis adhuc, vt ex triplo triplum, ex quadruplo quadruplum.

XXVI. Quandoquidem verò ipse globum plumbeum vnus vnciæ vsurpâras; ideò talem quoque vsurpandum censui, plumbeum scilicet, ac vnus



vnciæ Parisini ponderis, diametro eius deprehensa continere digiti bessem, ac idcirco partem Parisini pedis decimam-octauam. Cæterum idem mihi euenit, quod circa globum marmorum; impositis enim in lance suffulta duabus vncijs, extulit eas globus sensibilibiter non ex altitudine modo diametri vnus, sed ex dimidio etiam eiusdem, etiam ex triente, quadrante, sextante, octante, dextante, imò, & ex vncia, duodecimave diametri parte. Ac rursus ex eadem diametri vnus altitudine, non duas modò extulit vncias, verum etiam treis, etiam quatuor, quinque, sex, septem, duasque drachmas insuper, quadrantemve vnus vnciæ. Et cum experiri iterum placuerit, an duplum huius ponderis eleuaretur ex casu globi à duplo altitudinis, triplumque ex casu à triplo, &c. deprehendi dimisso globo ex diametris duabus altitudinis, attolli non duplum, hoc est, vncias quatuordecim cum semisse; sed vncias solummodò nouem, cum besse, aut dodrante duntaxat. Quo pacto deinceps ex diametro tertia extulit non triplum, hoc est viginti vnā vncias cum dodrante; sed vncias solummodò duodecim, ac ferè dimidium; & ex diametro quarta extulit, non quadruplum, hoc est vncias viginti nouem; sed duplum solū, hoc est vncias quatuordecim, atque semissem. Prætereo autem, quemadmodum, vt extulit dumtaxat duplum ex diametris quatuor, sic etiam deinceps extulerit solummodò triplum ex diametris nouem, & quadruplum, ex sexdecim. Adnoto iam solū, licuisse ex istis intelligere, posse tuam hanc experientiam merito vocari

in dubium,

in dubium; nec posse te asserere quemlibet globum ita esse à natura comparatum, ut illius diameter sit mensura præcisa velocitatis, seu impetus, quem intercadendum acquirit; ea scilicet lege, ut cadens ex diametro vna in liberam lancem, attollat suffultam, & præter æquilibrium, ponderis tantundem, non itidem amplius (veluti etiam neque minus, si minor fuerit altitudo) ac deinceps sic progredi, ut ex duabus diametris attollat præcisè duplum, ex tribus tripulum, ex quatuor quadruplum, ex decem decuplum, ex centum centuplum, atque ita porro.

XXVII. At quorsum ergo contigit, inquires, ut dimissus vncialis globus ex altitudine diametrorum centum, & quatuordecim, vncias totidem eleuârit? Ego profectò id præcisè diuinare non valeo; quandoquidem tu nullam seriem observationum apponisti, neque expressisti quid contigerit, si quid fortassis expertus es citra, vltrove numerum illum. Nam, si saltem commemorasses ecquid tibi euenerit dimittenti globum ex altitudine diametrorum aut centum, aut octoginta, aut quinquaginta, &c. liceret fortassis rem coniecere; at tale nihil recitasti, neque explicuisti quali pondere, pedeue usus fueris; cum si Parisino quidem, videri possis hallucinatus quinta, aut sexta ponderis parte; quatenus globi diameter fuit tibi duntaxat decima-nona pedis pars, quam ego deprehendi decimam-octauam. Vt cumque fuerit; ex ijs, quæ sunt à me obseruata, deducitur, quò diametri sunt multiplicatiores; eò singulas super-additas attollere minus super-additi ponderis; quando ex

secunda non attollitur duplum, ex tertia triplum, &c. sed res semper ita decrefcit, vt ex tribus ſolū primam conſequentibus eleuetur tantumdem, ex quinque aliis rursū tantumdem, ex ſeptem aliis ſimiliter, ac rursū ex nouem, & ita deinceps. Deducitur præterea ex increſcente numero diametrorum, & de creſcente numero additorum ponderum, perueniri demū ad æqualitatem; ita ſcilicet, vt ſit diametrorum, ponderūque numerus par, quo ſuperato ſit deinceps minor ponderum, maior diametrorum. Et quia talis numerus incipiendo v. c. à duodecima vſque parte diametri, è qua fuere duæ vnciæ eleuatæ, reperitur eſſe proximè quinquaginta; & incipiendo à diametro integra, è qua eleuari viſæ ſunt vnciæ ſeptem cum quadrante, reperitur eſſe itidem quinquaginta: idcirco videmur poſſe dicere, ſi dimittatur globus vnā pendens vnciam, ex altitudine diametrorum ſuarum quinquaginta, fore vt parem numerum vnciarum attollat; tametſi citra hunc numerum, ſit diametrorum numerus minor, vltra maior numero vnciarum. Vides igitur contingere poſſe, vt aliquo caſu diametrorum numerus ponderum numero exæquetur; neque licere tamen inferre eſſe vbi- que diametrorum numerum numero ponderum æqualem. Ac ſi res quidem tibi contigiffet circiter quinquageſimam, aut ſexageſimam diametrum, foret mihi, vt vides, reſponſio in promptu; quando verò numerus iſtum ſuperat duplò circiter; ac is eſt aliunde, è quo eleuari non debuerint, niſi vnciæ ſeptuaginta quatuor; vnde exceſſus eſt circiter trientis; idcirco par

est, ut quid id sit rei, tibi discutiendum relinquam, visuro, an, si quid imposuit circa unam, paucultasve diametros, non aliquid etiam potuerit imponere circa tam multas. Mihi certè hactenùs non licuit periculum facere, qui Bilancem neque maiorem, neque exquisitiorum ea, de qua iam dixi, usurpavi. Vnde neque velim numeros à me descriptos ita habeas, quasi scrupulosè, præcisève definiti fuerint; cum satis esse duxerim, si præter-propter veri forent, possemque intelligere sequi illos haud-dubiè aliam, quàm à tè præscriptam rationem.

XXVII. Nihil verò necesse est dicam circa id, quod ais, *Etsi natura illud in globo peculiare, ac proprium esse voluit, ut eius diameter præcisa esset mensura illius altitudinis, ex qua suo nutu cadens, æquale sibi pondus attolleret; ac proinde, &c. in cæteris tamen etiam corporibus idem quoque servata proportione accidere; ut si ex quacumque distantia æquale sibi pondus attollant, ex eadem distantia duplicata duplicatum, & ex triplicata triplicatù attollant, atque ita consequenter, ob eandem rationem; cui rationi ipsa quoque experientia suffragetur, &c.* hac tamen differentia, quòd in globis, diameter altitudines præcisè definiat, vnde pondus ipsorum multiplicetur, in cæteris figuris non item; sed in illis altitudines diametris ipsarum sint minores; ratio verò postulet ut univèrsim in figuris omnibus tales altitudines diametro sphaera eiusdem molis, ac ponderis inveniuntur æquales. Nihil, inquam, est opus ut ad istud dicam; cum neque suffragari experientiam videam, neque ipse globus, quicum corpora aliarum figurarum confers, habeat pro mensura præ-



cisa illius altitudinis, ex qua suo nutu cadens, æquale sibi pondus attollat, suam diametrum; sed potius duodecimam circiter suæ diametri partem; neque aliunde eadem diameter præcisè definiat altitudines, vnde pondus, seu impetus multiplicetur, euadatque triplus ex tripla, quadruplus ex quadrupla, &c. sed id potiù faciat progressio numerorum imparium, quadratorumve, ad quos terminantur. Addo autem videri mihi rem esse dignam consideratu, quæ accideret circa globos, si velocitatis, siue impetus acquisiti gradus mensurandi essent penes singulas diametros, quæ mensurarent singulorum casus. Sunt enim globi, v. c. duo ex eadem materia, quorum vnus sit diametro decies maiore, quàm alius, & dimittatur vterque ex eadem altitudine. Tunc, quia minor decidet per diametros decuplò plureis, quàm maior, fiet, vt attollat pondera sibi æqualia decuplò multipliciora, quàm attollat, maior ex sibi æqualibus; Quare & sequetur, vt per idem spatium feratur decuplò citiùs, temporeve decies breuiore perueniat ad lancem, quàm maior. Hoc autem constat, quàm falsum sit; cùm si globorum alteruter deberet velociùs moueri, & peruenire citiùs, is non sine quadam verisimilitudine deberet potiùs esse maior (quandò & Aristoteles persuasus id fuit, & toti penè mundo hactenus persuasit) ac doceat tamen experientia duo pondera eiusdem materiæ, inæquabilissima licet, veluti vnum vnus vnciæ, alterum verò librarum centum, ex eadem cadentia altitudine, cadere eadem velocitate, ac momento eodem peruenire in terram.

Atque ex hoc quidem ratio obiter petitur, cur in exemplo repetito de pensilibus, nihil referat, quodcumque pondus filo appendas, ut celeritate eadem vibrationes fiant; ideò enim pensile centum librarum non vibratur velocius, quàm pensile unius unciae, quoniam altitudo, ex qua utrumque cadit, eadem est, mensurata nempe, eadem portione perpendiculari, quemadmodum est antè declaratum: cum celeritas aliunde statim augeatur vel minuatur, ac filum brevius fit, vel prolixius. Et hæctenus quidem de tua Experientia.

*De Tempore, quo R. P. colligit partes Spatii singulas  
decursum non iri.*

XXIX. Sequitur iam Secundum membrum Posterioris capitis, quod tibi fuit præcipus scopus. Videlicet ita concludis. Atque ex his iam manifestè, atque evidenter constat, celeritatem motus in naturali gravium descensu per aërem, seclusis externis impedimentis, uniformi semper incremento augeri, & in spatijs æqualibus crescere æqualiter: ita scilicet, ut ex dupla distantia, celeritas dupla, & ex tripla distantia, celeritas tripla, atque ita deinceps, eadem ratione, maior semper celeritas habeatur: nisi fortè eò usque iam progressa esset celeritas, ut nec celerius aër dividi, nec citius rarefieri, & accurrere ad replendum vacuum naturaliter posset. Et postea: Ex quo ulterius illud etiam constat, quàm non rectè Galileus, vulgò receptam motus æquabiliter accelerati definitionem eam reiecerit, qua motus eiusmodi is dicitur, qui spatijs æqualibus, æqualia celeritatis augmenta acquirit; & quàm oscitanter idem hallucin-

*natus sit, cū etiam insuper, clara, euidentique demonstratione, eiusdem se falsitatem, impossibilitatēque ostendisse, tam facile sibi, atque inconsultē persuasit: cū aperta iam, indubitataque experientiā constet, in naturali grauium descensu, æqualibus spatijs, æqualia celeritatis augmenta perpetuò acquiri, semperque velocitates, emensaque ab initio motus spatia, in eadem ratione reperiri. Ad ista verò vides profectò quid sit iam promptum respondere; cū tantum abest, vt aperta indubitataque experientia definitionem illam vulgarem, aut incrementa velocitatis pro ipsa spatiorum ratione stabiliat, quin illam potius planè euertat, & Galileanum ita confirmet, vt manifestò exinde constet: incrementa velocitatis acquiri duntaxat æqualia æqualibus temporibus; acquisita verò, seu superata spatia esse vt ipsorum temporum quadrata. Ex quo fit, vt allatis illis antè argumentis, quibus permouebar, vt coniicerem percussione, atque idcirco impetum, velocitatēque rei decidentis maiorem duplò non haberi, nisi ex altitudine quadrupla, triplum, nisi ex nonupla, quadruplum, nisi ex sexdecupla, istud iam nouum accesserit, quatenus obseruatum est duplum ponderis ex vnius diametri altitudine elati non efferri ex dupla, sed ex quadrupla; triplum non ex tripla, sed ex nonupla; quadruplum non ex quadrupla, sed ex sexdecupla duntaxat. Sunt autem tibi habendæ gratiæ, qui pro tua solertia cōrespexeris, vnde argumentum adcò euidens ducetur; ipseque debes ex eo lætari, quòd tametsi experimentum præconceptæ à te opinioni non faueat, conferat nihilominus ad veritatis illustrationem.*

XXX. Prosequeris deinde sic. Porro cum celeritas motus in naturali descensu grauium, non modò ad locum, sed ad tempus quoque respectum includat, iamque de altero dictum sit, qua videlicet ratione, celeritas spatijs æqualibus augeatur; vt ne quid ad perfectam motus accelerati notitiam desit, necessarium est, vt de spatijs quoque, quæ temporibus æqualibus percurreuntur, quam inter se rationem obseruent, reliqua disputatione inquiramus, & ex iisdem quoque experientiis definiamus. Hoc iam loco, optimè Vir, agnoscere potes originem mali. Nempe labes tota videtur ex definitione vulgari contracta, quatenus rationem incrementis celeritatis ita cum spatio comparat, vt nullam interim instituat comparisonem cum tempore, sine quo tamen neque celeritas, neque acceleratio intelligi potest. Non modò certè Aristoteles, verùm etiam communis sensus id Velox definit, quod spatium multum tempore pauco: & Tardum, quod paucum multò conficit; constatque aliunde, si velocitas attendatur solum penes spatia, debere semper id mobile, quod decem percurrerit stadia, dici moueri celeriter, & semper id, quod vnicum percurrerit, tardè; cum contingere tamen possit, vt quod percurrit vnicum, moueatur decuplo velocius, quàm illud, quod percurrit decem. Ex quo fit, vt cum celeritas nihil sit aliud, quàm passio motus; intelligatur quidem motus absolutè sumptus ex relatione ad spatium, cum & definiatur progressio è loco in locum (nulla mentione temporis) & duo loca sine spatio interiecto non accipiantur; at celeritas non intelligatur sine relatione ad tempus, & illud quidem breue



comparatum ad id, quo ex vno loco perueniri ad alium potest. Fit etiam proinde, ut idem dicendum de acceleratione sit; quippe acceleratio duo saltem tempora designat, in quorum vno celeriter, in alio celerius mobile feratur; ac intelligimus aliunde temporibus illis æqualibus sumptis, pauciores spatij partes priore, plureis posteriore percurri. Et adnitere facere perspectum, quidnam acceleratio sit, nulla mentione temporis; ac pernosces rem impossibilem factu esse. Vt cumque enim plureis, plureisque spatij partibus memores: nisi tamen adicias voces *deinceps, consequenter, successivè*, aut simileis alias, quæ ad tempus attineant, non magis accelerationem, quàm simplicem celeritatem, aut potius quam motum simpliciter spectatum describes. Quanquam nihil est opus id vrigeam, cum tu pro confesso iam habeas; professus nempe *celeritatem in naturali descensu gravium non modò ad locum, sed ad tempus quoque respectum includere*: ac mirari solum quis possit, agnoscere te in celeritate duplicem respectum, & velle tamen alterum, ipsumque præcipuum in tradenda definitione accelerati motus exclusum; ac inuehi in Galileum, qui inclusum voluerit. Nam & licet, veluti tu respectum ad tempus prætermisissimum fers, sic ille respectum ad locum prætermitti posse censuerit: excusari potest, quòd qui motum dicit, locum etiam dicat, quemadmodum mox attigi; & cum foret solum de celeritate superueniente quæstio, idèd nugationem deuitans, illam per respectum ad tempus, sine quo intelligi nequeat, putarit esse definiendam.

XXXI. Subdis consequenter; Quod ut certius fiat, primum occurrendum est errori, qui facile obrepere potest, si quæ de celeritatis augmento in spatiis equalibus antè demonstrata sunt, minus accurate perpendantur. Cum enim ex superioribus iam euidenter constet, in naturali grauium descensu, semper ex dupla distantia, celeritatem haberi duplam; & ex tripla distantia, triplam; atque ita deinceps, eadem ratione celeritatem augeri: nihil proliuius esse potest, quàm ut quis existimet, accelerationem illam fieri per subdiuisionem primi cuiuslibet temporis, in partibus semper minores, pro multitudine, & ratione spatiorum equalium, quæ motu decurruntur, ita videlicet, ut pars secunda spatij, absoluatür dimidia parte temporis, quo prima pars decursa est; & tertia pars spatij, tertia parte eiusdem primi temporis percurratur, & ita de cæteris maxime cum in hac etiam hypothesis, spatia & velocitates in eadem esse ratione, & quod consequens est, ex impetu quoque decidentium corporum hac ratione inuariato, iidem omnes, quos experientia docet effectus haberi, primo aspectu videantur. Heic profectò rursus mirari tuam sagacitatem par est, quatenus eam non fugit error qui ex positione à te asserta consequitur, tametsi ipse non consequi ex iis, quæ subiicis, contendas. Me quod attinet, is est ipsemet, quem deduxi aliàs aduersus Michaelē Varronem, qui primus, quod sciam, eandem positionem ante annos plus minùs sexaginta defendit, declarando ex ea id incommodi inter cætera consequi, ut, quemadmodum antè insinuaui, spatia acquisita in fine æqualis cuiuslibet temporis numeranda sint, ut difformiter, sic in plusquàm tripla ratione. Ut

autem iam rem te iudice experiar; ecce assumptâ, diui-  
 saque linea, quam ipse vsurpas, A B, & sup- A  
 posito tempore minorum sex, quo suppo- P  
 nis A D primam partem percurri; Constat S  
 omninò, si secunda æqualis pars D E per- V D  
 curratur velocitate dupla ad illam, qua per- T X  
 curritur A D, non infumi plus temporis in E  
 percurrenda parte secunda, quàm dimidium  
 eius, quod fuerit infumptum in prima (cùm F  
 hac ratione tempora velocitatum submultipla  
 sint) atque ita, si prima pars superata fuerit mi- G  
 nutis sex, percurri secundam dimidio, seu mi-  
 nutis tribus. Eadem autem ratione si tertia H  
 æqualis E F percurratur tripla, necesse est  
 percurratur temporis triente, seu minutis duo-  
 bus; ac eodem modo quarta F G quadrante, B  
 seu sesquiminuto, & quinta G H quinta par-  
 te temporis, seu minuto vno cum secundis duodecim;  
 ac sexta H B, sextante, seu minuto vno, & ita deinceps.  
 Atque ego quidem hûc vsque nullum video paralo-  
 gismum. Quamobrem restat, vt disquiratur, quot-  
 nam æqualia spatia, partesve spatii æquales tem-  
 poribus primum consequentibus, ipsique æqualibus  
 percurrantur. Porro cùm ad id pernosendum, ni-  
 hil oporteat aliud, quàm iungere simul varia hæc  
 fragmenta primi temporis, hoc est dimidium, trien-  
 tem, quadrantem, & porro partis quintam, sextam,  
 septimam, &c. deprehendimus in ipso fine quarti  
 spatij, ex iunctis simul dimidio, triente & quadrante,  
 confectum esse secundum tempus, seu iteratò minuta

sex, cum superante duodecima parte. Ac pari ratione in fine vndecimi spatij, ex superadiunctis partibus quinta, sexta, septima, octaua, nona, decima, vndecima, confectum esse tertium tempus, seu iterum minuta sex, cum superante vna sexagesima parte. Et in fine spatij trigesimali primi, ex superadiunctis duodecima, decimatertia, &c. confectum quartum, seu sex minuta, cum superante parte circiter quadragesima. Et in fine octogesimali quarti, ex superadiunctis trigesima secunda, trigesima tertia, &c. confectum quintum, seu sex minuta, cum superante vna parte proximè nonagesima, atque ita deinceps. Vnde licet aduertere, fore vt spatia ea ratione incrementant, quæ assumptis quibuscumque æqualibus temporibus deprehendatur excedere, & disformiter quidem, seu inæquabiliter, triplam; quippe procedendo per hos numeros, vnum, quatuor, vndecim, triginta vnum, octoginta quatuor, &c. sicque lapide decidente primo momento per vnam v. c. orgyiam, fore vt secundo æquali momento decidendo per treis, in tertio per septem, in quarto per viginti, in quinto per quinquaginta duas, deciderit in fine quinti, orgyias octoginta quatuor, ac breui res sit abitura in immensum, secusque quàm docet ipsa experientia, iuxta quam orgyia in fine quinti momenti superata, colliguntur plures esse non debere, quàm viginti quinque.

XXXII. Demonstras ipse alia ratione (sed nimis aduersum te) non fieri accelerationem pro subdiuisione ista temporis. Si igitur, inquis, acceleratio motus per eam primi temporis subdiuisionem fieret, de qua



heic sermo est, pars secunda  $DE$  tribus minutis percurrī  
 deberet, hoc est dimidia parte primi temporis; & pars ter-  
 tia  $EF$  duobus minutis, nempe tertia parte eiusdem primi  
 temporis, & ita de ceteris. Quamobrem verò id non  
 fieret; cū supposito tuo illo principio de velocita-  
 tibus sese habentibus vt spatijs, & nullus sit paral-  
 ogismus, & res sponte sua se prodat, neque videatur  
 eueri posse, abs te, vt mox tentas euertere, nisi tua  
 ipsius eueritas principia, & falsitatem prodens conse-  
 quentis, quod tamen ex tuis principiis tam necessa-  
 riò deducitur, videaris etiam prodere falsitatem ante-  
 cedentis? Pergis itaque, At rem non ita accidere facile  
 intelligimus, diuisa bifariam parte  $AD$  in  $S$ , & parte  
 item  $DE$  similiter in  $X$ . Tunc enim ob eandem ratio-  
 nem necesse fuerit, vt pars  $SD$  percurratur in dimidia  
 eius temporis, quo pars  $AS$  decurritur; &  $DX$  in ter-  
 tia parte, itemque  $XE$  in quarta parte eiusdem temporis,  
 vt manifestum est. Quorsum verò id necesse non fue-  
 rit; cū eadem sit ratio dimidij ad dimidium, quæ  
 totius ad totum, & nulla sit obseruatio, aut ratio, ex  
 qua aliud inferatur potius de partibus  $AD$ ,  $DE$ ,  $EF$ ,  
 &c. quàm de partibus  $AS$ ,  $SD$ ,  $DX$ , &c. aut de  
 quibuscumque minoribus, dummodò sint omnes inter  
 se æquales? Pergis iterum, Cū igitur supponamus  
 totam  $AD$  minutis sex pertransiri, necesse erit, vt decur-  
 sus per  $AS$  quatuor minuta, & descensus per  $SD$  duo  
 tantum minuta insumat: vt scilicet ea ratione tempus des-  
 census per  $SD$  sit dimidia pars temporis in descensu per  $AS$   
 insumpti; ideoque etiam pars  $DX$  minuti.  $\frac{1}{2}$  nempe tertia  
 parte temporis  $AS$ ; & pars  $XE$  minuto vno, siue

quarta parte eiusdem temporis percurreretur; sicque descensus per totam *D E* minus  $2\frac{1}{2}$  absolueretur. Quid nì verò id quoque necesse non sit, existente semper eadem ratione dimidiorum ad dimidia, quæ totorum ad tota? At paulò antè, inquis, *supposuimus eandem partem non nisi tribus minutis decurri*. Id verò sanè non supposuisti, vt aliquid gratis concessum; sed vt aliquid necessario cum tuis principiis cohærens. Quare & fit quidem, vt euincas rem esse impossibilem, percurri partem *D E* dimidio eius temporis, quo percurritur *A D*; sed euincas tamen aduersus te ipsum; cum ex hoc rursus efficiatur, vt motu æquabiliter accelerato ex *A* in *E*, non fuerint in *E* acquisiti duo celeritatis gradus, quemadmodum in *D* fuit acquisitus vnus, si mobile quidem per totam *D E* non sit motum duplò velocius, quàm per totam *D A*; atque idcirco in dimidio temporis, duratione vè minuto- rum trium. Fit etiam, vt quando concludis, *Per hanc igitur primi temporis subdiuisionem, accelerationem motus in descensu grauium satis exactè non explicari*; adiici possit, neque explicari per tuam illam positionem, cum qua hæc subdiuisio indiuiduè connexa est, & à qua illam auertere, ob contradictionem consequentem conatus, nihil aliud videris, quàm, quod vulgò aiunt, incommodum per incommodum soluere.

XXXIII. Prætextu subinde quæsito vltioris incòmodi, substernis quasi fundamentum constituen- dæ postea à te progressionis motus per parteis tem- poris æqualeis secundum rationem continenter du- plam. Nam, *Accedit*, inquis, *quòd tota DE eodem*

præcisè tempore, quo pars  $SD$  transcurreretur (tempore nimirum non trium, non duorum cum triente, ut prius, sed minutorum præcisè duorum) id autem sic probas. Cum enim  $AD$  dupla ponatur ipsius  $AS$ , & similiter  $AE$  dupla sit ipsius  $AD$ , necesse est, ut velocitas in  $D$  dupla sit velocitatis in  $S$ ; & velocitās in  $E$  eodem modo dupla reperiatur velocitatis in  $D$ ; imò, ut velocitas etiam quacumque in quouis puncto inter  $D$ , &  $E$  constituto designabilis perpetuò dupla sit velocitatis alterius inter  $S$ , &  $D$  etiam assignabilis, ut facile quilibet per se intelligere potest. Sumpto enim puncto quocumque inter  $D$ , &  $E$ , exempli gratiā  $T$ , diuisoque bifariam intervallo  $AT$ , sectio necessario cadet inter  $D$ , &  $S$ , puta in  $V$ . Et quia eris  $AT$  dupla ipsius  $AV$ , erit etiam velocitas in  $T$  dupla velocitatis in  $V$ , & ita in cæteris punctis, quæ designari possunt inter  $D$ , &  $E$ . Quare per totum intervallum  $DE$  velocitas erit dupla velocitatis per totum spatium  $SD$ , sicut interval-  
 lum  $DE$  duplum est intervalli  $SD$ . Ambo igitur hæc interualla nempe  $SD$ , &  $DE$  æquali tempore percurreuntur. Quo loco admitto imprimis, ut nouum incommo-  
 dum, eandem partem  $DE$ , quæ probata est primùm percurri debere ex tuo principio minutis tribus, ac deinde minutis duobus cum triente, probari iam per-  
 curri debere minutis duobus. Quippe nihil est, quod magis prodat falsitatem principii, quàm tot repu-  
 gnantium, atque absurdorum capitum deductio. Neque verò heic adhuc finis; quandò alia innumera pari ratione consequentur. Nam si, v. c.  $AS$  bifariam secetur in  $P$ ; conficietur eodem tuo ratiocinio, ut  $PS$  percurratur eodem tempore, quo  $SD$ , atque

idcirco eodem, quo D E. Et quia seruatâ analogiâ P S percurri debet vno minuto cum triente, efficitur, vt non modò S D, verùm ipsa quoque D E percurratur rursus non duobus minutis, sed vno solum cum triente; atque ita bifariam secando, diminuendoque in infinitum. Adnoto deinde non transire te vltra comparisonem partis D E cum parte S D, neque comparare ipsam cum parte P S, vt mox factum est, & fieri posse nihil prohibet; cum nulla sit ratio, ob quâ in hac potius bisectione, quàm in vltiore vlla consistatur; verùm assumere te solum, id tempus, quo absoluitur intervallum S D breuius esse tempore, quo pars superior A S transcurritur, alioquin descensus sine acceleratione vniformis esset; idque, vt inferas, partem primam designatam D E, cum eodem præcisè tempore percurratur, quo intervallum S D, non in dimidio prioris temporis, sed tempore breuiore absolui. Adnoto, inquam, vt appareat, cui fundamento super-exstruas quicquid deinceps ædificas, supponens nimirum vt ratum principium (quod obiter, & aliud agendo stabilieris) æqualitatem temporis, quo pars S D, & ipsius dupla D E percurruntur.

*De Tempore, quo R. P. colligit singulas partes decursumiri.*

XXXIV. Etenim illicò sic habes; Sed ex his, & eadem prorsus ratione aliud demonstratur, quod ingentis, atque admirabilis paradoxo loco non immeritò fortassis haberi possit, nempe si spatium, per quod corpus graue quodcumque descendit, in partibus quotlibet æqualeis diuisum intelligatur, & primæ, ac supremæ partis etiam designetur



dimidia pars, & tertia, & quarta, ac deinceps cetera, incipiendo diuisiones istas omneis ab infimo eiusdem primæ partis puncto, donec totidem designata sint, quot in reliquo spatio partes æquales acceptæ fuerint: tum singula partes huiusmodi æquales tanto præcisè tempore à corpore graui descendente percurrantur, quanto partes ipsis analogæ, ac respondentes in suprema parte ( seu infiore eius dimidio ) ab eodem corpore graui decursa fuerint. Rem consequenter ita declaras; Sit spatium AB ( in schemate hoc ) per quod corpus graue descendat; in parteis exempli gratiâ sex æqualeis diuisum in C, D, E, F, & G: primæque, ac supremæ partis AC, ex infimo eius puncto C designetur primum media pars CH, deinde tertia CI, & quarta CK, itemque quinta, & sexta CL, & CM. Dico corpus graue descendens per AB tanto præcisè tempore pertransire secundam partem CD, quanto dimidiam primæ partis HC, antè pertransiuit; & similiter pari, atque æquali tempore partem DE, quæ ordine tertia est, & tertiam primæ partis, nempe IC ab eodem corpore descendente transcurri, & ita de ceteris. Tunc autem pergis. Et quidem de secunda parte CD, eam non longiore tempore decurri, quàm quo primæ partis posterior dimidia pars transmissa fuerit, iam paulò antè ostensum est; nec maiore negotio idem de ceteris quoque partibus concludetur. Sumpto enim CN, &c.

XXXV. Verùm priusquàm gradus ad ceteras fiat, consistendum est in hac prima; cum non

non sit nequicquam, quod de ipsa admonui. Ostensum esse ais tempus, quo percurritur  $CD$ , æquale esse tempori, quo decursum fuerit  $HC$ : seu, ne confundamus, & rem explicemus, quasi repetendam ex superiore schemate, ostensum esse ais id tempus, quo percurritur  $DE$ , æquale esse tempori, quo decursum fuerit  $SD$ . At primò, insinuatum iam est id esse impossibile; cum quo iure ipse bisecauisti primam partem  $AD$  in  $S$ , liceat bisecare primum dimidium  $AS$  in  $P$ ; & rursus primum horum dimidiorum in duo alia, & primum istorum in duo, & ita porro quoties libuerit: iuxta tuum verò ratiocinium, sequatur tempus, quo percurritur  $SD$ , esse æquale tempori, quo decursum fuerit  $PS$ , quatenus, ut velocitas per totam  $DE$  est dupla velocitatis per totam  $SD$ , quemadmodum intervallum, duplum est; ita velocitas per totam  $SD$  dupla est velocitatis per totam  $PS$ , sicut intervallum est itidem duplum; Hoc autem posito, ulterius sequatur tempus per  $SD$ , atque idcirco per  $DE$  ipsi æquale, esse non iam minutorum duorum, ut ostendisti, sed minuti vnus cum triente; ut pote cœquatum tempori per  $PS$ , quod tam esse debet triens quatuor minutorum (quibus vis  $AS$  percurri) quàm tempus per  $SD$  statuitur à te triens minutorum sex (quibus percurritur  $AD$ ) cum id tamen factum impossibile sit, repugnantia putà inuoluens, ac tantò magis, quantò ex vltioribus subdiuisionibus probari potest eandem  $DE$  percurri:



rursus non vno minuto, ac triente, sed secundis solum proximè quinquaginta tribus; & rursus proximè octodecim, & rursus sex, &c. Deinde, cum ad id ostendendum vsus fueris ea ratione, quòd necesse sit, *velocitatem in D duplam esse velocitatis in S, & velocitatem in E duplam velocitatis in D, sicuti AD ponitur dupla ipsius AS, & similiter AE dupla est ipsius AD*; sequitur exinde, vt tam tota DE, quàm tota SD percurratur non triente, sed dimidio temporis, quo tota AD: cum vbiqumque est velocitatis duplum, vbi sit dimidium temporis duntaxat, neque tu id infregeris, sed incommodum solum attuleris, quod cum euertat consequutionem de subdiuisione primi temporis, suppositionem quoque euertit de velocitate dupla in duplo spatij, tripla in triplo, &c. vt aliquoties est inculcatum. Nam & quod postea assumis tempus per SD, atque adeò DE esse breuius, quàm dimidium eius, quo transcurritur AD, id facis quidem rectè, verumtamen iure non tuo; quippe id facis solum metu eius incommodi, quod præsensiti posse vrgeri de motus acceleratione vniformiter, continenterque crescente: cum id alioquin & repugnet tuæ suppositioni de velocitate dupla in duplo spatio, tripla in triplo, &c. & euertat demonstrationem ipsam, ad quam iam recurris, cum ostensum ais tempus, quo percurritur secunda pars, æquale esse temporis, quo transmittitur dimidium posterius, seu inferius primæ: neque enim id fuit ostensum alio ratiocinio, quàm quod ipsemet statim pernegasti.

XXXVI. Attamen supponatur etiam tua huius-

modi demonstratio; Sequitur ecce rursus, ut tempus, quo percurritur DE sesquialterum sit, non verò æquale illi tempori, quo percurritur SD. Cum velocitates enim sint per te, ut spatia; ac aliunde sit manifestum, ubi est duplum velocitatis, ibi dimidium esse temporis, ubi triplum trientem, atque ita semper in ratione submultipla; si sit primò ut AE ad AD, ita AD ad AS; erit igitur diuidendo ut AS ad SD, ita AD, ad DE; ac deinde, si sit AS tempus minutorum quatuor, & SD minutorum duorum; Erit igitur tempus AD quidem minutorum sex, & DE minutorum trium, atque adeò sesqui-alterum, non æquale tempori SD. Sequitur iterum, ut non secus, quam Galileus ratiocineris, dum Paralogismi illum arguis. Siquidem ex tuo quoque ratiocinio euincitur, ut tota AE eodem tempore, quo ipsa AD, quæ pars eius est, percurratur. Nam si ut AE ad AD, ita DE ad SD; ergo ut DE tempus ad SC tempus, ita AE tempus ad AD tempus: Atqui DE tempus per te est æquale tempori SD; igitur AE tempus æquale erit AD tempori; hoc est totum, & pars percurrentur tempore æquali, aut eodem. Sequitur præterea, ut quia quælibet magnitudo etiam ipsa diameter Mundi tam est dupla sui dimidij, quam AE est ipsius AD, & tam in fine dupli est velocitas dupla, quam in fine dimidij dimidia; ideò etiam diameter Mundi ita se ad semidiametrum habeat, ut DE ad SD; quare & quemadmodum DE percurritur eodem tempore, quo SD, duobus videlicet minutis; ita etiam Mundi semidiameter debeat eodem tempore, seu duobus minutis



percurri. Quippe & tametsi partes sint incomparabiliter plures in semidiametro Mundi, quàm in spatiolo DE, sunt tamen gradus velocitatis incomparabiliter etiam plures, ac proportionē totidem; vt tempora submultipla illis superandis sufficere valeant. Vt breue faciam, erroris origo ex eo profluxisse videtur, quòd merè gratis constititeris in parte AD, eiusque dimidio inferiore SD; & rem perinde habueris, ac si dimidium superius AS diuidi perinde non posset, neque haberet speciatim dimidium eadem ratione, quā habet AD. Propterea enim accepisti solum omnia designabilia puncta per totam DE, in quibus velocitas esset dupla velocitatis in totidem punctis per totam SD; neque reputasti pergendum, vt haberes eodem tenore puncta designabilia per totam SD, in quibus velocitas esset dupla velocitatis in totidem punctis designabilibus per totam PS, atque ita in infinitum; vt prorsus necessarium est ex tua ipsius suppositione. Quanquam res vberius cognoscenda est circa cæteras, quas describis parteis.

XXXVII. Vt enim probes (resumpto iam recentiore schemate) tempus per tertiam partem DE æquale esse tempori per trientem primæ partis IC, Sumpto, inquis, CN æquali ipsi CE, erit tota AD diuisa in treis parteis æqualeis AI, IN, & ND; eritque velocitas in D ad velocitatem in I, vt tota AD ad ipsam AI, hoc est tripla. Cumque ob eandem causam velocitas quoque in E tripla etiam sit velocitatis erit C, in velocitas per totam DE tripla velocitatis per totam IC, sicut tota DE tripla est ipsius IC; ac proinde percurrentur IC, & DE æquali tempore.

Et consequenter, ut pergas probare tempus per  
 quartam partem EF æquale esse tempori per  
 KC quadrantem primæ, Similiter, inquis, di-  
 uisa bifariam CD in O, sumptioque quadrante  
 DP æquali ipsi KC, tota AE diuisa erit in par-  
 tibus quatuor æqualeis AK KO, OP, PE; ideo-  
 que velocitas in E erit quadrupla velocitatis in K, ut  
 tota AE quadrupla est ipsius AK. At velocitas  
 quoque in F ob eandem rationem quadrupla etiam est  
 velocitatis in C; velocitas igitur per totam EF  
 quadrupla est velocitatis per totam KC, sicut tota  
 EF quadrupla est ipsius KC. Percurrentur igitur  
 KC, & EF æquali tempore. Sequitur, Ea  
 dem autem etiam ratio est cæterarum omnium par-  
 tium, ut facile quilibet ex istis per se intelliget. Con-  
 cludis, Si spatium igitur, per quod corpus quodcum-  
 que graue descendit, ea, qua dictum est, ratione diui-  
 sum intelligatur, singula partes huiusmodi æquales tanto  
 præcisè tempore à corpore graui descendente percur-  
 rentur, quanto partes ipsis analogæ ac respondentes  
 in suprema parte (aut inferiore eius dimidio) desi-  
 gnata ab eodem corpore graui decursæ fuerint, ut est  
 propositum. Præterea autem, quod subinde de-  
 claras te adscripsisse fini cuiusque sex partium  
 numerum integrum, incipiendo ab vnitatem, &  
 ad designandum velocitatis gradus ille acquisitos, &  
 ex æquo factos cum decursis partibus; adscripsisse au-  
 tem mediis interuallis secundæ, & sequentium partium  
 fractos numeros, ad designandum tempora, siue fra-  
 ctiones temporis primi, quibus vnumquodque spa-



tiorum primum consequentium percurritur.

XXXVIII. Videris itaque imprimis haud abs re dixisse *admirabile Paradoxum*: cū habuisti videlicet posterius primæ partis dimidium, vt scalam Prototypicam, cuius gradibus cœquetur, exquisitēque mensuretur cæterarum omnium consequentium duratio; tametsi illud esse possit parte digiti millesima minus, & istarum aggeries, quanta est tota semidiameter mundi. Non sanè, quod negem dari lineas, aliasque magnitudines, in quibus arcana prorsùs admiranda, & quæ nemo vnquam suspicatus fuisset, detegantur à Geometris: sed quod videri iure possit penitus incredibile alligasse potius naturam ipsa quasi fata cæterarum partium ipsi posteriori, quàm priori dimidio; imò & non tam toti ipsi dimidio, quàm infimo illius puncto, à quo triens, quadrans, cæteræ fractiones debeant supputari. Ecquod-nam esse enim potest illius privilegium; aut quid-nam admissum à priori dimidio est, vt eo excidisse, & pro nihilo reputari iure censeatur? Quid habere cōmune potest centesima, millesima deciesque, & centies millesima pars cū posteriore hoc dimidio; non habere autem cum illo priore, à quo totus motus dependet; non cū cæteris partibus perinde succedentibus; non saltem cum vicinis, quibuscum proximè cohæret? Deinde, ne hac in re hæream, eadem prorsùs incommoda ex triente pro tertia parte, ex quadrante pro quarta, atque ita de cæteris, quæ ex ipso dimidio pro secunda consequuntur. Nam, vt rem circa ipsum trientem, partemque tertiam solum attingam, Sicuti primum totam AC in treis diuisti.

trienteis, quorum postremus sit IC; sic tota AH diuidi potest in trienteis treis, quorum postremus sit QH; & vt facis tempus per IC minuti vnus cum triente; cū sit nempe triens minutorum quatuor, siue duorum bes; ita facere licet tempus per QH quadraginta secundorum, cū sit triens minutorum duorum, siue bes vnus minuti. Cū autem hoc modo QH se habeat ad IC, vt IC, ad ND; & CA non minū sit tripla ipsius AQ, quā DA ipsius AI, vtrāque nempe pari modo, quo EA ipsius AC; adē vt velocitatibus ob rationem triplam exæquatis, sic ego possim concludere QH se habere ad IC, vt tu concludis IC se habere ad DE, sequitur, vt, quia concludis tempora per IC, & DE esse æqualia; tempora quoque per QH, & IC æqualia sint, ac proinde tempus per IC sit iam non vnus minuti cum besse, sed dimidium minuti cum sextante; & qua ratione hoc sequitur, sequetur vt assumpto dimidio ipsius AH, ac ita sumptis in infinitum dimidiorum dimidiis, quæ per trienteis diuidantur, futurum, vt ipsa IC minore semper, ac minore in infinitum tempore, quā ipse admiseris, censeatur percurri. Sic ex eo, quod vis velocitatem in E esse triplam velocitatis in C; & velocitatem in D triplam velocitatis in I, pro ratione nempe spatiorum, Sequitur vt tam tota DE, quā tota IC percurrantur non iam vno minuto cum triente, sed omninō duobus minutis, trienteve minutorum sex, quibus percurritur AC: cū vbicumque est velocitatis triplum, ibi manifestō non sit nec ampliū nec minū, quā temporis triens. Sic incidis rursū in eum, quem esse cau-



satus es in Galileo Paralogismum. Nam si vt A E ad AC ita DE ad IC; ergo vt DE tempus ad IC tempus, ita AE tempus ad AC tempus; atqui tempus DE per te est æquale tempori IC; ergo AE tempus tempori AC æquale erit; hoc est pars, & totum æquali tempore percurrentur. Sic quia totum quodlibet ita se habet ad sui trientem, & velocitas in fine totius ad velocitatem in fine trientis, vt se habet magnitudo, & velocitas AE comparata ad AC: sequitur, vt etiam pari modo se habeat, quo DE comparata ad IC; quare & quemadmodum DE triens ipsius AE eodem tempore percurritur, quo IC: ita diametri mundi triens eodem tempore percurratur. Neque enim dicas maiorem esse connexionem ipsius DE, quàm trientis diametri mundi cum ipsa IC; nam vis ratiociniij est solum in comparatione totius ad trientem; & aliunde quot sunt plures partes in triente diametri mundi, quàm in triente spatij DE: totidem sunt etiam velocitates plures, quibus tempore eodem superetur, atque ita de cæteris.

*De Ratione continuò dupla, qua sp̄atia decurri temporibus equalibus R. P. concludit.*

XXXIX. Superest postremum, siue tertium membrum, de Ratione continuò dupla, qua pertransiri sp̄atia temporibus continuò æqualibus inferis. Primum autem, vbi adnotasti non posse quidem ex deductione à te mox facta, *absolurè colligi quantum præcisè temporis graue ex assignata altitudine descendens in toto descensu insumat, nisi distinctè etiam cognoscatur tempus descensus*

*descensus non tantum per totam primam partem AC ( in nu-*  
*pero schemate ) sed etiam seorsum per AH, & per HC;*  
*quod multò difficilius esse arbitreris, quàm Galileo videatur;*  
*at cognitis, aut præsuppositis temporibus illis, facilè deinceps*  
*totum tempus totius descensus per quamcumque designatam*  
*altitudinem determinari : id quod postmodum te ostensu-*  
*rum recipis. Tum supponens me expectare*  
*diutiùs, quid sis dicturus de Ratione, qua se ha-*  
*bent spatia equali tempore emensa, sic inhis, Aio*  
*verò equalibus temporibus spatia decurri maiora*  
*semper, ac maiora in Ratione dupla. Diviso enim*  
*spatio AB, per quod supponitur fieri descensus, in*  
*partes quotcumque æqualeis in C, D, E, F, &c. iam*  
*ostensum est partem secundam CD, & primæ par-*  
*tis dimidiam partem inferiorem NC equali tempore*  
*percurri; & ob eam quidem causam, quòd, ut pars*  
*CD dupla est partis NC, ita velocitas quoque per*  
*totam CD dupla sit velocitatis per totam NC. At*  
*simili ratione etiam efficitur, velocitatem per totam*  
*DF duplam esse velocitatis eius, quæ habetur per*  
*totam CD; sicut tota DF dupla est ipsius CD.*  
*Æquali igitur tempore CD, & DF decurruntur;*  
*eademque omnino ratio est ipsarum DF, & FK,*  
*cæterarumque omnium se pariter in ratione dupla su-*  
*perantium; ut satis manifestum est. Spatia igitur*  
*equalibus temporibus emensa, & velocitates iisdem*  
*temporibus equalibus acquisitæ semper augentur in*  
*continua ratione dupla.*

A  
 N  
 C  
 S  
 D  
 V  
 E  
 F  
 G  
 H  
 T  
 I  
 K  
 L  
 M  
 O  
 P  
 Q  
 R  
 B

XL. Cæterum, cum iste habeatur quasi  
 prouentus quidam eximius totius tuæ Dissertationis;

Patietur tua bonitas admirari imprimis me, quid esse agendum cogitaueris de primo dimidio AN. Videlicet rationem duplam, progressionemque à puncto N ita inchoas, ut si motus inciperet, ac vniuniformiter quidem, non à puncto A, sed à puncto N. An dices fortè posse AN ita bisecari, ut motus, & ratio, progressioque illius incipiat à puncto inter A, & N medio? Sed biseca, ut voles, eadem erit ruina. Biseca rursus, iterumque, & porro vsque in infinitum; attamen semper supererit pars, à cuius medio, non autem ab A fieri inceptio cogitetur; adeò ut prorsus perinde sit consistere in dimidio AN. Cum autem dicturus præterea non sis fieri solum quoddam quasi tyrocinium, seu præludium ex A in N, ac motum deinde, & rationem, progressionemque incipere serio ab N; cum non sis, inquam, id dicturus, ut pote, qui motum admittas à primo vsque sui momento accelerari vniuniformiter; ac supponas etiam, ubi tempus per AC minorum sex fuerit, tempus per AN futurum minorum quatuor; quæso te, ecquis modus est progressionis ex A in N? Nam ab A quidem incipiens motus acceleratur continuo, & progressu accelerationis inalterato, transit per N, ac pergit ulterius, nec dicere licet quid illi speciale contingat in N, quod in alio quouis puncto non contingat. An non ergo, si temporibus æqualibus spatia decurruntur in ratione dupla; debet omnino spatium AN percurri tempore æquali cum spatio consequente duplo, ut putà ipso NS? Id autem cum prorsus ita esse debeat, quid sit, ut per te etiam triplum percurratur spatium, putà ND?

Quippe, ut tempus per AN est minorum quatuor; ita tempus per NC, & CD, utrumque, ex te, minorum duorum, statuitur coniunctim minorum quatuor. Ecquo ergo modo sanari id putas? Patere rursus mirari me, quorsum ablegandam censueris progressionem illam arithmeticam, qua velocitates se, ut spatia habent, & quam sternendam, ut fundamentum ædificij totius censuisti? Ecce enim, cum velles gradus celeritatis ita distribui, ut in D essent duo gradus, quorum unus esset acquisitus ab A in C, & alius ipsi æqualis acquisitus à C in D; vis iam à C in D talem gradum acquiri, qualis acquiritur ab N in C; quandoquidem CD tanto tempore, quanto NC, cuius est dupla, percurritur. Ex quo rursus consequitur, ut velocitates per AC, & NC acquisitæ sint prorsus æquales; ac proinde, ut AC, & NC hoc est totum, & pars eodem tempore percurrantur; ac spatium CD non percurratur modo eodem tempore, quo NC, sed etiam eodem, quo AC; quæ iterum nescio sanari quæ valeant.

XLI. Patere insuper, ut requiram, subsit-ne tibi ratio, quam obrem diuisâ lineâ AB in parteis æqualis, diligere possis dimidium NC, & i pergendo proportionem dupla dicere, ut NC ad CD, ita CD ad DF, & DF ad FK, &c. dicere autem perinde non liceat, ut AC ad CE, ita CE ad EI, & EI ad sui duplam? Dicere certè accipiendum esse posterius primæ partis dimidium, quod contineatur in eo mensura cæterarum partium consequentium, videtur esse dicere gratis, ipsamque petere quæstionem; ac aliunde



agitur solum de progressione Geometrica, quam generalem cum statuas, incipere vnde libet licet, & nullo quidem ex puncto magis secundum naturam, quam ex puncto A. Dic enim, amabo, si quispiam pernostrare rationem exoptet, qua decidens graue progrediatur ab A in B, & tu ostensurus ita exordiaris, Vt NC ad CD, ita CD ad DE, &c. putas te illi facturum satis, ac tibi obiectum non iri quaestionem esse, non de progressu ab N solum, sed de progressu ab usque A, de quo si nolles dicere, nihil dicere foret praestabilius? Patere quidem etiam, ut rogem te, quid ea expedire, quae a te deinceps subiunguntur, valeas? Comparans enim tempora, quibus partes omnes primum sequentes percurruntur, cum temporibus, quibus vis fragmenta posterioris illius dimidii, sigillatim sumpta percurri, isthaec habes verba, *Sic tempus, quo primi interualli media pars inferior absoluitur, & quo duae sequentes partes, nempe 3, & 4, sigillatim transcurrerentur; itemque illud, quo quatuor sequentes 5, 6, 7, & 8, vel sequentes octo 9, 10, 11, 12, 13, 14, 15, & 16, aut caeterae consequenter, seorsim tamen, & successiue absoluerentur.* Quaeso te verò, quid id fieri, quod hac ratione deducis valeat? Assume enim integrum tempus, quodcumque volueris, ut ad illud referas quaecumque heic enumeras parteis, & peruidebis ratione dupla id ipsum, quod moliris, absoluat. Esto v. c. tempus per AC triginta sex, ut triens, seu tempus, quod tribuis posteriori dimidio, quodque primum facis, sit duodecim; cum subinde spatium aequale dimidio, cui debetum sit tempus 6. idem duplices, ut pro secundo spatio

habeas iterum duodecim; compone deinde in vnum duo tempora duorum sequentium interuallorum, videlicet trientem 4, & quadrantem 3, ac habebis non duodecim, hoc est tempus æquale primo, sed septem illius duodecimas dumtaxat; aut si duplices, etiam duodecimas quatuordecim. Adde pari modo quatuor tempora quatuor aliorum interuallorum, hoc est partem 3, 6, 7, 8, & habebis iterum non duodecim, sed vix amplius quàm duodecimas septem, cum semisse; aut si duplices, etiam quidpiam amplius, quàm duodecimas quindecim. Adde & quæ octo sequuntur interuallorum consequentium; & habebis rursus non duodecim, sed duodecimas non omninò octo: aut si duplices, etiam duodecimas ferè sexdecim. Imò & adde sexdecim, quæ interuallorum succedentium sunt, & vix habebis amplius, quàm duodecimas octo: aut si duplices, etiam aliquid amplius quàm duodecimas sexdecim. Adde & quæ sunt triginta duorum proximorum; & habebis solùm duodecimas non omninò octo cum triente: aut si duplices, etiam duodecimas sexdecim, cum proximè besse, atque ita de cæteris. Ex quo profectò fit, vt videas nulla ratione coherere, quam subesse existimasti æqualitatem temporum cum ratione dupla spatiorum.

XLII. Denique, vt alia præteream, quæ tuo ex ratiocinio, dum rationem duplam stabilire conaris, consequuntur incommoda; Sequitur ecce vt stabilias non modò duplam, sed etiam triplam, quadruplam, decuplam, & quamlibet aliam. Nam vt de tripla solùm dicam (cùm in cæteris idem iuris sit) ac non

repetam, quod iam insinuauī, velle te  $AN$ , &  $ND$ , quod spatium est triplum, æquali tempore percurri, ac ita rationem incipere triplam, deberēque eodem progredi tenore ex  $D$  in  $T$  ipsius  $ND$  triplam, & ita deinceps; ne id, inquam, repetam: accipiaturnon  $NC$ , sed  $XC$  infimus triens primæ partis. Vis tu tempora  $XC$ , &  $DE$  esse æqualia, quoniam  $XC$  est triens ipsius  $DE$ , eo modo, quo vistempora per  $NC$ , &  $CD$ , esse æqualia: quoniam  $NC$  est dimidium ipsius  $CD$ : Quare, vt, assumendo partem analogam ipsi  $NC$ , vt putà  $CD$ , progredieris deinceps in ratione dupla  $CD$ ,  $DF$ ,  $FK$ , &c. ita assumendo partem analogam ipsi  $XC$ , progredi deinceps licebit in ratione tripla  $DE$ ,  $EH$ ,  $HB$ , &c. Sequitur quoque te recidisse in illud ipsum incommodum, quod deduxi antè aduersus eandem rationem duplam: nempe, vt debeas admittere, peracto primo tempore in percurrento aliquo spatio, percurri deinceps debere spatia omninò infinita, priusquam finis temporis alterius æqualis adueniat. Quippe, si vt tu bisecuiſti partem primam  $AC$  in  $N$ , ita cæteræ biscentur in  $S$ ,  $V$ , &c. Quemadmodum tempus  $NC$  fit per te dimidium temporis  $AN$ , ita tempus  $CS$  erit dimidium temporis  $NC$ , & tempus  $SD$  dimidium temporis  $CS$ , &c. Et vtcumque contendas iam, incipiendum esse non à puncto  $A$ , sed à puncto  $N$ : idem nihilominus sequetur. Nam remanente eadem bisectione partium, ac habentibus, se dimidiis eadem ratione, qua habent tota; cum si ex  $N$  in  $C$  certus velocitatis gradus acquiratur, is sit deinde in  $S$  duplex, ac pari ratione esse debeat in  $D$  qua-

Druplus, in V octuplus, &c. quòd vt geminatur à primo interuallo in secundum, sic geminari debeat à secundo in tertium, à tertio in quartum, &c. idè tempora fient semper dimidiorum dimidia. Vnde eueniet, vt peracto tempore primo, procedatur solùm consequenter per eiusdem dimidium, quadrantem, octantem, & fractiones ceteras nunquam ipsi toti, nisi transactis spatii infinitis, exæquandas.

*De Tempore, quo Globum ferreum casurum ex Luna in Terram contendit.*

XLIII. Cùm tibi subinde in animo esset specimen quoddam insigne dare huiusce tuæ rationis duplæ, casum delegisti globi ferrei ex Luna vsque in centrum Terræ. Ac primùm quidem adnotas sequi ex tua illa ratione, *Gravia omnia longè celerius deorsum moueri, quàm à Galileo constituatur; quoniam cùm ex eius principis corpus graue quodcumque sex temporibus, exempli gratiâ, inter se equalibus descendens, non nisi triginta sex interualla equalia percurrat; posita aliunde acceleratione motus equalibus temporibus in ratione dupla, demonstratum à te dicis necesse omninò esse, vt idem corpus graue sex iisdem temporibus descendens interualla non tantum triginta sex, sed sexaginta tria decurrat.* Verùm hac in re non est innotandum, neque exaggeranda est exorbitatio, qua facta progressio in ratione dupla, vtcumque initio moderata sit, & progressionem secundum seriem numerorum imparium proximè circumstet; nil eò tamen omneis metas probabilitatis prætergreditur; cùm res statim pateat in ipso de casu ex Luna exemplo. Ecce



enim quia Galileus, supponendo esse à Luna in centrum terræ milliaria 196000. ratiocinatur globum ferreum è Luna dimissum peruenturum ad centrum Terræ intra horas 3. & minuta 22. cum secundis 4. quatenus ex obseruatione ab eo peracta decidit initio, intra secunda quinque, centum cubitis; ac perrepturus est deinceps iuxta progressionem ab eo assignatam: idcirco tu illa milliaria diuidens in pedes 98000000 (quanquam Galileus non pedes usurpauit, sed cubitos, quorum numerus foret 98000000) & numerum reducens in pedum centena 9800000, assumis 100 pedes (assumpsit ille ex obseruatione 100 cubitos, qui continent pedes 166 $\frac{2}{3}$ ) pro spatio, quod percurritur quinque secundis, seu tempore vno, qualia sunt duodecim in vno minuto, & 24 in duobus minutis: ac tum extendendo 24. hæc tempora, tribuis primo 100, secundo 200, tertio 400, quarto 800, atque ita ingeminando, quousque vigesimo quarto tribuas 838860800: & colligis postea omnium summam 1677721600, numerum videlicet pedum, qui percurruntur intra duo minuta. Et quia illi sunt pedes longè plures, quàm in prædicto spatio à Luna ad centrum terræ assignentur, concludis fore, vt prædictus globus in eo descensu à Luna vsque ad centrū Terræ, duo prima horæ minuta, siue trigesimam vnius horæ partem non insumeret: ac iubes me videre, quàm dispar celeritatis ratio inter vtrumque calculum inueniatur.

XLIII. Ego autem & video sanè, & quantum assequor, debet globus ferreus cadere per te à Luna in centrum aut vno minuto, & quinquaginta septem  
secundis

secundis, quatenus vsurpas pedes; aut minuto vno, secundis quinquaginta quatuor, quatenus videris debuisse vsurpare cubitos. Verum neque video, neque assequor pernicitatem vllam tantam, qua decidens graue tempore tam breui percurrat tam immane spatium, quale continere admittis ducenta milliarium, prope modum millia. Certè, cum attendo globum tormentarium è machina quapiam maiore explosum verticaliter, vno circiter post minuto repetitam terram attingere, & vix tamen, ex supputatis obseruationibus variis, pertigisse ad vnum milliare altitudinis, ex qua vsque recidens dimidium eius temporis, seu semi-minutum insumpserit: (sape enim sæpiùs obseruauimus esse rerum grauium sursum proiectarum descensum æquitemporaneum ascensui) cum ad istud, inquam, atrendo, consideroque simul globum per hoc milliare decidere eadem illa velocitate, qua inciperet cadere à Luna; assequor quidem euenturum, vt ex Luna decidens, & iuxta progressionem Arithmeticam numerorum ab vnitatem imparium incedens, decideret altero semi-minuto milliaribus tribus, tertio quinque, & quarto septem; adeò vt, sub finem secundi minuti deprehenderetur decidisse milliaribus sexdecim, seu iuxta Galileum, nouemdecim, cum vna quinta milliaris parte: At quid nam hoc est ad milliarium ducenta millia comparatum? Quanquam & iuxta illam tuam, Geometricamve rationem duplam, posset res prope verum haberi, quod ad milliaria illa prima, ac minuta duo prima attinet, si diceremus eundem globum decursurum primo semi-minuto milliare vnum, secundo

duo, tertio quatuor, quarto octo: ex quo futurum vides, vt duobus minutis milliaria non decideret plusquam quindecim; cū alias mirā incohærentiā deducatur, vt primo semi-minuto decidere velis globum milliariis sex cum fere triente; secundo milliariis quadringentis, ac tribus, & vna quinta milliariis partē; tertio vices quinquies mille octingentis quatuor, cum dodrante; & quarto totis milliarium myriadibus centum sextaginta quinque; ac insuper mille quingentis septem, cum vna quinta; totidem enim ex tua serie, ac summa pedum colliguntur. Quæ admonere sanè potuisse videntur, quā incredibilem admitteres rem, dum concluderes, & ad marginem exprimeres fore, *ut globus ferreus à Luna concauo ad centrum descendens, seruata temporibus equalibus acceleratione in ratione dupla, in toto descensu duo tūius horæ minuta prima integre non insumeret.*

*De Tempore per primas partis obseruatione determinando; pauca de causā Physica, deque lapsu circa eam admissio.*


XLV. Videris deinde fidem liberare circa id, quod facturum te receperas de tempore determinando, quo duo illa primæ partis percurruntur dimidia; vt quo habito distinctè deinde præcisum tempus cognosceremus, quo decidens graue designatum spatium suo descensu percurreret. Dicis autem primò, *Galileum quidem id fidenter promittere, dum ait se iteratis sæpius, ac diligenter experientis obseruasse globum ferreum ex altitudine cubitorum centum decidentem primaue secundis horæ minutis totum illud spatium decurrisse: verum, cū idem non minùs*

audacter etiam affirmet se item eadem methodo expertum esse spatia equalibus temporibus emensa eam inter se rationem observare, qua inter numeros omnes impares ab unitate continua serie procedentis inuenitur; & in hac tamen posteriore observatione vehementer errauerit, magnopere verendum esse, ne in priore quoque non minus hallucinatus sit. Dicis deinde, Satis non esse, si tempus habeatur, quo prima qualibet pars designati spatij transmittitur, nisi tempus quoque cognoscatur, quo pars sequens priori æqualis, vel duæ medietates primæ seorsim decurruntur; quod tamen exactè determinare, inquis, per quam difficile arbitror, ob causas iam sæpius adductas. Et quænam quidem fuerint huiusmodi causæ non commemorari; sed interim tamen candorem commendo, quo dicis Tertio; te quacumque diligentia adhibita nihil habere potuisse, in quo intellectus conquiesceret: ac author es, ut si aliquis se id felicius assequi posse confidat, turrim satis excelsam eligat, puta 200 pedum; ac deinde aliam altitudinem duplè præcisè minorem, pedum videlicet centum; & ex utraque altitudine, tempus descensus exactissimè inquireat; tum minore tempore, ex maiore subducto, residuum daturum tempus descensus per turris maioris centum pedes infimos: tempus verò illud minus, quo idem corpus ex sola centum pedum altitudine descendet, æquale tempori futurum, quo ex maiori quoque altitudine, per centum pedes superiores descenderit.

XLVI. Ad primum porrò quod attinet; videtur sanè non satis idonea refutatio experimenti, quod ille testatur se sæpius, ac diligenter peregisse, nisi testetur temetipsum idem tentasse, peregissequæ, ac fuisse rem secus à te observatam, falsitatisque aded con-



uictam. Quod enim esse verendum ais, ne hallucinatus fuerit, hoc satis profectò non est; & quòd argumento est tibi error vehemens, quem admisisse illum ais, circa progressionem iuxta seriem numerorum imparium; declaratum iam antè est, vt ea quoque ipsa in re non fuerit erroris conuictus; imò & suffragium etiam tulerit cùm ex aliis experimentis, tum etiam ex tuo, hoc est in Balance peracto. Ad secundum quod spectat, determinauit ille, quo præcisè tempore secunda spatij pars, ac dimidium primæ, & quævis alia percurreretur, ex assignato tempore, quo pars prima decurritur. Ostendit nimirum ex suis principijs, *Si à lationis principio duo quelibet spatia sumantur, tempora ipsorum fore inter se, vt alterum eorum ad spatium medium proportionale inter ipsa.* Adeò vt, si inter AB primam partem, & AC aggregatum primæ cum A secunda inuenias mediam proportionalem AD, tempus casus per AB, ad tempus casus per AC, futurum sit vt AB, ad AD. Nimirum id consequitur ex eo, quòd spatia sint inter se in duplicata temporum ratione; seu vt quadrata temporum; quòdque sit perspicuum rationem spatij AC ad spatium AB esse duplam rationis AC, ad AD, seu eandem, quam habent quadrata AC, & AD. Ex quo fiet, vt cùm AB supponas esse sex minutorum, AC compobetur minutorum octo, & 29. secundorum proximè; ac proinde tempus per BC sit minutorum duorum, & viginti nouem proximè secundorum. Eadem autem ratione diuisa bifariam prima parte in E, & accepta AF media



proportionali inter AB, & AE, reperietur tempus per primum dimidium AE minutorum 4, & secundorum 14  $\frac{1}{2}$  ac relinquetur proinde tempus per posterius dimidium FB minuti 1, at secundorum 45 Ad Tertium nihil est, quod dicam, quandò nihil determinas, sed prouocas solù ad experimentum, quod fieri ab alio exoptes. Ac videbatur quidem id experimentù abs te præsertim exspectandum, cùm profitereris *nouam scientiam*, seu *demonstrationem*, qua ratio, mensura, modus, ac potentia accelerationis motus in naturali descensu grauium determinaretur: idque aduersus eam, quam excogitatam à Galileo *pseudo-scientiam* appellitares; sed nolo tamen hac in re esse importunus; addoque solùm, vbi id experimentum peractum fuerit, successeritque, certum me propè modum esse, ex ijs, quæ hæctenus peregi ipsi valdè assensibus, elicitum exinde iri, quod opinionem fulciat, non tuam, sed ex Galileo hæctenus expressam.

XLVII. Iam ad finem properans, *omittere te dicis*, quæ etiam de Motu accelerato examinari possent, vt, quæ, quæque sit causa accelerationis in naturali descensu grauium: cur corpora, saltem, quæ eiusdem figuræ, & homogenea sint, cuiuscumque, & quantumlibet inæqualis ponderis illa fuerint, deorùm nihilominus equali celeritate descendant: aliæque eiusmodi, quæ tibi quidem in promptu sint, & alio loco, ac tempore opportuniùs fortasse proferenda in publicum: sed interim hæc præstibanda putasse, quæ non modo ad reuincendos Galilei errores opportuna, sed ad veram quoque, ac germanam accelerati motus naturam aperiendam necessaria viderentur. Quo rursùs loco, nihil est, quod addam, neque cur importunè rogem, quamobrem non censueris

subiiciendū aliquid esse de quæstionibus illis Phycis ac duabus præsertim heic commemoratis; cū id fecerit maximè sperandum, qui titulus est *Physica demonstratio* præscriptus. Scilicet tibi liberum fuit expectare tempus, quoddam opportunius; ac mihi sanè oppido nimium pro tua comitate tribuisti, cū faciens editionis spem, id futurum interseruisti, *maximè, si cognoueris ista viris eruditis, mihique imprimis minimè displicuisse.* Ac intelligo quidem non, fuisse cur tibi placerent, quæ de iisdem quæstionibus in priore mearum illarum Epistolarum commentus sum, ac cætera inter, quod adnexus fui explicare Phycam causam; ob quam cadens graue primo momento per vnā orgyiam, cadit in secundo per treis, in tertio per quinque, &c. Verū ratio iam nulla subest, quorsū aut quicquā reperam; aut obiectionem, si quāpiam es propositurus præoccupem; cū paratus aliunde sim & manus dare, & habere gratiam, quam maximā voueo, meliora docenti. Agnosco interim, me insigni quadam incuria illa conscripsisse, quæ leguntur potissimum à calce paginæ septuagesimæ ad caput sexagesimæ tertiæ, vbi figuram explicans, quam ab initio hūc retuli, ipsos velocitatis gradus sic feci ex pari cum partibus spatij, vt per eosdem triangulos repræsentatos assumpserim; cū debuerim potius per ipsas triangulorum veluti bases parallelas repræsentare.

XLVIII. Postremò anacephalæosi concludens, *Ex his enim, inquis, nisi vehementer fallor, manifestè iam vides, & euidenter agnoscis, quā non rectè Galileus motum æqualiter acceleratum eum esse definierit, qui æqualibus*

temporibus, æ qualia celeritatis augmenta acquirat: cùm Sole  
 clarius iam tibi sit, eundem motum, æ qualibus temporibus, non  
 æ qualia, sed maiora semper, ac maiora recipere celeritatis aug-  
 menta, in continua ratione dupla. Vides item, & pari evi-  
 dentiâ perspicis, non minus errasse Galileum, cùm spatia  
 æ qualibus temporibus emensa, eam inter se rationem ob-  
 servare voluit, quæ inter numeros omnis imparis ab unitate  
 procedentis reperitur; cùm eadem quoque spatia, clarè ac  
 manifestè ignoveris, æ qualibus temporibus, maiora semper  
 ac maiora percurri, in eadem continua ratione dupla. Vides  
 porro, ac penè palpas, quàm vana, atque inanis sit novâ illa,  
 & tantopere ab ipsomet auctore laudata, de Motu accelerato  
 pseudo scientia: cùm non nisi falsis, atque erroneis principiis  
 innitatur; & quàm non immeritò ante annos duos mihi dis-  
 plicuerit, quòd tu quoque iisdem illis principiis nonnullam fi-  
 dem adhiberes. Certiora nunc habes, & quibus intrepidè  
 assensum præbeas, restitutam scilicet motus accelerati defini-  
 tionem, & ab iniusta Galilei oppugnatione vindicatam. Ha-  
 bes & veram, germanamque in naturali descensu gravium  
 accelerationis rationem, tam in temporibus, quàm in spatijs  
 æ qualibus consideratam. Habes denique eam quoque ratio-  
 nem, quæ inter spatia æ qualibus temporibus emensa reperi-  
 tur, indubitatis experientijs, certis, evidentijsque rationibus  
 demonstratam. Quæ si, ut spero, tibi accepta, probatâque fue-  
 rint, non exiguum huius operis pretium me consecutum esse  
 arbitrabor. Ad hæc verò omnia, Optime virorum,  
 nihil revertere in animo est: cùm illa satis, superque  
 sint, quæ circa singula edisserui. Est solùm, quòd  
 gratias agam vberes, pro insigni illo affectu, quem  
 ante duos annos in me testari dignatus es, quemque



expressisti nunc etiam, pretium collocatus operæ,  
 quam meam sperasti comprobationem. Quodd si  
 videaris spe excidisse, dum reprobantem potiùs, quàm  
 approbantem habes me : at non excidisti profectò,  
 cum & sperasti affari te tui reuerentissimum , atque  
 amantissimum virum; & me cum voluisti, vt inter-  
 pretor, qui aliunde ius amicitiaē seruans illibatissimum;  
 tibi, in veritatis gratiam, non erubescerem repugnare.  
 Et quàm, putas, sæpe expetij posse tibi subscribere, vt  
 foret non affectum magis, quàm opinionum conspi-  
 ratio; verùm ipsemet iudex eris, vbi meas nugas per-  
 volveris, an-non saltem dissenserim cum aliqua specie  
 probabilitatis. Sic certe habe, fore me semper com-  
 paratissimum assentiendo, si quandò maior mihi ex  
 te similitudo veri affulgeat, qui sum interim, si quis  
 alius, comparatissimus obsequendo. Vale, Parisijs,  
 Erdib. Mart. M. DC. XLV.





# DE PROPORZIONE, QVA GRAVIA DECIDENTIA accelerantur.

## EPISTOLA SECVNDA.

*EIDEM.*

**Q**UOD non improbâris, oprime CASRÆ,  
mandari typis meam Responsionem, seu  
qualecumque Iudicium de tua illa Demon-  
stratione, circa accelerationem grauium  
decidentium, cuius autographum ad te misi, si modò  
Vindicias, quas intercedente eodem nobili Senatore,  
& amico singulari, Francisco Luillerio, dedisti ad me,  
iuberem attexi: Ecce non alia conditione Typogra-  
pho annui, dum meam opellam exigeret, quam vt  
tuam simul accipiens, tuo desiderio faceret satis. Vfus  
sum autem ea licentia, quam abs te factam memini,  
committendi etiam Responsionem ad Epistolam il-  
lam tuam, cuius aliquoties à te facta mentio; idque  
tam in tuo, quam in meo contextu, pro tuo arbitratu,  
uariatis perpaucis: & quod Vindicias attinet, omi-

M

natus sum, vt pro tuo candore, tuaque æquitate, licitum censeris Exceptione vti (Notis scilicet interpositis, quibus controuersia fieret explicatior (ac tum integram facere Lectori adiudicationem. Cū certè, quod spectat ad me, tuæ Demonstrationis vim non perferentiscam, ac tu, tametsi iam agnoscas id Experimentum, cui, vt fundamento, innixam feceras, collabi, conscribis tamen, petisque Vindicias, aiens *te ignotam mihi veritatem maiori iam luce illustratam aperire, & quam quæsiui, optauique, ab errore vindicatam exhibere*: incumbit sanè necessitas, inquirendi quid illud sit, quod obstet mihi tantoperè, ne tua Demonstratione mouear; quoue modo sim adeò hebes, vt ne in tanta quidem luce positam à te veritatem videam. Quinetiam, cū à capite ad calcem, quod aiunt, queraris, supponere me extuis principiis, quæ ex illis non deducantur, ac affingere tibi quædam, quæ te imperitiæ coarguant; teneor velex hoc maximè ad intertexendum velut apologiam; vt cū nihil habeam veritate, sinceritatēque antiquius, ac nihil minùs voluerim, quàm aut admittere quidpiam falsum, aut tibi quicquam imponere; deuoueam, si quid tale mihi imprudenti exciderit, aut saltem declarem quid potuerit me ad id efferendum mouere. Nam vides alioquin habitum me iri malæ fidei, improbumque virum, qualem non haberi (Deum immortalem) quantum magis mea interest, quàm imperitum non reputari! Quanquam ego sanè longè semper absui, vt imperitiam in te caufarer, cuius magnam potiùs peritiam, virtutemque reuereor; sed animo solùm præconcepi, fore, vt

pro eo, quo te habui erga veritatem affectu, minimè impatienter ferres, si in ista tanta caligine rerum, dicereris non inspexisse attentè satis aliquid, enuncians videlicet ea, ex quibus quæpiam incommoda consequi deprehenderentur. Nosti etiam, quantum sudârim, ut insinuatione lenire id possem; ac speciatim quantum laboris inter cætera sustinuerim, cùm articulo xxiv. ostendendatibi fuit falsitas tui illius Experimenti. Quin-etiam tamen si in hisce Vindiciis continuo veluti insultu dicas passim *me graviter errare; peccare, decipi; suppositionibus tantum falsis uti; præoccupato animo, & non intelligentem esse; non esse in huius controversiæ ingressum penetrabilia; non penitiùs dicta à te, ipsamque naturam rei inspexisse, & quæ id genus similia sunt; omnia tibi lubens condono, partim conscius meæ imbecillitatis, partim contentus libertatem Lectoribus permittere, ut diiudicent quicquid id est rei.* Quod attinet autem ad ea, quæ toties tibi à me affingi, imponique exaggeras, æquum est profectò, ut eam inficias, ac eam labem, qua sentio me adspergi, pro viribus eluam. Facio verò id etiam vel eo nomine maximè inuitus, quòd ea mouenda iterùm sint, quæ displicuisse tibi videntur; sed necessitatem ipse hanc fecisti, nisi contendisti, ut me proderem, non rudem quidem, ac ineptum, quorum nominum non puderet me; sed profligatæ conscientiæ, & nullius candoris virum, qualis, Deo propitio, neque sim, neque ut habear, pati possim. Sed ecce demùm tuas Vindicias, cum ne minimo quidem ullo sensus, viciūque detrimento; utcumque seponerem volens hosce titulos, quibus me exornas,



*De Proportione, qua grauiā*  
 quosque non promereri me, quemadmodum sentio,  
 sic ingenuè profiteor.

VINDICIÆ DEMONSTRATIONIS  
 P H Y S I C Æ.

*De Proportione, qua grauiā decidentia accelerantur.*  
*Ad clarissimum Virum D. Petrum Gassendum Cathedra-*  
*dralis Ecclesiæ Dinienfis Præpositum dignissimum.*

Vidi, Clarissime Gassende, ad eam Epistolam, quam  
 de Motu accelerato ante paucas hebdomadas ad te direxi,  
 Responſionem tuam, eamque accuratè, ac diligenter per-  
 legi. In qua sanè non possum non probare quam-maximè  
 diligentiam, ac sagacitatem tuam, in eius Experientia exa-  
 mine, quæ totius Epistolæ fundamentum, & occasio etiam  
 fuit: ea quippe felicitate rem perfecisti, ut meritò tibi gra-  
 tiæ habenda sint, quòd ea demùm perspexeris, ex quibus mul-  
 tò certius tota de motu accelerato controuersia dirimatur.  
 Qua in re, cùm partem mihi quoque nonnullam felicitatis  
 huius facis, ut qui viam, ac methodum nouam ad illustra-  
 tionem tandiù desiderate veritatis certissimam, clarissimam-  
 que exhibuerim, id pro ingenita tibi humanitate, consueta-  
 que vrbani- tate facis. Cæterùm, cùm in hoc præcipuo tuæ,  
 ac meæ Epistolæ argumento solertiam tuam, atque industriam  
 pro innata animi mei ingenuitate vehementer probem, &  
 amicè deosculer; in cæteris tamen capitibus nec à me, nec  
 (opinor) à cæteris, obtinere poteris approbationem; in ijs  
 maximè, in quibus postrema parte Responſionis tuæ ea  
 mihi affingis, quæ nec mea sint, nec ex meis legitimè de-  
 duci possint: ut scilicet ex iis, tanquam datis, absurdam de-  
 cretorum meorum omnium pugnam, & tanquam dissensio-

mem, eamque inter sese discordiam, contrarietatemque concludas, quam ne rudioribus quidem harum rerum tyronibus obiceres; & in iis tamentam pertinaci instas industria, tantâque vehementia depugnâs, imò toties eadem multis paginis, & maiore tuæ Epistolæ parte inculcas, ut apud minùs harum rerum peritos qui tuâ plurimùm auctoritate mouebuntur, videri possim mortalium omnium imperitissimus. Ecce sanè, si id iure faceres, & ea dicerem, quæ mihi affingis, aut eadem ex meis seu verbis, seu principis legitima illatione concluderes; haberes quidem pro mea ingenuitate consistentem reum; sed eterno quoque me silentio addicerem, qui etiam nunc hac ætate tam pueriliter balbutirem. Sed cum euident, perspectumque mihi sit, nihil à me dictum, quod sibi omni ex parte perfectissimè non cohæreat; patieris pro tua humanitate, Vir prudentissime, ut qua potero breuitate tibi primùm, ac deinde cæteris, in iis presertim rebus satisfaciam, quæ minus sibi coherere putaueris; ubi primùm pauca quedam etiam examinauero, quæ pro Galilei defensione adducis.

Hæc tua est Præfatio, ob quam dicendorum quicquam præoccupare nihil est necesse; cum repetiturus eadem omnia sis. Quia verò deinceps articulos singulos Epistolæ meæ, siue Responsionis, ad Demonstrationem tuam, numeris discretos percurris; age incipiamus à primis.

IN ARTICVLOS II. III. IV. V. De Statu Controuersiæ.

Atque imprimis, cum initium Responsionis tuæ, vsque ad numerum VI. in explicando Controuersiæ Statu penè totum occupetur, nihil adhuc est, in quo dissentiamus.

Dicere vis sanè circa explicandum vtriusque opinionis modum, quatenus etiam opinionem, quam tu defendis ita exposui, vt ipse eam exponeres (tamen si postea me non ingressum in penetralia controuersiae dicas) alioquin enim circa rem ipsam planum est, quantum dissentiamus; cum tu gradus velocitatis in acceleratione grauium decidentium acquisitae habere se velis vt transacta spatia, non vt tempora; ego vnà cum Galileo se vt transacta tempora, non verò vt spatia habere, opiner: ac tu defendas spatia aequalibus temporibus in dupla continuò ratione percurri; ego spatia decurri censeam aequalibus temporibus iuxta progressionem numerorum imparium ab vnitatem incipientium. Porro quia ad illustrationem totius controuersiae desiderari adhuc videtur ratio illius Tituli, quo fuit libellus à te inscriptus, *Physica Demonstratio, qua ratio, mensura, modus, ac potentia accelerationis motus in naturali descensu grauium determinantur, Aduersus nuper excogitatam à Galileo Galilei Florentino Philosopho, ac Mathematico de eodem motu Pseudo-scientiam* (liquidem non pauci tuo libro pellicto quaserunt ex me, quamobrem tu illum Demonstrationem indigitasses, quod non satis perspicerent, qua forma constare Demonstratio posset) idè videtur operæ-premium rem heic supplere; ac tantò magis, quantò iam etiam titulus est tuus, *Vindiciæ Physicæ Demonstrationis*. Itaque, vt Demonstrationem, quantum quidem assequor, toto ex opere eliciam, ea videtur huiusmodi.

*Si in motu accelerato grauium decidentium velocitates acquisitæ se habent, vt emensa spatia, necesse est spatia*

decurri temporibus aequalibus in ratione continuo dupla :

Atqui in motu accelerato gravium decidentium velocitates acquisitæ se habent ut emensa spatia :

Igitur in motu accelerato gravium decidentiam necesse est spatia decurri aequalibus temporibus in ratione continuo dupla.

Propositionis consequutio probatur.

Diviso spatio in quocumque aequalis parteis lubuerit, si in fine primæ partis unus velocitatis gradus acquisitus sit, in fine secundi acquisiti sint duo, in fine tertijs tres, & ita deinceps oportet tempus, quo percurritur secundæ pars, æquale esse tempori, quo percurritur dimidium inferius primæ partis, quod velocitas per illam acquisita sit dupla velocitatis acquisitæ per hoc, vii & spatium duplum est; ac deinde tempus, quo percurruntur tertia, & quarta (tempus, inquam, aliunde æquale tempori, quo sigillatim percurrerentur triens, & quadrans infimi eiusdem primæ partis) esse similiter æquale, quod ut ambarum spatium duplum est spatij secundæ, ita dupla velocitas acquisita per illas sit: & iterum tempus, quo percurruntur quinta, sexta, septima, octava, pari ratione esse æquale, quod ut spatium illarum iunctim spatij secundæ, & tertiæ est duplum, sic dupla velocitas sit; atque ita de cæteris:

Igitur, si in motu accelerato gravium decidentium velocitates acquisitæ se habent ut emensa spatia; necesse est spatia decurri temporibus aequalibus in ratione continuo dupla.

Assumptio autem ita probatur.

Constat experientia clara, facili, & indubitata, siglibus quilibet assumatur, & Bilanx ita suspendatur, ut lance altera sustentata cum imposito tanto pondere, quantum ipsius



globi est (quantumque est, satis ut cum globo in altera lance per aërem libera imposito equilibrium faciat) globus deinceps dimittatur in ipsam lancem liberam: fore, ut dimissus ex sua vnus diametri altitudine globus attollat suo impetu non modò lancem sustentatam cum equalibrij pondere, sed vnum pondus præterea, suo itidem ponderi æquale, præcisè: & dimissus ex duarum diametrorum altitudine, duo attollat pondera, hoc est duplum sui ponderis præcisè, & ex trium altitudine, treis, seu triplum, &c.

Igitur, cùm tanta sit velocitas cuiusque rei, quantus impetus, imò impetus velocitas sit; habent se velocitates in motu accelerato grauium decidentium acquisita ut emensa spacia.

Confirmatur Assumptio aduersus Galileum.

Quia Galileus falsò definit motum æqualiter acceleratum illum, qui à quiete recedens æqualibus temporibus æqualia celeritatis momenta acquirit; & paralogistice probat motum æqualiter acceleratum non esse eum, qui æqualibus spatiis æqualia celeritatis augmenta acquirit (quandò id arguitur ex eo, quod totum, & pars eodem, aut æquali tempore percurrerentur: cùm tamen constet dimidium tempore breuiore percurri, quàm duplum) ac tum gratis sibi postulat concedi gradus velocitatis eiusdem mobilis super diuersas planorum inclinationes acquisitos tunc esse æquales, cùm eorundem planorum eleuationes ponuntur æquales: tum ad id probandum falsò assumit globum filo nunc longiore, nunc breuiore suspensum, & ex eadem altitudine per inæquales arcus vibratum, surgere semper ad eandem altitudinem.

Ac talis quidem formari potest, ut mihi videtur, qua Demonstratio, quantum, ut dixi, elicitur ex operis tui totius

tui totius contextu; cuius & hæc potest esse quasi Summa; ordinelicet retrogrado, ob analyfin, qua fuit retexendus. Videlicet initium facis ab Assumptionis Confirmatione, dum prima parte operisin refutando Galileo es totus; prosequeris deinde probando eandem Assumptionem tuo Experimento, dum ipsum copiosè deducis, & exaggeras; ac tandem probas; vt consequens Propositionis deducatur ex posito antecedente, dum stabilire fusè conaris illam spatorum Rationem duplam; quæ etiam Conclusio est Demonstrationis. Nihil verò necesse heic est adnotare quemadmodum non modò Assumptio sit falsa; sed etiam Propositionis consequutio sit nulla: cùm hoc sit totius controuersix opus. Itaque hac luce præmissa, & tuum contextum, vt insequamur, initium faciamus ab ipsa Assumptionis confirmatione.

IN ARTICVLOS VI. VII. VIII. De Motus æquabiliter accelerari Definitione.

*At numero VI. iam reprehendis primùm, quòd assignatam à Galileo motus accelerati definitionem minùs probem; tum quòd eam quoque rationem, quâ idem Galileus vulgò receptam accelerati motus definitionem absurditatis arguit, paralogismum esse contendam. Ideoque numero VII. Galilei definitionem inde numeris omnibus perfectam esse concludis, quòd eà seruata rectè vniformis acceleratio intelligatur. At imprimis istud non reprehendo; sed quòd suam illam definitionem nouam nec sufficienter, nec ea, qua par esset, ratione confirmauerit.*


*Nisi tu illud reprehendis; non videbaris ergo dicere*

debere fuisse ab eo falsam accelerari motus definitionem institutam. Quòd fueris autem causatus ipsum suam illam Definitionem experientia certa, ac euidenti non confirmasse; agnosce quælo tu-ne certiore, ac euidentiore tuam confirmâris. Tuam,inquam; nam licet eam semper esse repetas vulgò receptam, communemque; eam qui nâ tamen illi sunt, qui eo dem teo modo definiunt? Galileis certè eam non vt receptam, communemque impugnavit, sed vt eam, quæ posset fortè ab aliquo excogitari. Verumtamen id obiter.

Deinde, non minùs rectè aliter quoque vniformis acceleratio haberi potest, vt statim constabit: Satis-ne igitur Galilei definitio inde perfecta concluditur, quòd eà seruata vniformis acceleratio habeatur?

Ita profectò, si per eam constet, quid sit motum accelerari, & accelerari æquabiliter; neque id vulgari, siue potius tua, de qua dicis mox constitutum, perinde præstitur.

Vt autem probes, vt quàm rectè iuxta Galilei mentem, acceleratio illa motus habeatur, iubes concipere duas lineas AB, & AC, angulum constituentes in A, & tertiam VX per anguli apicem A incidentem, & cum prioribus duabus angulos utrim-



que æqualeis constituentem: hanc, seruata semper eadem

angulorum æqualitate, ita fluentem, ac descendentem concipi postulas, ut etiam intelligamus partem inter lineas AB, AC, interceptam continuo ea ratione augeri, ut notatis in AB, & AC, partibus æqualibus AE, EG, GI, IL, semper interceptarum parallelarum incrementa haberi æqualia aduertamus. Nempe ut AG dupla est ipsius AE, sic GF dupla est ipsius ED: & eadem ratione IH eiusdem ED est tripla, & LK quadrupla, atque ita deinceps. Ex quibus ita concludis: Quare assumptis partibus æqualibus temporis per parteis æqualeis lineæ AC repræsentatis, notum est momenta, seu incrementa velocitatis per parallelas repræsentatæ æqualia acquiri sub huiusmodi partibus. *Hæc sanè vera sunt; sed recordare verissimè quoque à te dictum numero 1v. punctum A posse non tantum pro initio temporis haberi, sed etiam pro initio spatij, & (ut item addis) pro initio velocitatis.*

Recordor; sed adnoto simul habuisse me punctum A, pro initio temporis quidem æquabiliter fluentis, prout comparatur ad lineam AC (aut AB) in parteis æqualeis diuisam; pro initio verò spatij in longum decurrendi, prout comparatur ad aream AKL in triangulos æqualeis distinctam; ac pro initio velocitatis continenter acquirendæ, prout comparatur cum linea parteis æqualeis continuo adsciscente, quovsq; cœpta à puncto A, euadat KL.

*Ut igitur punctum A, nunc habes pro initio temporis, & parteis æqualeis AE, EG, GI, IL, pro partibus æqualibus temporis; concipe etiam vicissim idem punctum A initium esse spatij, cuius parteis æqualeis æqualia item segmenta AE, EG, GI, IL, designent. Quo posito, tam*



notum erit, quā anteā momenta, seu incrementa velocitatis per parallelas ED, GE, IH, & LK representata, aequalia sub huiusmodi partibus acquiri. Cū igitur in vtraque hypothesi eadem omnino velocitatis acceleratio habeatur; cur prior à te constituta perfectam omnibus numeris Galilei definitionem ostendat; vulgatam autem definitionem posterior hypothesi pari ratione perfectam non euincat?

Causam insinuaui tum mox, tum verbis illis, quæ præmiseram, Quippe meminisse, aut potius adnotasse diligenter oportet agi heic de motu æqualiter accelerato, siue cuius celeritas continenter, vniformiterque increſcat, neque vllum sit momentum consequentis temporis, in quo motus non sit velocior, quā in quouis antecedente, & in quo non eadem ratione ipsa velocitas augeatur. Nempe memini Temporis, ob rationem postea deductam, vbi tu primum de eo egisti, admonendo fuisse originem mali, quod in definitione vulgari, seu tua nulla esset facta metio temporis, sine quo tamen neque celeritas, neque acceleratio (& maximè quidem vniformis) intelligi possit. Obieci illeic, Si velocitas attendatur solum penes spatia, debere semper id mobile, quod decem percurrerit stadia, dici moueri celeriter, & semper id, quod vnicum percurrerit, tardè; cum contingere tamen possit, vt quod percurrit vnicum, moveatur decuplò velocius, quā illud, quod percurrit decem. Addo heic solum; si AC sit spatium, & mobile discedens ab A acceleretur vsque ad E per parteis integri minuti; & motu non interrupto accelerari pergat ab E in G, sed per parteis integræ horæ; ac rursus motu non interrupto accelerari pergat à G in I, sed per parteis integri secundi; rursusque etiam non interrupto

motu, accelerari pergat ab I, in L, sed per parteis integri diei: quæso, dices: ne huiusmodi accelerationem esse vniformem? Et ecce ea tamen futura est continens; ac ipsi gradus velocitatis repræsentati iuxta te parallelis ED, GF, IH, LK, cum interceptis omnibus, habituri sunt inter se, eandem rationem, quam ipsæ partes spatij repræsentatæ iuxta te partibus lineæ AC. Quodd si id reputes absurdum; absurdum quoque videri debet metiri accelerationem, ac vniformem potissimum, penes spatium, non penes tempus: atque idcirco lineam AC comparatam ad eas parallelas pro velocitatibus habitas, non pro tempore, sed pro spatio habere.

Enim verò, vt expressius dicam quam obrem lineæ DE, FG, & parallelæ cæteræ accipi non possint pro gradibus velocitatis, si partes lineæ AC accipiantur pro spatij, non pro temporis partibus, ac simul insinuem quid discriminis circa repræsentationem per eandem figuram, inter vtramque hypothesin sit, rem ecce paucis ita deduco. Si DE sit velocitatis gradus, qui per additamenta continua à puncto A secundum triangulum ADC, acquisitus sit, dum mobile AE percurrit; quæro quâ euadat hic gradus, vbi deinceps mobile pergendo decurrit EG? An periisse illum dicemus? Non sane: quoniam alioquin mobili perueniente ex A in G non reperiretur acquisitus in G, nisi vnus velocitatis gradus; quatenus etiam per te, seu ex vulgari definitione, additamenta ex E in G æqualia sunt additamenti ex A in E, nec potest proinde ab vsque E acquisitus esse, nisi gradus vnus, v. c. FP æqualis ipsi DE

acquisito ab usque A. Et quamvis tu sis inferiùs dicturus velocitatem acquisitam ex E in G duplam esse acquisitæ in E (nempe dum statuis primum gradum acquiri à solo medio ipsius AE) & sic velle debeas gradum acquisitum in E, seu DE perire; quoniam reperiri in G, nisi duos gradus non vis: cùm si acquisitus in E remaneret, futuri essent tres: vide nihilominùs quid hoc loco sequatur. Nam si pereunte gradu DE, duo gradus, quos vis reperiri in G, vt puta FP, & PG, acquirendi sint per solum spatium EG, factis videlicet augmentis secundum triangulum, qui ducta linea ex E in F sit EFG, necesse est, accelerationis æquabilitas interrumpatur prorsus in E; & cùm ibi acceleratio ad suum redierit principium, non sit deinceps futura tanta, quanta fuerit in E, nisi in medio spatij EG. Itaque gradus velocitatis DE acquisitus ex A in E non perit, sed manet; & cum mobile proinde peruenit ad G, talis gradus euadit PG, ac illi adiunctus reperitur FP acquisitus interim per augmenta facta secundum triangulum DFP.

Quæro deinde, an gradus velocitatis DE manens, dum mobile percurrit EG, otiosus sit, an aliquid agat? Non dices sanè otiosum esse; alioquin enim mobile tempore nihilo breuiore perueniret ex E in G, quàm ex A in E, vt putà translatus æquali solùm velocitate. Igitur agit aliquid. Requiro, quantum? hoc est, Si concipiamus mobile, postquàm peruenit ad E, non accipere amplius vlla augmenta, qualia acquiri diximus secundum triangulum DFP, sed moueri solùm æquabiliter velocitate acquisita DE: requiro quanto

tempore mobile sit peruenturum ad G? An dices  
solum quanto tempore peruenit ex A in E? Atqui,  
vt faceret, oporteret velocitatem non totam permane-  
re, sed sensim deminui, vt si deminutio fieret secun-  
dum triangulum DPE: quippe hoc solum modo  
tempus posset æquale fieri, dum nimirum velocitas sic  
decrederet ad vsque P, vt ab vsque A reciprocè incre-  
uisset. Quo casu neque mobile æquabiliter moue-  
retur; neque peruenienti in G superesset amplius vlla  
velocitas: neque proinde, si velocitate hac decrecente  
intelligamus acquiri velocitatem secundum triangu-  
lum DFP, acquisita erit in G velocitas alia, quàm FP  
ipsius DE æqualis, non dupla. Igitur mobile percur-  
rens EG velocitate sola DE percurreret ipsum tem-  
pore breuiore, quàm percurrisset AE. Quanto igitur?  
Omninò dimidio. Siquidem cum velocitas DE non  
foret deminuta, sed mobili perueniente ad G, reperi-  
retur adhuc integra, vt puta effecta PG, ideo vim  
suam exprimeret secundum totum quadrangulum  
DG, hoc est secundum duos triangulos triangulo  
ADE sigillatim æqualeis; sicque velocitas bis illud pos-  
set secundum quadrangulum DG, quod posset semel  
secundum triangulum ADE: atque adeò mobile perueni-  
ret duplò citius (quod est dimidium temporis) ex E in  
G velocitate DE manente eadem, quam ex A in E,  
velocitate eadem DE increcente à nihilo sui. Atque  
ex hoc est, quare adnotem, gradum, qui acquiritur, &  
gradum, qui manet, esse in æqualeis; ac manentem di-  
ci posse duplò maiorem, quatenus est duplò poten-  
tior, seu duplo fortius ampliusque agens.



Intelligamus iam, dum mobile percurrit EG, & velocitas DE manens promouetur secundum quadrangulum DG, quovsq; euadat PG, nouum interim velocitatis gradum acquiri secundum triangulum DFP, quovsq; euadat FP: necesse est prorsus ob nouam velocitatem additam percurri EG tempore breuiore, quam sit dimidium temporis, quo decursum fuerit AE. Quanto-nam ergo? Sanè triente. Nam vt velocitas secundum quadrangulum DG, dupla velocitatis secundum triangulum ADE diminuit tempus ad dimidium; ita velocitas secundum trapezium DFGE, triplum eiusdem trianguli, diminuit ad vsque trientem: Adeò vt, si tempus, quo decursum fuerit AE, supponatur, vt à te fit, minutorum v. c. sex, tempus, quo decurreretur EG, futurum sit minutorum duorum. Cæterum præter iam obiecta alibi incommoda, tum illud quoque heinc sequitur, Quòd si EG secunda pars spatij percurratur triente eius temporis, quo decursa fuerit prima AE, futurum sit, vt tempore secundo percurrantur partes non modò secunda, sed etiam tertia, quarta, quinta, sexta, septima, & penè octaua; quando qua ratione secundum spatium percurritur triente, eadem tertium percurreretur quinta eiusdem temporis parte; quartum septima, quintum nona, sextum vndecima, septimum decima tertia, octauum quintadecima; & hæc fragmenta simul iuncta vnum integrum proximè conficiunt. Hoc autem falsum quidem est, & tu ipse longè abes, vt fatearis; sed vides tamen, vt fuerit ex ea positione deductum, qua vis parteis lineæ AC esse parteis spatij,

& parallelas DE, FG esse gradus velocitatis.

Vides ergo quantum repugnet positio huiusmodi; ac peruidere simul potes, quantum intersit discriminis inter hypothesein vtramque. Nam in ea quidem, quam sequor, cum partes lineæ AC, fiant partes temporis, linea DE optimè repræsentat velocitatem acquisitam in fine primi; & simul triangulum ADE optimè repræsentat vnum spatium, dum ea acquiritur, transactum: FG verò optimè repræsentat velocitatem acquisitam in fine secundi; & simul trapezion DFGE optimè repræsentat tribus triangulis tria spatia peracta, quorum vnum debeatur gradui FP, prout interim acquisito; & alij duo gradui PG, prout perseveranti ab vsque puncto E. At in ea, quam tu sequeris, neque habes, quò referas tempus, cuius etiam tua definitio non meminit: neque cum plures spatij partes æquali tempore percurrantur, illarum distinctionem habes, vt ad eas referas gradus inæqualeis velocitatis. Addo autem, quædam præclare ex mea hypothesei intelligi, quibus nihil simile ex tua. Veluti Primò, Quemadmodum omnes velocitatis gradus semel acquisiti inuariati maneant, & singulis temporibus æquipolleannt constanter duobus gradibus, hoc est duobus spatijs æqualibus primo percurrendis sufficiant; vt designatur continua serie quadrangulorum æqualium, DG, PI, QL, itemque FQ, RM, &c. Deinde, Quemadmodum primo tempore vnicum spatium percurratur, quatenus vnicus est gradus, qui acquiritur, & nullus interim, qui permaneat: In secundo autem sint tria, quorum vnum quidem per

recens acquisitum percurratur, & alij duo per primum perseverantem: In tertio quinque, quorum vnum per tunc acquisitum, & ex alijs quatuor, duo per primum, duo per secundum perseveranteis: In quarto septem, quorum vnum itidem per tunc acquisitum, & ex alijs, duo per primum, duo per secundum, duo per tertium perseveranteis, atque ita de cæteris. Ad hæc, Quemadmodum proinde æqualibus temporibus æqualia fiant additamenta, seu æquales gradus velocitatis acquirantur, & interim tamen decursus spatioꝝ secundum seriem numerorum ab unitate inceptoꝝ fiat.

*Adde quòd ad vniformem motus accelerationem minimè necessarium est, vt acquisita æqualibus temporibus velocitatis incrementa æqualia sint (vt passim supponere videris) sed satis est, si continuò maiora in quacumque ratione Geometrica acquirantur: cùm notum sit omnibus progressionēs Geometricas non minùs vniformeis esse, quàm Arithmeticas. Ex quibus planè efficitur, definitionem accelerati motus quamcùmque inde veram, perfectamque non probari, quòd ea ratione concepta sit, qua vniformis acceleratio exprimitur.*


Id, quod dicis videri me supponere, reuerà suppono: & quod ais notum omnibus progressionēs Geometricas non minùs esse vniformeis, quàm Arithmeticas, mihi saltem notum non est (qualemcumque me habiturus sis) vt neque capio id, quod ais, ad vniformem motus accelerationem satis esse, si incrementa velocitatis continuò maiora in quacumque ratione Geometrica acquirantur. Sed nempe videris tu mihi vniformitatem cum conformitate confun-

dere; & quia videtur *conformitas* idem sonare, quod *proportio*, confundere quoque cum *proportione* *vniformitatem*: cum videatur tamen *Vniformitas* relatio esse identitatis, ob vnum, eundemque tenorem, in vna, atque eadem re; *Proportio* autem esse potius similitudinis relatio, quæ in rebus alioquin diuersis, siue dissimilibus reperiatur. Ex hoc quippe est, cur dicatur inter fontem, & radicem, non *vniformitas*, sed *proportio* esse: & in colore pennarum cycni, non *proportio*, sed *vniformitas*: ac eodem ex capite est, cur in progressionem Geometricam rationem vnus ad quatuor, quatuor ad sexdecim, sexdecim ad sexaginta quatuor, dicamus esse *proportionem*, non verò *vniformitatem*; & in progressionem Arithmetica vnus duorum, trium, quatuor, vel duorum, quatuor, sex, octo; vel trium sex, nouem, duodecim, &c. *vniformitatem* esse, & non *proportionem*: dicamus. Hinc igitur est, quorsum videar non iniuriâ supponere accelerationem motus, vt *vniformis*, seu æquabilis sit, debere Arithmetica progressionem incedere, & ea quidem secundum impares ab vnitatem numeros, putâ vnum, tria, quinque, septem, &c. assumpta; cum tu, licet Geometricarum simplicissimam, duplicem nempe, elegeris reperire in ea *vniformitatem*, seu æquabilitatem non possis: & si reperire velis aliquam, Arithmeticam vsurpare cogaris, eam nempe, quæ secundum vnitates est, veluti dum ais gradus velocitatis sic acquiri, vt sint in fine primi spatij vnus, in fine secundi duo, in fine tertij tres, &c. Quamobrem autem dicas definitionem, de qua agitur, veram, perfectamque non probari, quod ea ratione concepta sit, qua



vniformis acceleratio exprimitur : non video quorsum respexeris ; cum videam heic agi de motu, cuius vniformis sit acceleratio.

Sed ex his porro etiam vides, quā non rectē vulgatam accelerati motus definitionem inde numero VIII. reprehendas, quod ea ratione concepta sit, qua vniformis acceleratio non exprimitur. Modò enim vidisti puncto A pro initio spatij constituto, cuius partes aequales aequalibus segmentis EG, GI, IL designentur, non tantum rectē vniformem quāpiam, sed eandem planē velocitatis accelerationem haberi: vt iam ampliùs inquirere tibi non liceat, quomodo ex vulgata motus accelerati definitione, qua is dicitur, qui æqualibus spatijs æqualia velocitatis augmenta acquirit, motum concipere liceat æquabiliter acceleratum. Iam enim habes concipi prorsus eodem modo, quo tu illum concipis, atque exprimis ex data Galilei definitione. Nam quòd eodem numero VIII. descripto nouo triangulo APB accelerationis augmentum minoribus triangulis inter parallelas CL, DM, FO, &c. constitutis metiendum putas, non rectē id facis. Vt enim velocitas acquisita per spatium AC designatur per lineam CL, velocitas acquisita in D, exprimitur linea DN: & velocitas acquisita in E, representatur linea EQ, & ita de cæteris. Cur enim celeritatis augmenta hoc loco triangulis, in superiore autem figura



*lineis metienda edicis? Constat autem lineas CL, ND, EQ, &c. uniformi augmento accrescere, & esse, ut AC ad CL, ita AD ad DN, & AE ad EQ, &c. Non rectè igitur censes augmentum velocitatis uniforme esse non posse, si spacijs equalibus crescat equaliter, & tota illa noui istius trianguli difformis structura sponte corrui.*

Heic idem dicendum, quod & paulò antè, quatenus partis lineæ AB contendis habendas pro partibus spacijs, quæ comparentur cum parallelis habitis pro gradibus velocitatis, nulla habita temporis ratione. Quod autem quæris, Cur hoc loco celeritatis augmenta triangulis, in superiore autem figura lineis metienda edixerim? Caussam ex eo potes intelligere, quòd cum tu duos gradus NM, & MD, v. c. æqualeis facias, quasi acquisitos ex L, & C, secundum duos triangulos LNM, & CMD (tamen si inæquales sint, & MD ex LC manente factus, duobus æquiualeat) ideò quem defectum exprimere non licuit lineâ ND, exprimere placuerit trapezio LD. Nimirum, cum velocitas ND creetur partim ex LC, promota in MD secundum quadrangulum, partim ex additamentis ipsi factis secundum triangulum LNM; tu ex velocitate hac detrahis integrum triangulum LMC: sicque ex tribus supersunt tantum partes velocitatis duæ, quas ut simul iunctas repræsentarem, triangulum à te factum vacuū suppleui, translato LNM in MCL: còpositoque inde quadrangulo, locum ipsum trianguli translati reliqui inanem. Eandem autem ob caussam relictæ sunt duo trianguli inanes ad ordinem tertium, tres ad quartum, &c. Exindeque est, cur difformis quidem, sed

iuxta te tamen constitutus triangulus sit; neque propterea eius structura, quatenus est tuis decretis conformis, sponte corruat. Addam-ne, cum lineâ AC bisectâ in S L, ductâque lineâ S L contendas ipse ex deductis articulo xxxv, & sequentibus progressionem tuam illam duplam incipere ab S, & mobile tam citò peruenire ex C in D, quàm ex S in C, sicque ob duplum spatium velocitatem acquisitam in D esse duplam velocitatis acquisitæ in C, atque adeò esse ad illam vt lineam DN ad lineam CL: addam-ne inquam; & triangulum fieri exindè adhuc deformius, & comparisonem hanc tuam perueriti, cum adeò falsum sit dicere, vt SC, ad CL, ita CD ad DN? Annon vel ex hoc capite agnoscere potes, assumptis lineis CL, DN, & parallelis cæteris pro incrementis velocitatis, non licere vniformitatem, æquabilitatem, ve accelerationis tueri??

IN ARTICVLOS IX. X. XI. XII. De Paralogismo, qui Galileo Definitionem spuriam impugnanti obicitur.


*Postquàm autem Galilei definitionem confirmare, & communem aliorum destruere conatus es; aggredieris numero x. eam rationem; quâ idem Galileus communiorem motus vniformiter accelerati definitionem absurditatis arguit, à paralogismo excusare: sed frustra huius causse patrocinium suscipis, cum nec eam obtinere, nec satis plausibiliter eam defendere possis. Hæc porro est Galilei ratio. Si acceleratio motus in descensu grauium æqualibus spatiis, æqualia sumeret velocitatis incrementa, essent velo-*

citates inter se, vt emensa spatia: at quoties velocitates inter se sunt, vt emensa spatia, debent necessario ea spatia aut eodem, aut æquali tempore percurri. Si igitur velocitas acquisita per totam AC, eam rationem habeat ad velocitatem acquisitam per AB, quam spatium AC, ad spatium AB, necesse est, vt totum spatium AC eodem, aut æquali tempore decurratur, quo spatium AB absolvitur. Impossibile est autem, vt corpus descendens per AC, eodem, aut æquali tempore percurrat totam AC, quo percurrit partem eius AB, nisi motus fiat in instanti. Tam impossibile est igitur, vt velocitates in descensu grauium inter se sint, vt emensa spatia, quàm impossibile est motum illum fieri in instanti. Hanc ego rationem *Paralogismum* dico, cui contendis esse *veram Demonstrationem*. Vitium ego sanquam intelligenti breuius fortè indicaui: at præoccupato certè aliunde animo, non sufficienter illud detexi. Exactius igitur (vt postulas) singulas huius Ratiocinationis propositiones hoc loco perpendemus. Prima hæc est, Si acceleratio motus in descensu grauium æqualibus spatiis æqualia sumeret velocitatis incrementa, essent velocitates inter se, vt emensa spatia. Nunc age, quis huius propositionis sensus esse videtur? Duplicem enim patitur, & quidem valdè diuersum, quorum alter verus, alter falsus sit; & nisi posteriore hoc sensu illam post Galileum vsurpes, concludis omnino nihil. Prior sensus iste est, Si acceleratio motus in descensu grauium æqualibus spatiis æqualia sumat velocitatis augmenta; necesse est, vt hæc eadem augmenta quibuscumque spatiij partibus acquisita eandem inter se rationem obseruent, quàm





emensa spatia, & hic sensus verus ac necessarius est. Si enim in triangulo aequalia spatia designentur AD, DE, EF, &c. & in D acquisitus supponatur vnus gradus, & in E duo, & tres in F, manifestum est duos gradus, ad quos acceleratio peruenisse ponitur in E, esse ad vnum gradum acquisitum in D, vt spatium AE ad spatium AD; & similiter gradus treis, qui in F supponuntur terminare celeritatis augmentum, esse ad gradum vnum ipsius D, vel ad duos ipsius E, vt AF, ad AD, vel AE. Et hoc quidem sensu, si primam illam Galilei vsurpares, vera omnino esset, ac necessaria, sed Assumptio, quae subsumitur, falsa esset atque impossibilis; nempe haec. At quoties velocitates inter se sunt vt emensa spatia (in sensu proxime assignato) debent necessariò ea spatia aut eodem, aut aequali tempore percurri: Sicque iam hac ex parte Galilei licet rationatio corrui. Sed aliud item esse potest prima illius Propositionis sensus, vt scilicet quoties acceleratio velocitatis in descensu grauium aequalibus spatiis aequalia incrementa acquirit, integra velocitates secundum se totas, & quascumque sui partem analogas acceptae, & consideratae, & non tantum acquisita paribus spatiis aequalibus incrementa, eam ab initio ad finem inter se rationem obseruent, quàm emensa spatia. Qui sensus à priore longè diuersus est, & à te non intenditur modò, sed distinctè quoque eodem numero x. exprimitur. Ais enim. Rem certè in hunc modum concipio. Intelligatur AC, diuisa in duodecim partibus aequalibus, ac proinde eius dimidium AB, seu ipsi aequaleis DE in sex; sintque primum duo mobilia, quorum vnum descendat



ex A, versus C, eodem momento, quo aliud ex D, versus E; notum est, si vtrumque quidem ferretur non accelerato, sed æquabili motu, euenturum esse, vt velocitate illius existente dupla ad velocitatem istius, illud perueniret in C, eodem momento, quo istud in E; quoniam spatium ab illo superatum foret vbique ad spatium ab isto superatum, duplum; hoc est, forent ab illo superatæ duæ partes, cùm ab isto vna: ab illo quatuor, cùm ab hoc duæ, &c. quatenus spatia se haberent vbique, vt velocitates; hoc est, velocitas per totam AC, esset vbique dupla velocitatis per totam DE. At verò, quoniam heic agitur de motu non æquabili, sed continenter accelerato; ita discedant rursus mobilia eodem tempore, vnum ab A, aliud à D, vt succrescentibus continuo velocitatis gradibus, illud perueniendo in C, acquisierit duodecim, hoc perueniendo in E, sex: Tum interrogas, Quid impediat, quò minùs illud perueniat in C, eodem tempore, quo istud in E? Ego verò respondeo, nihil certè impedire, si tales essent, quales describis velocitates: taleis autem sine dubio describis, qualeis in prima illa Galilei propositione significari putas. At hoc sensu hypothetica illa Galilei propositio falsa est, euidenterque impossibilis: cùm nulla prorsus ratione consequens inferi possit ex antecedente. Hoc enim est Antecedens, Acceleratio velocitatis in descensu grauium per totam AC, ita continua successione crescit, vt primùm in B acquisitus supponatur vnus aliquis velocitatis gradus; & vlteriùs procedente motu, & continuo incremente celeritate,

duo iam in C velocitatis gradus habeantur. Istud  
certè est antecedens, & nihil aliud aiunt ij, qui à Galileo ab-  
surditatis arguuntur. Iam ergo vide, vtrum ex hoc antece-  
dente, rectè tuum illud, & Galilei Consequens inferatur: Ergo  
velocitas descensus per totam AC ab initio ad finem,  
& secundum quasilibet eius parteis considerata, perpe-  
tuo dupla est eius velocitatis, qua idem graue per AB  
descendit. Siue enim AB coniunctam toti AC, conside-  
res, siue vt separatam, qualis est DE, semper velocitas des-  
census per AC, quandiu percurritur prior eius pars AB, nec  
sui-ipsius, nec velocitatis per DE, dupla est, vt falsò assumis,  
sed planè eadem, aut equalis omninò est. Nempe volumus,  
& necessariò exigimus (quod ipsa quoque rei natura postu-  
lat) vt motus, qui per totam AC, & per partem AB, siue  
per æqualem DE, eadem planè velocitate incipiat, & eadem  
velocitate progrediatur per totam AB, & per ipsam DE:  
ex B verò ita velocitas augeatur, vt tandem in C dupla in-  
ueniatur eius, quæ fuit in B, vel in E. Hæc enim nostra,  
& communis aliorum suppositio est, & primæ propositionis à  
Galileo assumpta antecedens; si tamen aduersum nos, & non  
potius aduersus Chimeras, & Tragalaphos depugnet. At  
ex eo antecedente tuum illud, & Galilei consequens necessa-  
ria illatione non prius inferetur, quàm aliud quodlibet ex  
vero falsum eruatur. Prima igitur Galilei Propositio, eo  
sensu, quo ab ipso vsurpatur, & à te intelligitur, falsa est,  
atque impossibilis; ideòque tota eius ratiocinatio, non demon-  
stratio, sed merus Paralogismus est.

An videri potes operosè quidem, sed nequicquam  
tamen explicare conatum, vt Paralogismum ostendas,  
quem quanta moderatione potueram non fuisse à te

Ostensum innueram; bonitatem tuam implorando, si fortè liceret mihi dicere, videri posse cuiquam, te cum potius esse, qui incideres in Paralogismum? Quippe huiusmodi de re sola hæc verba habueras, quæ non pigebit repetere, *Vt si graue descendens per AB, tempus quodcumque insumat, puta quadrantem: ac deinde BC ipsi AB æquale, dimidio quadrante percurrat: quis neget in C duplam haberi velocitatem eius, quæ fuit in B? Et tamen idem graue totam AC, & dimidium eius AB eodem tempore non percurreret.* Scilicet isthæc ipsa sunt, ob quæ cū ego dixerim, videri te *Rem controuersam pro principio assumere*: ais iam te fuisse breuiter loquutum, quod putaris me *intelligentem* satis, vt paucis multa caperem: nunc autem, quia contigit secus, & saltem virum animo *præoccupatum* es alloquutus, esse rem exactiùs, fusiùsque dicendam. Age itaque tu adeò humanus, vt te huius meæ hebetudinis, præoccupationisque misereatur, patere falsem lentè incedam, viamque pertentem; si quā possim te consequi. Cū tu quæ pauca Galileus hac de re habet, reduxeris ad syllogisticam quandam formam; videtur mihi posse non incommodè, vt res distinctiùs percipiatur, ea fieri *Assumptio*, quæ tibi *Propositio* est, ea *Propositio*, quæ *Assumptio*, & *Syllogismus* proinde sic institui.

*Quoties velocitates sunt inter se, vt emensa spacia, debent necessariò ea spacia aut eodem, aut æquali tempore percurri.*

*At, si acceleratio motus in descensu grauium equalibus spaciis equalia sumeret velocitatis incrementa, essent velocitates inter se, vt emensa spacia.*



*Igitur, si acceleratio motus in descensu grauium æqualibus spatiis æqualia sumeret velocitatis incrementa, deberent necessariò ea spatia aut eodem, aut æquali tempore percurri.*

Tu Propositionem (nomine Assumptionis) *falsam ac impossibilem* dicis: sed tuo nimirum illo sensu; de quo dicendum consequenter) nam alio quidem, quem diuersum ais, & Galileo, mihi que tribuis, admittere verum, necessariumque cogeris, ob meum illud rationcinium, cuius aliquam recitasti partem. Nihil verò ex eo repeto; cùm nemo non statim peruideat posse Propositionem accipi in duplici casu, Vno, si motus non acceleratus, sed æquabilis sit; Altero, si acceleratus, sed æquabili tamen progressionem. Si primo enim, sint duo mobilia, quorum alterum sit velocius, & percurrere debeat spatium duplò longius, quod sit, verbi causâ, duo stadia; manifestum est duo ab illo stadia, & vnum ab alio, eodem, aut æquali tempore percurri. Sin verò secundo, duo mobilia sint, quorum motus continenter sic acceleretur, vt celeritas vnus sit continenter, seu tempore toto, aut eisdem saltem partibus celeritatis alterius dupla, & spatium percurrendum sit similiter duplum, veluti rursùs duo stadia: manifestum iterum est, duo ab illo stadia, & vnum ab alio, eodem, aut æquali tempore percurri. Ac Propositionem quidem ego sic stabilio. Restat, vt tu proponas casum, qui exceptionem faciat, ac non esse veram vniuersè demonstres. Porrò nullum habes, præter tuum sensum, seu ipsam quæstionem, atque conclusionem, de qua controuersiam Galileo facis; neque vllum tibi ad eum conuincendum argumentum suppetit, quàm ipsa

adhuc controuersia: Id enim manifestum fit, tum ex verbis illis, quæ paulò antè recitauimus, tum ex illis, quæ habes iam, falsioribus quidem, sed eisdem tamen. Quia verò tu ad Assumptionem ( Propositionis nomine) hæc refers; age quid id sit peruideamus.

Assumptio est, *Si acceleratio motus in descensu grauium equalibus spatiis equalia sumeret velocitatis incrementa, essent velocitates inter se, ut emensa spatia.* Tu illam explanaturus duplicem ipsi sensum attribuis. Et prior quidem iste est, inquis, *si acceleratio motus in descensu grauium equalibus spatijs equalia sumat velocitatis augmenta, necesse est; ut hæc eadem augmenta quibuscumque spatij partibus acquisita, eandem inter se rationem obseruent, quam emensa spatia.* At ego non sum Oedipus, potesque ipse causari te non affari intelligentem: siquidem non ita sum solers, ut perspicere valeam, quid diuersitatis, aut explanationis, sensus hic, quem facis specialem, contineat. Posterior, ut scilicet, inquis, *quoties acceleratio velocitatis in descensu grauium equalibus spatijs equalia incrementa acquirit, integræ velocitates secundum se totas, & quascumque sui parteis analogas acceptæ, & consideratæ, & non tantum acquisita partibus spatij equalibus incrementa, eam ab initio ad finem inter se rationem obseruent, quam emensa spatia.* Hæc paulò obscurius, fortè propter illud, & non tantum acquisita partibus spatij equalibus incrementa, quod ad priorem sensum attinens, censuisti huic interferendū. Sed utcumque sit; cum tu sensum hunc eundem cum eo facias, quem ais à me exprimi distinctè; ea de causa ipsum in confesso habeo. Iam cum sit Assumptio hypothetica, & duas proinde parteis contineat,

quarū altera Antecedens, altera Consequens dicatur, tu sic vtramque à conditione (vt Dialectici loquuntur) absoluis, vt priorem sensum antecedenti tribuas, & poster orem consequenti; ac postquā antecedens expressisti in linea (expressum prius in triangulo, dum explicares priorem sensum) arguas non inferri ex eo legitime consequens, expressum iuxta posteriorem. Tu igitur tale facis Antecedens.

*Acceleratio velocitatis in descensu grauiam per totam AC, i. a continua succeſsione crescit, vt primum in B acquisitus supponatur vnus aliquis velocitatis gradus, & vltius procedente motu, & continuo increſcente celeritate duo iam in C velocitatis gradus habeantur.*

A

B

C

Ac tum, postquā dixisti illos, qui à Galileo arguuntur, nihil aliud dicere, videre me iubes; vtrum ex tali Antecedente, rectē inferatur tale Consequens.

*Ergo, velocitas descensus per totam AC ab initio ad finem, & secundum quālibet eius parteis considerata perpetuò dupla est eius velocitatis, qua idem graue per AB descendit.*

Itaque, cū neges sequelam, vt aiunt, hypotheticæ Assumptionis, & in illa cardo negotij versetur, Admonco dumtaxat circa Antecedens videri loco *Velocitatis*, reponendam voculam *Motus*; & te aut debuisse inferere, aut saltem debere iam supponere aduerbium *aquabiliter*, aut *vniformiter*, proximē ipsum verbum *crescit*, siue potius *fit* (nisi non *velocitatis acceleratio*, sed *velocitas simpliciter scribatur*) itemque proximē vocem

*celeritate: adeo proinde, ut Antecedens aut sit, aut intel-*  
*ligatur huiusmodi.*

*Acceleratio motus in descensu grauium per totam AC*  
*ita continua successione æquabiliter fit, ut primum in B*  
*acquisitus supponatur vnus aliquis velocitatis gradus, & vl-*  
*terius procedente motu, & continuo crescente æquabiliter*  
*celeritate, duo iam in C velocitatis gradus habeantur.*

Quippe heic agitur de Motu, cuius acceleratio fiat,  
seu celeritas, velocitas-ve increseat successione conti-  
nua, non quacunque, sed æquabili. Nam illa qui-  
dem acceleratio, quam antè obieiebam posse accipi,  
primò secundum parteis minuti, deinde secundum  
parteis horæ, tum secundum parteis secundi, tandem  
secundū parteis dici, aut quæuis alia huiusmodi; talis,  
inquam, acceleratio continua successione fieret, attamen  
difformi, inæquabili, qualemque ipse non es ad-  
missurus, cum ab initio vsque controuersie statueris  
definiri motum æquabiliter acceleratum eum, qui æqualibus  
spatijs æqualia celeritatis augmenta acquirat. Circa Conse-  
quens, moneo solum te aut debuisse inferere, aut iam  
debere supponere mentionem partium analogarum;  
quasi nimirum esse debeat, aut saltem intelligi huius-  
modi Consequens.

*Ergo velocitas descensus per totam AC ab initio ad fi-*  
*nem, & secundum quaslibet eius parteis considerata perpetuo*  
*dupla est velocitatis descensus eiusdem mobilis per totam AB*  
*ab initio ad finem, & secundum quaslibet eius parteis, parti-*  
*buss ipsius AC analogas, considerata.*


Id scilicet ipse iam edixeras posteriorem exprimens  
sensum; & perspicuum est inæqualeis lineas, quæ æ-



ceptæ fuerint secundum se totas in ratione aliqua, posse deinceps illegitimè comparari secundum parteis, si factò æquali partium numero non prima vnius ad primam alterius, sed ad decimam referatur, & vniuersè quælibet ad quamlibet ordinis non sui.

Hiscæ præmissis, videndum est, quo iure tu sequentem neges, & monstres consequens non rectè, ac paralogisticè inferri ex antecedente. Nam necessitas quidem inferendi ex eo manifesta est, quod Acceleratio fieri, aut velocitas crescere non possit æquabiliter per totam AC, neque similiter per totam AB, quin si velocitas in C dupla sit velocitatis in B, quælibet partes analogæ acceptæ per totam AC, duplæ sint ad analogas per totam AB: atque ita, quin velocitas mobilis descendens per AC sit perpetuò dupla velocitatis eiusdem mobilis descendens per AB. Quod sanè adeò est manifestum, vt ne ipse quidem negare id potueris, postquàm obseruasti comparatam primùm à me lineam AC diuisam in duodecim parteis cum linea AC diuisa in sex, tanquam cum separata, existenteque, intelligentiæ causâ DE, ac subinde intellexisti esse omninò necessarium, vt idem mobile, si velocitatem in B, simplicem, in C verò duplam acquirat, reperiatur simul in fine primæ, & in fine secundæ duodenarum partium; in fine tertiæ, & in fine sextæ; in fine sextæ, & in fine duodecimæ; propter analogiam simplicium partium lineæ AB, & duplicium lineæ AC. Ecquid-nam ergo iuris iam habes, vt perneges consequutionem? Scilicet his verbis illud explicas, *sive enim AB vt coniunctam toti AC consideres, sive vt separatam,*

*separatam, qualis est DE, semper velocitas descensus per AC, quandiū percurritur prior eius pars AB, nec sui-ipsius, nec velocitatis per DE dupla est, vt falsò assumis, sed plane eadem aut equalis omnino est.*




Hui tamen! sicine exactius, magisque  
sufficenter mihi Paralogismus iam de-  
tegit, & propterea ægrè fers te mihi  
(cū intelligentem putares) indicasse bre-  
uius ratiocinationis Galileanæ vitium?  
*Semper, inquis, velocitas descensus per AC,  
quando percurritur prima eius pars AB, nec  
sui ipsius, nec velocitatis per DE dupla est.*  
Enimverò, non quæritur, vtrum reipsâ dupla sit, sed  
an duplam esse tuo ex principio consequatur. Nam  
noui quidem ego falsum esse Consequens; sed verè ta-  
men consequi ex Antecedente, admissio ostendo. Dicis  
*me id falsò assumere*; ego verò non falsò assumo, qui  
ne assumo quidem, sed solum consequi demonstro; vt-  
cumque postquàm id demonstraui, subsumere deinde  
possim, vt ostendam te tibi repugnare, quòd cū fatea-  
ris AC, & AB inæqualibus percurri temporibus, prin-  
cipium tamen id defendas, ex quo fateri simul cogaris  
eodem, aut æquali tempore percurri. Itaque cū  
heic non agatur de veritate Consequentis, sed de ne-  
cessitate, qua consequitur, ac tu deberes ostendere  
necessariò non consequi, & declarare in quo peccâ-  
rim, inferendo fore velocitatem per totam AC du-  
plam velocitatis per totam AB, nihil aliud habes,  
quàm, *non esse duplam*. Quod perinde est, ac si te ponen-  
te illud Antecedens, *Plato est lapis*, ego inferam istud

Consequens, igitur Plato sensu caret: & te negante consequutionem, illam ex eo probem, quod lapis sensu careat: ac tum dicas Consequens non recte inferri; & compulsus ad id probandum, nihil tamen aliud quam hoc dicas, Plato enim sensu non caret, ut falsò, assumis, sed planè sensu præditus est. Videlicet quæstio non erit de veritate Consequentis, nam ego quoque Platonem sensu carere falsum reputabo: sed de necessitate consequutionis, quam tu infirmare deberes, ne euerteret tuum Antecedens; neque ego falsò assumam, carere Platonem sensu, qui ne assumam quidem: sed necessariò solummodò, & ut conclusionem deducam; tamen si deductū assumere possim, ut ostendam te contradicere tibi ipsi, tanquam coactum asserere Platonem sensu destitui, quem asseras præditum sensu.

Pergis porrò, Nèpe volumus, & necessariò exigimus (quod ipsa quoque rei natura postulat) ut motus, qui per totam AC, & per partem AB, siue per æqualem DE, eadem planè velocitate incipiat, & eadem velocitate progrediatur, per totam AB, & per ipsam DE, ex B verò ita velocitas augeatur, ut tandem in C dupla inueniatur eius, quæ fuit in B, vel in E. At, optime Vir, quod vis quidem, & exigis, ut cæptus ex A motus, siue progressurus sit vsque ad C, siue desiturus in B, eadem planè velocitate incipiat & progrediatur vsque ad B, id ipsum est, quod postulat ipsa quoque rei natura (vtcumque postea causseris non inspexisse illam penitiùs.) Quod autem vis, & exigis, ut velocitas ex B ita augeatur, ut tandem in C dupla inueniatur eius, quæ fuit in B, id ipsum iacet, quod ostensum est tantum auerfari Naturam

quântum auersatur motum instantaneum. Quamobrem, non sufficit tibi, vt velis, atque exigas velocitatem in C duplam esse velocitatis in B, sed restat, vt illud, si possit, ostendas. Quomodo verò id vnquam possis, nisi volendo, & exigendo, vt quod quæritur, tibi concedatur, atque adeo petendo, vt loquuntur, principium? Idipsum est, quod te fecisse, circa relata verba, obieci articulo xi. & quod tamen iam repetis constanter. Quippe eò quoque te iam adegit, quem existimasti te posse distinguere priorem sensum, à posteriore valde diuersum. Nam postquam dixisti

cū sensum verum esse, ac necessarium, isthæc verba tua sequuntur, Si enim in triangulo equalia spacia designentur AD, DE, EF, &c. & in D acquisitus supponatur vnus gradus, & in E duo, & tres in F; manifestum est duos gradus, ad quos acceleratio peruenisse ponitur in E, esse ad vnum gradum acquisitum in D, vt spatium AE, ad spatium AD. Deprehendere enim statim



licet, quemadmodum idipsum supponas, quod prorsus controuertitur: nempe in E esse duos gradus, vbi vnus fuerit in D. Nisi verò hoc est: quid nam tandem est, quod dicunt petere principium? Subinnueram ego articulo eodem id mouere te, quòd velocitas acquisita in C (resumendo nempelineam ABC) sit reuerà maior, quàm acquisita in B; sed tu attendere noluisti ex eo, quòd sit maior, non sequi tamen esse duplam; ratus scilicet te penitiùs inspexisse rei naturam, ac eo principio semper abductus, de quo tota est



controuersia; itemque opinione illa, quod in triangulo, lineæ basi parallelæ repræsentare gradus velocitates valeant, si partes cruris alterutrius ipsis respondentes repræsentent spatia; non aduertendo, quā isti gradus inæquales sint, & à seipsis differant, dum acquiruntur, & dum manent; & quid incommodi ex hac repræsentatione trahatur. Videtur saltem occasio dubitandi fieri debuisse, postquam admonitus à me, falsum deprehendisti id Experimentum, cui soli innixus, prouinciāras velocitatem duplam esse ex dupla altitudine; ac saltem obseruasti globum cadentem ex A in C, hoc est ex altitudine duarum sui diametrorum, non eleuare cum opposita lance duplum eius ponderis, quod eleuat ex A in B, hoc est ex altitudine vnus: sed res est postea fusiùs dicenda. Hec solū moneo, quod subdis tuam, & communem aliorum suppositionem esse primæ Propositionis (seu superioris Assumptionis) Galilei Antecedens, esse illā quidem tuam, aliorumque suppositionem, ipsamque falsam, ac impossibilem; sed à Galileo tamen hypotheticè solū usurpari, & Antecedens fieri, vt quid ex ea incommodi necessariò sequatur, demonstret. Vnde & quod ais, nisi aduersus Chimeras, & Tragelaphos depugnet, vides quonam sensu accipiendum sit; & quod superest, ipse iam agnoscis, an eius rationem merum esse Paralogsimum probāris vllō argumento.

Quod si tamen præoccupatus contrariis decretis animus tuus, nondū clarissimam veritatis huius lucem plenè perspicis, ac penitus agnoscit, Concipe in triangulo ABC partes lineæ



AC non iam spatij parteis aequales designare, sed temporis. Tunc ex tuis, & Galilei principijs facile agnosces velocitatem in E, hoc est in fine secundi temporis acquisitam, velocitatis in D acquisitae duplam esse, perpetuoque velocitates, & tempora in eadem esse ratione. Hoc autem constituto, tuis ego, & Galilei armis ita aduersum te insurgo.

Et verò opperior.


Si velocitatis incrementa temporibus aequalibus acquisita eam inter se rationem obseruarent, quam tempora, necessario ipsae quoque velocitates perpetuò essent inter se, ut tempora, essetque, exempli gratia, velocitas duobus temporibus aequalibus acquisita velocitatis primo tempore acquisita dupla.

Scilicet ista tibi est hypothetica Propositio. Assumptio sequitur.

At quoties velocitas qualibet alterius est dupla, necesse est, ut eodem, aut aequali tempore à velocitate dupla spatium decurratur duplum eius, quod percurritur à velocitate subdupla.

Conclusionem sublices; nam quod sequitur est quasi Subsumptum. Quæso te verò, ecquam-nam posses exinde deducere, constante Syllogismo ex terminis quatuor; neque tertio termino, ut decuit in hypothesi, vnà cum Propositionis aut antecedente, aut consequente assumpto. Huiusmodi enim videtur fuisse debere Assumptio.

At quoties velocitas qualibet est alterius dupla, velocitatis incrementa temporibus aequalibus acquisita eam inter se rationem obseruant, quam tempora.



Ac tum Conclusio fuisset.

*Igitur, si velocitas qualibet esset alterius dupla, necessario ipsa quoque velocitates perpetuo essent inter se, ut tempora, essetque, exempli gratia, velocitas duobus temporibus acquisita & velocitatis primo tempore acquisita dupla.*


Agnoscis autem ecquid nam aduersum me heinc concludatur. Sed de Assumptione tamen tua, tanquam habenda esset legitima, ut dicam, ea, ut possit quadam tenus cum propositione coherere, necesse est ita suppleatur.

*Quoties velocitas qualibet duobus temporibus acquisita alterius primo tempore acquisita est dupla; necesse est, ut eodem, aut aequali tempore (hoc est aggregato duorum temporum) à velocitate dupla spatium decurratur duplum eius, quod percurritur (tempore nempe vno, seu primo) à velocitate subdupla.*

Tunc autem addo esse necesse, ut percurratur spatium non modo duplum, sed & quadruplum primi: si velocitas quidem acquisita æquabiliter fuerit (qualis illa est, qua de agimus) quatenus dum secundus velocitatis gradus tempore secundo acquiritur, & per ipsum par spatium illi, quod decursum fuit tempore primo, percurritur, percurruntur simul duo alia per gradum velocitatis primo tempore acquisitum, ac in vigore perseverantem, veluti iam ante declaratum est. Sed ecce Subsumis.

*Si igitur primo tempore AD, spatium PM percurratur à velocitate subdupla primo illo toto tempore acquisita, eodem tempore simul percurratur spatium PN spatii PM duplum à velocitate dupla toto tempore AE acquisita,*

Cum dicis eodem tempore, hoc est primo, unde quæso assumis? Nam in Assumptione quidem non distinguas utrius velocitatis respectu idem, aut æquale acciperes, & proclive fuit, ut acciperes respectu duplæ, cui responderent duo tempora, siue, ut expressi, aggregatum temporum duorum, unde & subsumendum fuit.



Si primo tempore  $AD$ , spatium  $PM$  percurratur à velocitate subdupla, futurum ut toto tempore  $AE$  (siue duobus temporibus, aut aggregato duorum) percurratur spatium  $PN$  spatij  $PM$  duplum.

Quo casu rursus addo futurum, ut non modò duplum, sed etiam quadruplum percurratur.

Sicque eodem tempore ab eodem mobili percurreretur totum spatium  $PN$ , & eius dimidium  $PM$ , quod est impossibile, nisi motus fieret in instanti.

Eodem, hoc est, primo, nullatenus sequitur; eodem, id est, aggregato duorum, ita ut totum spatium  $PN$  percurratur duobus, & dimidium  $PM$  illorum primo, sequitur quidem, sed addendum, percurri insuper alia duo spatia: quæ duo aliis iuncta, motu, qui fiat successiue, non in instanti, percurrantur. Enimverò, ut Subsumptum tuo sensu probes, & te perinde, atque me, mutatis solum terminis, ratiocinari planum facias, hisce verbis prosequeris.

Nam, ut modo ratiocinandi tuo etiam utar, sumpto quopiam alio spatio  $RO$ , spatio  $PM$  equali; concipiantur duo mobilia, quorum unum per  $PN$  eodem momento moueri incipiat velocitate dupla, quo alterum per  $RO$  descendit velo-



citare subdupla : tum necesse fuerit, ut quibuscumque temporis momentis continuo partes spatii PM duplo maiores percurrantur, quam sint partes spatii RO, quae ab alio mobili eiusdem momentis subdupla velocitate decurruntur. Quo igitur tempore mobile lentius spatium RO totum percurrerit, eodem alterum mobile duplo velocius spatium PN etiam absoluerit. Et quoniam, te iudice, alia ratio non est, siue spatium RO, aut PM, à toto spatio PN seiunctum, siue eodem coniunctum supponatur, necessarium plane fuerit, ut etiam ab vno, eodemque mobili, vno, eodemque tempore totum spatium PN, & eius dimidium PM percurratur; quod certum est esse impossibile, nisi motus fieret in instanti. Haec ratiocinatio, variatis tantum terminis, de quibus controuersia est, tota (ut vides) tua est.

Imò, non tantum meam agnosco, sed inuariatis etiam terminis, & qualem omnino aduersum te deduxi, agnosco; adeò ut mirer ipsum te, illam aduersum te comparatam, non variatis terminis retorquere in me, sed mutato nomine, usurpare aduersus te ipsum. Nam, ut mutares terminos, de quibus, ut ais, controuersia est, debueras id ipsum, quod ego ratiocinando habui pro Spatio, habere pro Tempore, quod pro Tempore, habere pro Spatio, cum alterum alter arguamus, quod velocitas exaequetur à me quidem Tempori, à te verò Spatio. Sic autem accepta linea PN pro tempore AE, & PN pro tempore AB, prosequi potuisses hoc modo.

Nam ut modo ratiocinandi tuo etiam utar, sumpto quodpiam alio tempore RO, tempori PM aequali, concipiamus duo mobilia, quorum vnum per PN eodem spatio moueri incipiat,

incipiat velocitate dupla, quo alterum per RO descendit velocitate subdupla; tum necesse fuerit, ut quibuscumque spatij partibus continuo momenta temporis PM duplò maiora percurrantur, quàm sint momenta temporis RO, quæ ab aliò mobili iisdem partibus subdupla velocitate decurruntur.

Quo igitur spatio mobile lentius tempus RO totum percurrerit, eodem alterum mobile duplò velocius tempus PN etiam absoluerit. Et quoniam te indice alia ratio non est, siue tempus RO, aut PM à toto tempore PN seiunctum, siue eidem coniunctum supponatur: necessarium planè fuerit, ut etiam ab vno, eodemque mobili, vno eodemque spatio totum tempus PN, & eius dimidium PM percurratur, quod certum est esse impossibile, nisi motus fieret in puncto.



Hoc tanè modo fuisses ratiocinatus variatis tantum terminis, ac facere mihi quendam respondendi necessitatem visus fuisses. Nunc autem, cum terminos controuersos non varies, ac nihil concludas aduersum me, sed illud omninò, atque eodem modo, quod est aduersus te conclusum: est planè cur mirer sic captare te ex teipso triumphum. Nam & cum alioquin ita habes.

Hæc ratiocinatio, variatis tantum terminis, de quibus controuersia est, tota, ut vides, tua est; quam si ut legitimam admittis, tuis ipse plagis conclusus es: sin autem reiecis, & absurdam agnoscis, non rectè facis, dum nullo modo dissimilem, tanquam demonstrationem defendis, & hanc eius loco tibi repositam Paralogismum iam esse, & non nisi eadem distinctione dissoluendum fateri teneris.


Cùm, inquam, sic habes, perspicis omninò, quò iure me dicas iis plagis conclusum, quibus tu potius à me irretitus te ipsum implicueris magis : aut quàm meritò Paralogismum censeas, quod ratiocinium prius probâris, & nunctanti putaueris, vt tuum inde ratiocinium duxeris esse confirmandum. Et pergis quidem,

*Nempe aliud est æqualibus siue spâtiis, siue temporibus æqualia velocitatis augmenta acquiri, eaque eandem inter se rationem seruare, quam æqualia siue spâtia, siue tempora obseruant; & aliud velocitates ipsas integras secundum se totas, & singulas earum partes analogas ab initio ad finem totius motus inter se comparatas, in eadem esse ratione, quæ inter æqualia siue tempora, siue spâtia emensa reperiatur. Primum illud verum esse nihil repugnat, at secundum istud falsum, & impossibile est; quod si rectè Galileus aduertisset, Paralogismum nobis pro demonstratione non obtulisset.*

Verumtamen, ne confunde quæso tempora cum spâtiis; cum ais aliud esse æqualibus siue spâtiis, siue temporibus, &c. Siquidem & facta ratiocinatione nihil conclusisti contra tempora, vt te putasti concludere, sed solùm contra spâtia, quatenus à me fuerant impetita; & tempora aliunde cum velocitatibus comparata nullam agnoscunt distinctionem, qualem te putas inuehere: cùm & totæ velocitates, & ipsarum partes, seu augmenta eandem semper proportionem cum temporibus, partibusque eorum analogis seruent. Quinetiam, quod spectat ad spâtia, declaratum iam est, quàm irritò conamine sic distinguas, quatenus de motu non quomodocumque, sed æquabiliter accelerato

agitur; stupendumque est, te in eo hærere, quòd Galileus non aduerterit falsum, ac impossibile esse, quod secundum ais, hoc est, *velocitates ipsas integras, &c.* siquidem istud esse falsum, impossibileque non modò aduertit, sed etiam ostendit, quod tu recusas aduertere, consequi ex ea, quam tu sequeris, opinione. Recusas, inquam, & ita habes, quasi id ipsum pro principio vero, atque necessario à se credito usurpauerit; ac interim fuisse ab eo Paralogismum obtrusum ais, quem nuillatenus ostendisti, & profusus ostendere, incidisti ipse in Paralogismum.

*Sed aliam quoque Propositionem, optime Gassende, non minùs falsam, atque impossibilem numero xi. in fine mihi affingis; dum ais me ad vulgatam motus accelerati definitionem consequenter loquentem, velle in descensu per totum spatium AC bisariam diuisum in B, partem BC transcurri in dimidio eius temporis, quo percurritur AB; ex qua falsa suppositione, sequenti numero vnum Incommodum, & ad finem Responſionis tuæ alia plura longè absurdissima deducis, quæ tanquam consecutaria ex meis principiis, ac decretis necessariò illata mihi obiectas. Vteam igitur Propositionem semel tractemus, eius examen in commodiorem locum reserua-*



Cùm tu Caput magni momenti perstringas ad eò obiter; non possum ego non saltem duo, aut tria quædam adnotare. Quî enim Imprimis intactum præteream, quod me affingere tibi ais Propositionem falsam, ac impossibilem, dum aio te ad vulgatam motus definitionem consequenter loquentem, velle in descensu per totum spatium



*AC*, bifariam diuisum in *B*, partem *BC* transcurri in dimidio eius temporis, quo percurritur *AB*? Etenim, quæso tuam fidem, an tua, an alterius fuerint, quæ sunt iam superius verba recitata? Sulceperas ipse ostendendum in illa Galilei Assumptione Paralogismum, & præmiseras, non vno modo tantum, sed pluribus intelligi posse, quomodo velocitates sint inter se, ut emensa spacia; liceat eadem spacia, neque eodem, neque equali tempore percurrantur: actum deligens modum vnum, qui præ cæteris id præstaret, atque idcirco Assumptionem Paralogismi conuinceret, isthæc met subiecasti verba, *Vt si graue descendens per AB, tempus quodcumque insumit, putet quadrantem; ac deinde BC ipsi AB æquale dimidio quadrante percurrat, quis neget in C duplam haberi velocitatem eius, quæ fuit in B? Et tamen idem graue totam AC, & dimidium eius AB eodem tempore non percurreret.* Subinde autem quasi te absolutè cōfecta prosequutus es, *Assumptio igitur Galilei falsa est, & tota eius ratiocinatio merus Paralogismus.* Quæso ergo te, quid tibi affluxi? Agnoscis tua verba, an non? *Propositionem*, inquis, *falsam, ac impossibilem?* Estto verò, illam iam falsam, ac impossibilem agnoscas; at tunc saltem veram, atque necessariam habuisti, cū illa sola vsus fueris ad ostendendum Paralogismum. Nam si falsam quidem tunc quoque, ac impossibilem habuisti, quomodo probasti id, quod intendisti? Et, si sensisti posse eam tibi, tanquam falsam, ac impossibilem negari, quamam prouidentia ipsam communiisti? An ostensurus Paralogismum, voluisti sponte te exhibere paralogistam ridiculum, ut putā non alio principio, quam falso, atque

impossibili utens, & quo pernegato, nudus, ac inermis, cum te tamen tantopere ostentasses, reperireris? Sed qualemcumque habueris: saltem ego sum bona fide usus, neque affinxi quicquam tibi; cum non aliam tibi Propositionem tribuerim, nisi, quam tu ipse pro principio ad conuincendum Galileum usurpaueris, quamque iam etiam falsam, impossibilemque dicere non possis, quin arguas te nihil confecisse, sed operam planè luisse, in Galileum cum insultasti: ac perperam fuisse gloriatum iis verbis, *Assumptio igitur Galilei falsa est, & tota eius ratiocinatio merus Paralogismus.* An dices Propositionem fuisse conditionalem? Si dicas, eadem est ruina. Siquidem facta conditionis appositione, suppositio aut vera tibi, ac necessaria, aut falsa, ac impossibilis fuit. Si prius, vides contradictionem, qua falsam iam, ac impossibilem agnoscis; si posterius, vides ludibrium, cui te fuisti expositurus. An dices te postea censuisse difficile determinatu esse, quod tempus per primam, quod per secundam descensus partem insumatur; ac idèd cœpisse comparisonem non ab usque initio, sed ab ipso solùm medio primæ partis? Si dicas, declaras te quidem subdubitasse postmodum, an hoc fortè principium non esset verum, necessariumque: sed concedendum est interrim, te, cum ipsum heic usurpasti, aut non habuisse ipsum falsum, ac impossibile; aut vtrò voluisse exhibere te Sophistam planè exhibilandum: quod absit tamen ut consem. Vt cumque sit, saltem ego nihil affinxi. Deinde, quod dixerim te fuisse consequenter ad definitionem vulgarem loquutum, nihil sanè affinxi; cum necesse

omnino sit, vt velocitatibus, ac spatiis eadem se ratione habentibus, vbicumque assumpto æquali spatio velocitas est dupla, ibi sit præcisè temporis dimidium; & planè proinde sequatur, vt assumpta linea BC æquali ipsi AB, cum velocitate decursus dupla, si AB quidem decurratur certo tempore, vt quadrante horæ, ipsa BC percurratur octante, seu dimidio quadrantis. Postremò, quod conquereris *me ex hac falsa suppositione deducere numero sequente vnum Incommodum* (vt putà dato tempore, quo decursa semel fuerit pars AB, tempus aliud ipsi æquale attingi nulla ratione posse, nisi superato spatio infinito) *ac deinde ad finem Responſionis alia plura longè absurdissima, quæ tanquam conſectaria ex tuis principiis, ac decretis necessario illata tibi obiecem*: verum quidem est; sed nescio quamobrem tanti momenti Incommodum censueris ita præteruolandum, præterlabendo scilicet, prætextu retractandi ipsum, seu attingendi vel leuiter, ob examen propositionis reſeruatum in commodiorem locum. Sed vtcumque sit, reputare non potes, abunde esse, quòd propositionem ex qua illud deducitur, falsam iam, ac impossibilem habeas; cum & obſtent quæ mox obieci de impugnato Paralogismo, & comperiaris non satisfecisse, cum idem Incommodum iteratò obieci articulo xlij. tanquam conſequens ex tuo decreto cum hac propositione congruo, de spatiis emensis, temporibus æqualibus, in ratione continuò dupla.

Priusquam hæc de Paralogismo, quem Galileo obieciſti, dimittam, meminisse iuuat obieciſſe me tibi articulis xxxvi, & xxxviii. fuiſſe tenon ſecus ratiocina-

rum; quàm Galileum; atque idcirco si ille quidem Pa-  
ralogilimum admiserit, incidisse te, recidisseque  
in eundem: ac ostendere vel ex ea sola ratiocina-  
tione tua, quæ relata est articulo xxxiii. quemad-  
modum ex tuis principiis demonstrare liceat, si  
velocitates sicut spatia sint, fore ut totum, & pars  
eodem, aut æquali tempore percurrantur. Assumptâ  
ergo, quæ illeic, lineâ; ideò probas spatium DE,  
eodem tempore transcurri, quo SD; quia cum AD  
dupla sit ipsius AS, & AE ipsius AD, necesse sit ve-  
locitatem in D duplam esse velocitatis in S, & veloci-  
tatem in E velocitatis in D. Cum & aliunde, velo-  
citas per totam DE dupla sit velocitatis per totam  
SD; quatenus quodlibet spatium inceptum ab A,  
& terminatum inter D, & E, duplum est alterius  
spatii, quod sit item inceptum ab A, & terminatum  
inter S, & D; Dico aut te inde nihil conclude-  
re, aut sic licere argumentari.

Si DE, & SD, eodem tempore percurruntur, quia veloci-  
tas à D in E, dupla est velocitatis ab S in D.

Igitur, AD, & AS, eodem tempore percurrentur, quia  
velocitas, ab A in D dupla est velocitatis ab A in S.

Et similiter, AE, & AD eodem tempore percurrentur;  
quia velocitas ab A in E, dupla est velocitatis ab A in D.

Ac rursus, quia ut velocitas per totam DE dupla  
est velocitatis per totam SD, ita velocitas per totam  
SD debet esse dupla velocitatis per totam PS, & ve-  
locitas per totam PS, velocitatis per aliud ulterius di-  
midium, ac ita porro, quantum licebit subdividere ad  
usque punctum A, sicque demum velocitas per totam





AE reperietur dupla velocitatis per totam AD, & velocitas per totam AD velocitatis per totam AS; Dico aut te nihil concludere, aut sic licere ratiocinari.

Si DE, & SD eodem tempore percurruntur, quia velocitas per totam DE, dupla est velocitatis per totam SD.

Igitur, AD, & AS eodem tempore percurrentur, quia velocitas per totam AD dupla est velocitatis per totam AS.

Et similiter, AE & DA eodem tempore percurrentur, quia velocitas per totam AE, dupla est velocitatis per totam AD.

Quo, & non alio modo Galileus, & ego ratiocinati sumus. Adderem concludi eodem planè modo, percurri AF triplum, AG quadruplum, &c. tempore eodem, quo eandem AD; verum res deductu perfacilis est, iuxta ea quæ pari ratione deducis sequentibus articulis; & est iam aliunde tempori parcendum.


IN ARTICVLOS XIII. XIV. XV. XVI. XVII. XVIII. De

Postulato Galilei, Circa motum super æque altis, non æquè inclinatis planis.

Transeo igitur ad numerum xiv. in quo cùm initio, atque in fine Galilei Postulatum verissimile potiùs, quàm aut per se evidens, aut ex evidentibus demonstratum, cum eodem Galileo agnoscis, candidè omninò facis: sed id planè sufficit, ut cætera quoque, quæ ab eodem Galileo ex illo Postulato inferuntur, verisimilia tantum, & minimè demonstrata censeantur: cumque proinde nobis de motu accelerato, non scientiam (ut eam vocat) sed opinionem tantum tradidisse, quod solum concludo.

At concludere simul debes, aut in ipsa Scientiæ Voce hærescendū; aut si ipsi non licuit vocem usurpare, cū se nouam scientiam inuehere professus est; licere adhūc minūstibi, qui illam Pseudo-scientiam vocans, profiteris te veram, ac certam in eius locum substituere; quatenus tradita ab illo experimentis innititur, quæ nullius hætenus falsitatis conuicta sint; tua iis suffulcitur, quæ conuicta sint nullius esse veritatis.

Quæ verò de Libro Torricellij postea adiangis (eisi ea non viderim) partim vera, partim falsa, aut saltem incerta esse non dubito. Duas certè eius Propositiones primas ego quoque de globis euidenter demonstro; at quomodo ex prioribus illis duabus Propositionibus posteriores inferantur, satis non video, nisi Galilei principia supponantur. Cū enim globi pondere aequales E, & F planis AC, & CD (vel CB) insistentes, momenta ad descensum retineant in reciproca, A



& permutata ratione planorum, ob eamque causam momenta ipsius E, sint ad momenta ipsius F, vt CB (sive CD) ad CA; non apparet vnde euidenter concludi possit E, qui paucioribus momentis deorsum voluitur, & magis à motu perpendiculari distrabuitur, eundem nihilominus gradum velocitatis acquirere in A, quem globus F in B acquisierit. Nam quod ais tarditatem motus spatij longitudine compensari, coniectando quidem asseris; at (quod ad Postulati per se, & ex terminis minimè euidentis necessarium esset.) nulla id ratione demonstras.

Quod de Propositionibus Torricellij ais, cognosces

id plenius, de quo dubitas, vbi legeris earum probationes. Quod autem ais me coniectando, non vlla ratione demonstrando tarditatem motus spatij longitudine compensari dixisse: adiiungere debes, nihil fuisse necesse præter ipsam, non coniecturâ, sed euidentiam proponere: cum te contentente globum per plana æque-altâ, sed inequaliter inclinâtâ parâs velocitatis gradus in fine decensus non acquirere; ac non demonstrante, sed dumtaxât notum dicente, tantò minoribus momentis descendere globum per planum, quantò minus accliuæ fuerit: excepi, non videre me, quomodo id concluderes, quatenus non assumeres planum, quantò minus accliuæ est, tantò esse quoque prolixius. Etenim notum quidem esse acquiri minores velocitatis gradus in minus decliu, quod sit decliuiori æquale: at si, ut minus decliuæ, ita etiam prolixius sit, notum quoque esse velocitatem in fine illius quæsitam esse posse æqualem velocitati in fine decliuoris acquisitæ, prolixitate nempe descensus paruitatem incrementorum velocitatis compensante Prosequeris.

Multa etiam totis numeris xv. xvi. & xvii. adducis, vbi experimentum Galilei de Pendulorum vibratione, & ad æqualem altitudinem ascensu defendas, sed fateris tamen, quod contendo, pendula eiusmodi neque ad eandem, vnde ipsa demissa sunt, altitudinem ascendere, neque ad æqualem semper, sed ex punctis ad lineam horizontalem diuersimodè comparatis suspendantur; huiusque etiâ rei, ac diuersitatis causas, atque impedimenta inquiris, quæ si abessent, tum eadem pendula ad æqualem perpetuò altitudinem præcisè conscensura diuinâs, non autem demonstras.

At beatus sum saltem, si non absque aliqua, & cum nihil refragetur, verisimili ratione, diuinem.

*Sed, ut tu ipse agnoscis, demonstrationes quero, non verisimilitudines, aut suspiciones.*

Tu verò & optimè facis, & beatior me longè es, si demonstrationes adinuenias, nec ea amplexeris, quæ apertè falsa cum sint, ne verisimilitudinis quidem, aut suspicionis nomen mereantur.

Quòd autem in Confirmationem adducis quatuor globos quatuor distinctis filis sic appensos, ut primi longitudo sit unius pedis, secundi quatuor, tertij nouem, quarti sexdecim. atque eos, si ex quapiam altitudine simul dimittantur, suas inter se vibrationes ita componere, ut dum quartus globus vnam perficiet, tertius duas, secundus treis, & primus quatuor absoluat. Hac, inquam, & quæ inde colligis, nec certiora sunt, nec exactius cum experientia congruant, quàm ea, quibus confirmandis assumpta sunt. Etsi enim in paucis aliquibus vibrationibus ea ratio utcumque observari videatur; breui tamen interruptitur, ut sæpius à me experientia comprobatum est; cuius etiam rationem indicat, qui nona Galilei placita Gallicè reddidit lib. 1. artic. 17. ubi ipse quoque se expertum esse asserit, vibrationes omnes eiusdem penduli aequali tempore perpetuò non absolui: quod tamen necessarium esset, ut consensus ille vibrationum diuini permaneret.

Illud de Pendulis experimentum ita certum est, ut falsum nunquam deprehenderim, quoties assumuntur, & quandiu manent longitudinum exquisitè eorundem. Nam quia non ponderis, sed longitudinis variatio vibrationum celeritatem, aut tarditatem variat, ideò nisi quatuor illa pendula assumantur exquisitè longitudinum præscriptarum, fiet sensim, ut quod



pendulum satis exquisitè consonare videbatur cum cæteris, vibrationem euariet, aut accelerando, si vel tantillum breuius æquo fuerit, aut retardando, si tantillum prolixius. Et aliunde quia filum, nisi metallicum sit, diducitur sensim, prolixiusque euadit, dum partim tortum detorquetur, partim pondere pertractum tenuatur; idcirco inde quoque fit, vt nisi caueatur, ne fiat variatio, longitudinis, vibrationes, quæ per initia consonanter inter se fiebant, decrescant sensim, ac denique discrepare deprehendantur. Hinc semper mihi constitit, quod pendulum primò discrepare accelerando animaduerti, fuisse aliquantulum æquo breuius; quod remorando, aliquantò prolixius: vt proinde non mirer & tibi; & auctori, quæ citas, deprehensam fuisse aliquam vibrationum inconstantiam, & inæqualitatem. Cæterum res ipsa in se est omninò certa: & vel ex eo, quod deprehendisti vibrationes saltem per aliquod tempus ita consonare, vt pendulum sexdecim pedum vibrationem semel dumtaxat perageret, dum pendulum nouem, perageret bis; pendulum quatuor, ter: pendulum vnus, quater; potuisti intelligere, quàm hæc egregiè congruant cum iis, quibus confirmandis fuere vsurpata; cum tu interim tale nihil in tuæ sententiæ confirmationem profere possis.

*Opponis numero xvij. non satis à me refelli, aut erroris argui ea experimenta, quibus Galileus accelerationem motus in descensu grauium tam per aërem, quàm per plana quælibet inclinata confirmat: nihilque à me adduci exposulas, præter experiundi modum difficilem variisque erroribus obnoxium. Nimirum eo loco id solum efficere volui, vt quilibet intellige-*

ret, minùs mirum videri, si Galileus errauerit: cùm non nisi experimento iis erroribus obnoxio vsus fuerit, qui nullâ diligentia vitari posse videantur. Satis autem eadem illa experimenta erroris postmodum reuincenda videbantur, si longè aliam accelerationis rationem in descensu grauium interuenire demonstrarem.

Non repugnassem, si demonstrasses; at demonstrasse non constitit.

IN ARTICVLOS XIX. XX. XXI. XXII. De Experimentis circa ictum; impetum-ve grauium cadentium; ad explorandum impetum-ne, vt spatium increascit.

*Reprehendis item numero xix, quod nulla speciali Experientia confirmem, quod experientia constare affirmo, nempe Corpus graue quodcumque ex qualibet altitudine per aërem cadens, & percutiens vt libet, perpetuò ex altitudine dupla duplò amplius, & ex tripla, quadruplaue distantia, triplò, quadruploque fortius percutere. Nempe videbam satis manifestum esse id eodem Experimento comprobari posse, quo id ipsum postmodum ostensurus eram in globo. Non fuit igitur cum operæ, ac temporis iactura duplex ingerenda Experientia, vbi plusquam abundè sufficere potuit vnica.*

Haëtenus de Confirmatione tuæ illius Assumptionis, quam superius retulimus, vbi de Controuersia Statu. Sequitur videamus quid habeas de impugnata Probatione, ad quam spectabat Primum membrum Posterioris partis Operis totius. Quippe ratus te eueruisse funditus Galilei scientiam, ac professus te illi

veram, certamque substituere, ducendum censueras initium ab ipsa Experientia, tanquam à germano eius fundamento. Quandoquidem porrò his me affatus verbis fueras, *Primum ego te, optime Gassende, ad claras, faciles, atque indubitatas Experientias prouoco, & in ijs arbitrum te, ac iudicem habere vehementer gaudeo. Prima petitur ex impetu, quo globus, aut graue aliud corpus quodcumque per aërem sponte natura deorsum cadit, ac percutit, &c.* Quis heic loci non exspectasset plusquam vnicam Experientiā? Quis existimasset te ex vnica facere primam, & secundam? Quis non credidisset à te, nisi omneis, nisi plurimas, saltem plureis vnā peractas, ob illud, *corpus graue quodcumque*? Certè, cū statim repetens, *constare facile experiētiā dixisses corpus graue quodcumque ex qualibet altitudine per aërem cadens, & percutiens, vt liber, &c.* non sperare non potui aliquam aliam Experientiam, præter vnicam in Balance factam, in quam globus cadens, & percutiens, neque est corpus graue quodcumque, neque vt-libet cadit, percutitque. Sed nimirum tu talem Experientiam, tametsi foret vnica, tanti faciendam esse censuisti, vt esset instar omnium, ac veritatem sic demonstraret, vt facit ver non vna hirundo. Et, si talem quidem ipsam inuenissem, qualem sperandam feceras, *facilem, claram, indubitatam*, ac, verbo vno vt dicam, *veram*: abfuissem profectò, vt aliam te importunè rogitarem; fuisset illa enim abundè, & satis. Nunc autem, cū eam longè secus se habere compererim, & tu ipse non ausis amplius, qualem prius diuendere, sicuti mox videndum est; quis non aliam mecum abs te expetiisset?

*Quare quæ deinceps numeris xx. xxi. & xxii. adiciis, frustra sunt: cum ex iis etiam vltro datis, nihil aduersus insinuatum à nobis Experientiam, aut omnino contra nos (ob Exemplorum quibus vteris, dissimilitudinem) concludas.*

*Frustrà sunt, inquis; sed nimirum, quia quod repones, non fuit, & prætextu Exemplorum, quæ articulis xxi. & xxii. habentur, dissimulare visum est, quæ opposui xx. circa varia Experimenta. Siquidem illa in eo recensui, quæ tu videbaris potuisse præsertim intelligere, cum diceres rem Experientiâ facile constare in graui quocumque; ac ostendi ipsa non esse, qualia tu dicebas, facilia, clara, indubitata; teque ideò sollicitaui, vt declarares quemadmodum constaret tibi graua ex altitudine dupla decidentia impetus esse duplò maioris, triplò extripla, &c. Tu verò, cum quid responderes (aut dic saltem, quomodo possim id interpretari) non suppeteret, factum satis esse putasti, si ea diceres esse frustra. Sed frustra fuerint, quatenus ex te frustra requisui quæ laterent te; at non fuere frustra, vt ostenderem, te non debuisse id, quod in te minimè esset, ostentare. Cerrè enim iam non potuisti illud, quod mox, prætexere, non esse tibi operæ; temporisque faciendam iacturam; cum excitatæ difficultates manifestû fecerint, quàm vtiliter operam, tempusque in iis impendisses. Quanquam & nulla vnquam potest in rebus huiuscemodi diligentia esse superflua; ipseque restor fuisse te, quod spectat ad me, ampliùs præstiturum paucis quibusdam versibus explicantibus vnicum, de quo constaret, Experimentum; quàm opere toto, totisque ratiociniis; ac in eo sum semper, vt si vel deinceps proferre possis vnicum,*



manus vltro dem, & totum quicquid conscripsero, deuoueam, flammisque addicam. Quippe frustra sint mille ratiocinia, si vel vnicum refragetur Experimentum; vt frustra somniemus monteis aureos, qui abeant statim vel minima expergefactione in fumum. Quod ad ea spectat, quæ habeo sequentibus articulis, tu Exempla dicis, vt possis dissimilitudinem cauſari; cùm Experimenta sint, quæ ad rem attineant, ac supparia saltem sint iis, quibus controuersia dirimenda videatur.

Nam, ne hæcã in singulis, & dicã saltem quidpiam de Primo; Notũ est, si vase cylindrico oppleto, integra momento subducatur basis, totum aquæ contentæ cylindrum statim effluxurum, eo modo, quo statim elaberetur cylindrus marmoreus, aut quiuis alius solidus, si eodem vase containeretur. Vt autem in cylindro marmoreo cadente non velocius descendit pars suprema, quàm infima, aut intermedia quælibet, quòd omnes ex æquo ferantur deorsum, & par conficiant spatium, pariterque accelerentur; ita concipimus in aqueo non velocius descendere partem supremam, quàm infimam, aut quamlibet mediam, sed parem esse omnium descensum, omniumque accelerationem; atque idcirco perinde esse supremæ parti aquæ, siue aqua subsit, siue nulla sit: quatenus quæ subest, tantum præcedendo aufugit, quantum ipsa potest consequendo instare: ac fieri proinde, vt suprema aqua ad basin delabens, tanto descendat tempore, quanto si ex eadem altitudine per aërem delaberetur. Iam, cùm exiguum solum foramen ad ipsam basin aperitur, idem propor-

tione contingit. Nam si solus quidem esset cylindrus  
aquæ respondens ipsi foramini, manifestum est ipsum  
perinde effluxurum, ac totum cylindrum basi tota  
aperta. Quoniam verò talis cylindrus copiosiore  
aqua ambitur, non idè quidem minùs effluit, sed  
efficitur, ut dum pars suprema antecedenteis consequi-  
tur, circumstantes aquæ supremæ partes in ipsius lo-  
cum propter fluxilitatem subeant, ac pari modo, con-  
tinenterque sequantur, descendant, ac effluant; aliis  
nimirum, aliisque indefinenter substitutis, ab ipsa usque  
superficie, quæ idcirco semper complanata appareat,  
quovisque sub effluxus finem excavetur, dum quæ su-  
perest aqua parcius est, quàm ut perinde facilè, abun-  
dèque confluere possit. Itaque etiam foramine aper-  
to, aqua summa in locum baseos, ipsumve foramen  
tanta velocitate cadit, quanta per aërem caderet; ac  
sic proinde de eius impetu ex effluxu non secus iudi-  
care, quàm ex ipso casu; ut pote cum effluendo cadat,  
& cadendo effluat; ac pari semper tempore ex summo  
ad imum perueniat. Vide igitur an Exemplum dissi-  
militudinis sit, & non potiùs Experimentum (suppar-mini-  
mum) illiusmet rei, de qua agitur: & quia quæritur, an  
impetus exprimatur duplex ex altitudine dupla, an ex  
quadrupla; istud verò experimentum (seu exemplum  
navis) duplum probat ex altitudine quadrupla, non  
quadrupla; agnosce quo iure dicas quæ habentur memo-  
ris articulis frustra esse, ac in etiam ultrò datis, nihil me-  
uerius insinuatam à te experientiam. aut omninò contra-  
dictoriam, ob exemplorum, quibus utor, dissimilitudinem concludere.

IN ARTICVLOS XXIII. XXIV. XXV. XXVI. XXVII.  
 XXVIII. De Experimento in Balance facto, ac  
 aliud reuerā probante, quā velocitates  
 esse sicut spatia.

*At numero xxiii, & quatuor sequentibus Controuersia caput attingis, cū Experientiam de globo per aërem decidente examinas. Ingenuè enim fatendum est, in mentem mihi nunquam incidisse, vt inquirerem, an globus ex vnius diametri altitudine decedens, posset vltra æquilibrium, & pondus sibi æquale ampliùs aliquid attollere.*

Commendanda sanè ingenua confessio (quantum addendum fuisse videtur, non incidisse tibi in mentem, vt inquirerem, non modò, an globus ex vnius diametri altitudine decedens, posset vltra æquilibrium, & pondus sibi æquale, ampliùs aliquid attollere: sed etiam, an globus idem æquilibrium, & pondus sibi æquale ex dimidio, quadrante, octante, & penè dicam ex vncia altitudinis suæ diametri attolleret; cū præcisio sit inter plus, & minus, & ipse in vtramque partem aberrâristantopere) Commendandum id, inquam; sed cū istud sit, vt præclarè ais, *Controuersia caput*, quatenus hoc vnum Experimentum fuit, quo res controuersa determinaretur, cōprobareturque à te: patere me duo quædam submirari. Vnum, cur adèò solemniter prouocasses me ad *facileis, claras, indubitatas Experientias*, quæ controuersia caput facerent, ac Demonstrationem tuam, scientiamque totam constabilirent: cū ecce habens vnicam, videri iis posses, qui rerum amantes verbis non capiuntur, ita oscitanter illam peregisse, vt nihil esset minùs, quā

quod diceretur. Profectò nisi vñs fuisses voce *Præcisionis*, aliisque consimilibus, videri dumtaxat potuisses opinione præoccupatus, ac præ illius amore, voluisse non opinionem experientiæ, sed experientiam opinionem accommodare: Nunc autem non video, cur tot paginis, tantoque apparatu institeris (etiam tot cautiones adhibendas iis, qui rem experiri scrupulosius vellent, præscribens) vt te expertum crederemus, naturam illud in globo peculiare ac proprium esse voluisse, vt eius diameter præcisa esset mensura illius altitudinis, ex qua, &c. ac iterum, hanc esse inter globos, & alias figuras differentiam, quòd in globis diameter altitudines præcisè definiat, vnde pondus, &c. Alterum, cur huiusmodi Experimento deprehenso falso; hoc est, cùm verum iam non sit, vt contenderas, constare *Experientià* corpus graue quodcumque ex qualibet altitudine per aërem cadens, & percutiens vt liber, perpetuò ex altitudine dupla duplò præcisè ampliùs, & ex tripla, quadruplaue distantia, triplò, quadruploue fortius percutere; cur, inquam, pergas etiamnum eam Ratiocinationem habere, imò & acriter tueri pro Physica Demonstratione, quam non alij fundamento, quàm huic vnico Experimento superextruxeris? Hoc sanè est, quod mihi videtur fatendum simul ingenuè fuisse, ac parcendum simul labori, quo æque te exerceres, ac me, quemque declinare potueras, si neque meam Responzionem, neque tuas Vindicias esse euulgandas censuisses; cùm alioquin iam destitutus omni argumento, quo Demonstrationem suffulcias, ludere videaris omnem operam, cùm operosè adeò in ea propugnanda desudas.



In quo tu quidem felicior fuisti; sed vereor non parum, ne accuratior illa tua experientia neutiquam tue parti suffragetur; quamuis dicas comnodè ad Galilei mentem accidisse, ut globus non-nisi ex quatuor diametrorum altitudine decidens attollere potuerit duplum eius ponderis, quod ex vnius diametri eleuatione summum extulerat; sicut nec triplum, nisi ex altitudine diametrorum nouem, &c. Ego enim tuo exemplo inductus, cum idem tentare item voluerim; neque globum ex vnius diametri altitudine, suum pondus toties multiplicatum attollere comperi; neque ad duplicatum, triplicatumque pondus eleuandum, ad tantam altitudinem attolli debuisse. Vsus sum quidem bilance obuia, & fortassis non ita exacta, & globo Porphyretico uncia 5, drachm. 2 satis exactè. Reperi autem hunc globum repetita aliquoties operatione ex vnius diametri altitudine eleuare solum uncias 5, dr. 2 (nescio an vitio bilancis acciderit, ut maius pondus non extulerit) ac idem globus duplum illius ponderis, ex diametris tribus, tripulum ex quinque, quadruplum ex septem, quintuplum ex nouem sustulit; interruptus autem nihil ulterius tentare potui. Ex his autem adhuc vides (quod totius controuersie caput est) equalibus spatiis equalia acquiri velocitatis augmenta. Hanc ego tamen operationem tibi tanquam exactam non propono, quia necdum mihi per otium licuit eam adhibere diligentiam, quam res huius momenti pro suo merito postulat: sed ut te quoque ad exactam illius rei experientiam inuitem; ex qua tota de motu accelerato controuersia dirimenda videatur.

Postrema hæc verba, quàm essent te digna; nisi aliunde Demonstrationem, quod mox obiiciebam, ita propugnares, ac si foret iam controuersia à te dirempta!

Et quod inuitas quidem me ad experiundum iterum;  
scito me iterum expertum, ac adhibitos mihi fuisse ad-  
iutores insigni peritia, & in experiundo sedulitate, ac  
diligentia claros Petrum Petitem, & Danielelem  
Auberium Maurerium; ac nihil tamen vnquam mihi,  
quale tu narras, contigisse. Nam vsurpatis globis  
duobus altero plumbeo vnus vnciæ, altero ligneo  
drachmæ vnus cum triente, fuit semper eadem proxi-  
mè ratio, quam in Responsione iam descripsi, exhibita;  
& cùm aberratum ab ea sensibilius est, ecce quid adhuc  
præstitū fuerit iis numeris, quos ipse habes. Plumbeus,  
cùm ex diametro vna extulisset vncias 7, dr. 1: extu-  
lit deinceps ex tribus 11, 3: ex quinque 14, 2: ex septem  
16, 3: ex nouem 17, 6: cùm iuxta tuam obseruationem  
efferre debuisset ex tribus 14, 2: ex quinque 21, 3: ex  
septem 28, 4: ex nouem 35. 5. Ligneus, cū ex diametro  
vna extulisset drachmas quindecim, extulit deinceps  
ex tribus 24, ex quinque 30, ex septem 36, ex  
nouem 41: Cū debuisset per te efferre ex tribus 30,  
ex quinque 45, ex septem 60: ex nouem 75. Immane  
quanto discrimine! Et non caussor quidem propterea  
tuam fidem; sed est cur demirer profitentem te *veram*,  
*ac certam scientiam* in hac Experientia, vt *clara, facili*,  
*indubia* fundatam, sic iam hærere, quasi prius expertus  
nihil fueris; ac non ausis hanc operationem, tanquam  
certam proponere, partim Bilancis incusans vitium,  
quæ exacta fortè non fuerit, partim quampiam occu-  
pationem, quæ te obseruantem interruperit. Profe-  
ctò enim Tu, si quis alius, certus esse huius rei debuisti;  
vt qui non modò fueris professus te certam de ipsa

scientiam tradere; sed etiam iam scientiâ, seu Demonstrationis, qua feceris certam, Vindicias conscribas. Non moror item, quòd postquàm mihi fœlicitati cui-piam vertisti, *incidisse mihi in mentem vt quidpiam, quod tu non inquisisses, inquirerem* (vtcumque ea videri possit non tam fuisse fœlicitas, quàm non-nihil maior circa rem non raram, neque inexpectatam attentio) non moror, inquam, quòd temperâris aduersatiuâ, *sed vereor*: quippe cùm fauente mihi Experientia sponforem me dem, non esse quamobrem de me, deque Galileo verearis, quatenus dixi *pondus duplum non eleuari ante casum ex altitudine quadrupla, neque triplum ante casum ex nonupla, &c.* sed esse quamobrem verearis de te, qui præstare perinde te, refragante Experientiâ, sponforem non possis.

Non insto demùm quanto oporteat te tuæ sententiæ amore teneri, qui etiam quæsieris ex qualicumque illo progressu remedium, quò iubere posses viderem, *ex his adhuc (quod totius controuersie caput foret) equalibus spatiis equalia acquiri velocitatis augmenta*: cùm, vt præteream me longè secus inter experiendum vidisse, vt ex facta gemina comparatione clarum est; tu, mendoso etiam progressu, tanquam vero supposito, id videre me iubeas, quod ne ipse quidem aut videas, aut videre possis. Siquidem, vt videres, oporteret quemadmodum velocitas acquisita ex spatio, altitudineve diametri vnus, exprimitur elevatione ponderis vnciarum 3, dr. 2. ita acquisitam ex spatio duplo siue ex altitudine diametrorum duntaxat duarum, exprimi elevatione dupli ponderis, vnciarum videlicet

10 dr. 4; & ex triplo, siue ex altitudine diametrorum trium, eleuatione tripli, seu vnciarū 15 dr. 6, cū tu tamen videas eleuari duplum, siue vncias 10 dr. 4, non ex spatio duplo, sed ex triplo, ex quo eleuari oporteret non duplum, sed triplum, seu vncias 15 dr. 6. Id ipsum dico de cæteris ad vsque altitudinem diametrorum nouem, ex qua attolli oporteret ponderis nonuplum, seu vncias 47 dr. 2, non vt ais quintuplum solū, seu vncias 26 dr. 2. An placuit tibi progressus ille per numeros imparis, vnum, tria, quinque, septem, nouem, quorum sunt inter se interualla æqualia? Atqui oporteret hoc casu ex diametro vna nihil attolli ponderis, ac superatis deinde duabus diametris, attolli pondus simplum, siue vncias 3 dr. 2, & superatis adhūc duabus duplum, & adhūc duabus triplum, &c: cū tu velis tamen ex altitudine nulla, quasi cyphra, ad altitudinem vsque integræ diametri, quasi vnus, attolli pondus simplum, seu vncias 3 dr. 2, adeò proinde, vt si per spatia æqualia mēsurata diametris procedere velis, necesse sit, vt post primam diametrum, cui velocitatem attollentem simplum attribuis, accipias secundam, cui attollentem duplā attribuas, &c. Dicerem id fortè placuisse, quòd existimāris videri vtcumque congruere cum eo, quod defendis postea, primum primæ partis dimidium, quasi pro nihilo haberi, ac numerandum motum duntaxat ab initio vsque secundi dimidii, & pergendum per secundā, tertiam, & cæteras parteis, quarum quælibet duo dimidia contineat. Verum, vt taceam notum esse, quā parū cohærenter id fieret, nihil est cur tempus in coniectando teram, cū etiam pigeat terere



in iis, quæ dicuntur apertè.

*Sed memineris totius summi ponderis ex unius diametri altitudine eleuati, non esse in sequentibus operationibus accipiendum duplum, triplum, quadruplum, &c. sed solius excessus ultra æquilibrium assumendum esse duplum, triplum, quadruplum, &c. quærimus enim accelerationis, ac velocitatis effectum, ad quem non pertinet æquilibrium.*

Nequicquam profectò sollicitus es. Vt cumque enim existimāris id esse necessariū, donec ea tibi inleat opinio, vt ex totidem diametris totidem præcisè eleuentur pondera, præter æquilibrium, globo paria: nunc tamen, cum videas nihil esse necesse adstringi, neque ad diametrum, neque ad pondus (imò neque ad figuram globi, si modò corpus eiusmodi sit, quod lancem ex æquo circa medium afficiat) sed liberum esse quamlibet altitudinem pro prima assumere, & quodlibet pondus, quod summum ex ea attolletur pro pondere primo: constat tale pondus, quodcumque illud sit, & æquilibrium quidem comprehenso, germanam esse mensuram eius impetus, qui exprimitur ex casu à tali altitudine; cum si aliquid addatur tali pondere, impetus sit minor, si detrahatur aliquid, etiam ex æquilibrium, sit maior. Quanquam & si perites putare detrahendum esse æquilibriū, nihil erit quamobrem repugnem, aut quamobrem ipse propterea lucratus aliquid videaris; cum eo detracto tam ex primo, quam cæteris ponderibus; quæ pondera superfutura, sunt pari progressionem sint consequutura. Nam in exemplo quidem tuo, v. g. seu numeros 3. 2, 10. 4, 15. 6, 21, 26. 2, detracto æquilibrium, seu comprehenso habeas (quod tibi fortassis exprimendum)

Exprimendum fuit) eadem continuò erit progressio  
 quinarum numeri cum quadrante, seu dr. 2; vt putà, seu  
 dicas 4.2, 9.4, 14.6, 20.2, 25.2: seu 6.2, 11.4, 16.6, 22.2, 27.2.  
 Sed res est per se satis manifesta.

Nunc autem, Vir perspicacissime, cùm in ea tota re  
 diligentiam tuam, ac solertiam vehementer probeam, & exa-  
 ctiores adhuc à te expectem; perinde probare non possum  
 quæ sequuntur reliqua: & primum quod àis numero xxviii.  
 fore, vt si penes globorum diametros mensurandæ essent eo-  
 rum velocitates, demissi ex eadem altitudine globi duo eius-  
 dem materiæ, sed mole inæquales, pari celeritate non descen-  
 derent. Ponis autem exempli gratiâ duos globos, quorum  
 vnus sit diametro decies maiore, quàm alter, & minorem  
 hunc decies decuplò velocius altero moueri. Sed sagacitas tua  
 hoc loco non aduertit primum, à maiore globo vnus diametri  
 descensu tantum velocitatis acquiri, quantum à minore globo  
 decem diametrorum descensu acquiriur: nihilque omnino re-  
 ferre, si è dualus velocitatibus inter se æqualibus altera plu-  
 reis in partibus subdividatur, quæ simul iunctæ alteram exæ-  
 quant; sicut nec ratio acceleratæ velocitatis per quodlibet  
 spatium variabitur, si partes eiusdem spatij æquales ab vno  
 minores designentur, ab altero maiores. Deinde, illud etiam  
 non aduertit, vt si penes spatii partis æqualeis in quacumque  
 ratione acceptas, accelerationis velocitas mensuretur, futurum  
 omnino sit, vt perinde eorumdem globorum diametris ea-  
 dem quoque accelerationis velocitas mensuretur; præsertim si  
 diametri (vt in proposito exemplo) supponantur commensu-  
 rables; quod & ex ipsa rei natura, & ex proximè adducto  
 eius exemplo, qui spatium quodlibet, per quod fieret descensus,  
 nunc maiores in partibus diuideret, nunc in minores, euidet.

*De Proportione, qua grauiā  
manifestum est. Non rectè igitur concludis globos eiusdem  
naturæ, sed mole inæqualeis, inæquali velocitate descensuros,  
si penes eorum diametros expenderentur eorum velocitates.*

Quoniam igitur metā parū esse perspicacem, sagacemque, arguis, ut quod dixi de duobus globis non aduerterim; age disquiramus, tua-ne perspicacia, & sagacitas aduerterit satis eam, quam instituiti animaduersionem. Ego quidem soleo in rebus, quæ dicuntur graues, grauitatem duplicem (duplexve pondus) distinguere. Vnam appello Simplicem, eam nempe, quæ conuenit rei etiam quiescenti: ut putā qualem habet lapis, dum immotus terram suppositam premit, aut claua immota suppositum cuneum. Alteram Adiectitiā voco, eam putā, quæ rei ex motu accelerato aduenit, & desinente motu euanescit; qualem scilicet habet lapis, prout ex alto decidit, aut claua, prout tum decidit, tum robusta quoque impingitur manu. Cū verò simplex grauitas mensura adiectitiæ sit, quatenus pro excessu grauitatis simplicis, quo vnum corpus superat aliud, excessus quoque est adiectitiæ, si vtrumque quidem ex eadem decidat altitudine: ideò simplici grauitate duorum corporum pondere inæqualium data, habeo adiectitiā vtriusque ex pari casu acquisitam, in eadem ratione, proportionēve, qua simplicem: Adeò ut, si simplex vnus sit librarum decem, & alterius centum; vbi adiectitia prioris fuerit centum, posterioris futura sit mille. Et quia grauitas vtriusque adiectitia ex effectu, seu percussione in rem subiectam facta cognoscitur: ideò rem attendo penes percussionem, quatenus ipsa notior est, facileque intelligitur,

ubi percussio facta per vnum corporum illorum nota fuerit, notam quoque eam fore, quæ fiet per alterum: aded vt si, exempli gratiâ, prius corpus in vnam bilancis lancem decidens eam percussione faciat, qua altera cum pondere centum librarum attollatur, decidens posterius eam facturum sit, qua attollatur cum pondere librarum mille. Iam, cum tua verba fuerint, *Tantam præcisè corporis esse velocitatem, quantus impetus, quantâque ipsa percussio fuerit: impetum enim omnem, & percussione ex velocitate esse, imò impetum ipsum velocitatem esse nulloque hæc ab inuicem discrimine dirimi: vt merito proinde quæ ratione accrescit velocitas, eadem impetus, & percussio augeantur*: capropter licet dicere velocitates corporum illorum in fine motus ita se habere, vt si à priore acquisiti sint decem gradus velocitatis, quibus pondus decem librarum adauctum sit vsque ad centum, acquisiti etiam fuerint decem gradus à posteriore, quibus pondus centum librarum adauctum fuerit vsque ad mille. Et certè ista graduum velocitatis æqualitas in proportionem partium grauitatis adiectitiæ fundata, dici potest causa cur duo corpora pondere, siue grauitate simplici summè inæqualia (vt si alterum pendat libras mille, alterum non ampliùs, quàm vnciam) æquali cadant tempore; vnde & vicissim arguantur esse æqui-velocia.

Accedamus propiùs ad hypothesin. Ostendere volui velocitatis gradus mensurandos non esse, vt tu asserbas, penes globorum diametros, quæ mensurarent singulos casus. *Sunt enim, inquam, globi, verbi causa, duo ex eadem materia, quorum vnus sit diametro*



decies maiore, quā alius, & dimittatur vterque ex eadem altitudine: tunc, quia minor decidet per diametros decuplō plureis, quā maior, fiet, vt attollat pondera sibi equalia decuplō multipliciora, quā attollat maior ex sibi equalibus: Quare & sequitur, vt per idem spatium feratur decuplō velocius, ac decuplō citius, temporeve decies breuiore perueniat ad lancem, quā maior: hoc autem constat quā falsum sit; cum, &c. Considera iam, an quid dicerem, non aduerterim. Est pondus maioris globi mille vnciarum, & elatus globus vna sui diametro supra lancem, in eam dimittatur; tum gradum velocitatis iuxta te acquisierit, quo lancem percutiens alteram attollat cum pondere vnciarum mille, præter æquilibrium. Est pondus minoris, vnius, & dimittatur similiter globus ex vna sui diametro; tum etiam gradum velocitatis vnum iuxta te acquisierit, quo lancem vnā percutiens alteram attollat cum pondere vnius vnciæ ultra æquilibrium. Attollatur postea, & dimittatur minor globus ex secunda sui diametro, tum velocitatis gradus acquisierit duos, quibus attollantur duæ vnciæ, ac pari modo ex tertia diametro attollentur tres, ex quarta quatuor, & sic deinceps, quovsq; ex decima, hoc est ex altitudine, è qua dimissus fuerit maior globus, attollantur decem. Itaque ex duobus illis globis ex eadem altitudine dimissis, percutiet minor lancem impetu decuplō maiore, proportionē sui ponderis, quā maior sui respectu percutiat (cū ille scilicet attollat decuplum sui ponderis, iste attollat solū n tantumdem). Igitur & cū n impetus, ac velocitas idem sint, erit velocitas minoris maior decuplō per illud spatium, quā maioris,

ficque globus minor illud tempore decies breuiore, quàm maior percurreret. Atque ego quidem sic ad rem aduerti. Ais iam tu, *meam sagacitatem non aduertisse, & maiore globo vnius diametri descensu tantum velocitatis acquiri, quantum à minore globo decem diametrorum descensu acquiritur.* Verùm cùm ego adueiterim rem se reipsa ita habere: aduerti tamen simul id aduersari tuis decretis; vnde & tua sagacitas aduertisse duntaxat videretur quid fieret, non verò quid ex propriis assertionibus sequeretur. Pergis nihil omninò referre, si ex duabus velocitatibus inter se aequalibus altera plureis in partibus subdividatur, quæ simul iunctæ alteri exæquantur; sicut nec ratio acceleratæ velocitates per quodlibet spatium variabitur, si partes eiusdem spatii æquales ab vno minores designentur, ab alio maiores: at nihil refert quidem, si velocitates æquales sint, vt illæ reuerâ per illud spatium sunt: sed plurimum refert, si inæquales sint, vt tuis ex decretis esse deducuntur. Quod deinde subdis, diuersum non est.

IN ARTICVLOS XXIX. XXX. XXXI. XXXII. XXXIII.

De Tempore, quo R. P. colligit partis spatij  
singulas decursum non iri.

Nihilo rectius numero xxx: etiam reprehendis, quòd sine respectu ad tempus definitionem accelerati motus aut inquisierim, aut etiam constituerim. Etsi enim prius accelerationem motus cum partibus spatij, quàm cum partibus temporis æqualibus contulerim, cùm tamen vtrumque abundè, ac diligenter eadem Epistola factum à me cerneret; satis iustam huius reprehensionis ansam accipere inde non potuisti.

*Voluiffes fortaffis (quod sine dubio facere potui) vt motum vni-  
formiter acceleratum potius definirem effe eum, qui tem-  
poribus æqualibus velocitatis augmenta in continua-  
tione dupla reciperet: fed cùm Galileus æqualia cele-  
ritatis incrementa partibus temporis æqualibus tribueret,  
procline fuit, vt æqualia illa velocitatis augmenta statim spa-  
tij potiùs, quàm temporis partibus æqualibus attribuerentur.  
Sed hæc leuiora funt.*

Dictum hucusque est de tuæ Demonstrationis Af-  
fumptione. Probare deinceps voluisti confequutionem  
Propositionis; veruntamen duo quasi membra huiusce  
Probationis fuerunt. Nam postquàm ex tuo supe-  
riore Experimento collegifti *ex dupla distantia celerita-  
tem acquiri duplam, ex tripla triplam, &c.* agendum effe  
deinceps censuifti de Tempore, quòd *ad ipsum quoque  
celeritas motus respectum includat*: ac subinde adnexus es  
declarare *Primum*, non sic decurri parteis spatij, vt se-  
cunda percurratur dimidio temporis, quo prima, tertia  
triente, quarta quadrante, &c. vtcumque id videatur  
sequi ex ratione illa incrementis spatiorum instar ce-  
leritatis: *Secundò* autem sic potiùs decurri, vt initio  
sumpto ab inferiore primæ partis dimidio, quod cer-  
to tempore percurratur, secunda, quæ eius dimidij fit  
dupla, percurratur pari tempore: tertia verò triente  
eiusdem temporis, tanquam respondens infimo eiu-  
dem primæ partis trienti: quarta quadrante, vt res-  
pondens quadrantanti, atque ita de cæteris; Ex quibus  
subinde sequatur, vt quemadmodum pars secunda  
æquali tempore percurritur, sic percurrantur duæ si-  
mul sequentes; sic quatuor simul succedentes; sic

alia octo, &c. Itaque dicendum est prius de priore capite. Interim autē (circa id, quod heic obiicis) Recte, ne, sit, an perperam factum, quod admonuerim non debuisse temporis mentionem in definitione accelerati motus omitti; contextus meus, quem retexere nihil est opus, satis ostendit. Quod autem deinceps *Epistola eadem acceleratum motum non minus diligenter cum tempore, quam cum spatio contuleris*: id ipsum arguit non debuisse minorem temporis rationem in eo definiendo haberi, quam spatii (ut præteream potuisse quoque haberi non-nihil maiorem, quatenus à me insinuatum est) ac futuram deinceps fuisse comparisonem tam cum illo, quam cum isto coherentiorē. Quod subiicis *me fortassis voluisse*; id ipsum est, quod potius veritatis amore voluissem, si licuisset quidem per te: sed nihil heic præuertendū est: non sanē, quod ista sunt leuia; quando in iis cardo controuersiae vertitur: sed quod sit de ratione dupla temporibus æqualibus speciatim dicendum inferius.

Gravius est, optime Gassende, quod numero xxxi. xxxii. xxxiii. non solum contra expressam *Epistolam meam sententiam*, sed contra euentem quoque *Demonstrationis lucem* velis à me ea dici, quæ verbis expressis nego, quæque falsa esse non tantum pronuncio, sed clarè etiam, atque euidenter demonstro: ex hisque deinde, tanquam meis, ea mihi absurda affingas, in quæ nemo, quantumvis hebes impingat. *Demonstrare* certè debueras ea, quæ à me tanquā falsa reiecta videbas, ex constitutis à me principiis nihilominus sequi, antequam eadem, ut mea decreta impeteres: imò id solum faciendum tibi fuerat, ut me causæ præuicatore euinceret, qui ea ipsa falsa



demonstrarem, quæ ex meis nihilominus principiis clara, evidentiæ ratione inferrentur. Quid enim tibi opus fuit multis paginis impugnare ea, quæ iam expugnasset? & conquestis undique rationibus falsa ostendere, quæ falsa esse prior agnoscerem? Et tamen nihil est in tota tua Epistola aliud, in quo acrius, animosiusque depugnes.

Quomodo quæso, optimus, & non pessimus potius essem, si is quidem, quem tu me hoc articulo depingis, forem? Verum, quia num tibi quid affinxerim: num quædam à te reiecta ut falsa, ex tuis principiis sequi non ostenderim; num postquam tu quædam expugnasti ut falsa, ego non tam illa, quàm ex illis ut tuis, cætera superflue impugnauerim; quia, inquam num ista se verè, falsòve habeant, cognoscendum est ex ijs, quæ à te subiiciuntur; idcirco nihil est, A quod ad ista regeri generatim debeat.

Atque in primis, eandem iterum mihi Propositionem affingis, quam iam supra numero 7. indicavi, & in hunc locum examinandam reieci. Vis enim, & sine demonstratione, sine vlla vel probabili ratione ais, & quasi pro tuo iure supponis, graue descendens per spatium AB in partem quolibet æqualeis diuisum, percurrere partem secundam DE, in dimidio eius temporis, quo percurritur prior pars AD, & quod idem est, partem DE percurri velocitate dupla eius velocitatis, qua transcurritur AD.

Quàm falsò repetas hanc Propositionem tibi à me affictam, feci abundè manifestum, cum id obiter non sum prætergressus, quod tu citato

P  
S  
V  
D  
X  
T  
E  
F  
G  
H  
B

loco,

loco, hoc est, in articulum xii, attigeras obiter solum. Quippe tuis verbis recitatis, & deducta occasione, ob quam illa texueras, demonstratum est tuam fuisse, quam iam inficiaris, expressam sententiam; heincque adeò probatum manet me non modò probabili, sed conuincenti etiam ratione (nisi te velis Paralogistam, quod absit ut censeam, ridiculosissimum haberi) ac non meo iure, sed ex tuis verbis hanc suppositionem, quasi tuam supponere, *Graue descendens per spatium AB in parteis quolibet æqualeis diuisum, percurrere partem secundam DE (quæ illeic fuit BC) in dimidio eius temporis, quo percurritur prior pars AD (quæ illeic AB) & quod idem est, partem DE percurri velocitate dupla eius, velocitatis, qua transcurritur AD.* Sequitur.

At Primum, quid amabò, causæ est, cur cum antè numero tuæ Responſionis X. volueris velocitatem per totam AE duplam esse velocitatis per primam partem AD. idque ex meis quoque principiis necessarium esse assideris: nunc, mutato consilio, velocitatem per solam partem DE velocitatis per partem AD acquisitæ duplam esse contendas: & quidem, ut ais, ex principiis item meis?

Quid causæ sit, quæris? Non sanè mutatio consilij in me; sed quæ falsorum principiorum, incommodorumque ex iis deductorum variatio in te obseruatur. Nam quòd velis quidem velocitatem acquisitam in E esse duplam velocitatis acquisitæ in D, ut spatium AE, spatij AD duplum est: contendo iam velocitatem, qua percurritur DE, esse duplam eius, qua transcurritur AD, seu, quæ acquiritur per AD: &, quòd tu contendas ab A, usque ad E, augeri æquabiliter, idcirco sum argu-

mentatus articulo illo velocitatem per totam AE, duplicam esse velocitatis per totam AD. Cum hoc autem suo iam loco demonstratum abundè sit: idè illud solum, quod tu huius loci facis proprium, est attendendum. Quæso itaque; cum velis in D acquisitum esse vnum velocitatis gradum, & duos in E, an velis gradum acquisitum in D, manere per ipsam DE, ac esse vnum ex iis duobus, qui acquisiti reperiuntur in E; an nolis? Si velis; igitur per ipsam DE sunt duo gradus, vnus nempe manens, & alius, qui interim acquiritur. Si nolis; igitur oportet duos gradus, qui sunt in E, acquisitos esse per solam DE. An-non ergo vtrovis modo necesse est velocitatem per solam DE, duplicam esse eius, quæ acquiritur per AD? Dilemma est, neutrumque est membrum, circa quod liceat tergiuersari. Nam circa secundum quidem, dicere nihil potes: cum id sit tamen reuerā tuum; quatenus, vt superiùs quoque adnotatum est, vis velocitatem acquisitam per totam DE, esse duplicem acquisitæ in D, & acquisitam in D perire: nam alioquin in E velocitas iam esset tripla, siue in E tres gradus essent: cum esse tu velis solum duos, & acquisitos quidem per solam DE. Circa primum autem si fortassis dicas manere quidem primum gradum, sed nihil agere; sequetur solo secundo gradu, qui per DE acquiretur, agente, partem DE tempore nihilo breuiore transcurri, quàm ipsam AD: cum etiam per te percurratur minùs, quàm dimidio. Et, si dicas agere: Aut ob sui constantiam duplò aget ampliùs, quàm per AD, vt superiùs deduximus; & tunc incommodum sequetur, quod suprà quoque ostensum est;

Quatenus DE percurratur præcisè triente primi temporis; & secundum tempus integrum non effluet, nisi sub partem spatij octauam, quod tu vis effluere cum ipsa secunda: Aut certè tantumdem; & tunc, quia etiam tantumdem aget, qui gradus acquireretur per ipsam DE: recurret id ipsum, quod tu refugis; nempe partem DE percurri velocitate dupla illius, qua decursa fuerit AD.

*Sed neutram Propositionem probas, aut ex statutis à me principiis vlla ratione deducis: Et vt priorem iam supra falsam euici; ita nunc istam esse impossibilem, hac ratione euidenter demonstro.*

Imò de Priore quidem apertè probaui; neque tu quicquam aliud, quàm, vt aiunt, principium petiisti: & cùm te iam dicis euicisse eam falsam; notum est quæstionem non esse, an falsam euicers, sed an euiceris non-tuam, seu ex tuis principiis minimè deductam. De Posteriore etiam rem feci apertam; neque cùm ego institi nullum esse in mea argumentatione Paralogismum, tu potuisti vllum ostendere: & cum iam suscipis demonstrandum eam esse impossibilem, minimè attendis quæstionem non esse, an impossibilis sit, sed ex tuis ne deducta principiis.

*Ex statutis à me principiis, necesse est, vt graue quodcumque per spatium quodlibet, putà AC descendens, equalibus temporibus spatia continuo maiora, ac maiora decurrat in continua ratione dupla.*

*Ex statutis, inquis, principiis: imò hæc tibi conclusio est; quæ & falsa est, & non probabitur deinceps à te, nisi ex ipsismet principiis, quæ vt falsa sunt, ita*



nunc per ipsam à te circulo insigni probantur. Sed tuum esto principium; quid inde?

*At hoc dato, necessarium etiam est, ut quanto tempore grave descendens percurrit secundam partem DE, tantò præcisè spatium duplò minus antè percurrerit; nempe SD, quod supponitur dimidium superioris spatij AD.*

An-non agnoscis circulum? Neque enim alia ratione probas spatia continuò percurri in ratione dupla, quàm quia supponis tanquam principium, partem DE percurri tanto tempore, quantò dimidium SD. Sed & hoc esto.

*Necesse est igitur, ut partes SD, & DE equali tempore percurrantur.*

Imò impossibile est; tantum abest, ut necessarium; neque in te est, ut necessitatem probes, nisi priùs ostenderis velocitates esse ut spatia, quòd tantum abest, ut hæctenus quidem præstiteris, quin potius prætare conatus, tuo in Balance Experimento, ipso euentu fueris delusus. Quanquam esto & istud quoque.

*At Tempus, quo percurritur SD pars inferior ipsius AD, necessariò brevius est tempore, quo decurritur pars superior AS (alioquin motus per AD æquabilis esset, non autem acceleratus, ut per se manifestum est.)*

Admitto id quidem, sed independenter ex tuis principiis.

*Pars igitur DE non percurritur in dimidio totius temporis, quo decurritur AD, sed in tempore aliquantò breviorè.*

Id quoque admitto; sed omninò ex aliis principiis, quàm tuis.

*Et consequenter pars DE non transcurritur velocitate*

*dupla eius velocitatis, qua percurritur AD, sed velocitate maiore.*

Et hoc admitto denique; verum aliis prorsus, quam tuis principiis persuasus.

*Ad hanc Demonstrationem quid profers?*

Hem! quid profero? Videlicet Primò te falsa usurpare principia; neque alia lege concludere ex ipsis verum, quam si quis ex eo, quod assumat *arbores omnes esse in calo, & Lunam esse arborem*, concludat *Lunam esse in calo*. Secundò, committere te, ut vulgo aiunt, circulum, incidere ve in Diallelum; uti obiter insinuatum est, & tota ex serie tui operis constat. Tertiò, te noua contradictione temetipsum inuoluere, dum coactus vi superioris dilemmatis, dicere teneris velocitatem per DE duplam esse velocitatis per AD, & nunc assumis, aut te probasse contendis eandem velocitatem per DE duplam esse velocitatis per SD, quod sit solum dimidium ipsius DE. Quartò te rursus eâ implicari, quòd cum huc usque volueris acquisitos esse ab A in E duos gradus, qui simul iuncti sint duplum illius, qui acquisitus est ex A in D; velis iam eosdem duos gradus esse duplum illius, qui solummodò sit acquisitus ex S in D. Quintò te idcirco omnia perturbare; quatenus quicquid hactenus dixisti de spatio in parteis æqualeis diuiso, & incipiendo quidem ab A, ut probares velocitates acquisitas esse ut spatia; de spatiis iam, ac velocitatibus ita loqueris, ut si incipiendum sit ab S, neglecto prorsus dimidio AS. Sextò, non respondere te quæstioni; quoniam quæstio est, non an velocitas per solam DE sit dupla velocitatis per AD; sed an

esse duplam sequatur ex tuis principiis, veluti præmonitum est. Postremò te vitiosè id ostendere, quatenus assumis vnum ex tuis principiis, cum quo Propositio huiusmodi non cohærescat: cùm id non sufficiat, nisi ostendas; te aut non habere aliud principium, quàm assumptum hoc: aut habere quidem, sed ex nullo tamen ipsorum illam consequi; aut habere iure eam de te fiduciam, vt impossibile sit te tibi contradicere, ac non clarè perspicere quid ex principio quolibet vel sequatur, vel non sequatur.

*Eam certe, vt legitimam admittis?*

Quin-imò quàm varias ob causas censeam reiiciendam, tanquam spuriam, habes.

*At, quod à te inexpectatum, fuit addis (quod in par. casu etiam aliàs facis) inde vel maximè mea decreta renelli, quòd ex iis adeò pugnantia concludantur.*

Quamobrem verò id à me esse debuit inexpectatum; tibi præsertim, viro sapienti, cui nihil contingere ex inopinato debet? An quia putâras non debere me tua decreta expendere, sed in tua verba, quasi mancipium domino addictum iurare? An quia volueras vt si quid falsum, aut repugnans occurreret, id non tam lenirem, vt conatus sum facere, quàm omninò dissimularem? An quia contenderas, vt quicquid id foret, nihil aliud, quàm plauderem, & nihil conscientiam reueritus, creditæ mihi veritati remitterem nuncium, vt tibi adularer? Horum nihil credo: sed tamen non satis perspicio, quâ id fecerim præter tuam spem; nisi quòd istorum tuorum decretorum tanta persuasione certus fueris, vt quemadmodum catenus incideras in

creminem, qui quicquam repugnans in ijs deprehendisset (sic enim postea memoras) ita ego minimus omnium, in quos posses incidere, impar prorsus forem, à quo quicquam tale deprehenderetur.

*Id, mi Gassende, si adducta demonstratione diceret, tuo iure utique diceret: at sine demonstratione, sine vlla verisimilitudine id non semel tantum dicere, sed inculcare sæpius, sed instare etiam acrius, & tanquam de constanti victoria triumphare; vide an istud sit ingenuæ moderationis tuæ, atque etiam dignitatis.*

Imò, mi Cazræ, Tu ipse, quo iure in me sic insultes, Vide. Iacturam fortè faciam vnus, aut alterius paginæ; sed necessitatem profectò imponis retexendi quidpiam ex ijs, ob quæ ita inueheris. Conquereris, quòd, meo iure, & sine vlla demonstratione, aut verisimilitudine dixerim, atque inculcàrim tua decreta inde maxime reuelli, quòd adeò pignantia ex ijs concludantur. (nam quòd alioquin tanquam de constanti victoria triumphàrim, hoc est, exultabundus gestirim, & quasi thrafo fuerim gloriatu; id vt à me alienum est, ita Deo propitio, nusquam deprehendes.) Itaque id-ne absque iure, & sine vlla demonstratione, aut verisimilitudine fecerim, peruideamus. Verba tua fuerant vt retuli, articulo xxxi. Cùm enim ex superioribus iam euidenter constet in naturali grauium descensu semper ex dupla distantia celeritatem haberi duplam, & ex tripla distantia triplam, atque ita deinceps eadem ratione celeritatem augeri; nihil procliuus esse potest, quàm vt quis existimet accelerationem illam fieri per subdivisionem primi cuiuslibet temporis in parteis semper minores, pro multitudine, & ratione spatorum equalium, quæ motu



decurruntur: ita videlicet, vt pars secunda spatii absoluatur dimidia parte temporis, quo prima decursa est. & tertia pars spatii tertia parte eiusdem primi temporis percurratur, & ita de cæteris. Excepi ego, heic profectò rursus mirari tuam sagacitatem par est, quatenus eam non fugit error, qui ex positione à te asserta consequitur, tamen si ipse non consequi, ex illis, quæ sequuntur, contendas. Duo heic fuerunt: Vnum, Errorem esse, quòd secundum spatium æquale percurratur dimidio illius temporis, quo primum; tertium triente, quartum quadrante, atque ita de reliquis: Alterum, huiusmodi errorem consequi ex tua positione, quòd celeritates se habeant vt spatia, atque adeò, quod ex duplo distantia celeritas habeatur dupla, ex triplo tripla, &c. Et de Priore quidem non fuit controuersia, cum tu esse errorem & confessus fueris, & aliquot etiam argumentis ostenderis. De Posteriore tota lis fuit, an nempe huiusmodi error tuus ex principiis, seu ex positione mox memorata sequeretur, an-non. Et, si sequeretur, an cum deinceps & errorem ostenderes, & ex eo admissio repugnantia deduceres, non reuerà ostenderes, ac deduceres aduersus te ipsum, vt cuius error reuerà esset, tanquam necessariò deductis ex tuis principiis.

Iam verò illum ex tuis principiis, seu propositione memorata sequi, ex eo argumentatus sum, quòd tempora essent incrementum velocitatum submultiplicia: adeò, vt quod spatium æquale secundum dupla velocitate percurritur, dimidio temporis percurratur, quo primum: & quod tertium tripla, triente; quod quartum quadrupla, quadrante, atque ita de cæteris.

Subiunxi


Subiunxi autem, atque ego quidem huc. usque nullum video  
 paralogismum: ac tum sum conatus ex errore suppo-  
 sito deducere absurditatem. Quæso igitur, an meo  
 iure, & sine vlla, nisi demonstratione, saltem verisimili-  
 tudine dixerim hunc errorem ex tuis principiis deduci?  
 Et cum fuerim contestatus in mea seu demonstratio-  
 ne, seu verisimili ratione nullum subesse paralogis-  
 mum; cur tu, si quempiam esse putasti, verè subesse  
 non ostendisti? Nam quòd fueris ratiocinatus ex con-  
 clusione illa quâ statutum à te principium dixisti, ve-  
 locitatem per secundam partem non esse duplam ve-  
 locitatis per primam, id non arguit illud non sequi ex  
 alio tuo principio, ex quo aliunde etiam potuerit per  
 media quæpiam alia mendosa illa conclusione trahi: ac  
 potissimum, cum sit adeò verum, quòd dicitur vulgò,  
*ex posito vno absurdo consequi posse innumera.* Quam-  
 obrem neque vllus exinde concludi potest paralogis-  
 mus; neque non constat quàm variè tua ratiocinatio  
 peccet, quàmque mea illa confirmetur ex confecto  
 dilemmate, quòd repetere nihil est necesse. Quæso  
 etiam, potueris ne paulò antè exaggerare debuisse me  
 primum demonstrare ea, quæ à te tanquam falsa reiecta vi-  
 debam, ex constitutis à te principiis nihilominus sequi, ante-  
 quam eadem, vt tua decreta impeterem, &c. Scilicet res  
 præstita fuerat, & ita quidem, vt te inuitassem, ad de-  
 tegendum paralogismum, si quem subesse existimares.  
 Missum autem facio, vt non modo hoc prætermiseris,  
 sed dissimulâris etiam incommodum ex hac positione  
 deductum de Progressione illa spatiorum plusquam-  
 tripla eodem articulo supputata; nisi quòd ad calcem

cuius obiter meministi, non tanquam incommodi, sed tanquam veræ progressionis, quam vano labore requisierim.

Ad duos articulos sequenteis, nempe xxxii, & xxxiii, potissimum spectat, quod rursus es ante conquestus *me non solum contra expressam Epistolæ tuæ sententiam, sed contra euentem quoque demonstrationis lucem velle à te ea dici, quæ verbis expressis negas, quæque falsa esse non tantum pronuncias, sed clare etiam, atque euidenter demonstras.* Ac quomodo quæso dicere id potes; cum ex iam dictis quæstio sit duplex; *vna*, an sit error, percurri secundum spatium dimidio temporis, quo primum, tertium triente, &c. *altera*, an is error sequatur ex tuis principiis: Tu verò sic me impetas, quasi litem tibi mouerim de prima, non autem solum de secunda; & cum deberes ipse tueri errorem non sequi ex tuis principiis, quæ sola de reagitur; ostendis solum errorem esse; quæ de re nulla est controuersia? Heinc mihi initium articuli xxxii, fuit, *Demonstras ipse alia ratione (sed nimirum aduersum te) non fieri accelerationem pro subdiuisione ista temporis: ac tum recitata membratim tua demonstratione, assensi ubique te verè errorem, incommodumque concludere; ac monui solum constanter, te concludere aduersus te ipsum, quatenus error, incommodumque ex tuis principiis consequeretur.* An dicere igitur potes, *me contra expressam sententiam, & demonstrationem tuam velle te ea dicere, quæ verbis expressis pronuncias, &c.* cum non modò noluerim, verum ne cogitarim quidem. Sic cum articulo xxxiii. ostendisses rursus tuo modo, ex comparatione secundæ partis cum inferiore primæ di-

Indio: non repugnaui ego similiter, quin tuo modo ostendisses; imò & expressè admisi incommodum, quasi à te ostensum; & excepi solùm nihil esse, quod magis principij falsitatem proderet, quàm tot repugnantium, atque absurdorum capitum deductio. An ergo etiam illic negauì te dicere quæ diceres, aut demonstrare, quæ demonstrares: & non potius semper in eo solùm fui, quòd cognitus error à te in seipso, & in consequente multiplici incommodo; non foret tamen perspectus in causa, seu in principio antecedente: eo modo, quo potest deformitas pueri agnosci, & probro haberi ab eo, qui potest non agnoscere esse se illius parenté; & familiare illud est, *mutato nomine, de re fabula narratur*. Verùm hæc satis, ut inde constet, tua-ne fuerit iusta querela.

Ut porro ex tuis etiam, & Galilei principiis rem euincam, & ea propemodum omnia, quæ tam acriter nobis obiectas, & tanquam absurda tantopere insectaris, tibi nobiscum esse communia demonstrém. Concipe in triangulo *ABC*, & in eius latere *AC* parteis æquales non iam spatij, sed temporis *AD*, *DE*, *EF*, &c. & in *D* acquisitum quem volueris gradum velocitatis, expressum linea *DG*; erit ex tuis, & Galilei principiis acquisitas in *E* gradus secundus expressus linea *EH*, sicque velocitas in *E*, dupla erit velocitatis in *D*.



Quamobrem igitur aggressus argumentari ad hominem, & demonstrare tanta volens aduersus Galileum, & me, in ipso limine aberras? Scilicet neque Galilei;

Y ij



neque mea sententia est, *acquisitum in E gradum secundum exprimi lineâ EH*, sed huius lineæ dimidio solum: siquidem tota lineâ EH non secundum modò gradum exprimit, *acquisitum ab vsque D*, verùm etiam primum *acquisitam ab vsque A*, ipsumque iunctum cum secundo.

*Concludes ne igitur velocitatem tempore DE acquisitam duplam esse velocitatis acquisitæ toto tempore AD?*

Non; sed *acquisitam toto tempore AE*: ita vt tempore AD *acquiratur vnus velocitatis gradus*, & illo perseverante, æquivalentéque duobus, quantum ad spacia superanda tempore æquali attinet, *acquiratur interim alius succedente tempore DE*, qui cum eo iunctus fiat aggregatum, quod sit ipsius duplum, vt deductum superius est.

*Hoc certè, si concesseris, cùm tempora AD, & DE ponantur equalia, necesse omnino fuerit, vt etiam spacia equalibus illis temporibus emensa inter se sint, vt velocitates: ac proinde vt spatium secundo tempore DE decursum spatii tempore AD transmissi præcisè sit duplum: non autem (vt statuit Galileus) triplum.*

*Si concessero?* inquis, atqui vides vt iam negârim, nec me negaturum ignorasse potes: cùm ab initio vsque controuersiæ, & à primis illis Responsionis articulis non alia ratione exhibuerim opinionem intelligendam; adeò proinde, vt si ipse prosequi velles vltcrius, argumentando ad hominem, contentus esse non debueris sola hac interrogatione, & concessionem supponere, quam iurè à me non obtineres: sed supposita negatione, vrgere in me aliquid, quod appositum ad

tem foret. An verò posses iam vrgere dilemmate eodem, quo ego in te vsus sum? Vt possis, obstat primum, quòd ego secundum membrum manifestò respiciam, cui tamen inhaerere te ex ijs, quæ heic habes, intelligi potest: quòdque circa primum videas admittere me, & manere primum gradum toto tempore DE; & manendo non esse otiosum, sed agere aliquid; & agere duplum illius, qui interim acquiritur; & ex dupla vnus, & simplici alterius actione superari tria spatia: ac tu non possis ex admissio à me triplo spatio per tempus DE percurrando, deducere incommodum vllum, vt ego deduxi ex triente temporis, quo tu debes admittere DE pro spatio sumptum percurri. Obstat secundò, quòd vt facias, mutare duntaxat terminos oporteat: hoc est, vbi ego tempus tu spatium; vbi ego spatium tu tempus debeas dicere, vt factitatum superius est, cùm retorquere conatus es, quod ego obieceram, vt defenderem nullum fuisse in Galileo Paralogismum. Scilicet confusio inde sequitur, è qua extricari non liceat, neque rem iam tento, vt tempori parcam; tametsi saltem videretur circa ea, quæ sequuntur, tentanda. Adnoto ergo potius, quod heic infero *fore velocitates, vt spatia, & spatium tempore DE decursum fore duplum, non triplum*: negari tibi consequutionem; eò quòd assumas, vt rem concessam duos gradus velocitatis, qui reperiuntur in tempore DE, acquiri ambo per illud tempus: cùm tamen ego velim vnum tantum acquiri, & alium esse permanentem, præstantemque duplum illius, qui acquiritur: adeò vt, coniuncta vtriusque actione acquiratur spatij

174. *De Proportione, qua grauiā*  
*non duplum, sed triplum.*

At si hac ratione conuictus velocitatem toto tempore DE  
acquisitam, alterius toto tempore AD acquisita duplam esse  
negaueris; maioremque agnoueris, quod in tuis, & Galilei  
decretis admittere cogeris: cur tam acriter reprehendis in  
nostris?

Conuictus? & quomodo tandem? Si duplam ne-  
gem, si maiorem agnoscam? Ego verò acquisitam to-  
to tempore DE neque duplam, neque maiorem, sed  
omnino æqualem illi, quæ acquiritur toto tempore  
AD agnosco. Indequæ est illa definitio motus æqua-  
biliter accelerati, quod, temporibus equalibus equalis  
acquirat velocitatis incrementa: & hoc solum est, quod  
in meis, & Galilei decretis admittere cogor: ac iure  
idcirco reprehendo in tuis, quod cogaris admittere ad-  
uersus propriam definitionem, equalibus spatiis equali-  
bus momenta velocitatis non acquiri.

Placet ne verò etiam, ut de velocitate tempore DE ac-  
quisita perpendamus, cuiusnam alterius velocitatis sit  
equalis?

Placet, quando res cordi est, & tantopere tibi pla-  
cet tuum illud de deducendo infra initium initio, ab  
ipso putà S, inuentum.

Temporibus AD, & DE bifariam diuisis in S, & K,  
erit adhuc ex tuis, & Galilei decretis velocitas acquisita in  
D dupla velocitatis in S: sicut velocitas acquisita in E dupla  
est velocitatis acquisita in D, & velocitates omnes, ac singula  
inter D, & E designabiles, dupla quoque erunt velocitatis  
alterius inter S, & D assignabilis: ut velocitas KL, me-  
dia inter D & E, dupla erit velocitatis in VX media

*inter S, & D, & ita de cæteris.*

Concedo; hæc enim reuerâ in opinionem, quam sequor, quadrant, secus ac in tuam, quæ tantoperè auersatur progredi adhuc, promouendo comparationem vltra S versus A, ne initium magis versus initium promoueatur. Concedo, inquam, quatenus hæ omnes velocitates ab A incipiunt, & eandem inter se rationem, quam ipsa tempora obseruant.

*Ex quo necessariò consequens est, vt tota velocitas acquisita toto tempore DE, præcisè, & exactè dupla sit velocitatis acquisitæ toto tempore SD.*

Tametsi punctum, à quo incipiunt velocitates, iam varies: concedo nihilominus, & neque id modò, sed etiam velocitatem acquisitam tempore DE duplam esse acquisitæ tempore AS, & tempore DK, & tempore KE. Nempe acquisita tempore DE non est tota EH, vt falsò supponis, sed eius dimidium, quod proinde duplum est non totius DG, quam falsò totam acquisitam supponis ab S, in D, sed dimidij eius duntaxat. Hoc autem cum æquale sit acquisitæ ab A in S, à D in K, à K in E: ideò acquisita à D in E, pari modo est earum omnium dupla.

*Non autem totius acquisitæ tempore AD.*


Et quis, cui hoc dixit, acquisitam tempore DE, duplam esse acquisitæ tempore AD, nisi ipse tibi?

*Vides igitur in tua quoque, & Galilei sententia perinde, atque eadem ratione, qua in nostra, velocitatem secunda parte DE acquisitam non totius velocitatis acquisitæ in prima parte AD duplam esse, sed velocitatis acquisitæ in vltima eius mediocritate SD,*



Nego, videre me perinde, atque eadem ratione. Nam in mea quidem, & Galilei sententia sumendo has parteis DE, AD, SD pro partibus temporis, res est necessaria; at in tua, sumendo easdem pro partibus spatij, ostensum iam est velocitatem per DE debere esse duplam velocitatis per AD. Et ostendetur paulò post non probari duplam velocitatis per SD, nisi ipsum met petendo principium.

*Eadem quoque ratione cogêris fateri velocitatem tertio tempore EF acquisitam velocitatis primo tempore acquisita triplam solum non esse, sed tripla maiorem.*



Nempe hoc placet ex abundanti: vide ergo perpetuum aduersus nos paralogismus. Nam vt haecenus falsò supposuisti velle nos totam velocitatem EH, quæ dupla est velocitatis DG, acquisitam esse solo tempore DE, quam acquisitam tamen facimus toto tempore AE, cum ratiocinatio nostra constans sit, vt AD, ad DG, ita AE ad EH; non autem vnquam, vt AD ad DG, ita DE ad EH: vt haecenus, inquam, id falsò supposuisti; sic falsò iam supponis velle nos totam velocitatem FI, quæ tripla est eiusdem velocitatis DG, acquisitam esse solo tempore EF, quam acquisitam statuimus toto tempore AF: cum constanter dicamus, vt AD, ad DG, ita AF ad FI; neque tu ostendere possis dixisse vnquam nos, vt AD ad DG, ita EF ad FI.

*Designata enim ex D versus A tertia parte totius AD, quæ sit DY, sumptaque ipsi equali DZ, erit totum tempus*  
AE

*AE* treis in parteis gqualeis diuisum, ob eāque caussam velocitas in *E*, tripla erit velocitatis acquisitæ in *Y*. Sed eadem etiam ratione velocitas in *F* tripla est velocitatis acquisitæ in *D*, & alia qualibet velocitas designabilis inter *E*, & *F* tripla semper est velocitatis alterius inter *Y*, & *D* acquisitæ. Tota igitur velocitas toto tempore *EF* acquisita tripla est non totius velocitatis tototempore *AD* acquisitæ, sed velocitatis acquisitæ sola parte primi temporis *YD*, quæ plusquam tripla est, totius velocitatis toto tempore *AD* acquisitæ, vt per se notum est.

Quid, negato falso principio, notum per se sit, aut non sit; constat abundè ex iam dictis.

Habes igitur heic quoque in tua, & Galilei sententia illud ipsum, quod tantopere in nostra insectaris.

Imò nihil minùs.

Ex quibus, opinor, iam intelligis eadem omnia, quæ tanquam absurda, & inter se pugnancia nobis obiicis, posse in te pari modo, atque impetu retorqueri. Quid enim prohibet, vt ego quoque velis, nolis, dicam coniunctum esse cum tuis principiis necessariò, vt velocitas acquisita tempore *DE*, dupla sit velocitatis acquisitæ tempore *AD*, & cùm ea tempora equalia sint, manifestum consequenter esse spatium secundo tempore emensum, spatij priore tempore emensi, esse præcisè duplum; ac proinde ex Galilei principiis, ac tuis, spatia temporibus equalibus percurri (vt ego contendo) in continua ratione dupla. Id enim ex ea suppositione necessarium est.

Cùm id totum sit adò falsum, adeoque falsò suppositum, vt sæpiùs iam ostensum est: non est quòd hanc tibi gloriationem inuideam.

Quòd si fortè nihilominùs reclames, contendasque veloci-

tatem per totum tempus DE acquisitam totius velocitatis per totum primum tempus AD acquisita non esse duplam, sed eius potiùs velocitatis, quā vltima primi illius temporis medietate, seu tempore SD acquisita sit; cum instabo acriùs, teque pugnancia loqui contestabor.

Cū hanc esse meam sententiam agnoscas; ipsam debebas impetere, non spuriā affingens (vocem condonabis, quā dō tua est) euidenter παροξυσμ. Nunc verò saltem cur non instas acrius? Cur non me pugnancia loqui contestaris? Cur intentasse minas sat est?

Et, si demonstrare contendas velocitatem tempore DE acquisitam velocitatis toto primo tempore AD acquisita non esse præcisè duplam, sed dupla maiorem: tantò euidentiore inde concludam principiorum tuorum, ac decretorum absurditatem, ex quibus tam apertè pugnancia concludantur: cū fieri non possis, vt velocitas acquisita in E, velocitatis acquisita in D sit dupla, quin velocitas quoque toto tempore DE acquisita velocitatis toto tempore AD acquisita sit dupla.

Dicerem heic aliquid, nisi depugnares aduersus tuam ymbra.

Quodque amplius est, hac tota in re habeo te consistentem rem: cū tu rem ita esse, ac necessariò admittendam esse contendas.

Scilicet?

Tuo igitur, opinor, Exemplo admonitus, agnosces tandem, seu velocitas æqualibus temporibus, seu spatiis æqualibus æqualiter augeri supponatur, non modò non absurdum, aut à recta ratione abhorrens, sed prorsùs necessarium esse, vt velocitas tota secunda parte temporis, aut spatii acquisita, nunquam sit totius velocitatis tota prima parte acquisita præcisè dupla, sed potiùs, vt totius velocitatis sola postrema medietate eius-

dem primæ partis (qualis est *SD*) acquisita perfectè dupla reperiatur: & similiter, ut tota velocitas tertia, aut quarta parte, &c. acquisita, tripla non sit, aut quadrupla totius velocitatis per primam partem acquisita, sed eius præcisè velocitatis, quæ tertia, aut quarta parte inferiore eiusdem partis primæ acquisita fuerit. Itaque quicquid aduersus has propositiones magna tuæ Responsionis parte opponis, aut ex suppositis earum contrariis colligis, ac concludis, vanum sine dubio, atque inane est; quamvis apud harum rerum minùs peritos plausum inuenire possint, atque approbationem.

Cuius momenti ista sint, expendendum est ex hæcenus dictis. Moneo solum breuiter quatuor, Primum, velle te perperâ, esse perinde seu spatiis, seu temporibus acquisita velocitatis incrementa exæquantur. Secundum, iniuriam à te semper fieri miserando illi dimidio partis primæ priori: ut cuius rationem nullâ vnquam habeas. Tertium, noscendum esse deinceps, quo fructu volueris hæc præoccupata in gratiam eorum, quæ sunt dicenda circa articulos sequenteis. Quartum, si mihi proferre possis vel vnum *peritum*, qui à tua sententia stet, & apud quem plausum, approbationemque inuenias, vtrò me in eandem sententiam iturum.

Ruit itaque quod iam numero tuæ Responsionis xii. absurdum inferis, & iterum numero xlii. tangis: futurum scilicet, ut tempore quocumque dato, putà vno horæ minuto primo; quo decursa supponatur designati spatii pars quæcumque prima, ut *AD*, tempus aliud designato illi æquale attingi ante non possit, quàm ab eodem mobili decursum fuerit spatium infinitum. Cum enim absurdum hoc aliunde non concludas, nisi ex falsa hypothesis, quod spatij pars secunda dimidio primi temporis;



*Et consequenter tertia & quarta pars, tertia, & quarta parte primi eiusdem temporis decurrantur: iamque ex tuis etiam principiis, ea suppositio falsa, & impossibilis ostensa sit: euerso malè iactò fundamento, tota superexstructa moles corruit.*

Conclusi ego illud absurdum ex hypothefi falsa quidem, sed non vt falsa, verùm vt tua; & tu ostendens falsam seu ex tuis, seu ex meis principiis, lucratus nihil es, lucraturus solùm, si ostendere non-tuam potuisses. Itaque & semper monui, & iterũ moneo, quem monebo iterũ, nihil esse opus, vt esse probes fallum, *Partem secundam spatii percurri dimidio temporis, quo primam*: sed opus esse, vt ostendas id non esse tuum, hoc est non expressè assumptum à te vt verum, necessariumque principium, quo Paralogismi Galileum argueres; & non necessariò consequi ex eo, quod defendis velocitates se habere vt spatia. Nempe hoc posterius *fundamentum* est, quòd vt *male iactum euertendum sit*, si contendas quidem, vt tam illud *absurdum*, quàm *tota superextincta moles corruat*. Quod interim putas absurdum euersum, non tantùm quatenus obiectum est tibi articulo xii. sed etiam quatenus obiicitur postea articulo xlii. id haud rectè putas. Siquidem illeic non conclusi ex hac eadem hypothefi, sed ex alia itidem tua, qua nimirùm vis accelerationem non ab vsque principio, sed à medio vsque duntaxat primæ partis inchoandam esse: adeò vt cùm nihil ad hoc habeas, non sit cur inuoluas quod dixi articulo xij. cum eo, quod deinceps articulo xlii. neque cur etiam illo ruente, istud sic putes corruiturum, vt ariete nouo non indigeat.

*Similiter vanus etiam est labor ille tuus, quo numero 31. ex eadem falsa suppositione modum alium accelerationis, spatio-  
riorumque singulis temporibus percurrendorum progressum  
scrutaris. Quid enim veri, ac certi ex falsis legitime con-  
cluderes?*

Heic loci est, in quo antè præmonui te loquutu-  
rum obiter de progressu per spatia in ratione plusquam  
tripla futuro æqualibus temporibus, quem ego qui-  
dem & scrutarer, & monstrarem falsum, vt falsitatis  
conuincerè hypothèsin, è qua erueretur: tu verò, cùm  
deberes ostendere eandem hypothèsin non deduci ex  
tuo principio, ne ipsum quoque ipsa eadem falsitate  
inuolueres, ita loquereris de eo progressu, quasi ego  
ipsum vt verum ex falsa hypothèsi vano labore per-  
scrutarer. Vnde & iuuat te quærere, *Quid veri, ac certi  
ex falsis legitime concluderem?* Quasi ignorares me con-  
cludere ipsum falsum: aut nescires, quod tyrones no-  
runt, tam verum, quàm falsum posse legitime concludi  
ex falsis: ac speciatim demonstrationem ducentem ad  
incommodum (qualis mea fuit argumentatio) non alia  
progredi ratione?

IN ARTICVLOS XXXIV. XXXV. XXXVI. XXXVII.  
XXXVIII. De Tempore, quo R. P. colligit singulas  
parteis decursum iri.

*Frustrà item sunt, quæ numeris xxxv. xxxvi. xxxvii.  
ac xxxviii. prosequeris, vt eam propositionem refellas, qua  
contendo velocitatem tota secunda parte DE acquisitam  
præcisè duplam esse totius velocitatis per inferiorem primæ*

partis medietatem SD acquisita: & similiter velocitatem per tertiam, & quartam partem, &c. acquisitam, exactè triplam esse, aut quadruplam non velocitatis, quæ per totam primam partem AD acquisita sit, sed eius præcisè velocitatis, quæ tota tertia, aut quarta parte inferiore eiusdem primæ partis acquisita fuerit. Nullum enim non moues lapidem, ut hanc veritatem euertas, quam tamen paulò antè tuis pinciipiis innixam, & stabilitam agnouisti; & quam si vnquam euerteres, tuam quoque, ac Galilei sententiam funditè euerteres. Si enim velocitas secundo tempore acquisita velocitatis primo tempore acquisita esset dupla, & similiter velocitas tertio, & quarto tempore acquisita eiusdem velocitatis primæ tripla esset, & quadrupla, spatia temporibus illis æqualibus decursa in eadem inter se essent ratione: nempe in ratione duplæ, triplæ, & quadruplæ contra Galilei mentem, ac tuam.

Hæc iam attinent ad Secundum membrum probationis præcipuæ, qua sequelam propositionis Demonstrationis tuæ confirmas. Missum autem facio, quod ais de mea, & Galilei sententia; quando ex paulò antè deductis ad eò manifestè intelligitur, fore ut potius mari flammam, & terram cælo commisceas, quàm ex Galilei contextu, aut mea Responsione id probes, quod heic asseris; aut euincere valeas euertere me agnitam me veritatem. Quod superest autem cum tua sententia tum versibus hisce, tum hætenus toties repetita sit, velocitatem tota secunda parte DE acquisitam præcisè duplā esse totius velocitatis per inferiorem primæ partis medietatem SD acquisita, similiterque; &c. Quæso te primum, quomodo-nam ipsam hætenus stabilisti? Nam si te reuerà stabiluisse probes, frustra sit omnis meus la-

bor: si verò non probes, frustrà omnis tuus. An ergo alia ratione probas, quam quæ habetur numero tuæ Dissertationis xxxiv. pro secunda parte comparata cum primæ partis inferiore dimidio; & xxxvii. pro quarta comparata cum triente: ac xxxviii. pro quarta comparata cum quadrante? Non certe. Itaque quid id sit videamus, ac circa partem speciatim secundam (cùm eadem sit ratio proportionis de cæteris) nam & tamen si res videatur esse iam abundè confecta: operæ tamen pretiū est ipsam præsertim heic adnotare.

Assumptâ illeic lineâ AB, diuisa in parteis æqualibus AD, DE, &c. ac prima parte bisecta in S, A expressa sententia hisce verbis exstat *Tota DE eodem præcisè tempore, quo pars SD transcurritur.* Tum probatio hæc additur, Cùm enim AD dupla ponatur ipsius AS, & similiter AE dupla sit ipsius AD, necesse est, ut velocitas in D, dupla sit velocitatis in S, & velocitas in E eodem modo dupla reperiatur velocitatis in D. Deducis consequenter velocitatem per totam DE esse duplam velocitatis per totam SD: sed quod caput est, peruideamus. Necesse dicis velocitatem in D, esse duplam velocitatis in S, & velocitatem in E velocitatis in D, eo argumento, quòd AD dupla sit ipsius AS, & AE ipsius AD. Quomodo ergo necessitatem huius consequutionis probas? Nam hoc opus, hic labor est. Quomodò, inquam, ex eo, quòd spatium AD duplum sit spatij AS, spatium AE spatij AD, sequi necessariò, ut velocitas in D dupla sit velocitatis in S, & velocitas in





*E*, velocitatis in *D*? Id sanè non probas, sed solum supponis ex eo vim habere, quòd velocitates sicut spacia sint. Atqui hæc ipsa est controuersia, an velocitates inter se sicut spacia sint: neque id ipsum, quod opus est, probas, sed omninò principium petis, seu ipsam quæstionem, remve controuersiam pro principio assumis. An verò dices te probasse, velocitates esse vt spacia? Sed quæso, vbi-nam? Id enim nulquam deprehendetur? An vbi voluisti arguere Galileum Parallogismi? At abundè iam declaratū est te potiùs vsum parallogismo, cū rursus nihil aliud, quàm principium petieris: vt taceam te, si quid habuisti probationis, id postea negasse: quando negasti, si prima pars spatij percurratur quadrante, percurri secundam dimidio quadrantis. An vbi demum protulisti tuum de Balance Experimentum? Certè ista vna probatio fuit tua, neque potes proferre locum, in quo alia ratione probaueris velocitates se habere vt spacia. Atqui & falsum deprehensum Experimentum tuum est; & quæ germana fuit Experientia falsum conuicit velocitates se inter se habere vt spacia. Itaque ex his sequitur, non modo necesse non esse: sed falsum etiam; atque adco prorsus impossibile vt velocitas in *D*, dupla sit velocitatis in *S*, & velocitas in *E*, velocitatis in *D*.

Cū ergo non modò probatum non sit, sed falsum quoque & impossibile ipsa Experientia suffragante ostensum, velocitatem tota secunda parte DE acquisitam præcisè duplam esse totius velocitatis per inferiorem primæ partis medietatem SD, acquisita, similiterque, &c. Quæso quî adhuc valeas talem sententiam defendere, querique

querique, quòd nullum non mouerim lapidem *adeuer-*  
*rendum hanc veritatem?* Atque ego quidem, quòd ex-  
 inde inferres, *Tempus, quo percurritur DE, esse præcisè*  
*æquale tempori, quo percurritur SD,* ob duplam nempe  
 velocitatem, sicuti spatium duplum est; huiusmodi  
 lapides, & articulis quidem xxxv. ac xxxvi. moui, I.  
 fore, vt supposito tempore, quo percurritur SD,  
 minutorum v. c. duorum, idem spatium SD,  
 percurreretur simul minuto vno cum triente, siue se-  
 cundis 80: ac rursus secundis 53, ac iterum 18, iteumque  
 6, &c. II. Cùm aliunde statuisses tempus per SD, pre-  
 uius esse tempore per AS, fore tamen ipsi æquale. III.  
 Tempus per DE non æquale fore, sed sesquialterum  
 temporis per SD. IV. Futurum, vt aut concluderes ni-  
 hil, aut vtereris paralogismo, quo Galileum vsum caus-  
 sareris. V. Fore, vt quæuis magnitudo, etiam semi-  
 diameter Mundi, tantulo tempore, quantulo SD li-  
 nicola percurreretur. Quæ eadem rursus incommoda  
 proportionē deducta sunt circa partem tertiam com-  
 paratam cum infimo eiusdem primæ partis triente, ar-  
 ticulo xxxviii. Quomodo porò tu excepisti, reiecisti-  
 ve hos lapides? Scilicet hoc loco dixisse contentus,  
*frustrà esse: nisi quod isthæc insuper habes.*

*Sed hjsdem quoque numeris multa alia peccas: vt cùm nu-*  
*mero xxxvi. ita à diuisione rationis argumentaris:* Si sit vt  
 AE ad AD, ita AD ad AS: erit igitur diuidendo, vt  
 AS ad SD, ita AD ad AE. *Hic enim inferendi modus*  
*non est à diuisione rationis: & quamuis, vt par est, terminos*  
*tiam disponeres, nihil hac ratione concluderes, nisi prius sup-*  
*poneres velocitatem per totam AE duplam esse velocitatis*

Nempe ex quinque argumentis, quæ sunt mox antè indigitata, tertiū delegisti, de quo (si liceat tua pace dicere) vitiligares. Quippe errorē calami, quo postremo loco scripsi AE pro DE, pro errore mentis habuisti. Quasi verò habere oculos oporteat, & nō videre planū sensum, quo scribere volui *ut AS ad SD, ita AD ad DE*. Aut quasi in huiusmodi tanta literarum farragine, importunaque inculcatione, non vnā pro alia irrepere humanū sit? Et cū volueris ipse postea videri humanior, dum legens IC, adnotasti *dicere me voluisse HC* (quanquam dicere nolui HC, sed ND, tribus integris versibus, ad illud vsque, *ut tu concludis*, qui in sehedafuere, ob idem initium, casu prætermisiss) cū, inquā, illeic humanior fueris, cur heic quoque esse noluisti? Debuiisti ergo potius restitutā literā D, ostendere me impropriè loquutum, quasi ignorantem diuisionem rationis esse *sumptionem excessus*, quo antecedens superat consequens, ad ipsummet consequens: hoc est, esse *comparationem differentiae terminorum cum ipsorum alterutro*. Sed ita nimirū agere fuit cordi, ut dicere posses, quamuis ut par est, disponderentur termini, nihil me hac ratione conclusurum, nisi prius supponerem *velocitatem per totam AE duplicem esse velocitatis acquisita per DE*, quod tamen falsum non ignorarem. Ego verò falsum quidē esse, sed & tuum esse non ignoro: ac ne ex superiūs deductis argumentum repetam, paucis ostendo nihil esse hac suppositione, aut omninō vlla tergiversatione opus. Ex verbis paulò antè ex tua dissertatione recitatis, negare non potes, quin hoc totum tuum sit:

ut AE, ad AD, ita AD ad AS. Quamobrem, aut neges oportet ratiocinia Geometrica, aut fatearis legitime diuidendo ita concludi, ut AS, ad SD; ita AD ad DE.

Certe hanc ipsam falsam hypothesein, eodem numero statim expresse assumis, ideoque nihil inde concludis: frustra que insuper laboras, ut originem erroris inquiras, qui nullus est, nisi in falsis suppositionibus tuis.

Cum hypothesees falsæ, sint; cuius tamen sint, aduersus quem sint, quem errorem creent, satis iam apertum.

Atque, ut ingenuè dicam, quod sentio, in huiusce controversie penetralia ingressus non videris: cum ubique ferè falsa, atque ab hac tota materia perquam aliena supponas, & vix quicquam, nisi ex talibus suppositionibus concludas. Tum maioribus, & melioribus occupatus, leniora hac neglexisse videris.

Si hæc sit ingenuitas tua; beatus es, qui ita de te, ita de me sentire possis: ac prouidere quid Lectores opinaturi demùm sint, ubi cum te Mysten, me propheta-num habuecint, te perspicacem, me hebetem, te diligentem, ac sedulum, me oscitantem, & agentem aliud: requirent tamen vel vnā falsam hypothesein, quæ mea sit; & vel vnā periodum, in qua aliquid ab hac tota materia tantillum alienum supponam, aut dicam.

Numero sequente xxxviij. quicquid concludis, ex duplici falsa hypothese similiter concludis. Vna est, quod velocitates totæ, atque integræ quibuslibet partibus acquisitæ sam inter se rationem obseruent, quam partes ipsæ quibus



sunt acquisitā; atque ita, vt quemadmodum AE dupla est ipsius AD, ita velocitas acquisita per totam AE, prae cūe dupla sit totius velocitatis acquisitae per AD; quod tamen ex tuis, & Galilei principijs falsum esse superius numero 6. euici.

Quid euiceris, & cuius- nam fuerit hypothe- sis falsa, meminisse potes.

Altera suppositio falsa haec est, quod tanquam ne- cessarium ducas quascumque spatij parteis vbicumque designatas eodem tempore percurri, si eandem inter se rationem obseruent. Sic ex eo, quod dico ( in figura videlicet articuli xxxiv. ) IC, & eius triplam DE aequali tempore percurri, concludis quo- que partem QH, & eius triplam IC ( dicere vo- luisti HC ) aequali tempore debere absolui.

Cuius Suppositio falsa fuerit; qua consequu- tione rem deduxerim; quid dicere voluerim: citra nauseam iam repeti non potest.

Quod sanè non faceres, si quae à me ea de redicta sunt, ipsamque rei naturam penitus inspexisses.

Et heic quoque beatus es, qui me æquè à tuis dictis, & ab ipsa rei natura penitus inspicenda ar- ceas.

Miratus sum autem etiam non parum, quomodo passim à numero Responsonis tuae xxxiij mibi etiam affin- gas, quasi velim, ac statuam primam partem AD sex minutis, postremam verò eius medietatem SD, ac secun- dam partem DE minutis duobus percurri: cū ne- que eoloco, quem numero illo xxxiij. examinas, neque vsquam alibi quidquam tale dixerim; & post modum numero xl.



expresse professus sum tempus determinatum totius descensus à me constitui non posse, quòd non satis notum esset tempus, quo spatium SD transcurreretur. Numeris quidem prioribus, ex aliorum, quos iam impugnabam hypothesei, etiam supposui primam partem spatij AB, sex minutis; posteriorem verò eius medietatem SD, duobus percurri: ut scilicet ex eorum principijs eos erroris reuincerem; at sagacitas tua aliena cum meis confundere non debuit, aut mihi tribuere, quod reprehendo in ceteris. Vide, si lubet, Epistola mea numerum xxxiij. in quo solo partibus spatij parteis quasdam temporis attribuo, ex meane, an ex aliena sententia id pronunciem. Ex hac tamen falsa suppositione vix credibile est, quam multa mihi absurda obiiicias, quàmque multa inter se, & cum meis decretis pugnantia congeras: vno verbo, rem sic omnem in partem versas, ut si à me dicta essent, quæ mihi affingis, merito haberi possem omnium hominum ineptissimus. Infinitus sum, si aut recensere singula, aut ijs sigillatim satisfacere voluero, quæ ex adeò falsa hypothesei mihi imponis: satius sit semel dicere, à numero Responsonis tuæ xxx. ad finem, vix aliquid à te nobis obiiici, quòd eam hypothesei non supponat, quodque proinde ea semel negata, tanquam euerso fundamento non corruat.

Miratus es? At Primum, is ego non sum, qui numerum sex minutorum Primæ parti attributorum vltro excogitauerim: ipse es, qui cum induxisti citato illo Epistolæ, seu Demonstrationis tuæ loco; ac nihil fuit necesse, ut alium, quoties fuit aliquo exemplo vtendum, substituerem. Deinde, licet post modum dixeris difficile esse determinare tempus, quo primum primæ partis dimidium, quo secundum percurrerentur: ego tamen, quòd obseruarem habere te varia decreta,

ac repugnare te ipsum tibi; attendi quid foret præceptū tuis principiis consentaneum; & quoniam sæpè opus fuit exemplorum illustratione, tempus illud semper assumpsi iuxta aliquod ex tuis principiis. *Tertiò* enim cum obseruātim, quicquid ipse aduersus alios deduces partem secundam non percurri dimidio temporis, quo primam: id tamen fuisse à te assumptum, tanquam veram hypothesin, qua paralogismi Galileum conuinceret; & non potuisse à te assumi, nisi reputando partem secundam percurri dupla velocitate, siue duobus gradibus, nulla agnita distinctione inter manentem, & acquisitum: idcirco; quia ex prima parte duo faciebas dimidia, quorum prius ad posterius eandem rationem, quam pars prima ad secundam tuetur; censui sex minuta à te primæ parti attributa ita distribuenda in hæc duo dimidia, vt priori quatuor, posteriori duo congruerent. *Quariò* verò cum viderim te velle aliunde inferius primæ partis dimidium, & secundam partem æquali tempore percurri: visum rursus est deberi ex te duo minuta illi dimidio, tanquam trientem temporis parti primæ attributi: quoniam idem triens deberetur similiter secundæ parti, iuxta eam rationationem, quàm superius fusiufculè circa articulum VIII. ex eo contexui, quod esse in fine primæ partis vnum, in fine secundæ duos gradus velocitatis acquisitos censeret. *Quintò* proinde, non est cur mireris ita factum esse à me; sed cur mireris te non vidisse id esse cohærens cum principiis tuis, & à me licet admonitus, censueris tamen dissimulandum. Nam quod disputaris quidem aduersus alios, tempus per secundam

partem, non esse dimidium temporis per primam, assensu constanter te facere rectè; at semper quoque admonui te id disputare aduersus teipsum: neque tu oculos ad hoc sustinuisti aduertere, & attendere, an aliquis foret, quo id monstrassem, paralogismus. *Sextò* exinde sit manifestum, multa me tibi obieciisse ex falsa hac suppositione, non quia falsa, sed quia tua: neque satis esse, ut eam neges, quò quicquid obieci, *tanquam euerso fundamento corruat*, nisi negando tuam esse, ostendas simul tuam non esse (seu non esse ex tuis principiis qua necessitate visum est, deductam) ac ideo non esse, cur quovis illud præstitum à te fuerit, insultes me id, quod assumo, affingere, imponereque. Addo *Postremò*, quod caput est, fuisse perinde mihi futurum, seu hanc seu aliam distributionem minutorum sex, aut cuiuslibet temporis alterius, in ea dimidia asseruisses: si modò semper rationem spatiorum, ac velocitatum supponeret eandem: quippe fac iam aliam qualemcumque voles, quæ semper hanc tuam rationem supponat; & ego recipio me eadem absurda, ac fortè etiam alia longè absurdiora esse obiecturum.

IN ARTICVLOS XXXIX. XL. XLI. XLII. De Ratione continuo dupla, qua spatia decurri temporibus æqualibus R. P. concludit.

*Queris autem numero xxxv. & numero item xl. Quidnam causa esse possit, cur Progressionem accelerationis in descensu grauium non à primo spatij decurrendi puncto A, sed à puncto primi spatii medio S, incipiam; cum ratio velocitatis*



per totum spatium decurrendum, non autem per parteis eius aliquas inquiratur. Nam, inquis, qua ratione bisecuvisti partem AD, in S, bisecare etiam potuisti partem AS, ac superiores similieer cæteras. Potui certè, sed standum tandem fuit alicubi, cum divisio infinita esse non potuerit. Quid ni igitur iam primum, in ea parte consistamus, ex qua totius motus accelerati ratio perfectè intelligatur? Sed ne putes tamen, si pars superior AS mente, & cogitatione indivisibilis intelligatur infinitas in parteis, consequens propterea esse, ut per illas parteis omneis mente confictas acceleratio varietur: motus enim, eiusque acceleratio effectus Physicus est, qui propterea (ut in cæteris rebus Physicis accidit), per parteis sensibilibus, easque pro ratione ponderis, & resistentiæ medi, maiores, aut minores metiendus videatur. Accedit, quòd tecum, & cum Galileo non sentio corpus grave descendens statim à quiete, atque in omnibus, ac singulis indivisibilibus momentis accelerare motum. Cuius rei causa est, quòd acceleratio omnis à solo medio est; unde descensus in vacuo sui semper similis, atque uniformis existeret: sicut tunc quoque tota causa descensus, nempe gravitas, semper eadem, ac sui similis perseveraret. Igitur, cum grane quodcumque per aërem, aut aliud medium descendit, talis descensus à sola gravitate inchoatur, etiam medio plus, aut minus resistente, prout ipsum gravius, aut levius est, & facilius, aut difficilius dividitur: nec prius acceleratum motus descendens corporis, quàm à medi accurrentis, seque à tergo claudens motu, eoque iam notabili, medi resistentia supereretur, & gravitatis visus, nativæque velocitas Physice augeatur: ad quod sine dubio requiritur pars temporis, ac spatii non Mathematicè minima, sed Physicè notabilis, quæ cum pro gravium diversitate, & varia resistentia mediorum modi

maior sit, modò minor: heinc est, cur accelerationis ratio à primo spatii percurrendi puncto minùs tutò inchoetur. Hæc porrò, si cum tuis, ac Galilei decretis minùs foris conueniant; principiis certè Phisicis aptè congruunt. Sed reliqua breuiùs percurramus.

Peruentum iam est ad Phisicæ tuæ Demonstratio-  
nis Conclusionem: quæ quoniam est eadem cum ipso  
consequente Propositionis, idcirco elicienda fuit vi  
consequutionis qua illud dependet ab antecedente.  
Quod porrò notas quæsiisse me; quanto, amabò, iure  
quæsiui: cum stupendū sit te ab vsque initio definisse  
motum æquabiliter acceleratum, qui æqualibus spatiis  
æqualia celeritatis augmenta acquireret; ac spatia illa  
æqualia semper & habuisse, & sic expressisse per lineas  
in parteis æqualeis diuisas, vt esset in iis vna prima, vna  
secunda, &c. nunc autem rem sic perturbare, vt pars  
prima vna æqualium non sit; vt primum primæ dimi-  
dium pro nihilo sit, vt reliquum pro tota sit: vt motus  
æquabiliter acceleratus non incipiat, cum incipit; vt  
incipiat, postquam incepit; & alia id genus, quæ ob-  
iecta sunt, quæque repetere iam piget? Cùm deduxe-  
rim verò incommoda varia ex eo, quòd liceat dimi-  
diū prius in duo alia dimidia subdiuidere, & prius isto-  
rum in duo alia, & sic consequenter: quid tu ad ea om-  
nia? Nempe *posse quidem id dimidium subdiuidi: verum*  
*posse tandem alicubi standum: cùm diuisio esse infinita non pos-*  
*sit.* Age itaque peruideamus quid hac responsione ef-  
ficias. Dicis *esse tandem alicubi standum, quòd diuisio esse*  
*infinita non possit:* igitur per te licebit non stare, quo vs-  
que diuisio finita non erit, ac partes supererunt, per

quas progredi diuidendo liceat? Igitur tumerit necessarium standum, cum sic finita erit diuisio, vt exhaustis partibus, nulla amplius fieri subdiuisio possit. Quando nam verò id continget? An-non cum tota pars AD tantula erit, & sic diuisa in duo dimidia AS, & SD, vt AS non habeat amplius duo dimidia, ac sit indiuisibilis pars? An-non proinde cum linea AD contexta erit ex duobus punctis?

Prouidens tu quæ possent exinde iure vrgeri incommoda, præoccupasti, *partem AS accipiendam esse vt quid Physicum, quod mente quidem, seu Mathematicè diuisibile in parteis infinitas sit: sed non ita tamen, vt acceleratio variari secundum eas possit; quippe quæ effectus Physicus cum sit, non nisi per parteis sensibiles metiunda videatur.* Aequiuocatio esse quædam posset circa vocem *sensibiles*; verum sic accipio, quasi tu per illam intellexeris *parteis Physicas*, hoc est reuerà existentis in rerum natura; nempe vt opponantur Mathematicis, siue iis, quas mente confictas dixisti. Nam si alioquin diceres *sensibiles*, quasi sensu perceptibiles, notum est naturam non esse metiendam in suis adeò subtilibus operationibus iuxta sensus captum. Neque enim in compingendo v. g. animalculo acari nostrum sensum consulit, qui ipsum habet quasi punctum, siue rem visu minimam; sed seipsam potius, prout illud rexit ex innumeris myriadibus partium infra omnem sensus acutiem existentium, & necessariarum tamen, vt rem faciat per semobilem, ac vegetationis, sensus, appetitus capacem. Vt præteream sensum haberi regulam plusquam Lesbiam, propter diuersitatem sensuum acu-

tiorum, hebetiorumque, & adiumentorum, quibus possunt subtiliora omnibus rebus antè perceptis percipere; & sine spe tamen, ut vnquam naturæ subtilitatem assequantur. Itaque, ut in hac distinctione hæreamus: tunc igitur erit finita diuissio, seu peruentū erit ad eam diuisionem, vltra quā subdiuidere in duo dimidia non liceat, cūm AS erit non Mathematicè quidem, sed Physicè tamen indiuisibilis: atqui si AS sit Physicè indiuisibilis: erit igitur & pars SD indiuisibilis, tanquam ipsi AS æqualis? An ergo, si pars SD sit indiuisibilis Physicè, distingues in ea trientem, quadrantem, & cæteras Physicas partes iis temporibus percurrentas, quæ mensuræ sint consequentium, hoc est ipsi AD æqualium? Cūm non possis: vide quàm frustra ed confugeris, ut *standum alicubi sit, quòd diuissio esse infinita non possit.*

Hanc iterū difficultatem quasi præsentiens, præueniensque, *quid ni*, inquis, *iam primū in ea parte consistamus, ex qua totius motus accelerati ratio perfectè intelligatur?* Dicere ergo vis, non esse expectandum, ad hoc ut consistamus, quousque ad eam diuisionem peruenierimus, ex qua partes AS, & SD sint duo puncta Physica, seu duæ Physicè indiuisibiles partes: sed in illa standum, in qua tam AS, quàm SD consistant adhuc ex tot Physicis partibus, ut ex ijs ratio accelerati motus perfectè intelligatur. At imprimis, si ita sit, frustra ergo dicis alicubi standum, quòd diuissio esse infinita non possit: cūm etiam diuisione exsistente non infinita, progredi adhuc vltèrius liceat: atque idcirco vigent adhuc incommoda omnia, quæ obiecta sunt: quando potest



adhuc pars AS, subdividi in plura, pluraque dimidia. Deinde, cum in dimidio SD, tot requiris parteis, ut ex ipsis ratio accelerati motus perfectè intelligatur: quotnam quæso sunt, quas requiris? An aliquot pauculas, v. c. sex, quas nempe recens, dum rationem motus accelerati explicas per trientem, quadrantem, per quintam, perque sextam parteis tantum? Sanè vel nesciens tot requiris, ut innumerabiles sint; & tum ab his longissimè ab eo, ut caufferis standum, quod *diuisio esse infinita non possit*, quasi vel in fine, vel certe non longè à fine consistendum sit: tum etiam ab eo, ut ex cognitis partibus *ratio motus intelligatur*. Rem ut experiamur, accipiamus, ecce, casum globi ferrei (quod tuum postea exemplum est) ex cælo Lunæ in centrum terræ: atque in ipso talem partem, *in qua iam primum, ut ais, consistamus*. Cum tuo ex decreto, mensura durationis omnium partium istius primæ æqualium sit æqualis duratio totidem minutiorum partium sigillatim acceptarum in inferiore eius dimidio: ergo inferius eius dimidium diuisibile est in tot parteis, non Mathematicas, mentee confictas, sed Physicas, siue in ipsa rerum natura existentes, quot partes sunt à cælo Lunæ, vsque in centrum terræ, ipsi AD æquales. Hæ verò partes quotnam sunt? Certè, cum assumendo pedes (ut facis) pro Galilei cubitis, admittas à Luna in centrum nonagies octies mille myriadas pedum: oportebit, etiam si primam partem AD, non minorem pede habeas, ut dicas dimidium illius inferius, seu semipedem totidem pati diuisiones, & continere totidem parteis Physicas non mente confictas. Quid verò si acceperis partem

pedis millesimam, quippe quæ non modò sensibilis, seu visu perceptibilis sit, sed microscopice etiam vitris, ex quam-plurimis texti obleruetur: an non tribus additis cyphris, erūt iam nouies mille, & octingentæ myriades myriadum partium? Quid si casus foret ex Sole, vices saltem distantiore, quam Luna? Quid si ex firmamento distantiore saltem ducenties quinquagies? Tantam igitur partium multitudinem esse vis in inferiore dimidio SD, vt ratio motus accelerati possit perfectè intelligi: tantam, in superiore AS, vt censeamus illam non posse vterius in duos subdiuidi dimidia. Vide ne ergo quàm procùl absit à diuisionum sine ea pars, in qua iam primum, vt ais, consistamus?

Subiicis, non sentire te cum Galileo, & me, graue descendens, statim à quiete, atque in omnibus, ac singulis momentis accelerare motum. Quot ergo putas momenta, seu Physicas temporis parteis absque acceleratione transiri? Tot certè, quot sunt innumerabiles illæ partes, quæ sunt nò in priore minùs, quàm in posteriore dimidio distinctæ: neque enim illæ, nisi successiuè, & vna post aliam, atque adeò distinctis temporis partibus percurruntur. Vide igitur per quot parteis, & per quot momenta temporis distincta inefficacem facias causam Physicam, quam aduocas statim. Videlicet causam accelerationis decernis esse solum medium, v. c. aërem: neque enim prius accelerari motum à gravitate inchoatum, quàm à medi accurrentis, seque à tergo claudentis motu, còque iam notabili resistantia superetur. Quo loco rursùs æquiocatio in nomine notabilis. Nam notabilem intelligis aut naturæ, aut nobis. Et nobis quidem notabilem

non debes intelligere: cū natura nostræ notationi non alligetur; & priusquam nostra perspicaria notare quicquam valeat, natura iam transierit per innumerabiles partes. Si ergo naturæ; quæro quot partes in motu necessariæ sint, vt natura progressa esse *notabiliter* reputetur? An non saltem myrias deberet esse satis? An non saltem decem, centum, & mille myriades? An non saltem myriadū myrias; aut saltem decem, centū, mille myriades myriadum? Stupendum ista non esse satis, sed deinceps adhuc multiplicanda esse, priusquā numerus *notabilis* sit, & causa tua Physica euadere efficax possit. Sed de hac quidem Physica causa dicendum erit inferius: quæro heic solū, an putes aërem sese à tergo claudere, cū iam superatur, vel statim ac superata à fronte est pars spatij prima, vnaque ex illis innumerabilibus, an non? Si dicas se non claudere; igitur spatium illud à tergo vacuum remanet; quod non es sanè admissurus. Si se claudere, ergo cum se claudendo agat (neque enim alia ratione putas hanc causam agere) ab ea vsque parte agit aliquid: ergo ab initio vsque gravitatem iuuat: ergo & motum accelerat: ergo expectandæ non sunt tam innumerabiles partes, vt motus *notabilis* sit, & acceleratio incipiat. Quod causam hanc verò dicis necessariam, vt *resistentia superetur*: vides quā non sit necessarium, cū gravitate sola agente superatam iam facias, priusquā aër aliquid agat, siue mobili iam promotō per totum superius dimidium superueniat, ac sese claudat. Vt cumque autem esse debeat *notabilis* pars; sic cine probas plasticè subtilem determinationem in primæ partis me-

dio? Quasi non possit motus *notabilis* esse paulò antè medium, aut non-nisi paulò pòst medium? Est-ne aliquod argumentum, quo probes istam tuam causam nihil omninò agere, nihil superare resistentiæ, per tot illas partium spatij, temporisque myriadas, quæ toti priori dimidio tribuuntur; statim autem ac mobile attingit primam posterioris, incipere & agere, & resistentiam superare? *Requiritur, inquis, pars temporis, ac spatii non Mathematicè minima, sed Physicè notabilis.* Aduersatiuam hanc non capio: cum videretur debere pars dici, aut *Mathematicè notabilis*, aut *Physicè minima*: sed quicquid sit, vis eam Physicè notabilem esse; quid inde concludis? *Hinc est, inquis, cur accelerationis ratio à primo spatii percurrenti puncto non tutò inchoetur.* Non tutò inchoetur? Imò, vnde tutiùs inchoetur, quàm vnde est periculi nihil? Nam tibi quidem meritò efficiuntur omnia suspecta, cum viâ regiâ semel relictâ, non valeas ecce, nisi per dumos, salebrasque incedere; at verò illis, qui viam tenent, simile nihil timendum est. Sed nempe platicè assument, platicè perinde concludendum fuit. Sperandum quippe fuerat, vt concluderes, cur ante primæ partis medium, seu alicubi per totum prius dimidium, acceleratio non inchoaretur; at tu interea de medio, totove priore dimidio nihil: sed solum, *accelerationem à primo puncto non tutò inchoari.* Quod autem addis, *si ista cum meis, & Galilei decretis non fortè conueniant, principiis certè Physicis aptè congrueret;* cedo solum, Quibus?

Ex his igitur nunc habes, quod numero xl. queris, *cur rationem accelerationis à primo spatii decurrendi puncto non*



deducam: quamvis iam etiam aliunde id haberes; ex eo nimirum, quod diuiso, vt libet, in partibus aequalibus tempore, aut spatio, semper impossibile sit, vt velocitas secundae partis praecise dupla sit totius velocitatis per priorem partem acquisitae: quod ex tuis etiam principiis antea numero 17. euidenter demonstratum est.

Et saepe repetij, & repetere saepius cogis me, quaestionem non esse, an impossibile sit velocitatem per secundam partem esse praecise duplam velocitatis per primam: sed id ac sequatur ex admissio principio, quod velocitates vt spatia se habeant. Ego enim semper id sequi contestatus sum: tu non sequi probasti nunquam; & perinde semper procedis, ac si id habendum esset nihili; quod ipsum tamen est rei caput. An, & quomodo aliquid ex meis principiis demonstraues, nihil est quam obrem haec repetatur.

Ceterum hoc etiam loco erras non mediocriter, dum ex eo, quod partes NC, & CD eodem tempore percurruntur, talem gradum velocitatis acquiri concludis ab N in C, qualis acquiriur à C, in D: tunc enim velocitates esse vt spatia necesse est.

Quam egregie elaberis? Ego enim caetera inter, quae non attigisti, ex eo, quod prius admisisses, propter progressionem Arithmeticam, duorum graduum acquisite in D, vnum acquisitum ab A, in C, alterum à C, in D, concludi te velle velocitatem acquisitam ab N in C, esse aequalem acquisitae à C, in D, quandoquidem tum velles ipsam CD tanto tempore, quanto NC, cuius esset dupla, percurri. Et quia videris non attendisse ad consequutionem, quae satis tamen

tamen insinuabatur in duobus consecutariis, ecce quomodo ea probetur. NC, & CD debent, per te, esse æquales; quoniam utraque, per te, debet esse æqualis lineæ AC: quare &, si æquali percurrantur tempore, æquali percurrentur velocitate. Et de æqualitate quidem lineæ CD, cum AC, non est dubium; probo de NC. AC, & NC eadem velocitate secundum se totas percurruntur, ex te; Ergo sunt inter se æquales. Probatur antecedens. Ad velocitatem acquisitam per totam AC, addita quæ acquiritur per CD, facit velocitatem in D duplam velocitatis in C; ad velocitatem acquisitam per totam NC, addita quæ acquiritur per eandem CD, facit itidem velocitatem in D, velocitatis in C duplam; & utrumque quidem per te. Igitur per te AC, & NC, secundum se totas velocitate eadem percurruntur; suntque idcirco inter se æquales. Tu ergo vim consequutionis ex integro antecedente dissimulans, inferis solum ex duplo spatij, & temporis æqualitate, velocitates esse ut spatia: ac retices quod interest, quodque subnotatum fuit, cum subiunxi, consequi, ut velocitates per AC, & NC, acquisitæ sint prorsus æquales: ac proinde ut AC, & NC, hoc est totum, & pars eodem tempore percurrantur, &c. Sequitur.

Numero xli. etiam peccas, cum, ut impugnes constitutam à me ceterarum partium toto spatio decurrendo designatarum respectum ad analogam primæ partis segmenta, non solum earundem partium respectum ad parteis temporis exegis,

quas neque tu, neque alius quisquam assignare potest, sed tempora etiam illis adscribis, quæ nullo modo ipsis conuenire non ignoras. Vis enim primi spatij partem dimidiam dimidia parte eius temporis percurri, quo totam primam partem absolui supponis; & tertiam partem tertia parte, quartam quarta parte eiusdem temporis: cū ex tuis, & Galilei principiis dimidia parte prima temporis, quarta pars tantum spatij superior decurratur, & reliqua dimidia parte temporis tres inferiores spatij quadrantes absoluantur. Vide ergo quid ex tam absurda hypothesi concludere possis.

Cū nihil sit, quod prodat magis decretorum incohærentiam, quàm reductio ad calculos; ex eo est, cur potissimum supputationes auerferis. Id autem hoc loco præsertim probatur. Admisisti posse distinguere in motu grauium decidentium plura æqualia tempora: at cū planum foret, ut spatium diuiso in partes æquales, primum tempus attribueretur primæ huiusmodi partium, ac deinde explicaretur quota eius temporis parte percurrerentur cæteræ; & in qua ipsarum secundum tempus æquale desineret, in qua tertium, &c. diuertisti nihilominus, & pro primo tempore accipiendum voluisti id, quo decurreretur eiusdem primæ partis non prius, sed posterius dimidium; & tum voluisti secundam partem, quæ esset dupla huius dimidii, æquali cum eo tempore percurri: tum tertiam æquali cum eo, quo triens eiusdem primæ partes infimus; quartam æquali cum eo, quo quadrans, &c. tum secundū tempus æquale primo esse id, quod deberetur secundæ parti soli: tertium, quod tertiæ, & quartæ simul: quartum, quod quintæ, sextæ, septimæ, octauæ: quintum, quod

octo sequentibus: sextum, quod sexdecim succedentibus, atque ita porro. Ego itaque ostensurus, ut hæc se probè non haberent, cætera inter argumenta, rem exprimendam numeris censui, ac assumpsi primū ipsum tempus, quod dimidio illi posteriori attribueres, veluti assem, eiusque proinde partis duodecim quasi uncias, siue maius minuta habui. Debueras tu procedere deinceps per partis æquales huic dimidio: quo casu secundæ parti fuissent attributa minuta sex, siue dimidiū tēporis (ob duplicatam velocitatem) & tertiæ quatuor, siue triens (ob triplicatam) & quartæ tria, siue quadrans (ob quadruplicatam) &c. & quia tamen duplum dimidij vsurpandum esse ubique censuisti, ut partes secundæ, tertiæ, quartæ, &c. fierent ubique toti primæ æquales: idè effectum est, ut secundæ parti non dimidium, seu sex minuta, sed omninò tantumdem, seu duodecim tribueris, & tertiæ bessem, siue octo: quartæ dimidium, siue sex. Ipse proinde, utcumque rationem dupli prætermiserim (& quam tamen iam interferendam censui) declarare volui, ut hæc tempora non congruerent spatiis utraque ratione assūptis. Et de secundo quidē constitit, ob illud, quod duplicato quidem conueniret tempus primo æquale, seu minutorum duodecim; at simplici non nisi dimidium, seu minuta sex: de succedentibus autem iuxta aggregationem tuam, ob id, quòd neque simplicibus, neque duplicibus conueniret vnquam tempus æquale primo, seu minutorum duodecim, sed vel in simplicibus semper deficeret, vel in duplicibus semper abundaret: cum deberet tamen saltem in duplicibus semper exæquari, ut exæquatum



*De Proportione, qua grauiā*  
 fuerat in ipsa statim secunda parte. Quid tu ad ista  
 igitur?

Dicis me, non solum respectum partium ad parteis  
 temporis exigere, quas neque ego, neque alius quisquam assi-  
 gnare possit: sed tempora etiam illis adscribere, quæ nullo  
 modo ipsis conuenire non ignorem. Verumtamen, quæ-  
 stio non est de eo, quod ego, aut alius præstare possi-  
 mus, aut non possumus, in assignandis temporibus, quæ  
 partibus quibusque conueniant: quanquam Galileum  
 quidem imitatus, sumpto quocumque tempore primæ  
 parti debito, assignaui tempus, quod exigitur ad secun-  
 dam, & quod ad utrumque primæ partis dimidium,  
 paratus idem prorsus præstare circa quælibet tempora,  
 quarumcumque voles partium cæterarum, iuxta gene-  
 rale scilicet Effatum, quod articulo Respõsionis xxxvi.  
 retuli, & in quod nihil fuit, quod à te obiceretur.  
 Non item est quæstio, an tempora quæ partibus adscri-  
 bo, ipsis nullo modo conuenire ignorem, an sciam (scio  
 enim esse longè aliā, prout ex citato mox loco intelligi  
 potest) sed an ea adscribam iuxta tua principia. Quo-  
 nam verò modo id non fieri probas? *Vis enim*, inquis,  
*primi spatij partem dimidiam dimidia parte eius tem-*  
*poris percurri, quo totam primam partem, & tertiam*  
*tertia, quartam quarta, &c.* Speiāram, vt aliò querela  
 tua vergeret. Quia enim iuxta ante-dicta defendis te  
 nolle dimidium inferius primæ partis percurri dimidio  
 eius temporis, quo superius: proclue mihi videbatur,  
 vt quereretur tibi affingi tempora à te pernegata. Sed  
 videlicet, animaduertisti me commisisse tuæ libertati,  
 vt dares quodcumque demùm velles tempus pro infe-

riore dimidio: fore enim me idem ostensurum. Vnde & animi solum gratia, & consonanter ad superiora, assumpsi pro partis primæ tempore numerum triginta sex, ut inferiori dimidio attribueretur numerus commodissimus duodecim. Et sanè heic non quærebatur, quota portio esset hoc tempus temporis totius per primam insumpti: sed solum, quodcumque illud esset, ex quibus sui partibus censeretur integrum, ut alia ipsi æqualia deinceps adnumerarentur. Quidnam verò est, quod subiungis? Istud nimirum: cum ex tuis, & Galilei principiis dimidia parte primi temporis quarta pars tantum spatii superior decurratur, & reliqua dimidia parte temporis tres inferiores spatii quadrantes absoluantur. Sed quæstio heic non est, quid Galileus, & ego sentiamus: ea de re enim satis iam constat: verum, an quod tibi obiiicio, sit tuum, siue iuxta tua decreta, an non? Cum non fuerit, quod responderes, his tamen verbis conclusisti, *Vide ergo, quid ex tam absurda hypothesi concludere possis.* Ego verò, Imò tu vide, inquam, *quid ex hypothesi tam absurda, cum tua sit, concluderem, & ad conclusionem responde, si possis.* Pergis.

Ut verò etiam numero xliij. augmentum velocitatis in ratione dupla constitutum impugnes, inter alia assumis pariter, ac modo statui posse idem augmentum etiam procedere in quacumque alia Geometrica ratione, in tripla scilicet, in quadrupla, in decupla &c. exemplumque profers in tripla. Et primum quidem obiter mihi affingis, quod velim partem AN, & eius triplam ND eodem tempore percurri.

Ego verò nihil affinxi, sed id ipsum fuit, quod deduxeram articulo xli. ea parte, quam non attigisti:

ostendendo videlicet, cūm CN foret duorum minorum, & CD illius dupla, similiter minorum duorum, atque ideò tota ND, minorum quatuor: foret vt AN ex tuis principiis minorum quatuor, & eius tripla ND, tempore eodem percurrerentur.

Sed cūm iis partibus omiſſis, rectè compares XC vltimum trientem ſupremæ partis AC cum tertiā parte DE: non rectè conſequenter hanc tertiā partem comparas cum tribus ſequentibus EH, quæ non eodem tempore, aut æquali cum tertiā parte DE, ſed tempore longiore percurruntur. At rectiùs cum eadem tertiā parte DE compararentur ſeptima, octaua, & nona, nempe HL: ſed talis progreſſio per totum ſpatium decurrendum continua non eſt, vt vides: interrupta enim primū eſt inter XC, & DE, & inde ab E ad H: & ſi vlteriùs procedendum eſſet, tum à nona parte interrumpereſtur uſque ad decimā octauam, & ita deinceps: progreſſio autem in ratione dupla ſola per totum ſpatium continua eſt.

Id ſatis peruidi, ſed & ſimul agnoui, quā operoſo ſimul, irritōque conamine mentem ad iſta aduerteres; ea videlicet ſuperexſtruens labascentibus ſponte fundamentis. Labascentibus, inquam, primū, quatenus falſum eſt, velocitates eſſe inter ſe ſicut ſpatia: quod tamen fuit tibi fundamentum primarium, ipſumque eodem Experimento, quod id ſtabilieras, euerſum. Deinde quatenus nihil eſſe videtur poſſe abſurdius, quā primum primæ partis dimidium nullo poſſe habere loco in progreſſione.

Geometrica, & eius tamen comparatione eam progressionē stabilire; quā ex fragmentis posterioris dimidij durationem quærere innumerabilium partium consequentiū: quàm cogi ad comminiscendū, quæ in ipsa tam malè cohæreant, vt quod commentum semel placuerit, cohærere posse videatur. Tandem, quatenus etiam iuxta progressionem in ratione dupla, quam solam vis esse continuam, repugnes tibi necesse est, cū indefinite aiens *equalibus temporibus spatia decurri maiora semper, ac maiora in ratione dupla*, necesse sit eandem rationem euertas, quotiescumque assumpseris tempora assumptis maiora, & ipsa tamen inter se æqualia. Quippe cū in tuo, v. c. de casu ex Luna exemplo assumpseris primo tempore decurri pedes 100, secundo 200, tertio 400, quarto 800, quinto 1600, sexto 3200, &c. constat si deinceps duo tempora prima pro vno assumes, duo sequentia pro alio, duo tem sequentia pro alio: aut si tria quidem prima pro vno, tria succedentia pro alio, &c. constat, inquam, tempore omnia tempora inter se æqualia; & ab futura tamen, quæ interim decurrentur spatia, à ratione dupla: cū binis temporibus assumptis pro singulis, futura sint spatia in ratione quadrupla, vt putà primo tempore 300, secundo 1200, tertio 4800: & assumptis ternis, futura sint in ratione octupla, vt puta primo tempore 700, secundo 5600, tertio 44800, & ita de cæteris. Dicerem heic de Incommodo, in quod te recidisse consequenter obieci, *de nunquam soluendo tempore secundo, aut percurrendis saltem spatijs finitis*, si progressio spatiorum fieret temporibus equa-



libus in ratione continuò dupla. Sed cum tu nihil amplius habeas, quàm quod te obiter attigisse memoratum superius est; ideo nihil est addendum ad ea, quæ in Responsione leguntur.

IN ARTICVLOS XLIII, & XLIV. De Tempore, quo globum ferreum casurum ex Luna in Terram contendit.

*Quod autem numero xliij, & xliv. incredibilem putas celeritatem, qua globus ferreus à Luna ad terram descenderet in continua ratione dupla: non sufficienter probat eam ex natura rei tantam esse non debere: ac tecum ego quoque arbitror eam adeò immensam reipsà esse non posse, quantumvis in natura exigeret: quod medium tantam, adeoque celerem partium diuisionem, ac rarefactionem pati posse non videatur quod satis à me insinuatam non ignoras.*

Peracta Conclusionem, fuit tibi, quasi illustre quoddam Exemplum prolixus huiusmodi casus, ut in ipso exprimeres, quanta esset vis progressionis in ratione continuò dupla. Quòd ego porrò celeritatem, quam statuisti globum ferreum casurum ex Luna in terram minutis non omninò duobus, tantam non esse ex re natura, abundè satis probauerim: vel ex eo constat quòd monstratum sit, eam non esse iuxta progressum quem natura in motu gravium decidentium instituit & euersum sit fundamentum, cui ipsam superstruxerat ratio scilicet eadem spatiorum, ac velocitatum; idque non modò Experimentis aliis, sed illo etiam, quod te usurpatum, deprehensum est, secus se habere, & seorsum probat.

probare, quàm ipse putâris. Ne memorem rapiditatem, qua ille globus ciendus foret, ostensam fuisse adeò immanem, adeò, vt loquuntur, insanam, vt te etiam iam cogat ad abnegationem sui: tametsi rem lenias, dum naturam quidem id exigere, sed mediij tamen conditionem obltare dicis.


IN ARTICVLOS XLV. XLVI. XLVII. De quodam lapsu emendando circa causam Physicam accelerati grauium Motus.

Cum nihil habeas circa alios, qui heinc ad conclusionem vsque interferuntur, articulos, & ego in ipsis, occasione Physicæ causæ, de qua te dicturum alio loco, temporeque receperas, insinuârim lapsum, à quo non satis caueram, in priore Epistolarum de Motu impresso à motore translato (imò & in Epistola ante duos annos ad te data) eam ob rem heic locus erit opportunus, vt rem paulò fusiùs deducam, ac inemetipsum corrigam, dicturus simul de Physica causâ, quam tu placere tibi dixisti in articulum xxxv. Itaque, cùm ego demirarer illam accelerati motus progressionem secundum seriem numerorum ab vnitâte imparium, Ratiocinatus sum imprimis, lapidem v. g. non habere ex se huiusmodi motum; quoniam si solus lapis non existente Mundo foret, aut aliàs in vacuo sic constitueretur, vt nihil cum Mundo communicaret; non esset prorsus, quamobrem eò, quò iam mouetur tenderet; vnde & conclusi causam huiusmodi motus esse debere extrinsecam, ipsamque aut impellentem, aut attra-

hentem, aut vtramque simul. Secundò, visum mihi est assumi posse aërem, qui infernè pressus, resiliensque ad latera, in locum polterum succederet, supernèque instaret, pro causa impellente; & magneticam Terræ vim, quæ hamulorum, catenularumque instar, infernè pelliceret, pro causa trahente. Tertiò visum est aërem non posse inchoare motum, quatenus si nulla esset Terra, & solus aër in vniuerso, & ipse quidem infinitè fusus, vnâque lapis intra ipsum, tunc lapis in hanc potius partem, quàm in aliam non moueretur: quare & motum lapidis videri debere ab attractione incipere, ac tum posse ab aëre succedente adiutari. Quartò, cùm fuisset ratiocinatus motum semel impressum futurum perpetuum, & æquabilem, nisi esset causa, quæ illum aut retundendo minueret, aut vrgendo acceleraret; conclusi motum lapidis accelerari, quòd statim à prima attractione, & quasi post primum ictū, succederent continuò ictus alij, qui impressione facta, manenteque facerent motum celeriores. Quintò visum est neque attractionem solam, neque impulsione solam, neque vllam aliam simplicem causam sufficere ad memoratam progressionem: quia cùm hoc modo ictus continenter facti progressuri essent secundum vnitatum seriem, consentaneum videbatur, vt & velocitatis gradus acquirerentur, & spatia quoque percurrerentur secundum eandem seriem: sicque in fine cuiusque momenti spatia aggregata non forent vt quadrata temporum, vnum, quatuor, nouem, sexdecim, & quadrata cætera; sed vt vnum, tria, sex, decem & consequentia aggregata. Sextò visum est ergo

potius vtramque causam sic coniungendam, vt primo momento sola Terra vi attractice ageret, vnumque ictum imprimeret: vnde & vnus gradus velocitatis imprimeretur, quo mobile certum superaret spatium: secundo autem momento tum Terra attrahere pergeret, tum aër pellere inciperet; sicque duo, ex duobus velut ictibus, noui essent velocitatis gradus, qui cum primo manente essent tres, vnde & tria spatia primo æqualia percurrerentur; & ita porro continenter. Postremo, cum mihi viderer causam dicere, quamobrem spatia percurrerentur secundum seriem numerorum ab vni-  
tate imparium, & aggregata spatiorum essent sicut quadrata temporum; rem totam sic exposui, repetito iam aliquoties triangulo, vt partes æquales alterutrius crurum pro momentis, seu partibus æqualibus temporis habens, intercepta

illa ipsi triangulari per interductas lineas partim basi, partim cruribus parallelas creata, haberi posse simul censuerim, & pro partibus æqualibus spatij decursi; & pro æqualibus gradibus velocitatis acquisitæ.



Iam lapsus fuit, quatenus proinde velocitates vt spatia habere se admisi imprudens. Quia enim non  
Dd ij



fatis attendi velocitatis gradum primo momento acquisitum ita integrum manere in secundo, vt ad superandum duo spatia valeret, ipsumque ita habui, quasi valeret solum ad superandum vnicum; ideò cum viderem secundo momento tria superari spatia, existimaui faciliè ita vnum superari per gradum manentem, vt duo alia deberent per duos alios, interim acquisitos superari. Pari autem ratione quinque spatia tertio superari momento agnoscens, sic putaui treis gradus superiores manere, vt singula per singulos superarentur spatia, ac interim acquirerentur duo alij, quibus duo alia superarentur: non satis attendens duos tantum gradus prius acquisitos, manentisque esse, quorum vtrique deberentur duo spatia; sicque ambobus quatuor; ac necessarium rursus esse vnicum duntaxat acquiri, cui spatium quintum deberetur. Pari etiam ex spatiis septem quarto momento superatis, quinque retuli ad gradus quinque, quos habui iam acquisitos, ac manentis, & duo ad duos, qui acquirerentur interea: non attendens ipsos esse treis duntaxat, quorum tamen singulis deberentur duo spatia; vnde & per illos superarentur sex, ac ideò esse solum necesse, vt tum iterum acquireretur vnicus, quo septimum superaretur; atque ita de cæteris. Itaque, quam primùm animum aduerti, displicuit rem sic exposuisse, vt velocitates ita se habere viderentur, quemadmodum spatia, & non modò spatiorum, sed etiam velocitatum aggregata perinde se habere, vt quadrata temporum: quod mihi quidem visum est ipsi naturæ repugnare; secundum quam potius deberent velocitates esse quemadmo-

dum tempora, & aggregata spatiorum sola se habere  
ut temporum (aut velocitatum proinde) quadrata.  
Quare & retento eodem Schemate, sic omnia con-  
gruere mihi visa sunt, ut partes illæ crurum æquales re-  
præsentarent semper æqualeis parteis temporis: lineæ  
verò parallelæ ex vno crure in aliud ductæ, & statim  
prima in parteis æqualeis diuisæ, gradus æqualeis ve-  
locitatis; intercepta autem illa, æqualiaque triangula,  
æqualeis parteis spatii; ac denique ex triangulis impari  
numero sub vnoquoque momēto contentis, assumpta  
prima, & quadrangulos constituentia triangula, repræ-  
sentarent spatia per gradus manenteis decursa; & quod  
impar superesset, repræsentaret spatium gradu interim  
acquisito decursum. Atque hoc quidem modo sen-  
tentiam expressi partim in Responsione, partim etiam  
superius circa explicandum Controuersię statum. Cæ-  
terum ut animaduerti singulos, non binos velocitatis  
requiri gradus; sic facile fuit animaduvertere singulos,  
non binos quouis momento impingi ictus. Quam-  
obrem peruidi me in eo frustrà laborasse, ut Physi-  
cam causam accelerati motus requirens, excogitarem  
denique duas, quarum vna inchoaret motum, & pri-  
mo momento sola ageret, singularemque ictum im-  
primeret: ac deinde in secundo momento geminæ es-  
sent, quæ & simul agerent, & geminatis ictibus accele-  
rarent æquabiliter motum: quippe cum non modò  
non fuerit duplex causa necessaria, sed ne potuerit  
quidem esse, nisi vna. Quam-nam verò, putas, ex dua-  
bus retinui; quam-nam eliminandam censui? Scilicet  
retinui attractricem Terræ, ut quæ posset sola non

modò inchoare motum, sed & ipsum quoque accelerare æquabiliter: vt putà per gradus ab vique initium manentis, tum acquisitos, eo modo, quo declaratum est. Abieci verò impellentem attributam aëri vt quæ non modò inefficax inchoando motui videtur, sed illius etiam promotioni, seu accelerationi officiens; tantum abest, vt ad ipsam procurandam quicquam conferret. Atque hæc quidem caussa est, quam obrem quidpiam videatur simul de tua opinione dicendum; quatenus partim consentit cum ea, quæ mihi prius animo insedit, partim dissentit ab ea, quæ iam infidet. Quippe, vt ego quidem prius, sic tu agnoscis duplicem caussam; & vnâ quidem penitus eandem aërem putà impellentem; alteram verò nomine diuersam, sed effectu eandem, insitam putà gravitatem ( cui ego attractricem Terræ substituendâ censueram) quatenus tu eam retinens, ipsi quoque tribuis inceptiorem motus. Cum verò ipse solam iam attractricem retineam, à qua continenter agente, & impressione non pereunte, acceleratio motus fiat; opinaris tu gravitatem ad accelerationem nihil facere: sed inalteratam sic perseverare, vt ex se motum vniuniformem, & æquabilem faciat: solum autem aërem sese à tergo concludentem esse accelerationis caussam. Heinc nempe superius tua hæc verba fuerunt. *Acceleratio omnis à medio solo est: unde descensus in vacuo sui semper similis, atque vniuniformis existeret: sicut tunc quoque tota caussa descensus, nempe gravitas, semper eadem, ac sui similis perseveraret.* Itaque cum dissensus sit circa tuam vtramque caussam, ecce de vtraque pauca hæc attingo:

Et ab Aëre quidem ut incipiam, non immanifestum videtur ipsum nihil posse ad accelerationem conferre; quin etiam potius officere, tantum abest, ut aer solus sit accelerationis causa. Ipse certe cum prius illum in aliquam partem admittens, varia energiae ipsius argumenta conquiesci (ausus etiam ad eum ex parte referre ad actionem retrorsum factam tormentariae machinae, dum globus prorsum exploditur; idque, ut iam reor, iniuria, quod potius ille totus effectus ad unum ignem pertineat) subieci statim eas rationes, ob quas merito de mea aeris assumptione dubitaretur. Ut verò iam vel unicam aduersum te haec repetam, quaeso ex te, quid fieri valeat, ut lapidi deorsum tendenti ad celeritatem aer conferat, non conferat tendenti sursum? Nimirum ut aer lapide cadente inferne abscedit, supernè succedit: sic sursum adacto supernè abscedit, inferne succedit, & tuo verbo ut dicā, se à tergo claudit. Nonne ergo, si descendendo iuuat aer impetum à gravitate impressum: necesse est, ut ascendendo iuuet impetum impressum à manu? Et quia impetus à manu impressus fortior illo est, qui à gravitate imprimitur, siquidem ipsum superat, eoque ne quicquam resistente, lapis nihilominus tendit sursum: quid est, cur ascendendo non magis, quam exscendendo iuuet? Nonne clauditur tergo rapidius, statim ac manum lapis deseruit, quam cum lapis initio cadit? Nonne saltem deberet tunc accelerationis quidpiam facere, non verò pati diminutionem? Nonne & quandiu gravitate deuicta, inferioreque existente, aer à tergo velocius occurrit? Sed quaeso te, nonne ipse fateris resistere aërem? Dixisti



videlicet motum, eiusque accelerationem effectum esse Physicum, qui per parteis maiores, aut minores pro ratione ponderis, & resistentia medij metiendus videatur. Igitur aër non tantum resistit supernè, vt omnes admittunt, sed etiam infernè, vt tu quoque admittis (& certè videtur tantò maior esse debere infernè resistentia, quantò aër crassior est, & propter terram suppositam difficiliùs diffundi, ac dilabi potest; sed hoc parùm est.) Aut ergo resistentia aëris infernè est maior, quàm impulsio supernè, aut æqualis, aut minor. Si dicas maiorem; igitur motus rei cadentis non accelerationem ab aère, sed retardationem patietur. Si æqualem; igitur motus non accelerabitur, sed vno semper tenore erit. Si minorem, igitur cum tota vis aëris supernè impellens sit ab ipsa vi lapidis infernè aërem vrgentis, erit effectus potentior causa; & existente aère, quasi flagello, quod lapis seipsum quasi verberet, fiet flagelli adactio, quam intentatio rapidior; & vt verbo dicam, mouebitur aër velociùs à tergo, quàm refugiat à fronte; sicque necessariò relinquet locum in medio vacuum quod vt repugnat, sic clarum est, non posse aerem velociùs accedere, quàm abscedat: cum etiam ex se tantè moueatur segniùs, quantò longiùs abit à causa mouente. Ac vt præteream, si id dicas, idem prorsùs fore dicendum de aere, dum lapis seu fursum, seu aliorum compellitur: prætereo quoque non fore quam obrem causeremur aerem suâ resistentiâ retardare tantillum motum, cum illum potiùs sit promoturus; neque quam obrem concludamus aerem quicquam resistere, cum nullum sit resistentiæ ipsius futurum indicium.

tium: eo modo, quo agnoscere non licet corpus ali-  
quod frigefacere, quando calor est ita potentior fri-  
gore, vt solus ipsius effectus sentiat. Sic non est  
quare iam excusēs non posse globum ferreum ex Luna  
eidentem moueri tam pernīciter, quā prādexeris;  
ob conditionem medij, cū resistētia sit semper ipsa  
impulsione futura minor. Et quod ais *aërem demū*  
*neque tam celeriter diuidi, neque tam citò rareferi, &*  
*accurrere ad replendum vacuum naturaliter posse:* id ipsum  
probat non minorem in resistendo, quā in accurrendo  
vim esse; cū & vacuum ex eo metuendum à tergo  
non sit, quòd non aër immediate antrorsū impulsus ille  
sit, qui retrorsū concluditur; verū ille, qui prius  
ad latera pulsus, & à succedente compulsus, eò iam ac-  
cessit. Ex his itaque, aliisque id genus argumentis  
fieri videtur, vt aër à tergo accurrens minù possit ad  
compellendum, quā occurrens à fronte ad resistē-  
dum: aut saltem, vt compensatio fiat, & dici ad sum-  
mum valeat, tantum aërem à tergo conclusum ad pel-  
lendum iuuare, quantum à fronte diuisum ad proce-  
dendum resistere. Vnde & efficiatur, vt aër non mo-  
dò non sola, sed ne vlla quidem causa sit accelera-  
tionis.

De Grauitate verò, quod sit qualitas insita, & ab  
attractione distincta, cuius effectus sit motus deorsū,  
& ille quidem aëre, aliòve quouis medio secluso, sem-  
per idem, similisve sui, aut æquabilis, videtur mihi dici  
non posse. Ac vt illa quidem præteream, quæ mox  
sunt de aëre, & nomine aëris vniuersè de medio dicta;  
dicamus igitur de vacuo, in quo ais grauiū descensum

futurum æquabilem, ob grauitatem semper eandem. Nihil autem est necesse admoneam, quod satis in Epistolis antè memoratis expressi: lapidi nempe, exsistenti in vacuo, perinde esse penitus, ac si Mundus prorsus non foret: quippe nisi perinde foret, habere igitur deberet colligationem quampiam cum Mundo, aliquave parte ipsius, siue per contactum corporeum, siue per defluxum, atque transmissionem aut aliquorum corpusculorum, aut qualitarum, accidentiumve, non sine subiecto corporeo, fulcien teque prætermearum; quo casu non esset lapis in vacuo, sed in spatio corporibus, substantiave corporea pleno. Quamobrem nihil penitus cum ipso Mundo communicans, perinde se habere debet, ac si Mundus foret reductus in nihilum, aut procul in immensitatem imaginariorum spatiorum translatus. Supponamus itaque Deum sic fecisse vacuum regionem hanc elementarem, vt à concauo Lunæ orbe ad Terræ vsque superficiem facta sit penitus inanis, & lapis vno stadio supra superficiem Terræ constitutus. Interim verò dum lapis per se æquabiliter descender, & vbi iam vnum, alterumve passû suo motu confecerit, supponamus iterum Deum, qua potentia est, sic emouere totum Mundum, & cum ipso Terram in eadem semper distantia cum cælo circumperseuerantem, vt ipsum circa lapidem, quasi circa quoddam centrum circumducatur, quovsque peracto circutionis dimidio ita illum sistat, vt Terra iam sit è regione loci, in quo fuerit, & lapis ipsam habeat ad oppositam partem: quæro quid-nam tunc lapidi euenturum sit? Si perrecturum moueri dicas, igitur

Quap̄reditus erit grauitate sursum ascendet, quoniam à centro non modò Terræ, verùm etiam Mundi recedet. Si dicas mutaturum viam, & petiturum ipsam Terram; ergo sensit Mundum mutatum, eo modo, quo ferrum magnetem sibi circumductum? Ergo per quandam vim transmissam, cuius interuentu cum Mundo communicet, sicque in puro vacuo non sit: quod est contra suppositionem. Si demùm constitutum dicas; ergo carebit grauitate, qua & descendat per vacuum, & æquabiliter descendat. Prætereo heic, quæ ad hanc sententiam quasi consequenter edisserui, cùm ante duos annos rescribens ad te, declararem tum grauitatem non esse qualitatem quandam ipsi lapidi inhærentem: tum motum illum primum, quo lapis à quiete recedit, quique deinceps acceleratur, non ab huiusmodi grauitate, sed ab ipsa terræ attractione esse: tum si deinceps talis motus æquabilis perseueraret, fore, vt primo momento, quo intelligeretur fieri, supposito esse vno horæ minuto, ex ijs quæ decima vocant: vt (inquam) lapis, siue per vacuum, siue per plenum moueretur, non caderet ex laqueari ad tabulatum (hoc est orgyis duabus) ne per annorum quidem quinquagies centena millia, aliaque huiusmodi. Addo heic solùm grauitatem, quæ aliquid agit in primo momento, dum motum inchoando lapidem adigit deorsum, aut agere etiam aliquid in secundo, & consequentium quolibet, aut nihil. Posterius non dices, quoniam sedulo primo momento grauitatem faceres otiosam, ac nullam, & lapis conquiesceret, neque posses dicere, quāobrem ipsi vno momento, non quolibet alio, in quo



agere non prohiberetur, non competeret actio. At si dicas prius; aut impetus prima actione, & qualibet consequente impressus euanescit, aut manet. Si euanescit, ergo debet pari ratione euanescere, qui secundo momento, & consequente quolibet ab aëre imprimitur; neque enim potior est ratio de vna causa, quàm de alia (imò neque vlla ratio de vtravis est; cùm & dici non valeat quid perire impetum faciat, &, si quid dicatur, probaturum sit, quicquid vnico ictu à nobis percellitur, eo solo momento, quo percellitur, moueri, neque vel tantillum perseverare posse in motu, tanquam impetu illicò pereunte) quare & aëre nequicquam pellente perseverabit nihilominus constitutus à te æquabilis motus. Sin manet: ergo impetus primi momenti additus impetui secundi, & quilibet antecedentes additi consequentibus motum efficient celeriores. Itaque motus à gravitate sola non sic elicietur, vt sit semper sui similis, atque vniformis; neque gravitas semper eadem, similisque sui, & inalterata (hoc est, quæ à me simplex dicta est, sine appellata adiectitia) perseverabit.

#### IN RESPONSIONIS CONCLVSIONEM.

*Et hæc, Clarissime Gassende, præcipua sunt, quæ tibi necessario pro me, & pro veritate rescribenda putavi; tum vt, si fieri potest, eam tibi, quam ignotam acrius impugnas, veritatem, maiore luce illustratam aperiam: tum vt, ne salutem apud eos, qui Responsionem tuam visuri sunt, adeò deformis, & absurdus appaream, quàm me deformem, & ab-*

*furdum effingis. Equidem mihi planè persuadeo, non alio animo id à te factum, quàm studio veritatis; sed quia tamen aliter factum est, quàm intenderes, spero tibi non ingratum fore, si quam quasiisti, atque optasti veritatem, eam tibi ab errore vindicatam exhibeam.*

Ego verò, Religiosissime Vir, ita habeo me, vt existimem licere per tuam æquitatem, habere ipsam tui causam, à veritatis causa seiunctam. Nam te quidem semper eo loco habeo, vt reputem virum non modò piissimum, optimumque, & mei amantissimum: sed etiam peritissimum, solertissimum, studio-  
sissimum veritatis. Veritatem autem eo loco habeo, vt Eius amore, qui seipsum esse Veritatem dixit, sanctissimum reputem, ipsam, quantum agnoscitur, nulli rei non præhabere, & à conditione personæ (aliunde licet carissimæ, ac venerabilissimæ, quæ eius possessio-  
nem sibi vendicet) quasi sepositam spectare. Ac tu quidem nunquam voluisti, opinor, vt quia plurimi tuam virtutem, amicitiamque facerem: capropter, si quidquam tibi videretur, quasi tabulas vnâ obsigna-  
rem; & in tuam iurans sententiam, quicquid diceres, indubium haberem; tuaque permotus autoritate, non hærerem, quin veritas planè, prorsumque à te staret. Quare iniurium haud-quaquam fuit, habere te vnum  
ex iis viris doctis, qui quapiam in re falli possint, & cum habeant se homines, alienum non putent à se, vt errare posse, sic posse ab aliis secus sentientibus mone-  
ri. Ego itaque, non quòd sim professus esse eum me, qui docere te veritatem aliquam possem, sed quòd te veritatem sequi tuâ doctrinâ non essem persuasus.

proposui tibi candidè quas subdubitandi rationes habere. Vnde non mirari, quod ais, non possum, fuisse te deformem, atque absurdum à me effectum: quippe in eo semper incubui vt de re dicens quod opinarer, de te reucrenter sentirem. Sed nimirum ex eo, quod ipse causam tuam non aliam esse, quàm veritatis existimes, videris id, quod de re dixi, ita accepisse de te, vt ex eo, quod possit opinio deformis, atque absurda apparere, ipsemet deformis, & absurdus appareas; ac illa attingi non debeat, ne ipse quoque attingaris. Quanquam &, quæso, apud quosnam effingere te, qualem putas, volui? Videlicet apud te solum, ad quem res est priuatim missa, & per quem stetit, vt aut quascumque velles lituras duceres: aut quicquid id esset, suppressi iuberēs. Cùm neutrum volueris, sed potius rem euulgandam censueris, confisus, quod ais, te hisce *Vindicijis* ignotam mihi, impugnataque, & maiore iam luce illustratam veritatem aperire: ac mihi gratum fore sperans quod à me quæsitam, optatamque mihi ab errore iam vindicatam exhiberes: non debui sanè genium fraudare, & reluctante conscientia, mancipiique more assentari applauderèque, annuendo esse mihi apertam, exhibitamque veritatem, quam nullam planè perspicerem.

Illud certè mihi perquam gratum accidit, quod accuratior experientia globorum decidentium momenta expendens, nouam veritati lucem attulisti: spem enim magnam inde fecisti, futurum breui, vt huius lucis beneficio quæsitam hactenus veritatem certiùs inueniamus: quam ego semper vbicumque inuentam pari plausu excipiam, eademque suauitate amplexabor.

Quæso te verò, optime Vir, quomodò putes ista cum iis, quæ mox dixisti, coherere? Nam si ego quidem meâ experienciâ nouam veritati lucem attuli, quâ ergo tu mihi veritatem ignoram, ac maiori luce illustratam aperuisti? An tuâ illâ experienciâ, cui mea fuit opposita? At si mea quidem veritati lucem, tua ipsi tenebras fecit. An adhibito à te ratiocinio? At cum id non fuerit aliunde, quàm ex iis tenebris deductum; quomodo rem mihi aperuit, quæ coram allata à me luce euauit? Spem factam ais, vt huius lucis à me allatæ beneficio veritatem quæsitam certiùs inueniamus. Et quomodo ergo tu sic eam habuisti, vt à me quæsitam mihi ab errore vindicatam iam exhibueris? An forte, quia iuxta lucem à me allatam es ratiocinatus? Non sanè: quin potiùs constitisti semper in illis iisdem tenebris, hoc est hæcisti semper principiis ex tua illa falsa Experiencia ductis. Ac laudabilissimum quidem, quod profiteris te veritatem, vbicumque inuenta fuerit, perquàm grate, & cum plausu, suauitateque amplectaturum: sed cum sit quidem quæstio de ea, quam profiteris simul te mihi aperuisse, exhibuisseque: quomodo, amabò, vis ista excipiam?

*At cæteris in rebus tam acutè non vidisti, et tam certè non illis deceptus es, quàm auspiciatò tibi, ac feliciter illud esset.*

Ipse verò hebetem me neque nescio, neque diffisor; at magno tamen desiderio acutè videndi non ardeo. Vnde & cum in cæteris rebus non sim aliunde, ratiocinatus, quàm iuxta eam lucem, quæ per factam à me experienciam allata est, vellem ostenderes quid



prauè, ea vsus luce, viderim; & cùm me certò deceptum ais, peruellem apertam deceptionem faceres, & aut falsitatem principij, aut incohærentiam consequutionis manifestares. Nam si mihi quidem id Experimentum, de quo loqueris, auspicatò, ac fœliciter cessit; non video huc vsque quid-nam fuerit illi aut à me repugnàs, aut à te consentaneum admissum.

Ego sanè; cùm in rebus longè obscurioribus, magisque incertis satis diù multumque versatus fuerim; vnus tamen hætenus inuentus es, qui meis in assertionibus, ac decretis pugnam; contrarietatemque non dicam inuenerit, sed aliquando etiam obiecerit: vt mirum tibi videri non debeat, si rei notitate perculsus, ea, quæ à me in re apertiore decreta, & constituta sunt, à tam fœda dissensione vindicanda putauerim.

At nosti certè me cum non esse, qui vtrò me assertionibus; decretisque tuis immiscuerim. Non eram ea fœlicitate, vt vel te nossem, vel nomen meum esse tibi notum putarem, cùm ea fuit humanitas tua, vt me prior interpellâris, & tum ea improbaueris, quæ conscripta essent à me: tum non modò priuatim, sed publicè etiam testatus dolorem, ob fidem à me principij falsis, erroneisque adhibitam, tua vt certiora substitueris, quibus intrepidè (tua fuit hæc vox) præberem assensum. Neque id modò; verùm etiam constituisti mi publicè eorum arbitrum, iudicemque: ac prouocasti ad eò, vt quid videretur de ipsis esse sentiendum, significarem. Vtinam verò ipse me non ita sponte sollicitasses; longissimè enim abfuissem, ab omni tuorum assertorum, decretorumque inquisitione. Quipp

is non sum, qui alijs reprehendendis inhiem; & licere existimans, ut quisque suo sensu sapiat, in eo solum sum, ut si roger, quid sentiam aliqua de re, illud explicem bona fide. Utinam saltem incidisses in alium, à quo is haberi potuisses, Qui gloriaretur se in hac tanta & obscuritate naturæ, & imbecillitate humani ingenij, habere decreta, atque assertiones; nec duceret esse abunde, si quaspiam verisimiles coniecturas nancisceretur: Qui consonantiæ decretorum, assertionumque sic foret certus, ut si à quopiam observaretur, aut obiceretur pugna, contrarietasve aliqua; tum quasi ad rem insolentem stupore quodam percelleretur: Qui sic videretur sibi comparatus, ut non quandoque dormitaret; semper nimirum aded vigil, providus, atque perspicax, ut nihil rerum cum decretis seu coherentium, seu repugnantium latere mentem unquam posset. Qui veluti stomachabundus notaret illum, à quo primo interturbata felicità eiusce de se opinionis foret, ac labor creatus monstrandi constantem sui cum seipso consensum. Me quod attinet, tale nihil unquam sentire aut potui, aut volui de te; ipse præsertim satius ducens vivere, quod aiunt, in diem, ac posse, si quid manè sensi, ipso vespere recantare. Ac non requiro quidem, quæ sint illa obscuriora, magisque incerta, in quibus ais tua decreta tantam tueri constantiam; quando videor tibi ne in huius quidem longè clarioris, certiorisque de Motu controuersia ingressus penetralia; testor tamen me longè esse, ut in illa unquam inquiram, qui etiam, ista quod attinet, si fortè prænouiisses me, quid rei tibi cordi foret, non adulates

*De Proportione, qua gratia*  
 sanè fuisset, ne aduersus meam mentem loquereris: sed  
 neque quicquam rescripsissem, ne videri possem quam  
 tu heic appellas fœdam dissensionem ( quasi diceres  
 Camatinam) mouere.

*Ceterùm quantalibet aut decretorum meorum inter se,  
 aut pro veritate inter nos pugna, & contentio intercesserit,  
 summa tamen, ut spero, perseverabit semper animorum  
 consensio; nec minùs vnquam futurus sum Tuus ad omnia*  
 PETRVS CAZRÆVS. Metis, 6. Eid. April.  
 M. DC. XLV.

Ego verò sanctè affirmo, nihil me vnquam remis-  
 surum neque de summa veneratione, qua te prose-  
 quor, neque de sincero affectu, quo toto ex corde sum  
 Tuus. Vale. Parisijs, Non. Maij, M. DC. XLV.





# EPISTOLA TERTIA,

QVAM, TAMETSI TEMPORE  
primam, visum est tamen post-ponere, quòd  
præter argumentum cum superioribus com-  
mune, contineat etiam explicationem plu-  
rium aliarum difficultatum, quæ fuerant in  
Epistolas, *De Motu impresso à Motore trans-*  
*lato, objectæ.*

AD MODVM REVERENDO,  
& Religiosissimo, Doctissimoque Viro, P.  
PETRO CAZRÆO, Societatis IESV,  
*Diuionensis Collegij Rectori sapientissimo.*

PETRVS GASSENDVS S.



XIMIA profectò humanitas tua, vt im-  
perâris tibi patientiam percurrendi, co-  
gnoskendique quicquid illud fuit mearum  
ineptiarum; meque simul adedò solerti, ele-  
gantique dilquisitione cohonestandum censueris. Et  
dies quidem sunt aliquot, ex quo illam cum literis no-



bilissimi Senatoris Maræi octauo Eidus datis accepti: sed vix iam demùm ruente mense aggredior quidpiam rescribere; quòd nunc solùm inualetudo, quæ me per dies complureis habuit, vacare scriptioni non-nihil permittat. Testatus sum nuper reuerendis illis, optimisque Patribus Furnerio, & Burdino, cùm dignati fuissent inuiscere me, & suauissima de tua virtute incidisset mentio, quantum ægrè ferrem non licere mihi aliquid statim reponere: nempe tu magis me deuinxisti, quàm vt omninò possim, aut debeam videri tacendo ingratus. Quare & nunc occupationes, quibus aliunde incumbentibus vrgeri me sentio, sepono, nihilque earum detrimentum habeo; si modò isto erga te merito officio defungar. Cogito porrò aliquid circa singula capita τῆς συζήτησεως attingere; tum ne non satis gratam habuisse, aut obiter solùm legisse eam videar: tum vt rationem reddere, quam deponere visus es, distinctiorem simul, & pleniorē possim.

*Nondum obseruatum, qui Galileo obiicitur, Paralogismum;  
& Neutram duarum virium à Motore translato  
impressarum imminui ab alterutra.*

II. Cùm tu igitur duas illas *de Motu impresso à Motore translato* à me conscriptas Epistolas reuocaueris in examen; postquàm exhibuisti insignia singularis beneuolentiæ, & comitatis testimonia: tum explicare aggressus es, quæ improbasti circa Priorem. Imprimis verò, quòd comprobârim illud Galilei decretum, *Motum corporum decidentium sic accelerari, vt superata*

*æqualibus temporibus spatia increſcant, ſicut numeri ab unitate impares, dicis me; Si illud quidem decretum in examen adduxiſſem, perſpecturum fuiſſe & falſum, & Paralogiſmo evidenter confirmatum. Ego verò neque inficior hallucinari potuiſſe me; neque me habeo adeò ſolertem, vt Paralogiſmum à te inſinuatum etiam nūm pervideam. Peruellè proinde ipſum oſtendiſſes, atque adeò ſubindicaiſſes, qua ergo alia proportionem accelerationem decidentium fieri, aut experiundo notaveris, aut deduxeris demonſtrando. Certè non ſatis intelligo quam obrem cenſueris, ſive hæc proportio, ſive alia ſit, eam nihil referre ad meum inſtitutum: quippe ſi alia fuerit, quàm quæ ſuppoſita à me eſt, fruſtrà eſt tota ratiocinatio. Quod ad experientiam porrò attinet, obſervationes à Galileo recitatas prætereo: ad meas quod ſpectat, quotquot mihi licuit, & quantum licuit peragere, illam proportionem ſemper exhibuerunt. Potiſſimæ fuere, cum rem præſtiti, adnotatis ſpatiis, tam in prolixiore ſexdecimorgyis pariete, quàm in tubo vitreo inclinato prolixiore duabus; ac ſociis ſimul adhibitis, quorum ſinguli ad ſingula ſpatia, eorumque notas attenderent, vt tam decidente globo ſecundū parietem, quàm delabente per tubum, dicere poſſent, ecquo momento enumeratis (& alta voce pronunciatis) æqualibus, globus pertranſiret vnamquamque notam. Nempe exinde conſtitit, quale ſpatium fuiſſet primo momento ſuperatum vnum, talia deinceps ſuperata fuiſſe ſecundo momento tria, tertio quinque, quarto ſeptem: adeò vt illa aggregando reperirentur ſuperata in ſine primi momenti vnum, in ſine ſecundi quatuor, in ſine tertij*

nouem, in fine quarti sexdecim, & c. sicque aggregata spatorum se vt temporum quadrata haberent. Quod ad rationem; quia nondum perspexi, quem ipse te ai perspexisse Paralogismum: ideo ἐπεὶ, expectôque quousque eximias lucubrationes vulgaueris, quas polliceris aduersus ea, quæ à Galileo de Motu edisseruntur Dialogo tertio.

III. Deinde, cùm ipse elicio, *Vim impellentem mobile sursum, non modò non destrui, sed ne vlla quidem ratione imminui à vi impellente in laus*, dicis, *Me non inuenturum fidem apud harum rerum peritos, apud quos receptum est, Mobile quodcumque duobus motibus in diuersas partes actum tantò segniùs deferri in vnum terminum, quanto fortiùs in alterum tendit.* Ego verò, cui cordi est, non tam peritis quid persuadere, quàm addiscere ab ijs aliquid; in expeto solùm, vt perspicuè doceant, quod possim capere perspicuè. Et, quod spectat quidem ad tuum Effatum, si dum Mobile reipsâ mouetur, disiunctum que est à motore, veluti lapis per aërem, superuenit vis aliqua, vt venti, aut manus, quæ ipsum deflectat agnosco eo casu vim primò impressam imminutum in & mobile, ad quem terminum destinabatur, non peruenturum. At si noui nihil interueniat ab ipso vsque proiectore, in quo & vis ipsius propria, & vis corporis ipsum transferentis in vnâ coierint: non video quid debeat recipi Effatum; cùm mobile non tam agatur duabus viribus, quatum vna alteri obstat, quàm vnâ eaque sic compositâ, vt ad vnicum terminum, scilicet obliquum, contendat. Neque, enim manus, dum quauis transfertur, lapidem reuerâ sursum proiicit (vt

cūque ijs, qui eadem naui conuehantur appareat) sed proicit reuerā obliquē, quatenus & ipsa obliquē mouetur, dum agi sursum creditur, deflexa putā à motu naui. Et quia proinde vis propria manus, & translatitia naui sibi non repugnant, sed sese veluti intendunt, vnamque totalem, fortiolemque, quā si sigillatim essent, constituunt: heinc fieri videtur, vt se se non destruant, sed vna euadant, quæ tantum sit alterutrā fortior, quantum altera fortis est. Quare & cū lapis non tendat directē sursum, vt si à sola manu proiiceretur: neque directē secundū horizontem, vt si veheretur, agereturve à sola naui; verū feratur motu misto, obliquēve, & describat per aërem, quasi arcum (siue potius lineam, quam dicunt parabolicam) cuius chorda, seu basis secundū horizontem esse intelligatur; & sagitta, seu axis secundū perpendicularum (prout medium est inter ascensum, & descensum) Exinde est, cur lapis neque minùs altum, quā si à sola manu proiiceretur, perueniat: neque minùs prorsum, quā si à sola ageretur naui; quatenus prolixitas lineæ est quidem maior, quā simplex ascensus, descensusque ad perpendicularum; sed ad hoc vim supplet impressio à naui: & proximior quoque, quā simplex secundū horizontem progressio; sed ad hoc vim supplet impressio à manu. Eodem verò dicendum est de femi parabolica linea: vt lum lapis è carchesio non proiectus, sed dimissus, ad eternam perinde cadit, vt si naui quiesceret: siquidem ipsi grauitati lapidem ad acturæ secundū perpendicularum, accedit vis naui, qua manus dimittens interim transfertur, quæque tantumdem impetus addit,



quantum est necesse ad prolixitatem semiparaboles, quàm perpendiculi, maiorem. Heinc mirabilis quidem est ea, quam obiicis, *semiparabolarum plurium decuplò etiam, aut centuplò contractionum, apertiorumque æqui temporanea descriptio*: sed videtur tamen apertè deduci ex minore, & maiore vi, quæ alteri, vt per axem, perpendiculumve duntaxat acturæ, superadditur. Et postulare quidem ratio, quemadmodum ais, *vt idem mobile non transmitteretur ad eandem altitudinem, aut distantiam in proiectoris quiete, aut motu, eodem tempore. si foret ab eadem vi* sed constat vim non esse eandem, quatenus proiectore moto est tantumdem adauctior, quanta est ipsa vis transferentis. Ad illud quod habes de *Resistentia medijs*: si illud quidem vniforme sit, nihil videtur prorsùs obstare, quatenus tantum proiicienti, transferentique, quantum proiectili resistit, pergiteve potius resistere: quod idem dicendum de vento, si secundum eundem naui cursum, & æquabilis fuerit: sin verò aut medium inæquabile sit, aut ventus obliquus, vel variabilis, atque adeò sit inæquabilis resistentia; tunc videtur perfectò posse non nihil desciscere à parabolico suo cursu & à termino, in quem contendebat: sed nempe hic ipse est casus, de superueniente vi, ob quam dixi posse Effectum admitti.

IV. Quòd *experimenta desideras alia*, facillimum imprimis est, quod vel tuo iussu peragi ab Equite potest. Si is enim pluribus lapillis ad manum assumptis, & manu ita protensa, vt sit in perpendiculo, quod pedem proximè præter-radat, lapillum vnum primò dimittat quiescente equo; tum alium equo pedetentim, & passu solito

solito incedente; & rursus alium gradiente concitatiùs;  
ac postea alium moderatè currente; denique & alium  
præteruolante tum ocyùs, tum ocyssimè: eueniet sanè,  
vt lapilli omnes præter-radant semper eandem pedis  
partem, omnesque appareant ipsi equiti ad perpendi-  
culum cadere: & quia tamen omnes eiusmodi casus,  
præter illum, qui quasi axis equo quiescente factus fue-  
rit, semiparabolicæ erunt lineæ, cæque semper tantò  
apertiores, quantò translatio fuerit velocior: fiet, vt si  
ipse è regione fueris, illasque adnotaueris, desideraturus  
non sis luculentiora experimèta. Poteris verò ipse quo-  
que simile quidpiam experiri, si pilam manu sustentâ-  
ris, ac dimiseris, dum per aulam, aut pergulam nunc len-  
to passu, nunc concitato, nunc etiam currento incedes.  
Nam vt pila tibi semper apparebit ad perpendiculum  
cadere: ita agnosces ab ea describi semiparabolam nunc  
contractam, nunc apertam, nunc apertiore. Quod  
consequenter verò deposcis *experimentũ in globo sursum,*  
& *secundum mali nunc quiescentis, nunc moti longitudinem*  
*arcu-balista emissio:* id tanta facis urbanitate, vt volentissi-  
mus recipiam me, cum fauente Numine in Prouin-  
ciam rediero, & ad mare accessero, rem in tui gratiam  
præstiturum. Interea verò res probari vel tuo iussu  
poterit, si quispiam è curru prope parietem quiescente,  
& arcu-balistâ lateri currus illigatâ emittat sursum glo-  
bulum; ac deinde curru præter eundem parietem, quan-  
tumque voles pernecitate abrepto, globulum iterum  
emittat, & sit alius quis è regione, qui vtroque casu  
adnotet altitudinem, ad quam vsque globulus pertin-  
get. Spondere enim ausim haud inæqualem altitu-

dinem adnotatum iri : ita mihi huc-vſque ſucceſſere  
 multa experimenta haud abſimilia. Dico autem arcu-  
 baliſtam eſſe debere illigatam; quoniam ſi manu con-  
 tineatur, poterit linea directionis aut perpendicularis  
 non eſſe, aut ſi à perpendiculari deflexerit, non per-  
 inde vno, atque alio caſu deflecti : ob quam eandem  
 cauſam agi curruſ debet per complanatiſſimum lo-  
 cum; ne, ſi ſubſultarit, linea illa nutet. Prætereo au-  
 tem, ſi tot illis, quæ congeſſi, experimentis quæſitam  
 fidem aliquam putes primario illi Theoremati, *Si id*  
*corpuſ, cui innitimur, transferatur, motuſ omneis noſtroſ, re-*  
*rumque à nobis mobilium perinde fieri, apparerēque, ac ſi il-*  
*luſ quieſceret*: quæſitam ſimul eſſe Paradoxo, quod  
 magnum appellas, *de aſſurgente mobili ad parem altitudi-*  
*nem, ſeu moueatur, ſeu quieſcat motor, qui id emiſerit pari-*  
*tori*; alioquin certè motuſ reruſ à nobis mobilium pa-  
 ri modo haud apparerent. Quanquam & Paradoxum  
 dicis ob id ſolū, quòd res prima fronte adeò admi-  
 rabilis ſit, vt niſi quiſ expertuſ fuerit, fidem facilè ha-  
 bere non poſſit. Quòd denique tibi hæret ſcrupuluſ  
*de globo tormentario, qui caſu perpendiculari recidens in ter-*  
*ram, & in eam directe emiſſuſ, parem percuſſionis effectum*  
*fortiri poſſe non videatur*, iſ, quandò ratio non ſufficit,  
 experimento eſt eximenduſ. Atque ego quidem, vt  
 fatear, ſatiſ hucuſque ſœlix non fui, vt rem piſtoleto-  
 moſquetòque explorare volens, obſeruare potuerim  
 caſum (adeò pernix efficitur recidentis prope terram  
 motuſ: adeòque difficile eſt declinationem tantulan-  
 à perpendiculari cauere, quæ in altitudine tanta para-  
 bolen crect cum diſtentione crurum inſigni, & verſu.

eā partem, quam suspicari facile non sit, vt ad ipsam locus casus inquiratur; ne etiam causer ventum, agitationemve superioris aeris) ac fortè etiam Galileus eatenus hæsit hac de re; quatenus ipse parisi fuit inter experiendum infœlicitatis.

*Posse varias Sectas veritatis studio tentari; ac Posse animalis incessum præ saltatione, & globi volutionem præ adactione, dici naturalem.*

V. Seligis consequenter nonnulla, quæ dicis *me nimia facilitate admittere, quæque viris eruditis, ac pijs minùs placitura videantur.* Quo sanè loco, si aliquid ex ijs, quæ admitto, pietati repugnet, id prorsus deuoueo; vt quod imprudenti, neque repugnantiam intelligenti sese obtrudat; agnoscôque te summopere lenem, dum *nimiam potius facilitatem, quàm temeritatem, aut aliud quid dicis: quanquam quid tale hætenus, mihi acciderit, non peruideo.* Ad cætera, quæ merè sũnt naturalia, quod attinet; non nego quidem ea me philosophari libertate, vt non vni alicui Sectæ eruditorum, vt vocas, hærescam: sed si quid alij aut dicant, aut dicere posse videantur, quod magis probabile sit, id veluti magis probabile sequar: at quoniam solo veritatis amore ita comparor, non est, cur verear, *ne quid nimis.* Neque verò is sum, qui Platonis, Aristotelisque (aut si quos putas esse illis eruditiores) sannis mouear: ac præsertim, cùm ipsi me voce, factôque docuerint, *Rem sanctam esse, nihil habere studio veritatis antiquius.* Non sanè, quòd ego propterea sequi me



ipsam veritatem, tanquam à me certò arreptam, profitear: sed quòd omnibus exploratis, & sequutus id, quod similitudinem maiorem cum ipsa habere mihi visum est, tum videar mihi cumulatè eo defunctus officio, quod exigit ipsa eius reuerentia. Ex quo proinde fit, vt si illi quidem, quos eruditos intelligis, ipsam veritatem facerent apertam, nemo me citius non pedibus modò, sed manibus quoque, & corpore toto iret, prorueretque in eorum sententiam: verùm quia dum suis inhærent principiis, nihilo nobis veritatem reuelatiorem faciunt: quid displiceat, si à me aliæ, atque aliæ pulsentur fores? Aut nunquam enim veritas (intelligo veram, proximamque causam operum naturæ cuius occurrentium) innotescet hominibus, quod mihi penè persuasum est; aut non vna est via ad eius recessum hætenus incompertum, tentanda. Quod ad me spectat, agnosco satis nihil aliud me, quàm balbutire; longèque absum, vt ex meis nugis *famam* aliquam aut quæram, aut sperem; tuque es nimis bonus, dum supponis me aliquam adeptum, qui nullam promereor. Non sum verò tamen ita scrupulosus, quin exigentibus amicis, proptas aliquas faciam; ac eo fine potissimùm, vt eruditos excitem, ad quidpiam melius comminiscendum.

VI. Improbas primum quod dixerim, *esse incessum animalis præ saltatione naturalem*: sed non vis sanè, quantum opinor, litigare de nomine. Vides me circa motus rerum concretarum sic distinxisse, vt reputârim quemlibet motum aliqua ratione esse naturalem, aliqua ratione violentum: ac id proinde nec de Incessu,

nec de Saltatione fuisse negaturum; & fateris ipse, me postea aduertere quandam in Incessu violentiam ex assuetudine demonstraram. Vides aliunde me illeici loci nihil aliud requirere, quàm commodam quandam vsurpationem nominum, qua si quis aliam attulerit commodiorem, sim complexurus. Et quia is motus mihi est visus dici posse *naturalis*, qui aut sponte fit, aut sine repugnantia; is *violentus*, qui præter naturam, aut cum aliqua repugnantia: heinc est, cur *Incessum naturalem* dixerim, quatenus nempe sponte fit; & *Saltationem violentam*, quatenus quadam cum repugnantia. Non quod Incessus quoque non fiat cum repugnantia aliqua, propter ipsum pondus membrorum: aut Saltatio non fiat sponte, siue ab eodem principio interno, hoc est anima: sed quòd neque Incessus fiat cum sensibili adeò repugnantia, tantoque connixu ad eam superandam, vt Saltatio; neque Saltatio sit perinde spontanea, incogitatàque, ac ipse Incessus; vt proinde cum uterque motus aliqua ratione naturalis sit, aliqua ratione violentus; Incessus tamen magis naturalis sit, & Saltatio magis violenta; cùm & id probetur ex eo, quòd Incessus sit incomparabiliter æquabilior, durabilior, minusque fatigans, quàm ipsa Saltatio. Neque verò si ad eos ipsos, quos tu insinuas, eruditos prouocare lubuerit, non potero memet tueri Principis eorum autoritate, qui etiam in ijs, quæ à se mouentur, cuiusmodi sunt animalia, motus alios *quos natura*, alios *quos præter naturam*, pro varietate Positionum, modorumque, fieri agnoscit. Quod autem concludis *utrumque motum esse partim naturalem, partim*

*violentum: neutrum absolute naturalem, neutrum absolute violentum:* non ego sanè oppositum censui, aut ex ijs, quæ dixi, censere sum visus; tametsi censens illum præ isto esse maximè naturalem, istum præ illo maximè violentum, dixi videri illum mihi censeri posse naturalem, istum censeri posse violentum, vtrumque nempe καὶ ἄλλω.

VI. Idem porrò dicendum est circa id, quod miraris *de volutione globi supra planum.* Neque enim dixi illam esse absolute naturalem, quasi nullo modo ab alio fit: sed solùm comparatione motus, quo globus per aërem transadigitur, quique fit præsertim dicendus violentus. Scilicet globus, quā globus est, seu ex figura suæ natura, ad volutionem est comparatus, imò comparatissimus; volutionem, inquam, quæ peragitur non modò in loco, seu supra axem sustentantem, vt Aristoteles admittit: sed maximè etiam per locum, seu supra planum horizontale, quod & sustentat, & nihî resistit; cùm aliunde tamen ex eodem Aristotele, nullum sit corpus globo ineptius ad motum εἰς τὸ πρὸς ἀντρον, & qualis est eorum, quæ per se mouentur. Heinc proinde fit, vt de globo supra planum constituto liceat dicere, illum ad motum supra planum, seu ad volutionem ita propendere, vt minimo pulsu, ac veluti nutu talem motum subeat, ipsoque ita afficiatur vt depositurus illum nunquam sit, nisi planum defecerit, aut facta aliunde fuerit resistentia. Nisi verò ille motus non est dicendus maximè secundum mobilis naturam, qui semel inditus, sit ex se perpetuus, ac præterea æquabilis, vniusque tenoris? *At, inquis, natu-*

*alis non dicitur motus, nisi ab interno principio, ipsaque rei natura effectiue procedat. Sed quid-ni ille quoque dicitur, qui ab externo est, effectiueque ab alio est; si modo secundū mobilis naturā, ac dispositionem, non verò contra illam sit; & quasi fiat, quod dicitur, πρὸς δυνάμειν; instigare iam festinantem? Et nonne ipse fateris cum Aristotele motum rerum grauium esse naturalem, quem ille tamen vult ab externo, non ab interno esse principio? Et nonne proinde eius verba sunt, τὸ ἐπ' ἄλλου κινουμένων, τὰ μὴ φύσιν, τὰ δὲ φύσιν κινεῖσθαι; eorum, quæ ab alio mouentur, alia quidem naturā, alia verò præter naturam moueri? Ac aduertit quidem, imò expressè dixi, alias globi parteis deorsum tendere, alias sursum: sed & hoc ipsum est, quod facere censui ad æquabilitatem motus; vt dum globus non ampliùs sursum, quàm deorsum, nec deorsum, quàm sursum fertur, motus interim absque vlla aut acceleratione, aut retardatione perseueret. Quod interferis verò de corporum celestium motu, quasi dicendum consequenter fuerit, moueri eorum singula à singulis suis formis, seu naturis; id licet recipiam, non video ecquidnam incommodi sit: cū & graues Doctores sint, qui motrices illas Aristotelis Intelligentias respuant; & Aristoteles ipse, non modò fateatur moueri cælum à seipso, scilicet tanquam ἐμψυχόν animatum, atque aded habens in se motus sui principium: sed etiam contendat Separatam substantiam non mouere cælum vt Efficientem, sed vt Finem, ac instar rei, quæ appetitur, ὡς ὀρεχτὸν, quod nunc dicimus μετὰ φερούς mouere. Atque id quidem, vt præteream, commodius*



longè esse videri, si, quod est dictum de motu perpetuo globi supra planum ex facto semel vno impulsu, asserat quis cælum continuò, æquabiliterque moueri, quia in sui à Deo creatione eam impulsione accēperit, qua cœptus tunc motus etiam-num perduret.

*Incredibilem fore motus corporum decidentium segnitiam, si  
ut incipit, ita pergeret: & Non solum accelerationem,  
sed ipsum quoque initium motus esse à principio  
externo.*

VIII. Dicis postea, fore, ut mihi Eruditi omnes concedant accelerationem esse violentam, si illam, ut quid superueniens, mente secernamus ab ipso descensu. Non est porro cur dubites, quin ipse quoque mente secernam motum illum simplicem, quo lapis fertur deorsum, quemque tu descensum appellas, ab omnibus, qui superueniunt, gradibus accelerationis. Quippe id abunde expressi, cum dixi eum motum, seclusa acceleratione, fore ex se aquabilem, sed imperceptibilem tamen, ob incredibilem segnitiam. Non est proinde etiam, cur hæreas, quin illum esse naturalem, & sine relictatione agnoscam; quippe qui eum faciam, quantum est ex se, æquabilem, perpetuum, ac talem, qui sit imprimendus etiam lapidi existenti in vacuo, vbi mobile nullam habet ad motum repugnantiam, quocumque versum tandem agatur: verum quòd eiusmodi motus censerī naturalis possit, non idcirco censeo casum lapidis habendum esse naturalem. Quoniam tametsi talis motus in hoc casu interueniat, euanesceit tamen, siue nullus est, respectu accelerationis,

quæ

quæ ipsi superuenit, quæque vtramque paginam facit;  
& quam ipse quoque fateris violentam. Atque vt perf-  
picuè appareat cuius momenti sit ille motus, siue, vt  
tu vocas, descensus, ab acceleratione secretus, & cum  
ipsa tamen comparatus; age Experiamur, &, exempli  
gratiâ, altitudinem accipiamus non immanem aliquâ,  
sed qualem solum vulgò vsurpant inter tabulatum, &  
laquear, duarum videlicet orgyiarum. Huiusmodi est  
altitudo, quam lapis decidens peruadit vno minuto  
horæ secundo. Cùm acceleratio verò sit intra hoc  
tempus, & à primo vsque momento continua, intelli-  
gamus id tempus diuidi in tertia, quarta, quinta, &  
porrò ad vsque horæ decima; vt licet vnum decimum  
subdiuidi vltcriùs possit in vndecima, duodecima, &, vt  
volunt, in infinitum, in decimo tamen vno consista-  
mus, tanquam minimo temporis, seu primo momen-  
to, quo lapis ita decedit, decidere ve incipit, vt à statim  
superuentura acceleratione sit liber. Erunt proin-  
de in vno minuto horæ secundo minuta decima  
167961600000000. Quoniam autem lapis totis istis  
decimis successiue fluentibus percurrit successiue spa-  
tium duarum orgyiarum, illiusve particulas; idèò cùm  
iuxta memoratam, obseruatamque proportionem, spa-  
tia sint inter se vt quadrata temporum, intelligi oport-  
tebit distingui spatij particulas 3821109907456  
0000000000000000. Exinde verò fiet, vt cùm pri-  
mo momento lapis non percurrat nisi vnâ huiusmo-  
di particularum, necesse sit, vt acceleratione seclusa, &  
non percurrendo quolibet consequentium momento-  
rum, plusquàm vnâ particulam, totidem assignentur

decima minuta, seu momenta primo æqualia, quorū sunt particulæ spatij memoratæ. Reducamus itaque huiusmodi decima minuta in prima, in horas, in dies, in annos; procreabuntur certè anni Iuliani, seu quales nobis vsui sunt 5322381, cum vno ferè anno prætereà. Igitur hic erit numerus annorum, quo demùm exacto lapis ex laqueari ad tabulatum perueniet. Heinc, si inter varianteis Chronologorum opiniones, supponamus Mundum fuisse conditum à sex mille annis; vides, vt si lapis ab initio Mundi occœpisset cadere, nondum cecidisset temporibus nostris vna septima parte digiti; vtque oporteret ad perficiendū motū durare adhuc Mundū plusquā octingenteis, octogies, & septies, quàm durauerit hactenus. Quæso te ergo cuius sit pretij huiusmodi motus, quo intra sex annorū millia percurrere non possit pars septima digiti, respectu accelerationis, qua vno horæ secundo percurruntur digiti centum quadraginta quatuor? Quid verò, si acciperemus pro momento primo non momentum horæ decimū, sed centesimū, sed millesimū; quàm multæ myriades durationum Mundi necessariæ forent, priusquàm illo motu digitus vnus peruaderetur? Sed ne eò vsque rem deducam, quæso te solū, tametsi is motus concedatur & naturalis, & à principio intrinsecò; cū insensibilis tamen sit non modò intra vnum minutum secundum, sed etiam intra centum annos, quibus totis apparere non possit centesima parte digiti promotior: quæso te, inquam, an-non casus lapidis valeat potius denominari ab acceleratione violentus, quàm ab illo naturalis; cū quicquid sensibile habet, ab acceleratione obtineat.

Heinc igitur, quando ais, fore, *ut mihi eruditi omnes accelerationem violentam concedant, non verò descensum; nisi hunc ab eius acceleratione mente, ut dictum est, seiunctum à principio externo, & contra naturæ inclinationem procedere evidentiùs ostendam.* Vides primò non esse opus, ut ostendam descensum fieri contra naturæ inclinationem, qui existimo illum fieri sine naturæ reluctatione. Deinde satis mihi tribui, cùm acceleratio esse violenta conceditur; quippe motus solus, qui est ab acceleratione, siue à causa accelerante, sensibilis est, atque adeò solus, de quo consentaneum sit requirere, naturalisne sit, an violentus; cùm alioquin motum, seu descensum illum residuum, qui per sæcula integra fieri non possit sensibilis, nemo perinde sit curaturus. Tertiò requisivisse me illum, ut esset principium, à quo acceleratio inciperet, fieretque radix proportionis, qua acceleratio increfcit. Quòd autem illum esse putàrim ab externo principio, causa fuit imprimis, quia animadvert, si Deus vacuum fecerit locum intra regionem aëris, in quem nihil prorsùs neque ex aëre, neque ex Terra, neque aliunde penetret, ac lapis in eius medio collocetur, futurum non esse, cur lapis versus vllam partem moueatur, magis quàm motus fuisset, si illum Deus in eodem loco ante conditum Mundum constituisset, aut mouendus esset, si deinceps totus circa eum Mundus destrueretur. Nempe, quia nihil penitùs cum toto Mundo communicaret, perinde illi penitùs foret, seu esset, seu non esset Mundus. Et quia aliunde animadverti futurum, ut si Deus circum creârit, restitueritve aërem, lapis tum moueatur, feraturque versus Terram, potius



quàm versus aliam regionem; ideo ratiocinatus sum huiusmodi motus principium esse debere vel in aëre, à quo quam-primùm lapis fuerit contactus, cœperit moueri; vel in Terra, versus quam, non aliò institutus motus fuerit; non verò in lapide ipso, qui quandiù solus fuerit, nihilque externum ad ipsum appulerit, ipsumve contigerit, eo motu caruerit. Rursus autem, quia animaduerti, si nihil vsquàm rerum esset, præter aërem, ac in aëre lapidem, non fore cur lapis in hanc potius partem, quàm in aliam quamlibet ferretur; idcirco conclusi, cum lapis cœperit versus Terrâ ferri, debere saltem primam motus causam ab ipsa Terra procedere; vnde & attracticem vim in ipsa Terra esse concessi. Et quòd talis vis esse non possit procùl actiuosa, propè otiosa; ideo ex illius actione continente in lapidem, collegi esse necessarium inualescere impetum, seu accelerari in lapide motum. Quoniam verò peruidere sum visus ex sola hac attractione non posse explicari proportionem eiusce accelerationis; & aliunde reputaui aërem, tametsi non possit fieri causa initij motus, posse nihilominus motum semel cœptum iuuare, ac veluti prouehere idcirco illum quoque adhibui, & ex eius vi impulsiva cum attractrice terræ coniuncta composui causam proportionis integram, quo legisti modo. Hæc repeto autem, vt tibi insinuem, quamobrem non modò accelerationem, sed ipsum quoque motum, siue primum initium motus, qui à te dicitur descensus, esse à principio externo censuerim.

X. Ratio aliunde mihi fuit, quòd nihil videretur magis consentaneum, quàm motum foueri, incremen-

umque accipere à causa, à qua fuerit eius initium; & vice versa habere initium ab eadem causa, à qua fomentum, incrementumque acceperit. Quippe obseruauimus naturam sic in cæteris comparatam, ut qua ratione progressum parat, eadem exordium faciat; ac habui plane incongruum tam imbecillum facere internum rei principium, ut motum incipiat, qui per tot annorum myriadas sit insensibilis futurus, indigeatque semper externo motore, qui acceleret, ac perficiat, & vno quidem propere momento. Hinc verò est, cur, ut dum aqua igni admota incalescit, non quærimus causam intensificationis, seu graduū caloris superadditorum, in igne, & causam primi gradus in aqua; sed tam primum gradum, quam cæteros ad solum ignem referimus: ita dum lapis inualescit, acceleraturve in motu, non videatur accelerationis, siue partium motus requirenda causa externa; & initij, seu primæ illius particulæ motus, interna, hoc est in ipso lapide: sed tam pars prima, quam cæteræ referendæ videantur ad externam causam. Vsurpo autem aquam in exemplum; quoniam ut illa ex se calore destituitur, sic lapis ex se caret motu, quemadmodum intelligitur exposito casu, quòd in vacuo, ac non existente præsertim Mundo, constitutus sit; secus profectò, ac animal, quod habet in se sui motus principium. Quosane loco non parum suspexi Aristotelem, cum censuit corpus graue moueri deorsum *non à se, sed ab alio*, ac inter cæteras rationes, ob quas impossibile duxit, ἀδυνάτον ὅ, fieri talem motum à principio intrinseco, illam attulit, quod graue alioquin foret animatum; cum à se moueri animatorum proprium sit,

Ζωτικόν τι ὃ τῆς, καὶ τῆς ἐμφύτου ἰδίου. Neque verò aut non habebis Aristotelem inter eruditos; aut dices illum fuisse de sola acceleratione loquutum; aut probabis sic distinxisse, ut omninò censuerit non esse descensum à principio externo. An ille satis commodè causam externam assignarit, non est cur hoc loco discutiam; abundè est, si ipse quoque, dum causam externam constituo, illum non modò non refragantem, sed suffragantem etiam habeam. Nam quando cæteri quidem eruditi declarauerint, quænam alia sit accelerationis, proportionisque illius causa; & eandem causam, quæ motum acceleret, non facere illi initium, exigique omninò aliam, esseque illam intrinsicam; tunc erit sanè cur diffidam non meis modò nugamentis, sed placitis etiam tanti Coryphæi.

*Terram gravia attrahere; Quid illi contingeret, si ver-  
sus Lunam dimoueretur; Quid lapidi, si intra fornitem,  
ad centrum Terræ, constitueretur.*

XI. Causæ deinde, me multa mouere, ut gravia non à propria natura, sed à Terra diffusis circumquæque corpusculis illecta, atque etiam illigata deorsum trahi persuadeam. Sed facio nimirum, Vir doctissime, ac religiosissime, quòd dum in peruestigatione causarum naturalium versor, nusquam non caligo mihi offundatur; atque idcirco tanquam incedens in densissimis tenebris, nihil non palpitum, nihil non moueam, nullam non tentem semitam, si fortè in aliquam speciem vel tenuissimæ luculæ emergam. Dicis te non intelligere quomodò ea

*sint à me seriò scripta: sed potui non seria seriò scribere; hoc est non ioco, sed vt eruditi, quæ magis seria habuerint, doceant. Neque enim est, cur existimes istis me nugis ita hære, vt ipsas quasi veritatem ipsissimam habeam, aut colam; sed cum totus Mundus sit nugarum plenus, & videre videar nugæ quoque esse, quæ vulgò habentur seria maximè; superesse existimo, vt eas nugæ deligam, quæ esse minùs nugæ videantur. Quæris, *Ecquid nam proferam, cur non possint graua deorsum moueri naturâ?* Sed protuli primùm illud argumentum, quod mox antè repetij. Deinde, vnde colligis inficiari me moueri lapidem naturâ? Quippe & moueri illum censeo non reluctante interna natura; & quam externam adhibeo, tum natura est, tum ex instituto naturæ. Ad hæc, non ignoras, quàm nihil sit necesse Philosophiam excolere, si ad grauiores difficultates dicere sufficiat aliquid moueri, aut fieri naturâ. Non quòd eò tandem, quæ humana est imbecillitas, perueniendum non sit; sed quòd dum nobis non datur vltra, aliquòd tenus prodire sit. Rursùs, dum natura interna mouet, agitve aliquid, id nisi certis organis, agendi que modo speciali non præstat: an verò quis modus is sit, quæ hæc organa, docent nos ipsi Eruditi? In descensu quidem rerum grauium dicunt grauitatem esse organum, & modum agendi expressionem grauitatis: sed amabo te, quid hæc grauitas? Et quid nam præstat lapidi constituto in vacuo? Et, quorsùm concipitur tanta in ingenti lapide; cum seclusa tamen caussa externa accelerante, & violenta, incapax sit, quæ per centum annos moueat deorsùm lapidem per vnus digiti*



centessimam partem? Et, cur grauitas eò maior sit, quâ lapis sit acceleratio? Et, quâ fieri potest, vt grauita dicatur esse organum internæ naturæ, ac effectiuum motus deorsum: cùm grauitas tota, & motus totus obseruabilis procedat à causâ externa? Heinc dum requiris, *quid absurdum, impossibileve ea in re agnoscam*. Sanè vel hoc vnum dixisse, inculcasse-ve potius, est satis. *Tellus ipsa, inquis, si loco tantisper dimoueatur, vt in vehementioribus eius commotionibus, à qua alia Tellure à pristinum locum retrahitur?* Sed ego, quidem nondum accepi Terram vsquam sic contremuisse, seu vehementem ad eò illius commotionem fuisse, vt mota loco tota fuerit (nisi fortè tremorem illum, qui contigit Christum patiente, sed præter naturæ tamen ordinem, intellexeris tuque ipse statim post dicis *illam sic affectare suum locum, nullis còcussa motibus ab eo dimoueri valeat*. Quare cùm omnes Terræ tremores particulares esse videantur; quæ Terræ vis retrahit glebas, retrahet etiam maiores parteis, quæ aliqua vehementiore successione fuerint commotæ.

XII. Quæris consequenter, *si Tellus diuina, aut Angelica vi à propria sede dimota versus Lunam aliquem milliaribus attolleretur; illeic-ne sponte naturæ consteret, an ad pristinum potius locum reuerteretur?* Non vis tu heic sanè fieri controuersiam de loco Telluris in Mundo, quod ad motum, quietemve spectat: quas & Responzionem prætereo, quæ fieri posset iuxta illos qui moueri Terram contendunt, quique speciatim dicerent motus illos Terra tremantis, maris aestuantis, aëris ventive restantis, de quibus loqueris, absorberi prorsum à rapida illa circumuolutione; esseque penitus ad illam

à sua semita exturbandam inefficaceis. Dico ergo potius probabile esse, fore, ut eo casu Tellus quiescat, ubi-  
cumque Deus, Angelusve constituerit ipsam. Scilicet concipio quicquid est spatiorum non modò intra circuitum Lunæ, sed etiam intra ambitum, concamerationemve siue Firmamenti, siue etiam Mundi, esse liberum, ac saltem quod spectat ad totam regionem Planetariam, nullam dari soliditatem earum, quæ creduntur, Sphærarum cælestium. Sunt certè tum rationes aliæ, tum maximè Phases illæ Veneris, quæ ipsam nunc ultra, nunc citra Solem esse conuincunt. Et posset quidem totum hoc spatium intra Mundi ambitum concipi inane, nisi quæ globi Siderum, ac Telluris sunt, & quatenus radij siderum variè transmittuntur: sed largiri placet quam vulgò Ætheream auram nuncupant; substantiam nempe tenuissimam, & aëre hoc nostro incomparabiliter subtiliorem, quæ pari modo diffusa sit, totumque spatium occupet, nisi quæ ijdem globi sunt; etiam Telluris, cuius aër, & aqua sunt tenuiores, fluidiores, ac exteriores solû partes. Concipio aliunde, quod legisti fusiùs deductum in Epistolis, non Tellurem magis, quàm Siderum vllum, esse ex se grauem, aut leuem: sed grauitatem, ac leuitatem esse affectiones partium proprias, quatenus partes sunt, & à suo toto distrahi quadam tenus possunt: quo eodem modo partes Lunæ, & cuiusvis Mundani globi esse possunt graues, aut leues absque grauitate, aut leuitate totius. Quare & posse quidem dici esse aliquid superius, & inferius, sursum, & deorsum, respectu partium cuiusque globi, & comparatè ad animal, cuius illæ, &

aliæ sint positionum diuersitates; at verò respectu totorum ipsorum globorum, & secluso animalis situ, à quo nihil præter relationem, denominationemve extrinsecam habent, nihil esse reuerā superius, aut inferius, sursùm, aut deorsùm. Et secus quidem Aristoteles; sed non secus Plato, qui cùm agnoscat esse in Mundo extremum, & medium; contendit tamen non ideò debere aut extremum supremum, aut medium infimum censerī. Heinc proinde dico, & vnumquemque Siderum globum in ea parte Mundani spatij, quam Deus ab initio ipsi præscripsit, circumgyrari, & globum Telluris in ea parte Mundani spatij quiescere, in qua Deus ipsum initio constituit. Rem ita esse intelligo, vt si quis plureis apparet globos ex ea materia, quæ sub pari mole, siue ambitu tantum ponderet, quantum aqua, & ipsos in aqua quiescente constituat. Quilibet enim eorum globorum, vbicumque fuerit constitutus, ibi conquiescet; & neque ex summo imum petet, neque ex imo summum; neque ex vtrius extremi medium; neque ex medio vtrumvis extremum; neque ex medio, extrême locum interceptum; neque ex loco intercepto medium, aut extremum. Et si fingas Dædalum, Architam, aut alium artificem adeò ingeniosum, vt vno eorum alicubi intra aquam constituto efficere possit alios *αὐτομάτως*, seu varios illis circa ipsum obeundos motus indere; ij globi peragent suos motus quamcumque ad partem instituti fuerint: nempe seu prope superficiem, seu prope fundum; seu sub medium, seu prope medium, seu procū à medio: scilicet tam ille, quàm isti, ob ipsam

tum aqua *tropici*, seu, vt cum Cicerone dicam, *aequilibratam*, neque graues erunt, vt subsidant, neque leues, vt auolent.

XIII. Subinde ergo comparo cum immoto globo Tellurem, cum circum-ductis Sidera; & dico, sicut globus ille emoueri potest à loco, in quo est, & promoueri versus alium; sic posse ipsam quoque Tellurem emoueri à loco, in quo est, & promoueri versus Lunam; addoque, vt globus ille in quocumque alio aquæ loco reponatur, in eo pari modo quiescet, neque priorem repetet: sic & Tellurem, in quocumque loco constituta fuerit, in eo mansuram, nec pristinum repetituram. Et dicis tu quidem *attolli*, quod ego heic simpliciter dico *emoueri*: sed nimirum, quia concipis infimum esse in Mundo locum, & Terram ipsum occupare: cum superum tamen, & inferum comparatè solum ad nos, & respectu globi, quem inhabitamus, videatur esse accipiendum. Ex hoc certè intelligo, translatâ Terrâ versus Lunam ad Antipodas existentem, nos non propterea auoluturos in derelictum à Terra locum; vt neque etiam Antipodas, translatâ Terra versus Lunam factam nobis ad verticem: sed & illos, & nos perinde in eadem antiqua sede versaturos, tanquam simul translato Terræ centro, respectu cuius, & comparatè ad situm capitis, pedumque nostrorum, censebimur semper ascendere, & descendere, siue locum sursum, deorsumque habere; non autem simpliciter respectu loci, in quo Terra aut erit, aut fuerit, & qui seu centrum Mundi sit, seu non sit, nihil ad ascensum, aut descensum facit. Prætereo autem nullum esse argumentum



idoneum, quo Terra esse in centro Mundi, potiusquā  
extra comprobetur; & vel ipsum motum Planetarum  
excentricum videri planè conuincere non esse Terram  
constitutam in centro spatiorum, motuūque cæle-  
stium. Nam probare quidem Firmamenti, superio-  
risve cæli motum concentricum esse, potiusquā ex-  
centricum, ingenij humani viribus est maius. Ac noui  
quidem quas rationes Aristoteles, Ptolomæus, & alij  
proferunt: sed nihil est necesse heic ostendere, quā  
illæ sint inefficaces. Dum igitur quæris, *An Terra illeic  
consisteret?* Constitutam respondeo. Et, dum præoc-  
cupas, *Qua ratione inductus?* Ecce eam iam habes. Præ-  
occupas quoque, cur ita nunc suum locum affectet, vt  
nullis concussa motibus ab eo dimoueri valeat? Sed  
affectat, quia nutui Conditoris obsequitur; & in sta-  
tione collocata, eam non deferit, sed tuetur. Non va-  
let autem dimoueri vllis concussa motibus; quia om-  
nes, quos supponis, motus partium ipsius propriarum,  
cohærentiumque sunt, neque illam secundum se totam  
mouere loco magis possunt, quā animal totum Pul-  
satio vnius arteriæ. Et sunt alicubi magni Terræ-  
motus; ij tamen ad Terræ molem comparati, tale  
quid vix sunt, qualis est in nobis pulsatio arteriæ vege-  
tior, si quā in nobis pustula cum apostemate intumes-  
cit. Addendum est porrò, cū Mundi sapientissi-  
mus Artifex omneis eius parteis ita constituerit, vt nullo  
esse loco, aut situ inter se commodiore possint: idcir-  
cò si contendas Terram suum locum repetituram, vt  
in quo magis congruè Vniuersi respectu sit; fore, vt il-  
lum repetat, non tam propria vi, seu grauitate insita,

quàm à cæteris partibus, quarum proprium locum occupârit, compulsa; eo modo, quo trabs, si deprimatur in fundum maris, superficiem repetet, non sanè vi propria, seu leuitate ingenita: sed compulsa ab aqua, cuius occupauerit locum.

XIV. Quod spectat ad aliam fictionem, secundum quam me interrogas, *Quid euenturum putem, si in ipso Terræ meditullio concamerata cauerna fiat, & aqua, aëre ve oppleatur: lapis verò constituatur, non in eius, Terraque centro, sed loco inter centrum, & fornicem medio?* Dico breuiter, probabile esse, vt si Terra sit quasi Magnes, tractorios radios quoquo versum, ac in illam etiam cauernam diffundens; fore vt lapis attrahatur versus eam fornicis partem, è qua ad ipsum radij plures, vnitioresque peruenerint; & si supponas peruenire ex æquo, ac vndelibet, fore, vt illeic inter æquas vndique vitreis contineatur, eo modo, quo fabula est Moham-medis sepulcrum suspendi. Sed, si lapidem quidem attrahi contingat ad proximum fornicem, *Cur igitur, inquis, per puteum dimissus lapis à viciniore item Terra ille-ctus, attractusque ad putei latera non adhærescit?* Causa est, quia plures, vnitioresque radij è maiore Terræ mole, quæ est versus centrum, concurrunt in lapidem, quàm ad eum accurrant ex ipsis putei lateribus. Sed ipsamet Terra, inquis, *rupto fornice ad centrum descenderet, leuioraque inde corpora expelleret?* Verum, nisi fortè supponas quæ vi excauatus fornix fuerit, eadem postea ipsum abrumpi; ego quidem non video, quæ id ratione dicere possis; qui ne video quidem tot subterraneos fornicis rumpi, vt aqua, aut aër inde abigantur, & quæ

Terræ partes remotiores à centro sunt, propius versùs ipsum ferantur. Subdis, *Putas enim disrupto fornice, totâque si placet, Terrâ in arenulas redactâ, eam non confluxuram ad centrum?* Ego quidem non puto, qui putare non possunt monteis, aliaque Terræ loca disrumpi, inque arenulas redigi, vt compleant suppositas specus, cryptasque aut aqua, aut aëre plenas: idque, nisi fortè, vt dixi, supponas eandem vim deterere Terram in arenulas, quæ excauârît forniciem; quo casu, quæ esset in arenulis superstes magnetica vis sic eas mutuò pelliceret, vt & in crypten confluerent, & aquam, aëremve inde abigerent; si modò supposueris quoque rimas, exitumve patere. Pergis adhûc, *confluerent sanè, & quidem non ab alio corpore attracta, sed sponte natura, & à principio interno, atque imato.* Verumtamen confluere possent attractæ à se inuicem, vt & iam confluunt ferri ramenta, quæ magneticam combiberunt vim. Concludis, *Cur de cæteris igitur grauibz idem simili ratione non dicatur?* Dico, quia fiunt in cæteris sensibilia experimenta, ex quibus liceat aliquid verisimilius coniectari.

*Et Magnetem ferrum, & Terram graua trahere per insensilia organula; & Cur attractio prope Terram non sit sensibilibior, quam procùl.*

XV. Insectaris deinde Magneticam illam, seu attractricem Terræ vim; opinariisq; me ridere in sinu, dum inuisibileis vncinos, harpagones, chelas, funeisque tensores, & tractorios fingo. Sed quod me quidem attinet, non diuendo sanè hæc meas commentationes, seu vt antè

dicebam, nugas, ut quidpiam germanum, ac indubium; at simplicius ago, quam ut rideam; quippe me potius miseret naturæ imbecillitatis, cum nihil habeam præclarius, quo meam, aut alterius sciendi aviditatem pascam. Obiicis, non esse, cur magneticam ferri vulgò dictam attractionem in exemplum adducam; quòd Magnes, & ferrum non fictis illis meis harpagonibus, aut innuisibilibus catenis, quasi vi adducta; sed utrumque sponte naturæ incitata in mutuos amplexus accurrant. Id verò sanè per-eleganter; sed quid mihi facias, qui sim ita hebes, ut vim vocibus subiectam non capiam. Dicis utrumque accurrere in mutuos amplexus: sed hoc totum effectus est, de cuius causâ ambigitur. Causam ergo interiiicis, quia sponte naturæ incitantur. At cum hæc videatur esse generalis, inartificialisque Responsio, quæ ad omnia utimur, quorum causas ignoramus; non video profectò, quò tu, Vir acutissimus, collincees. Quippe velle te dicere nihil aliud, quam quod est vulgò in ore omnium, quia talis est rei natura; quia id sponte naturæ fit; quia hoc natura ipsa scit, cæteraque huiusmodi; mihi in animum non induco. Hæc certè est causâ, cur dixerim antè valere iubendam omnem Philosophiam, ac omnem præsertim causarum naturalium inuestigandarum deponendam curam; si huiusmodi Responsio videatur posse sufficere. Ac est quidem eò denique, ut etiam dixi, perueniendum: sed sunt interim tamen varij gradus causarum instrumentariarum, de quibus cum dicere non liceat quemadmodum à natura, ut à principali causâ usurpentur; aut cur, quomodo ve ad naturæ, addictæque ipsi naturæ; licet tamen requirere



quānam illæ sint: ac vel Physica vniuersa inutilis est, vel in ipsis explorandis, sicubi fortè secundum gradus aliquos occurrant, incumbere debet. Et cum videamus sanè alios esse alijs sagaciores, ipsaque naturæ arcana (arcana profecto) studiosius rimanteis; tametsi detur nemini penetrare in adyta; fatendum est tamen, cum omnes in vestibulo hæserint, fieri in ipso vestibulo alios alijs promotiores.

XVI. Iam, cum dicis *utrumque sponte natura incitari*: quānam ratione concipis fieri huiusmodi incitationem? An non, ut fiat incitatio, esse alia pars incitans, & alia incitata debet? Idem certè mouere seipsum, nisi parteis habeat mouentem, & motam, cum iis, quos tu vocas Eruditos, aduersatur; tum communi etiam notioni repugnat, cui Aristoteles inhærens, impossibile esse censet, ut id seipsum moueat, quod est *συνεχὲς*, *continuum* seu *vnusmodi*, *rigidum*, *inarticulatum*. Nonne verò sunt huius generis tam Magnes, quàm Ferrum? De altero ergo ut solum loquamur, quānam in Ferro pars incitans? Et quid illam mouet ut incitet aliam? Et, quonam motus genere illam incitat? Pulsu-ne, an tractu, an alio? Ac si poneres quidem speciem animæ: posset illa fortassis vti interno quodam spiritu ad cindendum reliquam massam: sed tu animam nempe improbas. Quonam ergo modo potest concipi incitare seipsum Ferrum, ut accurrat, ascendat, descendat, viam flectat, prout illi magnes appositus fuerit? Facit *sponte*, inquis: ego de voce ne contestor; sed ea saltem maius, ampliusque aliquid designat, quàm *non repugnantiam*; & cum excludat principium extrinsecum, intrinsecum connotat,

connotat, quod agat, quod premat, quod instet, quod pellat, & aliud vtique, quàm seipsum: nisi fortè ex accidenti. Id ergo quæritur, quod nam sit: & cum sit quid à massa tota indistinctum, nèque vt in membris animalium sit, commissurâ vllâ dearticulatum, quomodo moueri ipsummet occipiat (quippe nihil; si sit immotum, mouere potest Physicè) quomodo moueat aliud? quomodo totam incitet massam? Dices quidem fortè, illud esse formam, quæ vt seipsâ vnitur materiæ, ita seipsâ, absque vllò intercedente organo mouere possit materiam; vnde & totius massa, seu Ferri consequatur motus: verùm vtcumque heinc explicetur motus Ferri, quâ graue est, & deorsum tendit; illi tamen motus, flexusque in quamcumque partem fuerit Magnes appositus, non videntur posse intelligi ex sola applicatione formæ ad materiam, nisi & illa anima sit, & tum vireis, tum articulos flexanimis habeat, vt quædam variorum motuum organa; quæ nulla tamen deprehenduntur. Sed hæc vt præteream; cum videamus Ferrum non ex quacumque distantia in amplexum Magnetis accurrere, sed accurrere solum, v. c. ab vno palmo; quo modo vis intelligamus incitari ferrum ponte naturæ in distantia palmi, non in distantia cubiti? An in distantia cubiti suæ spontis non est? An natura caret? An lusciosum est, neque potest Magnetem agnoscere, nisi intra distantiam palmi? Rides vncinos, harpagones, chelas, similiave organula, quæ ego opinor ex magnete emitti, quibusque in palmi distantia confertioribus, atque adeò validioribus, quàm ad distantiam cubiti existimo illeinc, non heinc pertrahi ad

Magnetem ferrum; Tu, qui nihil tale transmitti vis, quoniam modo fieri hanc incitationem, cum tanto propinqui, & remoti delectu capis? Et homo quidem ad hominis amplexum sese incitat, quia est animatus, quia videt illum, quia specie ab illo recepta agnoscit: at in Ferro nihil tale habes; cum videaris tamen in ipso præclarius quidpiam agnoscere, quàm simplex quædam cognitio sit, videlicet Diuinationem. Etenim necesse est prorsus diuinare Ferrum, quando Magnes propè, quando procù sit, vt. vireis metiatur, ac deligere valeat, è quàm distantia in ipsum infiliat.

XVII. An dices Magnetem emittere ex se non corpuscula quidem aliqua, quæ sint quasi vncinuli, chordulæ tractoriæ, &c. sed vim, seu qualitatem quandam, quæ sit merum accidens, quæque vbi ad Ferrum peruenerit, tum ipsum Ferrum veluti sentiat, seseque ipsum excitet ad accurrendum versus Magnetem? Si dicas, admittes profectò in Ferro sensum aliquem, & aliud quidpiam exiges, quàm spontaneam incitationem; causam nimirum extrinsecam, à qua principium internum moueatur, & quæ proinde motus Ferri primum dici principium debeat. Sed & de ista qualitate, seu virtute accidentaria, quanta difficultatum seges? Seu enim solitaria, & absque subiecto moueatur per spatium; seu de subiecto in subiectum per varia parteis aëris, alteriusve corporis migret; seu propagatione, hoc est, corruptione vnius, & productione alterius successiuè facta in palmaris spatij infinitis punctis (aut particulis maius) innouetur: agnoscis quàm multa absurda sequantur: & utcūque tandem istan

qualitatem peruenire ad Ferrum detur; ecquis-nam modum energiae illius exprimere valeat? Et, cum non dicas Ferri molem ab ea pertrahi; qua ratione tamen, corpus cum non sit, tangere Ferri corpus potest? Nam tangi quidem Ferrum ab aëre, corporeve alio, in quo ipsa qualitas sit, id fiebat iam ante: & corpus huiusce-modi non fit illius organum, neque ab illa afficitur, moueturve, vt coagat, nouoque modo Ferrum contingat, ac ipsum veluti admoneat. Sed &, cum contactus nudus fuerit; quonam modo exinde fiet spontanea illa incitatio? Certè, vt iam dictis hoc addam, vbi Ferrum suppositum ad imminensem Magnetem fertur, non videtur concipi posse qua ratione se euehat, & non à Magnete trahatur. Nam animal quidem excitare sese ad contendendum sursùm potest; quoniam ob membrorum articulationem potest Terram premere, à qua resistente velut reflectatur, vt fiat resilitio; at Ferrum tale nihil facit, imò nec potest facere: quare & hoc ipsum argumento est, quòd non sui concitatione, sed Magnetis tractione abripiatur sursùm. Et suspendatur manibus homo, suspendatur Ferrum, ita vt vtrique sit solus aër suppositus: non saliet sanè sursum homo, neque ad amicum super-exstantem accurret, nisi amicus eum traxerit: quòd possit iure potiore Ferrum ad super-exstantem Magnetem, nisi traxent ipsum Magnes? An suæ spontis magis est, potestque magis agere sponte? An cum homo pedibus pulset, prematque frustra aërem, Ferrum id præstat appositè magis? Si non capiamus igitur quomodò seu homo, seu Ferrum incitare possit seipsum, & Ferrum certè magis, quàm homo,



defectu firmitudinis, resistentiæque in aëre, propter innixum, sine quo non videtur fieri posse incitatio: quid est, cur, vt homo, dum sursum effertur, arguit esse à quo trahatur, non sic Ferrum arguat, dum sursum effertur? Ac dum homo quidem trahitur ab homine, communis est notio, debere id fieri aut manu demissa, aut horda, aut vncino, aut alio simili instrumento: cur & dum Ferrum à Magnete; putemus id fieri absque organo vllò intercepto?

XVIII. Sugillas, quòd hæc organa dicuntur à me *insensilia*. Sed nempe, si sensilia essent, in ijs disquirendis non laboraremus. Quod insensilia verò dicantur, non idcò tamen nulla sunt; magisquam nulli non sunt vitales, animalesque spiritus, qui licet insensiles sint, causæ sunt tamen tot motuum, quos in animalibus obseruamus. Sed nihil sanè necesse est inductionem texam innumerarum rerum insensilium, oculisve imperceptarum, quas tamen & dari, & vehementibus motibus præditas esse ambigat nemo. Nihil etiam necesse est, vt argumenta congeram, quibus huiusmodi res contexti ex corpusculis insensibilibus quidem, sed præditis nihilominus specialibus figuris, probem. Nihil prætereà, vt vrgeam ex attractionis effectu argui, organa illa insensilia debere analogia esse, aut simile quidpiam habere cum ijs, quibus attractiones sensibiliùs fiunt; quòd à sensibilibus ad insensibiliora procedendo seruari videamus analogiam: quòdque mens humana non capiat attractionem fieri, & ratione quadam cum his sensibilibus analogia non fieri. Nihil, inquam, necesse est, vt hæc, & similia quædam

prosequar, quando tu ea rides, & iure fortassis; sed non ea ratione, quæ sit mihi facta perspicua. Dicis, *si vincula insensilia sunt, non esse cur timeam Magnetem sentiri à Ferro.* At tu ludere, opinor, non vis ab æquiuvoco: quasi ego heic aliud appellem insensibile, quàm quod præ sui exilitate eiusmodi est, ut nec videri oculis, nec palpari manibus possit? Hoc certè modo ipsas quoque, quas vocant species intentionales, insensibiles dicimus; quatenus adeò subtiles sunt, ut videri ipsæ ab oculo nequeant. Vnde & sicut istæ species, licet alioquin insensiles, oculum tamen donec est animatus, ita afficiunt, ut per ipsas oculus videat, sentiat, percipiat ipsa objecta: sic respondere posset Thales, si Ferrum quidem animatum sit, quantumvis ea vincula sint ipsi ferro insensibilia, ita tamen Ferrum ab iis affici, ut per ipsa sentiat, percipiatque Magnetem. Verba tua deinde sunt; *Quo enim sensu catenas illas tuas percepisti, quibus, ne sursum auoles, Terræ alligatum te censes?* Nempe me voce quasi censoria censuisti esse admonendum, ut in memet descenderem. Accipio, & hoc solum dico, non magis sentire me catenas, quibus trahor tamen; quàm oculus species memoratas, dum videt tamen. Rogas consequenter, *Cur verear ne graue deorsum, & Ferrum ad Magnetem, ceteraque corpora ad electrica, sine sensu concurrere non possint?* Sed quamobrem verear, expositum habes.

XIX. Pergis, *Ad hos certè effectus abundè sufficit rebus omnibus à sapientissimo earum opifice indita naturalis inclinatio ad conseruationem, perfectionemque propriam; adde, si veles, ad conseruandum vniuersi ordinem, ut opus non*

*fit ad figmenta hæc tua confugere.* Sed, Vir religiosissime, inter nos non ambigitur, sit-ne naturalis inclinatio hisce rebus ab Opifice sapientissimo indita; quippe qualiscumque ea sit, tam ego illam esse à Deo agnoscō, & fateor, quam tu: sed hoc solum ambigitur, qualis nimirum illa sit? An non repugnantia? An quidpositivum? An mera dispositio? An quidpiam substantiæ adiunctum? An externa affectio? An interna propensio? Et, si sit propensio, siue expressio, impulsio, actus eiusdem quasi ponderis; quæ sit ponderis huiusce conditio? Qua id ratione se exferat, ut fiat propendentia? Et, si sit solum propendentia, quomodo ab illa non sit solus casus? Quomodo etiam actio? Quomodo non sine delectu? cæteraque id genus alia, quæ nosse foret operæ-pretium. Quare non debes mea figmenta sic accipere, quasi ego ipsa in locum inditæ à Deo inclinationis obtendam. Enimverò illa vsurpo, quasi quasdam hypotheseis, quibus coner, quatenus possum, intelligere, atque explicare industriam admirabilem, qua sapientissimus Opifex voluit sua hæc opera proprias exferere actiones. Atque id quidem eadem ratione, qua Astronomi, dum hypotheseis, seu mavis figmenta in cælum inducunt. Neque enim ad eas confugiunt, quasi motum cælo, aut sideribus fuisse à Deo inditum negent; sed, ut illo supposito, intelligant, ac explicent quomodo huiusmodi motus fieri possit tam multiplex, tam consonans, tam regularis. Ac fortè tu quidem sapienter, cum innuis debere sufficere nobis, si circa rerum contemplationem, cognoscamus de illis, quòd sint: neque fingendas

esse hypotheseis, quibus explicetur quid sint, vt se habeant, quomodo agant, &c. sed, vt antè dixi, rationem non video; quando exinde sequitur, vt vniuersam eliminare Philosophiam oporteat. Et vide, vt me consequenter traducas. Si enim eam tibi vim concedis, vt proiectilibus inclinationem (voca motum, voca impetum, aut aliter, vt volueris) imprimere talem possis, quæ recedentibus à te iisdem proiectilibus, diutius in illis perseveret; & in quamcumque partem destinaueris, eadem deferat, atque impellat, imò quæ obuiò etiam, impedimento non statim tota destruat, sed aliam in partem proiectilia abducatur, vt in reflexione tu ipse contendis: eris-ne tam parum æquus rerum arbiter, vt à sapientissimo, ac præpotente Vniuersi Conditore rebus quiblibet inclinationem longè perfectiorem imprimi posse addubites? Heic nimirum sic mecum agis, vt si me aliquem haberem; & comparatus præsertim ad Authorem meum; coram quo non modò factus sum tanquam nihilum, sed sum etiam nihilo minus. Ac rursus, vt si ego negarem quicquid est inclinationis, aut virium in rebus naturæ, id debere Deo Optimo Maximo acceptum referri: ac denique, vt si quæstio esset, possit-ne Deus imprimere inclinationes aliquas rebus, & non potius quales-nam sint inclinationes à Deo impressæ; quemadmodum dictum iam est. Pergis, Finge vim à te impressam esse eiusmodi, quæ varijs impedimentis sisti quidem possit, sed non destrui, aut etiam minui; an non sublato impedimento motum redintegraret? Sed cum damnes ipse figmenta, quorsum postulas, vt illa adaugeam? Neque enim vim posse sisti, quin simul destruat, probabile puto. Talis, inquis, omninò naturalis rerum in-



*clinatio est; nec habes vnde impossibilem, aut ipsis etiam graui-  
 bus reipsā inditam non esse concludas. Sed quamobrem  
 talem non habeam, ac eam præsertim, quæ grauius  
 indita est; tum in ipsis Epistolis, tum in iis, quæ hacten-  
 us deduxi, inculcatum satis. Vnde & cū sic rogas,  
 Cur eam ergo agnoscere detrectas, & ad inania illa tua  
 figmenta recurris? Dictum satis, superque est, cur, &  
 qualis sit, quā detrectem; & cur veritatis amore nul-  
 lum non moueam lapidem, vt saltem, si qua eius um-  
 bra, aut similitudo occurrat, experiar. Et non latet me  
 quidem quā multis difficultatibus omnia inuoluan-  
 tur: sed hoc ipsum est, ob quod mea inania figmenta  
 non dissimulo, visurus an sint, qui pleniora faciant. Sa-  
 nè vbi ex intellecta tuo modo inclinatione declaratum  
 fuerit, non solum quā saluari valeant præmissa illa in-  
 commodā; sed etiam, qua ratione fiat, vt res grauis de-  
 cidens, nulla superaddita inclinatione, acceleretur, &  
 grauior, quā fuerit initio, euadat, inclinatioque  
 proinde fiat, ac eā quidem, qua obseruatur, propor-  
 tione, non alia: & rursus, vnde-nam contingat, cur  
 Saxum pondo duū millium non cadat velocius,  
 quā lapis duellaris: secus ac Aristoteles tuo illo  
 principio inductus opinatus fuit, cæteraque similia;  
 tum non detrectabo, sed exosculabor, complectar,  
 tuebor, & valere longè iubebo non solum quæ inania  
 sunt, sed quæ plena etiam figmenta.*

XX. Rem consequenter adoriris, & Si grauiā, in-  
 quis, deorsum à Tellure magneticè traherentur, necessa-  
 rium esset, vt quo Terra viciniore essent, eò fortius ab ea  
 traherentur, vt in Ferro, ac Magnete euidenter contingit.

Ad

Ad hoc, illud imprimis dico, distinguendam esse in re graui attractionem simplicem à composita, seu adiectitia, aëris etiā sollicitatione coniuncta. Ex priorē nempe est grauitas simplex, quæ lapidi competit, vbicumque sit, & dum accipitur extra motum: ex posteriore composita, quæ eidem lapidi, dum mouetur, competit, & tanto quidem maior, quantò fuerit motus vehementior. Deinde dico, debere quidem attractionem simplicem esse fortio rem propè, quàm procùl: verum discriminē insensibile esse, nec posse agnosci, nisi in distantia, intercapedineve multorum milliarum. Venim, cùm sit vniuersè verum tractionem ferri à Magnete esse fortio rem propè, quàm procùl, inobservabile tamen est discriminē, nisi interualla attractionis per palmos, aut saltem digitos sumantur; quandò si assumas per millesimas, aut centesimas, imò decimas parteis digiti, nulla est diligentia, qua internosci quidquam possit: ita cùm verum fuerit trahi à Terra lapidem tantò potentiùs, quantò propinquiùs, tantò debiliùs, quantò remotiùs; observari quidem poterit discriminē, si interualla accipias tanta, quanta, exempli gratiâ, est, ipsiusmet Terræ semidiameter: ac si accipias interuallum, quod semi-diametro minus sit, non est, cur posse fieri discriminē sensibile speres. Nempe, si Terram admiseris esse Magnetem quemdam ingentem, vides profectò, si vel ad ipsam vsque Lunam, Terræ virtutem extenderis, virtutem Magnetis longè sensibiliùs per digitos decrescere, quàm Telluris virtus per semidiametros decreseat: quippe cùm nullum Magnetem videas, qui attrahat ferrum è tot digitis, quot

possunt Terram inter, & Lunam semidiametri Terræ interponi. Vnde & cum inferis, Deberet igitur corpus graue quodcumque iuxta Terram suspensum, aut ipsi etiam Terra insistenti maius exhibere pondus, quàm longius à Terra suspensum: itemque per centum pedes Terra vicinos velocius descendere, quàm per totidem alios pedes à Terra remotiores: Dico, ne, si turrim quidem habueris tribus, pluribusve milliaribus altam, exhiberi posse pondus maius ad pedem turris, quàm ad fastigium; quoniam decrementum attractionis (& consequenter grauitatis) quod secundum altitudinem turris fiet, erit longè insensibilius, quàm sit decrementum virtutis Magnetis per millesimam partem digiti. Res se perinde habet, vt si accesseris ad arborē decimo à te milliari distantem. Nam verum quidem est apparentem arboris magnitudinem continenter incrementum; at non propterea vbi fueris, vno, duobus, tribus, imò pluribus passibus promotior, obseruabile erit aliquod discrimen magnitudinis incrementi. Atque eadem quidem erit causa, quare acceptis pedibus altitudinis aliquot, siue ad fastigium siue ad medium, siue ad pedem turris, lapis eos vbique æquè velociter percurrat; quoniam & simplex attractio erit ad sensum eadem; & composita pari modo ad accelerationem conducet. Heinc &, cum paucis interpositis in eandem sententiam concludis, *euidens est igitur graua Magneticè deorsum à Terra non trahi*: vides, vt hoc euidens fiat, euidens prius fieri debere, attractionem ferri à Magnete sensibiliorem esse vna digiti millesima parte prope ipsum Magnetem, quàm duabus. Quippe seruanda proportio est inter attrahentia, attracta, & interualla attractionis.

*Non esse Atomorum minùs, quàm Aristotelea Materia  
tolerabilem in Religione Positionem.*

XXI. Quæ selegisti præterea, tanquam nimia facilitate admissa à me, &, quantum tu inferis, ad Religionem attinentia; ea continentur verbis illis, quibus repetis me dixisse, *Orum, & interitum; incrementum, ac decrementum, omnemque alterationem, qua calor, frigus, humor, siccitas; itemque color, odor, sapor, & qualitates aliæ gignuntur, nihil videri esse aliud, præter motiones localeis, quibus rerum principia, tenuissima licet, atque insensibilia, variè inter se concernantur, excernuntur, accedunt, abscedunt, transponuntur, &c.* Ego verò, obstupui sanè hæc, quæ sunt merè Physica, & ad statum purè naturalem attinent, transducta abstefuisse in Theologiam, ac statum supernaturalem. Quippe oportet non ista modò atrolapillo subnotare, sed etiam quicquid dici potest ab vniuersis Physicis, si nihil planè dicendum est, quod pari ratione non possit transduci, parique modo accipi; vt si nihil distinguendum foret inter id, quod fit solis naturæ viribus, & id, quod fit, fieriue potest supernaturali virtute. Caussaris primùm, quòd Democriti, & Epicuri Atomos tanto iam tempore à Regno Philosophico merito suo exsulanteis, & tot iam seculorum, ac sapientum omnium præiudicio damnatas reuocare ab exsilio, iterumque in Academiam retrudere moliar. At ego nihil molior, meque eum non habeo, qui retrudere, reuocareve aliquid valeam: sed quia veritatis desiderio teneor, & illam tamen (seu hebetudo, seu infœlicitas mea est) non reperio in Philosophico, quod tu dicis, Regno; idcirco



exploro, num illi qui exfulant, ac fortè merito non suo, ostendere quædam vestigia propiora, ac tutiora possint. Et Epicuro quidem, ut pote iuniori, testimonium dicere Aristoteles non potuit; sed Democrito tamen dixit, cum eum non commendauit modò, sed prætulit etiam Platoni, quem aliunde Sancti Patres Aristoteli ipsi prætulerunt: quantumcumque ipse deinde reclamantibus Patribus, Philosophicū Regnum obtinuerit, exfulante simul cum aliis Platone. Ac meritòne, an immeritò Atomum cum iis exfulent (etiā cum ipso Platone dico, cumque aliis, præter Democritum, & Epicurum, viris sapientissimis, qui ipsi quoque illas sub aliis asseruere nominibus) non est heic differendi locus. Hoc solū dico, videri posse assertores Atomorum nihil magis peccasse, quàm ipse peccārit Aristoteles, quòd esse dixit Materiam primam. Siquidem ipsi Atomum nihil aliud sunt, quàm prima Materies, ex qua primitus omnia componuntur, in quam vltimò omnia resoluntur; tametsi in eo à Materia Aristotelica diffideat, quòd sit quid (scilicet substantia, ipsa que corporea) quòd quanta, quòd qualis (hoc est figurata) quòd prædita motu. Quòd si illi quidem Atomos fecerunt æternas, ac ingenas; an-non Aristoteles quoque suam illam Materiam æternam, ac ingenitam fecit? Et, si nihilominus Materia Aristotelis retinetur, quatenus à Deo producta (secus ac illi visum fuit) initio Mundi asseritur: quid retinere Atomos vetat, quatenus productæ à Deo (secus ac istis placuit) initio Mundi asseruntur? Æqua certè conditio est; neque, si quis cū hac cautione admittat esse Atomos, videtur esse illi magis,

quàm Aristoteli succensendum.

XXIII. Et statim quidem post admones, præter halitus calidos, frigidos, humidos, odoratos, ac sapidos, è plerisque corporibus exspiratos, velle vniuersim quo dictum est modo, de insensibilibus corporibus ratiocinari, non videri esse sapientiæ, ac eruditionis meæ. Verùm, cum id ego accipiam, vt insignem quandam tuæ erga me beneuolentiæ testationem (nimirum, cum ego neque sapiens sim, neque audire eruditus merear, voluisti tamen his vocibus, pro tua bonitate, lenire censuram) quod superest, non video sanè, cur res spectata Physicè à sapientiæ studio aliena censeatur. Quantumvis enim tu secus putes, dum contendis sufficere, si quis halitus calidos, aliòsque exspirari dicat: non ideò tamen improbandum, si quis requirat præterea è quibus principiis quisque halitus sit singulariter contextus: si dicere proinde possit, qualia requirantur principia, vt calidus, non alius sit; quomodo actionem eliciat, vt calefacere censeatur; quid imprimat rei patienti, vt dicatur illam calefacere; aliaque id genus complura. Certè, vt præteream quos apud Platonem Socrates habet inter Sapienteis, Empedoclem, Heraclitum, Protagoram, omneisque, præter Parmenidem, antiquiores (etiam Homerum, & Epicharmum) quosque declarat fuisse ratione consimili philosophatos, ac præcipuè dum qualitates, cæteraque, nihil esse aliud, quàm motiones existimârunt: vt illos, inquam, præteream, &, vt de vno Democrito, de quo iam dixi aliquid, loquar; Ecce, ne Aristoteles quidem, licet in hisce Elementis, qualitatibusque vulgaribus constiterit, desipere illum putauit;

sed extulit potius, quòd hac ratione philosophatus; res nosse superficiei tenuis *ὅτι τὸ ἐπιπολεῖς* contentus non fuerit, nihilque, quantum potuit, intactum pratermisit, *εἰς αὐτὴν ἀποδιδόναι* *φροντιστοῦ*. Non est verò etiam Democritus desipere Plutarcho visus, cum ipsum vnà, ac Platonem Aristoteli ex eo prætulit, quòd causas caloris, & grauitatis inquirentes, non in ipsis terra, & igne speculationem finierint, sed ad ipsa vsque principia sola mente contemplantabilia, ea, quæ sensibilia sunt, deducentes, fuerint ad vsque minima, & quasi semina, *ὡς ἐν ἐλαχίστων ἀσπερ σπέρματα* *ταῦτα* progressi. Non item M. Tullio, cuius verba sunt: Quid loquar de Democrito? Quem cum eo conferre possum, non modo ingenij magnitudine, sed etiam animi? Qui ita sit ausus ordinis. Hæc loquor de vniuerso. Nihil excepit, de quo non profiteatur. Quid enim esse potest extra vniuersa? Quis hunc Philosophum non anteponat Cleanthi, Chrysippo, reliquisque inferioris ætatis, qui mihi cum illo collati, quintæ classis videntur? Prætereo quæ mira de eius sapientia, & eruditione Laërtius, & cæteri habent. Nimirum hæc pauca sunt satis; cum & tu præterea ad alia respicias.

XXIII. Ecce enim instas ( & humaniter sanè ) *Ἀντι* meam sagacitatem fugiat, quò tandem vsque semel inducta hæc persuasio processura videatur? Sed fugit profectò, si putas vltèrius, quàm quò potest procedere Aristoteleæ persuasio. Si, inquis, oriens, atque interitus nihil aliud videntur, præter localeis atomorum, vel ( vt me loqui mitiùs dicis ) tenuissimorum, atque insensibilium principiorum motiones, de Formis substantialibus conclamatum est. Et non adiciis quidem quid incommodi consequatur, si eò vsque processum fuerit: sed coniector tamen insinuare

quod periculum subesse videtur, ne præterea ad Animam usque rationalem procedatur. At vides sanè periculum pari ratione deuitatum iri, qua & deuitatur à Aristoteleis scholis. Nam, vt generali Effato de formis educibilibus ex Materia, adhibetur exceptio Rationalis animæ, ex nihilo à Deo creatæ: ita generali Effato de formis accidentalibus, eadem eiusdem Animæ, vt à Deo similiter creatæ adhibebitur; & vel ex eo ipsa Anima substantia esse comprobabitur, secùs ac Formæ cæteræ, quòd subsistat ipsa per se: cæteræ verò non subsistant. Quid, quòd cæteræ non modò non subsistunt, sed neque dici quidem potest, quid, aut vnde habeant, vt substantiæ dicantur, ac sint, & distinctæ quidem ab ipsa materia; quandò suam illam substantialem suæque propriam entitatē neque habent à nihilo, ex quo fieri non admittuntur: neque ab ipsa materia, ex substantiali cuius entitate detrahi nihil volunt, quod in formam abeat: adeò proinde, vt commentum inexplicabile sit, quòd interim Formas educi ex materia, illi siue potentia dicunt. Nam & quòd eò adiguntur, vt explicent Formam educi ex materia, nihil esse aliud, quàm fieri in materia, & dependenter ab illa; tum dicunt prorsus aliud, quàm quid sit educi, siue extrò trahi; tum non declarant vnde habeat esse, suamve entitatem hæc formæ substantia, quæ iam est, & antè non erat; quandò id totum non denotat ex quo facta, siue vnde accepta sit ista realis entitas, quæ neque materia sit, neque vlla portio ipsius (cùm ob ipsam educitam, materia non censeatur aliquid reale, seu entitatem vllam realem prius habitam amisisse) & ipsa proinde



dependentiæ vox nihil aliud, quàm caliginem augeat, dum in quo consistat, dici, concipique non potest. Quid etiam, quòd ipse Aristoteles sententiam suam ita exposuit, Græcique eius Interpretes illam nobis sic tradiderunt, vt planè videatur non alias, quàm accidentaleis formas cognouisse? Accidentaleis, inquam, prout accidens substantiæ opponitur, non essentiæ: nam alioquin tam materiam, quàm formam, quàm compositum, eo esse sensu *ἐστὶν* dixit, quo tam differentiam, quam genus, quam speciem *ἐν ᾧ τί ἐστι* dixit prædicari. Sed hæc iam dicenda pluribus non sunt; ac videndum potius, quod specialius instas; dum pergis maius quoddam inde imminere periculum, quam ex Aristotelis sententia.

XXIV. Si enim, inquis, *alterationes quoque omnes, quibus calor, frigus, humor, siccitas, itemque color, odor, sapor, & qualitates aliæ gignuntur, nihil esse aliud videntur, præter localeis tenuissimorum corporum motiones: formæ igitur accidentariæ nullæ sunt, multoque minùs inueniri, & esse possunt ab omni substantia separate. Quid sanctioribus igitur nostræ Religionis mysteriis fiet? At imprimis vides non esse timendum, ne accidentales formæ nullæ sint; quippe quæ esse supponantur, & speciali solùm explicentur modo. Suus igni seruetur calor: suum frigus glaci: suus sapor melli: suus odor rosæ: suus tympano sonus: suus candor niui; sua lux Soli, &c. Cùm ex vulgari autem sententia explicari nequeat, in quonam consistat energia, & modus agendi illius eiusdem caloris, frigoris, saporis, cæterarumque qualitatum; tentatur, an id declarari ex tali hypothesi valeat. Neque verò ipse quoque*  
*Aristoteles*

Aristoteles est ab ea alienus, qui nisi velit alterationem esse motionem quandam localem; saltem agnoscit alterationem absque motione locali non esse. Quòd verò propterea *qualitates, seu* (vt generalius videtur, loquuta) *formæ accidentales inueniri, & esse ab omni substantia separata non valeant*: vnde nam, quævis, colligis, vt non colligas pari modo ex Aristotelea sententia? Et, si cum Aristoteles manifestè faciat, qualitates, siue accidentales formas, inseparabiles à substantia, id admitteatur, quatenus solis viribus naturæ spectatis est verum; reiecitur autem, quatenus spectata Authoris naturæ potentia est falsum: quid est, cur eadem qualitates, alio licet modo, quàm Aristoteleo exposuæ, dici non valeant existere posse separata à substantia, non naturali quidem, sed diuina tamen virtute? Neque enim est, cur existimes calorem, v. g. quæ est calor, formaliterve, vt loquuntur, accipitur, esse ipsa smet atomos, atomorumve substantiam; vt neque idem calor in sententia vulgari, ignis est, eiusve substantia. Quippe, vt in communi sententia calor est formaliter quædam qualitas substantiæ ignis attributa, quatenus eius est naturæ, vt calefacere, seu certo modo efficere corpora sibi adinota possit: ita etiam erit qualitas atomorum substantiæ conueniens, quatenus sui motu, penetratio- neque in aliquod corpus, ipsum disgregant, exsoluuntque: & animatum si fuerit, non sine sensu aliquo speciali ipsius id faciunt. Quare & licet vi naturæ non possit talis qualitas sine talibus esse atomis, ipsarumve substantia, eo modo, quo dices esse eandem absque igne, eiusve substantia non posse, quatenus in neutra

sententia dari potest abstractè calor; sed concretè solùm calidum: diuinitus tamen tā esse absque atomis, atomorumve substantia poterit, quam tu esse dices absque igne, illiusve substantia posse. Et ratio est, quia vtrovis modo eadem est substantia, à qua separabilis calorvi diuina defenditur; discrimenque solummodò est, quod tu dicas solùm substantiam, illi addant talem substantiam, esse ex atomis contextam: quæ sanè positio ad separabilitatem, inseparabilitatemve accidentium nec iuuat, nec nocet.

XXV. Cùm idem verò proportionē de cæteris dici qualitatibus, siue accidentibus valeat; nihilo secùs defendetur, explicabiturve augustissimum Transubstantiationis mysterium, si qualitates corporeas dependere dixerimus ex substantia corporis, quæ ex atomis componatur: quàm si dependere solùm vniuersè dicamus ex substantia corporis; quatenus substantia corporea, quæcumque ea sit, componitur semper ex partibus, particulisque, quas quomodocumque appelles (prout variè subdiuidendo aut infinitè pergere, aut peruenire tandem ad atomos, seu indiuiduas licet) nihil penitus ad rem interfit. Videlicet vtrovis modo defendetur Deum conseruare qualitates, siue accidentia, & Sacramentaleis species, sepositis, destructivse principiis, seu partibus, maioris, substantialis compositionis tam panis, quàm vini; & in sepositæ, destructæve substantiæ locum, ac sub iisdem qualitatibus, accidentibus, aut speciebus, substituere, collocareve substantiam gloriosissimam Corporis & Sanguinis Christi. Heinc proinde quando requiris, *Quid sanctioribus igitur nostræ Religio-*

*nis mysterijs fiet?* Respondeo idipsum, quod sit in vulgari, & quæ haberi solet Aristotelea sententia, Vt toto nempe corde, atque ore credamus, atque profiteamur quicquid credendum, profitendumque Sacro-sancta, Catholica, Apostolica, & Romana Ecclesia præscribit: Vt non modò Epicurum, & Democritum; sed Aristotelem quoque, & Platonem, & alios omneis floccifaciamus, quoties proferent aliquid, quod sit à sacra Fide alienum: Vt ipsum naturale lumen nihili duca-  
mus, præ fidei lumine; & quicquid ab eo monstratur, damnemus, si istud monstret oppositum: Vt defendamus non esse apud Deum impossibile omne verbum; & quod speciatim attinet ad separabilitatem, existentiamque aut substantiæ sine accidentibus, aut accidentium sine substantia, demus Deum aliquid posse, quod nos fateamur inuestigare non posse, cuiusque tota ratio sit ipsa potentia facientis. Habes quid putem debere fieri, & quod sanguinis effusione propugnare paratus sim. Quod me deinde admones, *ut videam, per Deum immortalem, ne mei nominis autoritate, infirmioribus quidem errandi. ceteris verò præconceptam de ingenij mei, ac iudicij sagacitate opinionem imminuendi præbeam occasionem:* id sanè, ut par est, accipio. Siquidem, quamvis longè absim, ut vllam mei nominis auctoritatem esse agnoscam, & hoc eulogium singulari tuæ humanitati totum debeam: quamvis etiam mihi nihil sit curandum, ne minuatur de me opinio, quæ merito meo esse nulla potest: attamen, quod caues, ne infirmioribus errandi occasionem præbeam; rem caues mihi planè cauendam, & pro qua me tibi obstrictum profiteor:



polliceorque me operam, Numine fauente, daturum,  
ne vlla vnquam, vel minima errandi occasio à me sug-  
geratur.

*Actum esse de motu Terra proponendo, non asserendo : Et  
Ferant-ne magis Sacrae literae Tellurem in centro,  
quàm extra centrum circumuolui.*

XXVI. Venio nunc ad ea, quæ habes in secundam  
Epistolam. Memoras imprimis, quod initio dixi,  
*Ex obseruatis circa Motum à Motore translato impressum,  
videri infirmum reddi argumentum, quo solemus vulgò quie-  
tem asserere globo Telluris.* Et postquàm addidisti, *idem  
argumentū etiam inde nullum conuinci, id notas, quod est  
à me dictum, Non eò me propterea adduci, vt inde pronun-  
ciem moueri haud dubiè Tellurem: sed solū vt insinuem  
conquirendam esse rationem verisimiliorem: ac tum subdis;  
Bene habet. Si scopus iste tuus est, collimasti: pluribus  
opus non est; adeptoque iam fine frustra, ac inutiliter labo-  
ras.* Sed ohe! humanitas tua ad eone euadit seuera, vt  
scribenti ad amicum exspatiari non liceat, nec præoc-  
cupare, si quid ille fortè aut requisiturus, aut quomo-  
documque habiturus esse iucundum videatur? An-non  
specialis, vt Dialogorum, sic Epistolarum est mos; &  
ille quidem non qualis esse angusta solet semita, sed po-  
tiùs qualis regia via, imò & qualis apertus campus? Alia  
sanè sunt genera scribendi, quæ pro cuiusque instituto  
certis legibus, quasi frænīs, atque catenis compescun-  
tur; at genus Epistolicum solutum, liberumque est; &  
cū liceat in cæteris variè per vices digredi; facere in  
Epistolis etiam *παρεργον ἔργον* licet. *Frustrā, ac inutiliter*

*laboro? Bene saltem est, quòd mihi est vni iactura temporis ferenda; quanquam & tuum affectum probo, dum sollicitus es, ne frustra pretiosam adedò rem dederam. Rogas consequenter, Si nihil ampliùs quero, ecquid rei sit, quòd plurimorum similium conglotatione præmissa sic interrogem: Cur non ratione eadem suadente fiat verosimilius, probabilius, magis consentaneum, moueri Terram versus ortum, ac totam Mundi machinam, sideraque omnia salutare ex ordine; quàm totam illam machinam, totque, & tanta sidera circum ipsam ire, eamque salutare? Rogas &, Quid sit, quod tantopere vrgeo, atque exaggero, maiora ex Solis, fixarumque, quàm ex Telluris motu absurda sequi, atque incommoda? Rursus &, Cur adedò studiosè cætera quoque omnia Copernicanorum argumenta congeram, si hoc solùm contentam, vulgatum illud aliorum Philosophorum à proiectilium motu petitum argumentum infirmum esse, atque inualidum? Tandem &, Curetiam de Telluris eiusdem circa Solem motu tam prolixam, nec ad prædictum finem necessariam adiungam disputationem, in qua non modò Copernicanorum argumenta omnia, & rationes qua possum, & valeo dicendi facilitate (& hoc quoque est tuæ humanitatis) stabilire, & confirmare, sed aliorum quoque obiectiones infirmare pari studio, & contentione moliar? Sed vno verbo ipsemet causam iam recitasti illis verbis, quibus me id solùm dixi facere, vt insinua rem conquirendam esse rationem verissimiliorem. Atqui conuicta illa ratione ex proiectilibus desumpta quiescendum fuit, nec aliæ mouendæ? Verùm aliæ quoque visæ sunt mouendæ; neque id omninò abs re, atque incohærenter factum. Quia enim iure oblici potuit, frustra insinuari à me conquirendas esse*

alias rationes, cùm illæ iam & conquistæ, & adinuentæ fuerint; idè visus sum non debere cæteras intactas prætermittere, vt ostenderem quatenus eas quoque arbitrarer esse infirmas. Existimaui autem, si licuit eam suffodere, quæ quasi murus aheneus erat, & quam tu temet, ipsum pridem improbasse testatus es; nihil prohibere quò minùs cæteræ saltem mediocri arietatione impeteretur: neque enim illas aut esse sanctiores, vt inuiolatiores manerent: aut magis extra aleam, vt vel non possent, vel non deberent parem experiri fortunâ. Quod autem simul interrogavi, aut exaggeravi etiam aliquid in Copernicanorum gratiam; id egi, vt difficultates vberius innotescerent, patefacereque quibus argumentis, cuique rationum oppositarum probabilitati occurrendum sit, si quis aduersus Copernicanos præstare voluerit rationem inuictam. Et quæris, *Quid amplius eram factururus, si eam sententiam animo destinato asserendam, propugnandamque assumpsissem?* At nihil sanè amplius factururus fui, qui ne id quidem fui assumpturus. Alios, qui assument, vberiore quadam, atque concinniore methodo vides agere: ego quidvis commemoravi breuiter, ac præposterè; quippe vt se fors obtulit, mentique, & manui properanti obiecit.

XXVIII. Sequitur, *Tolerandum fortassis, & certè non ita inconueniens visum iri, si cum Heraclide Pontico, & Ecphanto Pythagoreo Terram in medio Vniuersi constitutam quotidiano tantum motu circa proprium axem moueri contenderem; sic enim concitatuissimum illum Siderum motum, qui plerisque Copernici sectatoribus displicuisse visus est maxime, tollerem; ac satis moderatum, quo Sacris literis faciliùs satis-*

facerem, tam errantium, quàm inerrantium Siderum motum, quem proprium vocant, retinerem, atque in portentosa, quæ ex Copernici opinione sequuntur, incommoda, atque absurda non inciderem. Heic verò tu me sic alloqueris, quasi ego Philolai, aut Aristarchi sententiam amplectar, & rem proinde faciam minùs tolerabilem, quàm si sequerer alicuius à te præscriptæ. Ego verò neque me illam amplecti profiteor, neque istam habeo tolerabiliorem, propter eadem Scripturæ loca, *Terra in æternum stat; Fundasti Terram super stabilitatem suam, Firmavit orbem Terræ, qui non commovebitur*: Itemque, *Oritur Sol, & occidit: Sol ne moveatur; Regressus est Sol*; & similia: Quibus si putas ex moderati, ac immoderati motus distinctione ab authoribus huius satisfieri: complanasti peritus viam illius defensoribus, qui se tuebuntur, quòd sacra Scriptura dum patitur minus, non prohibeat minus. Nec verò ipsis displicet modò concitatissimus ille motus, attributus vulgò primo mobili Sidera omnia circum-rapianti; sed etiam inconcinnitas, quæ necesse est Planetarum directiones, regressiones, stationes, & non pauca alia ab Heraclide quoque, & Eephanio saluentur. Quod autem spectat ad portentosa, quæ dicis absurda, & incommoda; ipsi nulla esse agnoscunt: unde & nisi aduersam habeant sacræ Scripturæ auctoritatem, existimant se prorsùs nihil intolerabile tueri. Sequitur adhuc, *Meminisse semper oportet nos non Philosophos tantum esse, sed etiam Christianos, Philosophiamque nostram nec debere, nec verò etiam posse à Christiana fide discrepare*. Id verò est sanè tua pietate dignum; ipseque non modò assentior, verùm etiam palàm profiteor, ac



iurio. Id vnum superest, vt noscatur, quid Philosophia proferat à Christiana discrepans fide. Cùm enim Philosophia quam plurima doceat, quæ vera habentur, & ab omnibus viris piis, atque Christianis acerrime tuerentur; tametsi ipsis refragari sacrae Literæ aperte videantur; par est profecto Literas sacras eam pati interpretationem, vt ostendi possit eas, cùm veræ sint, veritati non repugnare. Id autem D. Augustinus allato exemplo præclare insinuat; cùm difficultate proposita, *Quomodo non sit contrariū ijs, qui figuram Sphære cælo tribuunt, quod scriptum est in libris nostris, Qui extendit cælum sicut Pellem?* Respondet; Sit sanè contrarium, si falsum est, quod illi dicunt; hoc enim verum est, quod diuina dicit auctoritas, potiusquàm illud, quod humana infirmitas coniecit. Sed si forte talibus illi documentis probare potuerint, vt dubitari inde non debeat; demonstrandum est, hoc, quod apud nos est de Pelle dictum, veris illis rationibus non esse contrarium. Et rursus, *Tādū non est extra fidem, donec veritate certissima refellatur. Quod si factum fuerit, non hoc habebat diuina Scriptura; sed hoc senserat humana ignorantia.* Haud dubium proinde, quin sanctus Doctor, si in nostra incidisset tempora; aut si eius temporibus fuisset tota Terra, vt nuper est factum, circum-nauigata: tum agnitus Antipodas fuisset, tum ad humanam potius ignorantiam, quàm ad Scripturæ diuinæ sensum, præhabitam suam relaturus sententiam, quam vidisset certissima experientiae veritate refelli. Quæ memoro solùm, vt intelligamus, non quicquid Philosophia docet, quod videatur prima fronte à Literis sacris esse discrepans, propterea verè discrepare.

*De consequutionibus ex Terra Planetis interfecta ductis: Deque ignorata Copernicana opinionis improbatione.*

XXIX. Pergis consequenter, Cogita igitur, non quid tu fortè ipse sentias, sed quid aestimaturi sint plerique alij, qui tua vel autoritate, vel rationibus inducti, sibi persuaserint Telluris globum inter Planetas moueri. Concludent primum unum è Planetis sine dubio esse Terram, quæ cum incolas habeat, procliuè erit deinde etiam credere, in cæteris quoque Planetis, atque adeò in ipsis item inerrantibus Stellis incolas non deesse; & tantò quidem præstantiores, quantò reliqua Sidera Terram magnitudine, & perfectione excedunt. Heinc Genesius in suspicionem vocabitur, dum aut Terram ante reliqua Sidera factam, illaque quarto tantum post die condita, ut illuminarent Terram, temporaque, & annos metirentur. Inde tota Verbi Incarnati æconomia, atque Euangelica Veritas suspecta reddetur; imò & tota fides Christiana, quæ & supponit, & docet Sidera omnia non ad hominum, aut aliarum creaturarum habitationem, sed solum, ut Terram sua luce collustrent, facundentque, esse à Deo authore producta. Verùm, religiosissime Vir, ista imprimis in me non quadrant, qui Telluris globum esse unum ex Planetis, aut moueri inter Planetas neque dico, neque defendo; sed in eos potius, qui rem & sentiunt, & profitentur sic se habere. Neque verò aut ego vlla sum autoritate, qui si essem aliqua, absit à me, ut vellem ipsam placito falso patrocinari: aut rationes vllæ meæ sunt, sed tuorum dumtaxat authorum; quas quia opponere nobis solent, dum nostras ipsis obicimus, ideò dissimulare visum non est, propter iam expositam causam. Deinde

subuereor, ne illi responsuri ad tuas huiusmodi con-  
 quationes fuerint, ablegandam igitur esse vniuersam  
 Phisicam, quatenus nullum est placitum, ex quo dicere  
 non possumus, deduci posse ab aliquibus incommoda  
 non absimilia. Ponatur enim, exempli causa, *Esse  
 Terram Sphericam*: Concludetur, esse eam ergo habita-  
 bilem circumquaque; & proclive fore credere Antipo-  
 das. Inferetur, eos non potuisse ab Adamo propagati;  
 atque idcirco Christum Dominum non esse eorum  
 Redemptorem. Nouum proinde Testamentum in sus-  
 picionem vocatum iri, & totam Verbi Incarnati œco-  
 nomiam, ac cætera his consentanea; vt prætereantur  
 portentosa absurda, & incommoda de hominibus,  
 ædificiis, arboribusque pensilibus, quæ nostri obiecta  
 aliquando fuisse. Ponatur &, *Lunam esse Sphericam,  
 quemadmodum Terram*; illuminari à Sole, obtenebrescere  
 que, non secus, ac *Terram*; Eclipsin pati propter *Terram*, v  
*Terra* patitur propter ipsam; habere superficiem perind  
*maculosam*, ac appareret habere *Terra*, si è *Luna* conspice  
 retur; habere monteis, valleis, planities, & alia id genus, e  
 modo, quo *Terram*: Concludetur statim, esse igitur *Lunam*  
 alteram *Terram*; easdem in *Luna*, ac in *Terra* genera-  
 tiones fieri; esse in ea incolas; & proclive fore etiam ho-  
 mines credere, qui ex Adamo propagati non sint, neq  
 à Christo redempti. Vocatū iri in suspicionē Genesin  
 quæ docet *Lunam* factam, vt illuminet *Terram*, non v  
 ipsam obtenebret, aut ab illa obtenebretur; vt incola  
 habeat, &c. Ponatur *Terram esse punctum comparatam au  
 Firmamentum*; & *Stellarum minutulas esse decies octies, ma-  
 iusculas verò centies octies maiores, quàm Terram*; & con

*æquenter vnâquâmq; illarum esse septingenties maiorem, quàm Lunam; quamlibet istarum plusquàm quater millies:* Concludetur igitur Terrâ non fore adeò profundam, & latam, vt possit meritò cum cæli altitudine comparari: cùm sacræ tamen Literæ ista interualla quasi ex æquo habeant, *si ascendero in celum, tu illic es: si descendero in infernum ades: si sumpsero pennas meas, &c.* Sufficiens fore Genesin, quæ docet fuisse solum creata duo magna Luminaria, & Lunam esse alterum duorum, quod ipso quidem Sole sit minus; at non tot Stellis, ac præsertim tā multis illis vicibus. Procliue proinde fore credere, esse igitur Stellarum orbeis Terra, ac Luna longè præstantiores; neque esse adeò sepositos, vt vastitates inutiles sint, sed debere maiore ratione, & à præstantioribus inhabitari incolis; ac proinde, cùm tota eorum lux ne tantum quidem inferuiat ad illuminandum Terram, & dimetiendum tempora, quantum inferuit vna lux Lunæ: esse ergo illos à Deo in alium usum conditos, &c. Denique ponatur quicquid volēs aliud; & pari ratione opponetur posse his similia concludi; procliue esse ea credere; sacrarum Literarum fidem, totiusque Religionis fundamenta nutare.

XXX. Quod si, cum ista nobis videantur deduci posse ab aliquibus, non idcò minùs placita, quæ sunt memorata de rotunditate Terræ; de comparatione Lunæ cum Terra; de Terræ, Lunæque exilitate, & amplitudine Stellarum, à viris, qui reuerà pij, & Christiani sint, defendantur; quatenus illæ consequutiones, vbi præsertim longius, & aduersus Fidem procedunt, improbabiles sunt, nullaque possunt aut ratione, aut ob-



seruatione ostendi; & mera nixæ coniectura, qua facilitate constituuntur, corruunt; fumusque cùm sint, in fumum excedunt: eadem de causa dicent isti, hæc, quæ videntur posse deduci ab aliquibus, non debere obstare, quò minùs placitum de motu Telluris inter Planetas constitutæ, à viris, qui reuerâ pij, & Christiani sint, defendatur. Nimirùm contendunt, cùm Terra id iuris habuerit, vt inter Plânetas versata, heinc Venerem, Mercurium, Solem, illeinc Martem, Iouem, Saturnum, ac aliunde circum se Lunam proximè circumductam fortiatur; non idem iuris propterea aliis Planetis competere, quos propter illam Deus creârit. Neminem proinde sanæ mentis colligere posse esse aut in Luna, aut in aliis Planetis, Stellisque fixis incolas, qui authomines sint, aut similitudinem cum hominibus habeant. quoniam, si non omnis tellus omnia fert, & Europa, Americaque, Scythia, & Libya, quæ eiusdem globi partes sunt, diuersissima proferunt; quantò æquius sit reputare, non posse eadem nasci, educari, degere in Luna, atque cæteris, qui sunt orbes planè diuersi? Si quedam proinde oriantur, & intereant aut in Planetis cæteris, aut in aliis Siderum globis, non posse illa esse præstantiora homine; quatenùs nihil esse potest aut ratione præclarius, aut supernaturalibus donis, quibus ille solus donatur, diuinius. Cæterùm enim posse esse corpora maiora, robustiora, durabiliora, aut aliis quibusdam adiunctis perfectiora, quàm homines, id ne negari quidem posse; cùm etiam in ipsamet Terra multa corpora id genus nascantur. Et non propterea Genesin in suspicionem posse vocari; quoniam ea docet,

Quod non negatur, fecisse Deum Solem, & Lunam, ac  
Stellas, vt Terram illuminent, sintque insignia, & tem-  
pora; & non docet tamen Sidera ad hec solum facta.  
Alioquin enim inferretur, esse quidem factum Solem,  
vt illuminet Terram, sed non vt Lunam, aut Venerem,  
quod Genesis tacet: & , Lunam esse quidem factam, vt  
Terram illuminet; sed non vt (quod mox dictum est)  
tenebras in ipsam inducat; nam & Genesis id non dicit.  
Vt prætereatur, si, quia Genesis aliud non declarat, ni-  
hil agitur aliud à Sideribus; non igitur Solem calefa-  
cere, vrere, fouere, &c. neque Lunam speciale impe-  
rium in res humidas exercere, in cõchylia, animalium  
medullas, & id genus similia. Non item suspectam  
reddi Verbi Incarnati œconomiam, veritatem Euan-  
gelicam, totam ipsam fidem Christianam; quoniam ea  
perinde illibata conseruatur; quatenus nullæ aliæ na-  
turæ rationales, & redemptionis, gratiæ, gloriæque su-  
pernaturalis capaces vlla ratione colligi possunt exsi-  
stere, præter homines in Terris degenteis; in quibus so-  
lis incarnatus Dei Vnigenitus visus est, & cum homi-  
nibus conuersatus. Neque verò cæteros globos, si in  
ipsis creaturæ quædam generantur, & corumpuntur,  
dici magis posse ab ijs habitari, quàm dicantur loca  
Terræ deserta à saxis, herbis, culicibus, cæterisque id  
genus rebus; neque propterea dici posse incolas habere,  
qui sint homines, aut cum hominibus comparandi.  
Nam supponere quidem, & docere Fidem sacram, non  
habitari Sidera ab aliis aut hominibus, aut naturis, quæ  
pari modo vel ratiocinentur, vel participes sint dono-  
rum supernaturalium: at non supponere, nec docere,

nihil in ipsis esse ortui, interituique obnoxium; & ne maculas quidem in Sole nasci, ac perire; non in cælo reliquo Cometas, atque nouas Stellas. Nec porro sacrum ipsum Textum, cum dicit Solem, & cætera Sidera facta, vt Terram illuminent, negare propterea, quin ipsa aliude sint in seipsis, ac præter lucem aliquid; & id genus alia, quæ tamen non dixit, vt nec cætera, quæ nosse nihil interest ad supernaturalem salutem. Scilicet præclare sanctus ille Doctor, *Breuitè*, inquit, *dicendum est, hoc scisse Authores nostros, quod veritas habet sed Spiritum Dei, qui per ipsos loquebatur, noluisse ista docere homines, nulli ad salutem profutura. Eiusmodi sunt, aliaque affinia, quæ prædixi vereri me, ne illi fuerint responsuri.*

XXXI. Subiicis, *Vides igitur, quàm ista periculosè in publicum diuulgentur, & à viris præsertim, qui sua auctoritate fidem facere videantur; & quàm non immeritò iam inde à Copernici tempore Ecclesia semper huic se errori opposuerit: eumque etiam nouissimè non Cardinales tantum aliqui, vt ais, sed supremum Ecclesiæ caput Pontificio decreto in Galilea damnauerit, & vt ne in posterum verbo, aut scripto doceretur, sanctissimè prohibuerit.* Hic non repeto, quod illi tuebuntur, non sequi ex ea, quam diuulgant, sententia id, quod tu times, periculum. Tria potius dico. Vnum, me ab illis non stare, vel ex eo solo, quod dicis eorum opinionem haberi Ecclesiæ suspectam. Videlicet ego Ecclesiæ alumnus, ita me totum ipsi deuoueo, vt quicquid illa improbat, ipse anathema conclamem. Alterum, fuisse me in ea versatum ignorantia, vt nescierim hanc opinionem ab vsque Copernici tempore

habitam suspectam. Nam visus sum potius mihi agnovisse aliquos eruditos viros, etiam Ecclesiæ Proceres, Scripturæ sacræ Interpretes, & Religiosos Doctores, harum rerum intelligenteis, qui ab ipsa usque ætate Copernici illam probârint: ac fuisse aliquid omninò aut inquisitum, aut pronunciatum ante Galileum, me penitus latuit. Quòd enim semper aduersus ipsam speciales aliqui Scriptores loca quædam sacræ Scripturæ opposuerint, id non magis visum est facere Ecclesiæ suspectam, quàm fecit suspectam opinionem de rotunditate cæli, quod ex D. usque Augustino retulimus iam obiici, *Extendens cælum sicut Pellem*; aut illam de aère, igne, æthereve circum Terram, & versus cælum fuso, id, quod ex D. usque Thoma obiectum est, *Qui extendit Aquilonem super vacuum, & appendit Terram super nihilum*: aut aliam de fluiditate cælorum, spatio- rumve cælestium, id, quod nemo non obiicit, *sunt cæli solidissimi quasi are fusi*, atque ita de cæteris. Nosti siquidem nullam esse ex huiusmodi opinionibus (imò neque ex omnibus, quas pij Doctores in Scholis tuentur) aduersus quàm loca Scripturæ aliqua proferri non possint, aut soleant; cum illæ tamen propterea Ecclesiæ suspectæ non sint. Postremum inaudiisse me quidem latam fuisse sententiam aduersus Galileum à Congregatione sacra Cardinalium Inquisitioni præsidenti- um: at non accepisse perinde fuisse decretum Ponti- ficium, atque generale consequenter factum. Et donec quidem nihil aliud, quàm specialis sententia fuit, dici fortasse potuit causam ad Galileum solum spectare, aduersus quem esse potuerint speciales causæ aliquæ,



*De Proportione, qua grauius*  
 aduersus alios non valituræ. At ex quo Summum  
 Ecclesiæ caput decretum, vt ais, interposuit, non vi-  
 deo quid-nam respondere Copernicani Catholici  
 possint; nisi fortè sibi de eo non constare, quovsq̃  
 promulgatum fuerit, legitimèque iussum haberi tan-  
 quam fidei articulum intemeratum. Quod me atti-  
 net, me vel sola fama, habitaque fides tuis literis ita  
 mouet, vt non expectem promulgationem, sed statim  
 prorsus exosculer, & planè cæcâ, vt dicitur, obedi-  
 tiâ ipsum excipiam.

*Sit ne absurdum reputare Orbem magnum ( seu celum Solis )  
 esse quasi punctum comparatum ad Firmamentum: Et,  
 Solem quasi vnâ Fixarum, Fixas quasi Soleis  
 totidem habere.*

XXXII. Miraris deinde, *Qua fronte erroris huius*  
*Seſtatores exprobrent communi, ſaniorique ſententiæ, quòd*  
*abſurda quædam videatur inducere: cùm ipſi infinita pro-*  
*pemodum abſurditatum portenta admittant; excolante*  
*cuticem, & elephantos deglutientes: ac notas me eorum tan-*  
*gere nonnulla, ſed diſplicere, quòd etiam excuſem. Ego*  
*verò ea non excuſo; aut certè ea mihi mens eſt, vt*  
*non tam excuſem, quàm proponam quod illi reſ-*  
*pondent; vt quæ nos ipſis obiicimus eſſe abſurda, non*  
*eſſe perſuadeant. Dicis, me ſaltem agnoſcere motum*  
*Terræ circa Solem ſuſtineri non poſſe, niſi etiam admitta-*  
*tur magnum illum Orbem, per quem Tellus deferri fingitur,*  
*inſtar puncti reſpectu celi obtinere. Et agnoſco ſanè.*  
*At diſſimulo, ais, aut certè eleuo quæ inde ſequuntur*  
*abſurda,*

*absurda, ut quod inerrantia Sidera propemodum omnia tam prodigiosa molis admittenda sint, ut earum semidiameter in-  
iectam à Terræ centro ad Solis centrum distantiam exce-  
dit. Ego verò id, ut mihi videtur, non dissimulo; quòd  
elevatione visus sum; id alienæ sententiæ fuit. Quan-  
quam me dixisse non commemini, Sidera inerrantia  
orbem magnum excedere; videlicet, potius quàm  
Solem, quem dixi quidem posse apparere, at non esse  
illi æqualem. Sed esto, ut dicis; quandò Copernicani  
sunt, qui illam magnitudinem tribuere Stellis non  
rubescunt. Prosequeris, *Quod si tibi absurdum, atque  
ab omni ratione abhorrens non videtur, quid, amabò, iudica-  
bis absurdum?* Id verò tu mihi potes dicere, neque ego  
conuo, sed adstipulor; At quæso te tamen, quid sim  
sponsurus, si cum idem obiecerò, illi ita exceperint?  
Tu id absurdum, & ab omni ratione esse abhorrens  
iudicas: & quam-nam tandem affers rationem? An-ne  
quòd exinde Stellæ inerrantes molis sint nimis prodigiosa?  
Ecquis verò tu, qui existimes esse aliquid nimium  
in operibus immensi Authoris? Non videtur fuisse  
alio causa, cur eas tam vastas faceret: at fuisti-ne tu  
sui consiliarius, ut penetrasse putes te in omnia diui-  
te Sapientiæ arcana? Non capis rationem tantæ va-  
ritatis: an ergo quia tibi mens angusta est; ipsa tanti  
opusces opera debent esse angusta? Abhorrere à ratio-  
ne putas, ut aliquæ Stellæ sint Sole maiores, ac tot præ-  
sertim vicibus: an-non es proinde illi similis, qui vr-  
ilem Romam similem tuguriolis paucis putabat; tan-  
quam non capiens esse posse tot vicibus maiorem illa,  
quàm solebant pastores ouium teneros fœtus*

depellere? Et verò si fortè vixisses ante illud tempus quo Mathematici demonstrârunt, aut saltem dixerunt esse Solem circiter centies septuagies Terra maiorem: quam igitur illud censuisses ab omni ratione abhorrens? Et cùm iam vides vulgò admitti id, quo memoratum iam est, esse Stellas fixas, quæ sint centies octies maiores, quàm Terra, & quater millies, quàm ipsa Luna: cur non id abhorrens à ratione putas? Ameliùs capis, ob quam rationem Deus illas fecerit tanta? An-non, si id, quod dicimus, tuo sensu absurdum est: secundum magis, & minus solum erit discrimine absurditatis? Habes-ne verò interim vllum omnino argumentum, quo Stellas esse tantas sic probes, vt si mûl probes aut non esse, aut non posse esse maiorem? Non certè; sed penitùs gratis in ea consistis magnitudine; neque est tibi maior ratio quærendi ex nobis, cur procedamus vlteriùs: quàm nobis quærendi ex te, quamobrem consistas citeriùs. Dicere ad summum potes, tibi sic videri; & quia sic videtur, nos à ratione abhorrente: quid-ni & nobis pari iure dicere de te idem liceat? Quanquam & nobis ratio est, tum admirandæ concinnitas, quæ hac supposita amplitudine obseruatur; tum commendatio operum Dei, quæ tu, quantum potes, extenuas, dum ea non maiora tuo captu facis. Quippe huiusmodi amplitudo diuinæ potentia, sapientia, & magnificentia consentanea est: neque est, cur tu absque vlla aut obseruatione, aut ratione illam contrahas, vel absurdam putes. Quæso te, inquam, V. Religiosissime, ecquid nam illis dicturus sis, cùm hæc, & similia reponent?

XXXIII. Subiicitur; *Eleuas* certè plerùmque alia, quæ ex eadem Telluris circa Solem translatione ulterius sequuntur, absurda; à quibus tamen ut te expedias, fingis alia fortassis adhuc absurdiora; ut, quòd illustriora illa, quæ in Firmamento apparent Sidera credi possint ut mole maiora, sic etiam Sole suo longè lucidiora: adeò tibi facile est tot, tamque ingentibus in celo pro tua voluntate verbo unico creare Soleis. Ego vero & heic quoque tibi adstipulor. Sed dic, amabò, etiam hoc loco, quid illis responsurus sim, cum ipsi sic astiterint. Ludis, ac putas deludi nos? De Solis voce non agitur, quæ Fixis à vulgo non magis tribuetur, quàm Lunæ vox tribuitur: tamen nemo diffiteatur, quin Fixæ sint Luna maiores. Nempe quantæcunque eæ sint; apparent tamen, donec è Terra spectantur, quasi punctula ad apparentem Solis, ac Lunæ magnitudinem comparatæ. Enimverò cum heic agatur de ea magnitudine, qua Stellæ secundum se sunt, & qua apparerent, si tantumdem nobis admouerentur, quantum Sol; ac de magnitudine etiam, qua Sol est in Terra, quaque appareret, si tantumdem à nobis remoueretur, quantum Fixæ: putas-ne ludendo scopum attigisti? Non esto Sol, non sunt Fixæ in tanta à Terris distantia, quanta à nobis asseritur: esto minima, & quam Tycho posuit, nulla sanè observatione (quod ad Fixas præsertim spectat) verum coniectatione mera, meròque arbitrio inductus. Dissidebit à Terra Sol, si dissidebit mediocriter, terrenis semidiametris mille centum, & quinquaginta, & Fixæ quater-decies nulle. Inge igitur Solem quantum est, translatus esse usque ad Fixas: cum diameter eius apprensus im-



minuenda sit pro ratione distantiae, diuide Fixarum distantiam per distantiam Solis à Terra, fiet quotiens amplius, quàm duodecim. Et quia Solis diameter apparet iam nobis dimidij gradus, siue minuterum triginta; sequitur vt Sole inter Fixas exsistente, eius diameter apparitura non sit, nisi pars huius duodecima, siue minutorum duorum cùm semisse. Porro hac eadem diametro apparent vulgò quæ Stellæ sunt magnitudinis primæ, aut secundæ. Igitur si Sol fuerit inter Fixas constitutus, non apparebit maior, quàm vna Stellarum. Et vice versa, si quælibet earundem Stellarum fixarum constituta fuerit vbi iam est Sol, seu pari, quæ ille à nobis distantia: apparebit nobis tanta, quantus Sol; atque adedò omnes erunt quasi Soles. Quid si distantiam Fixarum augeas pro opinione Albategnij Ptolemæo inhærentis, statuentisque illam nouemdecim milliam semidiametrorum: an non apparitura fuerit Solis diameter infra duo minuta? Quid si adhuc amplius, vt debere fieri probabile est, nihilque repugnat? Verùm hoc sufficiat, vt intelligas non nos aut absurda tueri, aut ijs propugnâdis absurdiora fingere: sed te potiùs rem non aduertere, & fingere magis. Quare & cùm sit Deus ipse, qui tot in cælo ingenteis Soleis pro sua voluntate, ac verbo vnico creauit: ne caussare nos pro nostra voluntate, verbòque vno illos creare: sed agnosce potiùs te eos pro tua voluntate, verbòque vno destruere. Si illi, inquam, aduersum me hac ratione institerint; dic mihi, te quæso, quid sim respondens?

*Posse Solem è Fixis non minorem, quàm Orbem magnum  
apparere: & Veros omnium Stellarum discos in vnum  
compositos, vix apparenti disco vnus  
mediocris Stellæ exæquatum iri.*

XXXIV. Subiungis verò; Similiter, quod etiam ai,  
fieri posse, vt Sol hic noster, quamvis comparatione superio-  
rum Siderum adeò exiguus, ac penè nullus admittatur; ab im-  
mensa tamen illa Siderum distantia conspicuus nihilominus  
appareat, ac tanta etiam magnitudinis, quanta est tota regio  
Planetaria (dixi, aut quantus magnus orbis) idque ob  
lucem eius vegetam, diffusoque ipsius radios, quibus oculus  
afficiendus esset; eomodo, quo flamma candela noctu spectata  
ignis ingens apparer. Id, inquam, ingenij tui admirabile qui-  
dem, sed incredibile figmentum est, quod exemplo candele  
comodè non probas. An porrò, cùm istud videatur figmen-  
tum incredibile; patietur tua bonitas, vt proferam aliud,  
quod cum isto connexum sit, quodque, quantum con-  
iector, sit incredibilius appariturum? Quantum, pu-  
tas, si omnes disci mille & viginti duarum Stellarum  
vulgò agnitarum simul iungerentur, aggregarentur ve  
in vnum; quantum putas, inquam, totalem discum  
conficerent? An-non ingentem? At ego opinor vix  
tantum futurum, quantus apparer vel vnicus vnus  
Stellæ, quæ sit magnitudinis quartæ, discus. Quale-  
nam, inquires, istud est, non figmentum iam, sed planè  
delirium! Qualecumque sit; accipe id tamen. Cùm  
aliquando nocte serena iter facerem, subiit animum  
cogitatio, quî fieri posset, vt neque Lunâ, neque ma-  
iusculis Planetis collucentibus, singula tamen circum-

stantia adeò clarè dispicerem, parùmque abesset, quin legere paginam possem. Tum verò è vestigio subiit me ingens admiratio, quì fieret, vt potius, si Stellarum disci tanti essent, quanti esse perhiberentur, non longè magis collucerent, nempel longè ampliùs, quàm Luna: quippe cùm & Stellarum lux sit lunari longè viuidior; & disci earum compositi viderentur mihi confecturi discum lunari maiorem. Siquidem quamvis disculi earum forent toto cælo dispersi; videbantur tamen tantumdem præstare posse luminis respectu partis eiusdem Terræ ab hemisphærio toto respectæ; sicut respectu eiusdem aulæ tantumdem præstant (aut etiam ampliùs) candelæ variæ, ex quibus postea fax quædam ingens componitur. Rursus itaque è vestigio subiit mentem recordatio obseruatæ exilitatis tam Planetarum, quàm Fixarum; ac censui ad illam referendum esse, quòd Stellarum lux adeò debilis ad nos perueniret. Quam-primùm diuersti ad hospitium, in quo fortè fortuna cælorum schema reperi, continens inter cætera, quot Stellæ essent primæ magnitudinis, quot secundæ, quot tertiæ, & ad vsque sextam, ad quam retuli obscuriores alias, quibus mille viginti duarum absoluitur numerus; continere non potui me, qu'n ad calculos rem totam vocarem.

XXXV. Ac primùm quidem supponendo esse Stellarum diametros, cuiusmodi vulgò apparent, explorare lubuit quem discum earum omnium disci coniuncti crearent. Attribuendo igitur Stellis primæ magnitudinis, dum profunda nocte spectantur, diametrum minutorum trium; Stellis secundæ diametrum duo-

rum cum semisse: tertiæ duorum: quartæ vnus, ac semissis: quintæ vnus: sextæ semissis: deduxi exinde singularum disculos: eosque in vnum componendo, comparandóque ad discum Solis, cuius diameter, vt iam dictum est, sit dimidii gradus, siue minutorum triginta, collegi debere ex iis discum fieri, cuius diameter sit minutorum quinquaginta, & vnus; quique sit proinde ad discum Solarem, vt ad nouem, viginti sex, seu proximè triplus. Et quia tamen harum Stellarum, non nisi dimidium horizonti conspicuum est; facile fuit agnoscere discum ex isto dimidio esse Solaris sesquialterum, siue exæquari Soli semel cum semisse. Quare & deprehendi me non absque ratione admiratum fuisse, quamobrem, si disci Stellarum tanti sint, quanti & apparent, & esse dicuntur; Terra ex iis noctu non magis resplendeat. Subinde verò, quia tantas non esse diametros Stellarum perspectum habebá (quippe minores etiam ducebam, quàm Galileus censuerit, quòd in nocturnis tenebris pupillæ dilatatione maiorem cēserem, quàm suppositum ab eo videretur) idèò explorare rem placuit iuxta veriores diametros, quales videlicet apparent resectâ non tam telescopio, quàm funiculo, aut bacillo tereti interposito, circumradiatione. Et ne viderer tamen mihi potiùs, quàm Galileo fidere: supponere volui, quod is obseruauit, Stellam magnitudinis primæ esse diametri secundorum quinque, siue tertiorum trecentorum; & consequenter habere Stellam secundæ magnitudinis diametrum tertiorum ducentorum quinquaginta: tertiæ ducentorum: quartæ centum quinquaginta: quintæ centum: sextæ quinquaginta. Hoc



autem posito, Stellarum mille viginti duarum disculos in discum vnum composui, ipsumque ad discum Solis comparando, comperi non esse, nisi illius particulam quadringētesimam trigēsimam vnam: ac proinde, diametro Solis existente minutorum triginta, ratiocinatus sum diametrum disci ex omnibus Stellis compositi, non esse maiorem vno minuto cum semisse; quantæ vulgò esse apparet Stella magnitudinis quartæ. Quod si dimidium detrahas, ob Stellas, quæ sub horizonte sequitur discum ex residuis, non fore maiorem vna octingentesima sexagesima tertia disci Solaris particula: ac eius diametrum futuram vnus proximè minuti dumtaxat: hoc est, quantæ esse apparet Stella magnitudinis quintæ. Quare & ex hoc desii admirari, quamobrem lux omnium Stellarum supra horizontem lucentium tam parum Terræ faciem illustrent; tuque exinde animaduertis quo progressu peruenerim ad incredibile figmentum.

XXXVI. At verò, inquires, ecquis-nam capiat non esse ingens totum maius tantulâ sui particulâ: seu tantam, quæ apparet lucem in omnibus Stellis supra horizontem coruscantibus, in exiguum ad eò spatium contrahi, vt non sit eo maius, quod à stellula magnitudinis quintæ occupatur? Sed nimirum considera; si foret Stella, quæ reuerâ esset diametro minuti vnus, fore, vt lux eius spectata intra nocturnas tenebras appareret oculo incomparabiliter maior. Si enim quæ Stella est diametro solum vnus secundi cum besse: apparet nihilominus diametro vnus minuti: sanè, si proportionem admittas, ea apparitura erit diametro minutorum

triginta

triginta sex; atque adeò disco penè sesqui-altero ad Solem: quemadmodum, si aliunde fuerit vera diameter minorum duorum, apparitura erit disco ad solarem plusquam triplo: si trium, penè tredecuplo. At quorsum Stella, si vel tanta appareret, quantus est Sol, non tantum, quantum Sol luceret? Respondeo; quia illa lucis amplificatio respectu oculi solùm fieret, & non respectu veri disci, rerumve ab eo illuminatarum: eo modo, quo flamma candelæ, dum seipsa maior per noctem videtur, non propterea tamen aut se maior est, aut magis illustrat. Ex quo fit proinde, ut quemadmodum flamma candelæ quantò apparet maior, tantò etiam ad spectus eius confusior, & obscurior euadit, neque eminè tantum illuminat, quantum si apparens eius amplitudo tam splendida foret, quàm flammula cominè visa: ita stellaris ille discus quantò apparet maior, tantò foret etiam confusior, obscuriorque appariturus; atque idcirco Terræ faciem non perinde illustraturus, ac si eminè eo fulgore, quo & cominè appareret: ac proinde tantam dumtaxat in Terram lucem effunderet, quantam iam effundunt Stellæ separatae. Cæterum huic disci amplificationi fidem facit et ipsa Venus, quæ visa interdum non maior, quàm stella quædam per-exigua, apparet tamen deinde intra tenebras diametri quintuplò; ac idcirco disci vigetuplò quintuplò maioris. Sed & fidem facit vberem Mercurius, qui visus esse circa maximas elongationes minorum trium, deprehensus tamen est à me, cum esset proximè perigeus, ac in ipso disco Solari (vbi imponere sua luce non potuit, spectata nempe eius

vmbra, comparatāque cum circulo speciem Solis citi  
 telescopium in obscura scena referente) deprehensu  
 inquam, est triente minuti non maior; adeò vt cū  
 esse apparet minorum trium (quo tempore debet  
 etiam aliquantò minor videri, quàm dum præcisè i  
 perigeio versatur) discus eius octogies semel, quā  
 reuerā sit, amplificarior appareat. Fidem quoque faciū  
 Iupiter, & Mars: qui cū Acronychi illam Vener  
 magnitudinē æmulentur, obseruati sunt tamen à me  
 comparatione cum diametro Lunæ vix diametro es  
 vnus minuti. At instabis, hoc decrementū per-exigu  
 omninò esse respectu immanis illius, quod affingit  
 stellis Fixis. Sed nempe id fieri videtur, quòd lux Pl  
 netarum mutuatitia sit, & ab illorum superficiebus de  
 bilissima reddita, ob distractos Solareis radios (quip  
 quatenus superficies inæquabilissimæ sunt, & faci  
 habent aliò, aliòque variè diuergenteis, vt de Lun  
 quidem manifestum est, & conicere de cæteris lice  
 at ex opposito lux Fixarum videtur natia, ac propri  
 & Solaris instar, vt purissima, ita viuidissima; adeò vt  
 exiguo disco (longè minore scilicet, quàm sit Planet  
 ris) procedens, tum fortiùs moueat oculum, tum ci  
 cum radiationem vberiore pariat: tum apparenter  
 proptereà discum amplificatiorem exhibeat. Argu  
 mento autem esse potest, primū continens illa scir  
 tillatio, qua radii Fixarum excurrunt, & quam Arist  
 teles quoque ex motu non Stellæ, sed oculi esse conte  
 dit: ac deinde experimentum factum telescopio, quo  
 cætera cū amplificet, Stellas tamen Fixas imminui  
 ob ipsam nempe refectionem radiorum excurrentium

denique gradus exilitatis, quo propter hanc imminutionem Stellæ Fixæ exhibentur incomparabiliter minores Planetis, habita ratione discorum apparentium: scilicet, quòd ipsarum radii & excurrant longè vberius, & longè proinde ampliùs circum-radiant.

XXXVII. Atque hæc quidem omnia eo solùm sine commemoro, vt innuam, Quæ ratione Sòl è Fixis spectatus, tametsi suo disco exilis, appariturus tamen foret luce adeò circum-diffusa, vt, tanquam spatia ingentia complens, apparenter exæquaretur, aut totius, aut saltem inligni portioni regionis Planetariæ, cuiusmodi est Orbis magnus, de quo fuit potissimùm quæstio. Et fac certè Solem non apparere maiorem, quàm magnitudinis sextæ Stellam: quia tunc vera diameter eius erit vno secundo minor, hoc est, ex iam diutius, tertiorum quinquaginta; orbis magni diameter continebit ducenties, aut plus paulò certè, quinquaginta tertia (quippe totidem vicibus diametrum Solis continet) efficietur, si ea reducas, vt Orbis magni diameter apparitura non sit maior duobus minutis cum lodrante, seu quàm appareat diameter Stellæ magnitudinis primæ, aut secundæ. Quòd si Stellarum diametri sint adhuc minores, quàm Galileus censuit, ob insinuatam antè causam; & magnitudinis sextæ Stella non sit maior diametro, quàm sextans secundi, siue decem tertia; efficietur eadem ratione, vt Orbis magni diameter apparitura maior non sit, quàm appareat diameter Stellæ magnitudinis sextæ. Dices, profectò, signum meum tantò magis incrementum, quantò hac ratione veræ Stellarum diametri magis imminuuntur.



Quē enim fieri potest, inquires, ut Stella visibilis fiat sub tantulo angulo, qui maior non sit sextante vnus secundi? Sed vide, quæso, ut non dicam esse eam Stellam visibilem sub huiusmodi angulo: verū eam Stellam quæ visibilis est sub angulo semissis minuti, siue triginta secundorū, comprehensa nempe circumradiatione, non habere diametrū veram, circum-radiatione ve spoliata, sextante secundi maiorem. At hoc ipsum quoque est, inquires, quod omni figmento est maius, tam minutulum punctulum ita posse circum-radiare, ut futurum aliās planē inconspicuum, effici visibile possit. Verū, quid res sit, ut percipi possit: esto candelæ flammula crassitudinis semidigitalis; ea poterit nocte obscura spectari à tribus passuum millibus. Fac verò angulum, sub quo visibilis efficietur, non esse dimidio minuti maiorem, ita ut flammula appareat, quasi magnitudinis sextæ Stella; quæso te, quantus angulus erit qui ab ipsius flammulæ vera diametro subtendetur? Profecto vix maior semisse secundi. Cū in tribus enim passuum millibus sint trecenta, & sexaginta semidigitorum millia: si, ut hic numerus se habet ad vnum, ita centum millia, seu radium feceris ad aliud procreabuntur solum quinque decima octaua vnus seu tangens septuncis vnus secundi. Et minūe, si velis, distantiam ad ipsum vsque dimidium, ut si puteam flammulam videri dumtaxat à sesqui-milliari; tunc vera eius diameter angulum subtendet secundo vno maiorem. An credidisses punctulum, quale est vnicum secundum, aut secundi etiam dimidium, ita posse circum-radiare, ut videri sub angulo trigint

Secundorum posset? Iam igitur, cum æquum sit reputare lucem Stellarum superare sua puritate, suoque splendore lucem flammulæ, fuligini crassæ, fumove commistæ, multis vicibus: postulo dumtaxat, ut superet, si putes flammulam videri, quæ sit angulo dimidij secundi; aut sexies, si putes eam solum, quæ sit secundi integri. Nempe exinde efficietur, ut Stella visibilis sit, quæ vera diametro subtendat non angulum modò vnius secundi, sed angulum etiam sextantis secundi. Ista vberius non prosequor; ne causseris non posse me meis figmentis facere finem. Adnoto tamen; cum ex iam dictis, Stella magnitudinis sextæ esse non debeat Sole maior; ecquid-nam dicturus de figmento fuisses, si proposuissem cum Landsbergio Stellam magnitudinis sextæ esse vicies quinquies ipso Orbe magno maiorem? Et ille tamen visus est sibi ex certis principiis demonstrasse omnia: quanquam illud saltem non cauit, quod circum-radiatio imponit circa magnitudinem veram: quodque proinde diameter vna Stellæ magnitudinis sextæ est longè minor quinque secundis, secùs quàm ab illo suppositu est.

*Huc accommodari non potuisse causam quæ redditur vulgò, quare flammæ noctu maiores appareant.*

XXXVIII. Ad te ut redeam, postquàm præmisisti, non probare me commodè figmentum exemplo candelæ, sic pergis, Quæcumque enim causa sit, cur flamma candelæ, ad certam præsertim distantiam, semper auctior appareat: satis certè tibi constat Lunam, ac Martem, ipsumque etiam Solem,

cùm propiùs ad nos accedunt, non minores videri, sed maiores; vbi verò longiùs à Terra remouentur, non maiores conspici, sed apparere minores. Vnde ergo, quæso te, colligis Solem ex immensa Siderum distantia conspectum non modò maiorem videndum, quàm nobis vicinioribus appareat, sed tantæ etiam magnitudinis, vt regionem quoque Planetariam totam, atque integram aquare videretur. Sed nimirum, optime Vir, cùm ipse causam reticeas, cur candelæ flamma appareret per noctem adauctior; quòd sagacitas illa tua, quantum coniecere par est, difficultatem prouiderit, quæ excitari in vulgarem causæ explicationem potest; non ea mihi tamen fuit prætermittenda, quæ est probabilissima visa, vt præoccupando declarare possem, quod iam rogas me, vnde-nam putà colligam, Solem è Fixis conspectum posse apparere æqualem regioni Planetariæ, sicquæ maiorem, quàm heinc videri. Siquidem conatus idem explicare ex causâ vulgò reddita, visus mihi ipsi ridiculus sum ob illiùs inanitatem. Ecce enim dicere solent, aërem proximè circumstantem eâ vehementiâ illustrari ob halituosas quasdam parteis è flamma continuo diffugienteis, vt computetur in eandem flammam, partibus videlicet illis factis adspectabilibus existenti oculo procùl, & in minore lumine; cùm è vicino, ab eximio flammæ splendore occultentur. At quomodo probare valeant esse has halituosas parteis illustrationis eius capaccis, vt totum aëreum spatium, in quo sunt, efficiant non minùs illustre, quàm flammam? Nam non negabunt profectò flammam esse centies, aut etiam millies splendidiorẽ eo spatio, quod ipsam circumstat ad vnum, aut ad plureis palmos. Itaque dum procùl spectamus candelam,

oporteret medium flammæ apparentis, siue quod ex vera est flamma splendidius esse, nisi millecuplò, at centuplò saltem (imò, vt amplius largiar, saltem decuplò) quàm amplitudinem circumstantem: & nihilominus tota illa flamma apparet esse vniusmodi, seu æquè lucidata tam sub medium, quàm ad extrema. Quod aiunt verò *illas parteis fieri è longinquo adspectabiles in minore lumine*: nonne & ipsa vera flamma in eodem lumine videtur? Quid ergo est causæ, cur luce illarum partium cominùs exili (imò ad ipsum sensum nulla) accipiente incrementù, ipsa quoque lux veræ flammæ eadem proportionē nō accipiat: sicque idē semper discriminis sit, siue ex lōginquo siue ex propinquo videatur? Quod autem dicunt, *illas è vicino ab eximio flammæ splendore occultari*: quī potest quæso intelligi, vt occultentur ab eo splendore, à quo habent, vt splendeant, adspectabilescve, vt contendunt, fiant. Nam quod vulgò quidem etiam dicunt, *lumen maius occultare, obfuscare, aut obliterare minus*: id minùs verè dicitur; fit enim potiùs ex utròque composito lumen intensius: tametsi, quæ visus hebetudo est, discerni gradus non valeant, qui ab utròque conferuntur. Quòd insuper *lucidum minus cum maiore comparatum visibile fiat non propè, sed procùl*: id probabile fieret, si spectato procùl minore lucido, maius abesset, nec iuxtim foret; at si vtrumque simul videatur, necesse est, vt proportionē debilitationis ob spatium seruata, tam procùl, quàm propè videri non possit. Et quid heic contingat, experiri vis? Iube occultari præcisè flammulam candelæ non circumstans spatium: deberes adhuc videre spatium perinde prorsus



lucidum, intercepto solum quasi hiatulo, propter flammam deficientem: at procūl sanē erit, vt videas. Iube aliunde occultari totum circumstans spatium, ad eō vt sola flammula foramine factō libera videatur; deberetum ea flammula non maior videri, sed minor, pro ratione distantia: & tamen procūl aberit, vt contractionem videas, & non maiorem potius, ac perinde prorsus, vt libero spatio. Nisi verō istud non arguit aliam fuisse *τὴ φαινομένη*, quā halituosas illas parteis in spatium circumstans diffugienteis, requirendam causam?

XXXIX. Itaque aliam requisui (affectionem putā in pupilla, ac retina) quā vt effectui in candela apparenti congrueret, ita lucidis omnibus, quorum species noctu increscit, accommodari congruē posset. Huiusmodi maximē sunt tam Luna, quā Stellæ, seu Errantes, seu Inerrantes: nam Lunæ quidem diametrum non semel obseruauimus octaua propē sui parte noctu, quā interdiū maiorem: Veneris vero diametrum multis maiorem vicibus; & Iouis consimiliter (quippe qui fuerit etiam nobis sæpenumerō obseruatus interdiū) constatque vniuersē Stellas cæteras, cū interdiū sint inconspicuæ, ingruente tamen crepusculo ægerimē primū ob exilitatem videri, ac deinde magis, magisque, dum sensim grandescunt, visibilibus fieri. Quæso verō ista-ne valeant ad halituosas aliquas parteis, quā vt à flamma, sic à Luna, Stellisque diffugiant, referri; & non potius ad vberiore tum pupillæ dilatationem, tum impressionem retinæ factam, donec oculus in tenebris degit? At hæc tamen causā, in-

quies,

quies, quid ad Solem? Potest-ne oculus in Solem respectans censerī esse in tenebris? Potest-ne Solem noctu videre? Respondeo posse haud-dubiè; neque id habendum esse Paradoxum; quatenus id fore intelligitur, cū oculus demū eā fuerit distantia, è qua Sol non maior, quā vna Stellarum appareat, & è qua proinde non tenebras magis, quā Stellarum vna discuiat, neque oculum magis proinde perstringat. Ex quo it, vt dum ex me quæris, vnde colligam Solem ex immensa illa distantia non modò visum iri maiorem, quā appareat nobis vicinioribus, sed etiam tantæ magnitudinis, vt toti regioni Planetariæ exæquetur? Rogem te, attendas, cur ex me id quæras. Nam cū ego quidem profitear visum iri Solem ex illa distantia, quasi vnā aliquā Stellam heinc vbi degimus conspectam; neque dico sanè, neque colligo visum iri nobis maiorem, quā vicinioribus iam videatur. Et tametsi dicam visum iri tantum, quantum Orbem magnum, insignemve portionem regionis Planetariæ; causa est, quia ex eadem distantia totus Orbis magnus non maiore appareret amplitudine, quā heinc appareat vna Stellarum cum circumfusis corpusculoradiis. Tu verò sic interrogas, ut si censerem ex ea distantia tum magnum Orbem appariturum eiusdem, qua propè amplitudinis; tum Solem non modò maiorem, quā heinc conspiciatur; sed etiam quantus Orbis magnus ex Marte, v. g. aut Ioue conspiceretur, appariturum. Quòd verò sic interrogas, eo permotus argumento, quòd constat Lunam, ac Martem, ipsumque etiam Solem quò propius accedunt ad nos, eò maiores conspici; quò longius abscedunt,

*minores*: vides rem esse incohærentem. Etenim agitur hoc loco de incremento in lucidis facto non ratione distantia, sed ratione obscuritatis. Neque enim requiritur, cur Mars v. g. dum est perigeus, terrisve propinquior, appareat maior, quàm apogeus, seu à terra remotior, & in eodem quidem tenebrarum gradu: sed cur in eadem propinquitate, aut in eadem remotione maior, & minor appareat, prout in variis gradibus obscuritatis conspicitur; vt claro adhuc crepusculo, & nocte iam facta profunda. Quare & ad hoc non ad illud similitudo candelæ facit; & ad hoc, non verò ad illud, quam causam esse prætermittendam censuisti referenda fuit.

*Quamēte, & quatenus ex motu Terræ Æstus maris deducitur: & Possē exinde explicari varietates, quæ tam per Æquinoctia, & Solstitia, quàm per Plenilunia, & Nouilunia contingunt.*

XL. Verba tua deinde sunt, *Dicis, atque audacter affirmas Galileum ex assignatis Telluris motibus ita Maris æstum exposuisse, vt videatur denique causam eius germanam adinuenisse.* Quàm bene est verò, quod verbo videatur temperavi sententiam; ne dicere posses me in non tantum *audacter*, verum *impudenter* quoque affirmare! Certè, religiosissime Vir, si me bene nosti, longissimè absūm, vt in hisce rebus, aut similibus quicquam asseueranter dicam; tantum à me abest, vt faciam *audacter*. Nam & tametsi consuetudo loquendi non semper patiatur, vt caueam, ne asserere videar aliqui

(quod ne Socrates quidem se cauere professus est, καὶ οὐκ οὐκ, καὶ αἰετὶς μεσσηνὸς ἰναλῆσμενος )  
 id tamen semper testatum volo, quæcumque mea  
 phrasis sit, eam mihi insidere mentem, vt nihil planè  
 tanquam verum, & indubitatum affirmem, siue plus-  
 quàm probabile, verisimileve profitear. Quantò verò  
 magis hoc loco id volui; vbi sententiam non tam pro-  
 priam, quàm alienam exposui! Heinc & quæ dicere  
 iam pergo, non vt propugnans sententiam, quæ mihi  
 rata fixa sit: sed tanquam tentans quid iuxta ipsam sit  
 vero simile, insinuo: & dum tu subdis, *nescire te, an ex  
 tarditate ingenij tui, an aliunde accidat, vt longè aliter, quàm  
 ego, hætenus hac in re senseris*: id sic accipio, quasi velis  
 non me sentire secus, quàm te, quod ad rem ipsam at-  
 tinet; sed quod ad ea, quæ opinioni de motu Terræ  
 sunt consentanea. Non est profectò interim, cur vl-  
 lam in te suspiceris tarditatem ingenij: ego illam in  
 me recipio, qui agnosco me non potuisse ex tot opi-  
 nionibus aliis, quæ hac de re circumferuntur, aliquam  
 deprehendere, quæ non videretur, quàm ista nugacior.  
 Gratum fecisses, si insinuasses ecquæ-nam tibi proba-  
 tior foret: spes enim fuisset quidpiam tua dignum so-  
 lertia cognoscendi. Nam quod ais quidem *Galileum  
 cogi in societatem causæ Lunæ adscribere*, non ausim ita  
 interpretari, quasi tu propterea totum hunc effectum,  
 aut quæ sunt certè *συμπτώματα* illius præcipua, referas  
 in Lunam. Vt cumque sit, id me permouit, Tum,  
 quòd visum fuerit admirabile, duplicem esse singulis  
 diebus aquæ affluxum, & refluxum, vt duplex est sin-  
 gulis diebus in motu Telluris inæqualitas (nempe



transeunte eadem parte semel quidem ex statu æquabili in celeritatem, semel ex eodem in tarditatem, prout in eamotus diurnus, & annuus semel conspirant, semel abnuunt). Tum quòd aliunde visum fuerit non possi aquam ob fluiditatem, & in cavitare Terræ continentiam, non sic fluere, & refluxere, si contingeret ipsam Terram tanquam vas moueri, & inæqualiter moueri: imò & non posse iteratò posteriore diei parte non effluere, ac refluxere proprio pondere; si semel priore effluxerit, & refluxerit vi incrementis celeritatis. Licet quippe omnium deinde huius motus circumstantiarum non videretur perinde esse, aut fieri caussa explorata: non idèò tamen visum est generalem caussam esse reiiciendam; sed quicquid esset difficultatis referendum esse ad difficultatem peruestigationis; & dum spes esset, vt singula disquirerentur scrupulosius, ac inuenerentur foeliciùs; esse videri magni ducendum, quòd secta esset veluti glacies, quam deterere solum superesset. Ac si fuisset quidem aliqua opinio, quæ causam pari necessitate cum effectu suo coniunctam monstrasset, illi primas potiùs tribuendas censuissem; at quæ mea fuit tarditas, talem esse nullam perspexi.

XLI. Succedunt hæc verba, *Imprimis enim ignorare te non arbitror, etiam ex illis motibus caussam sufficientem non reddi, cur circa Equinoctia æstus fiant adeò magni praeteris; cum illis temporibus vix inæqualitas vlla in Telluris motu appareat; & quæ minima in punctis Equinoctialibus notatur, non subito, aut vna tantum die exoritur, sed paulatim, diuturnoque tempore accrescit: cum æstus illi tamen non ita sensim, & successiuè vsque ad aliquem maximum accres-*

*cant, parique deinde successione paulatim decrescant; nec maiores item eo tempore æstus fiant, quo Tellus in punctis Æquinoctialibus constituta, maiorem illam inæqualitatem patitur: sed in plenilunio solum proximè insequente. Et fuisti tu sanè arbitrato tuo in meam ignorantiam indulgens; qui etiam ignoro, quæ tu heic assumis. Nam primum quidem, non esse quoddam paulatim factum incrementum; sed repentiè maximos æstus in Plenilunio Æquinoctium consequente contingere, hoc est, quod neque observavi, neque ab alio quoquam accepi: cum potius, ut æstus spectati per quadranteis mensis, minimi circa quadraturas, maximi circa syzygias, sensim per interceptos dies, & maximi ex minimis, & minimi ex maximis euadunt; ita si spectentur per quadranteis anni, audierim semper minimos fieri circa tempora inter cardines tempestatum media; maximos circa cardines (ac præsertim Æquinoctiales) per tempora autem intercepta maximos sensim ex minimis, minimos ex maximis fieri: quantumcumque per aliquos dies absque apparente incremento, tam sub quadraturas, & syzygiis, quàm sub Æquinoctia, Solstitiâque esse videantur. Deinde, esse maximos æstus quasi alligatos Plenilunio proximè, primumve post Æquinoctium contingenti, hoc est mihi seu iuxta propriam, seu iuxta alienam experientiâ novum; cum constare potius videatur idem Nouilunio, quod & Plenilunio competere iuris; & neque facto paulò ante Æquinoctium Plenilunio, expectetur ferè post mensem Plenilunium consequens, ut maximi in eo sint æstus: neque non sint æstus maiores Plenilunio, Nouilunioque ante Æquinoctiū proximè*

*De Proportione, qua grauiā*  
 contingente, quàm contingente procùl post ipsum.  
 Quòd tales porrò æstus non contingant exsistente Terra in  
 ipsis æquinoctialibus punctis, ideò est, quia caussa, quæ  
 varietatem in ipsis creat, neque sola est, neque per dies  
 aliquot variatur sensibiliter: sed superuenit illa caussa  
 alia, varietatis scilicet menstruæ, quæ, quòd in Plenilu-  
 niis, Nouiluniisque potentissima sit: ideo illi coniuncta  
 æstus maximè sensibileis creat. Quòd verò, caussa suf-  
 ficiens exinde reddatur, cur tunc æstus fiant adeò magni præ-  
 ceteris: ex eo est, quòd vtraque caussa tunc temporis  
 vigeat: cùm aliàs in ipso Æquinoctio (nisi casu quo-  
 dam) vigor Plenilunij, Nouiluniue non sit; aut in Ple-  
 nilunio, Nouiluniove, vigor Æquinoctii. Quòd dicis  
 caussam minimam, quæ ad vsque Æquinoctium paul-  
 latim increseat, ab illo paullatim decreseat: satis est ta-  
 men, vt coniuncta caussæ solitæ, hoc est menstruæ  
 effectum intendat. Congruum certè est, vt si vniuersi  
 motus diurnus æstum creat, ob inæqualitatem sibi-  
 motu annuo superuenientem; alteratū creet, ob super-  
 uenientem specialem inæqualitatem ex ductu per Zo-  
 odiacum: quatenus vbi ille est maximè obliquus, nemp  
 ad ipsum Æquatorem, motus diurnus, qui est sempe  
 directè ad ortum, maximè reprimitur, hoc est cohibe-  
 tur, ne versus ortum protendatur.

XLII. Pergis, *Ex imaginariis illis motibus caussam no-*  
*reddi, cur in Pleniluniis Mare vehementiùs æsuet, quàm tem-*  
*poribus reliquis.* Verùm imprimis nihil est necess  
 caussam reddere illius effectus, quem verum esse mini-  
 mè constet: sanè enim quæcumque sit aliquorum  
 opinio, obseruata tamen non desunt, quæ proben

*non modo in India, de qua statim loqueris, sed in ipsa quoq;  
Europa esse Noui-lunareis æstus Pleni-lunarib<sup>9</sup> estuosio-  
res. Deinde, ubi fuerit concessum, æstare vehementius  
Mare Pleniluniorum temporibus; causa ex illis moti-  
bus reddi poterit non prorsus incongrua. Siquidem  
utcumque huiusmodi motus imaginarii sint; si veri  
tamen supponantur, declarari potest ex illis, cur in  
Pleniluniis inæqualitas sensibilibior, fiat, quam in No-  
uiluniis. Cum enim Luna supponatur, quasi Terræ pe-  
dissequa, & dum circumducitur illi motu menstruo,  
ipsum interim motu annuo indiuiduè concomitans;  
efficitur, ut quasi totale cum ipsa mobile habeatur,  
quod una, atque eadem causa motu annuo circum-  
uehat: eo modo, quo Lunulas quatuor ipsius Iouis  
pedissequas habere licet quasi vnum cum ipso Ioue mo-  
bile, prout dum illi specialibus circumducuntur perio-  
dis, cum illo tamen indiuiduè mouentur per Zodia-  
cum, & ab eadem causa motu illo duodecennali cir-  
cumferuntur. Quare & supponendo Solem esse ge-  
neralem motorem, qui sibi ipsi circumductus eo mo-  
tu, quem Maculæ monstrant, Planetas omneis radiis  
quasi magneticis circumrapiat, & propiores quidem  
velocius, remotiores segnius absolucere circuitus cogat:  
necesse erit, ut Luna exsistente opposita, sicque di-  
stantiore à Sole, quam Terra, mobile ex utraque factum  
abripiatur radio, qui sit, quā Luna exsistente coniuncta,  
Solique propiore, prolixior. Et quia tūc Luna se habet,  
quasi plumbum pensile, quod vibratur segnius, si ap-  
pendatur ipsi plumbulum, propter quod euadat sensi-  
le prolixius: idcirco oportet tunc Terram motu annuo*



quasi vibratam, moueri similiter segnius. Ad si, cum Luna quidem est Soli coniuncta, Terra eodem reduceretur, & radius vtramque abripiens efficeretur tantumdem breuior, necesse foret ipsam tantumdem circiter moueri celerius; eo modo quod plumbum, dum filum contrahitur, breuiusque fit: at quia Terra semper consistente in eadem distantia, Luna citrò acta, ipsam nihilo retrahit, neque radium breuiorem facit: capropter non videtur motus tam accelerari sensibilibiter, donec Luna coniungitur, quàm retardatur, dum opponitur Soli. Quia verò interea Luna sese habet, quasi plumbulum illigatum filo, à quo plumbum dependet; eamobrem, vt tunc plumbulum facit vibrationes aliquantulum celeriores, quatenus & ipsum dependens à filo breuiore appetit vibrari celerius, ficque eò facit, vt plumbum referatur ocyus; ita potest Luna præstare, vt Terra non-nihil acceleret cursum: quanquam hærescendum in istis non est: sed adnotandum potius, quod ais *Galileum cogi adsciscere in societatem Lunæ*, non eò spectare debere, quasi ille adsciscat vllum è cælo influxum, siue occultam qualitatem, vti vulgò faciunt, qui ad Lunam confugiunt; sed quasi assumpta vniuersè motus Terræ inæqualitate, pro generali æstus causa, cohærenter faciat, dum ex motu Terræ, prout est cum motu Lunæ indiuiduus, specialem causam repetit specialis inæqualitatis.

*Posse & varietates alias ad locorum situs: & accessus retardationem, quæ dictum sit, ad motum Lunæ menstruum, ( quatenus est idem cum diurno Telluris ) referri.*

XLIII. Pergis adhuc ; Neque profecto statim acquiescit animus, cum ad ea, quæ aliter explicari nequeunt, vno verbo respondetur, hæc, & similia ex particularibus locorum affectionibus oriri. Porro istud non respondetur, quod spectat ad ea generaliora accidentia, quæ sunt omnium Marium, ac speciatim Indiæ, Europæque communia: cuiusmodi est vehementia æstus, tam in Solstitiis, & Equinoctiis, quam in Nouiluniis, Pleniluniisque intensior: sed quod spectat ad accidentia, quæ locorum Terræ particularium propria cum sint; quidni causas habere proprias ex particularibus locis possint? Venim dum nauicula aquæ semi-plena supra lacum placidum inæquabiliter mouetur, ipsa aqua fluit, ac refluat vniformiter, pro vniformitate inæqualitatis, si nauicula quidem in interiore circumductu vniformiter deflexa, politaque exstiterit; Pari modo, si totum Mare vna quadam Terræ cavitare ab occasu in ortum producta, æquabiliterque deflexa contineretur, illius fluxus, atque refluxus vniformiter fieret, quod attinet quidem ad illa generaliora accidentia. At quia, si nauicula deflexionem lateralem habeat variis protuberationibus, depressionibusque difformem; & ex fundo ad superficiem, siue etiam altius, assurgant varij stipites tenuiores, crassiores, & ambitum quoque variè reudentem, extuberantemque habentes; obseruabis quam, dum fluit, ac refluat, admirabileis pati varia-

tes, tam ad ipsa latera, quàm ad stipites interceptos; neque aliò commodiùs has varietates referes, quàm ad varietatem, qua aqua tam ad latera, quàm ad medium variè allapsa interpedietur: Pari ratione, quoniam Terra capacitatem illam suam variantissima varietate, ob promontoria, sinus, freta, isthmos, insulas, chersonesos, & alia id genus passim occurrentia affectam fortitur: nihil sanè dici videtur commodiùs, quàm mirabilem illam varietatem, quæ in quotidiano fluxu, & refluxu ad particulareis oras obseruatur, referendam esse ad varietatem ipsarum orarum, siue littorum, tam in continentibus, quàm in Insulis occurrentium. Nimirum prout littora properantem aquam in ortum, occasumve, siue è regione, siue obliquè excipiunt; & siue directò accedentem, siue deflexione à littoribus antecedentibus affectam; & sui situ siue directò, siue flexuoso, sinubusque, ac promontoriis magnis, paruis raris, crebris, regularibus, irregularibus interrupto; & tractu siue longo, siue breui, siue singulari, siue repetito; & fundo siue plano, siue prono, siue alueoso, siue scopuloso, &c. necesse est aquam diuersissimos acciperemotus. Quod certè in fluminum ripis obseruari in promptu est, heic nempe aquam leniter, illeic rapide fluere; heic abire rectà, illeic torqueri in vortices; heic undulare, illeic spumare; & id genus similia; idem proportionem seruata consentaneum est fieri, vti & reuerè obseruatur fieri, in ipsis littoribus Maris.

*XLIIII. Pergis denique; Sed vide etiam, si placet, an ipsemet quotidianus maris æstus duplex, satis ex quotidiana Telluris motione explicetur. Nam cum Tellus vigin*

quatuor horarum spatio proximè reuolui supponatur; necesse est, vt quæ partes hoc momento celerius, tardiusve moueri incipiunt, iterùm post horas viginti quatuor simili celeritate, aut tarditate moueantur, vt manifestum est. Si hac igitur diuersitas motus causa esset quotidianorum æstuum, deberent præcisè post horas viginti quatuor recurrere, cùm vnâ ferè horâ quotidie tardius recurrant. Quò fit, vt singulis mensibus tunc mare maximè quiescat, cùm habita ratione motus Telluris summè feruere deberet; & contrà, tum vehementer ferueat, cùm illud paccatè quiescere oporteret. Verùm vno verbo insinuaturn est in Epistolis naturam aquæ fluidam obstare, ne aqua circumferatur tam faciliè, ac reliqui globi compacta natura. Quippe cùm motus reliqui globi non exquisitè obsecundet (scilicet, si obsecundaret, nullus æstus existeret) idèò necesse est eius motum fieri non-nihil retardatiorem, & mensurâ quidem tarditatis acceptâ ex portione motus Lunæ menstrui addita diurno Telluris, quatenus ab ipso dependet, imò idem reipsâ est. Quia enim, vt Sol sibi ipsi intra dies proximè viginti septem circumductus Terram vnâ circumvehit, sed segniùs tamen insequentem, & non-nisi intra annum absoluentem circuitum, propter diffusiores, paucioresque radios, qui cùm in Venere, & Mercurio confertiores sint, circuitus in ipsis faciunt celeriores: sic Terra sibi circumducta intra horas viginti quatuor, Lunam circum se abripit, sed segniùs tamen obsequentem, & non-nisi intra mensem, absoluentem circuitum, qui absolueretur haud dubiè celerius, si confertiores radios exceptura, circumferretur propius: Idèò, vt motus Terræ annuus est veluti com-



positus ex pluribus portionibus plurium reuolutionum Solis, potestque adeò non alius ab ipso Solis motu censerì: sic motus Lunæ menstruus contextus intelligitur ex pluribus portionibus reuolutionum diurnarum Telluris: potestque adeò idem esse cum diurno motu intelligi. Heinc autem fit, vt quia Terra, ac Luna pro vno totali mobili habentur (quod paulò antè dictum est) idcirco alteratio, quæ motui annuo aduenit ex intermissione diurni, non sit præcisè accipienda quatenus diurnus solius Terræ est proprius, sed quatenus est ipsi cum Luna communis. Et quia propter hanc communionem efficitur, vt motus diurnus non sit integer accipiendus, nisi postquàm non modò Terra ex meridiano quopiam digressa ad eundem meridianum redit, sed postquàm ipsa etiam Luna meridianum eundem repetit: inde est, cur Luna illum dietim repetente, vnâ prope hora, seu quatuor quintis horæ tardius; cur, inquam, alteratio illa, atque adeò æstus contingat dietim tanto tempore: quatuor scilicet horæ quintis tardius. Prætereo autem, cùm Luna ad datum meridianum eadem diei hora, nisi post mensem non redeat, excursus tamen, & recursus maris eadem hora post dies quindecim instaurari; quòd ij geminentur in dies singulos, ac eadem hora eueniant, non modò cùm Luna est nobis in meridiano supra horizontem, sed etiam cùm infrà, in meridiano Antipodum. Adeò proinde, vt dici possit, quemadmodum Luna intra mensem apparet reuolui circa Terram vna vice minùs, quàm Sol; ita Mare affluere, & refluxere duabus vicibus minùs, quàm afflueret, ac reflueret, absque illa

retardatione. Prætereo quoque hanc retardationem, quatenus ex aquæ fluore, lentoréque simul dependet, confirmari posse videri ex consimili retardatione aëris, de qua in Epistolis dictum; cùm ventus ille continuus, & æquabilis ab ortu in occasum, quem experiuntur nautæ in alto, non videatur posse explicari cōmodiùs quàm ex retardatione aëris, ob fluiditatem suam incapacis, qui consequatur præcise motum Telluris continuum, & æquabilem versus ortum. Quo modo quoque dici posset reciprocatione cariturum Mare, futurumque motum eius in occasum continuum, & æquabilem, si Terræ quasi nucleus esset exquisitè rotundus, maréque esset illi circumfusus, neque incurreret in littora, versus quæ elatum, effluere, reflueréque cogere-tur. Præterèd & id genus alia; cùm his denique sit faciendus modus.

XLV. Itaque Finem iam tandem facio; agnoscens me reuerâ eum, quem debui, modum non tenuisse. Et constitueram quidem initio non-nisi pauca respondere ad singula præclaræ tuæ Disquisitionis capita: sed nescio, quo pacto abreptus, ita sensim ab instituto, inceptoque recesserim, vt euaserim denique in hanc, quam vides, prolixitatem. Fortè, me quoque peccasse putes aduersus leges vrbانيتatis, cùm ab vsque literis datis nihil Responsi habueris, nisi post exactum iam mensem: at partim causam initio dixi, partim ecce propalàm facio, cùm tibi istam quaternionum, foliorumque seriem obiicio. Quicquid id sit rei, Tu sic accipe, quasi voluerim spontaneam illâ affectus tui testationem testatione consimili, & cum fœnore quo-

318 *De Proportione, qua graui* Epist. III. &c.  
dam, compensare. Quod dignaris mihi ad calcem singularium ingenij tui parturitionum copiam offerre, id nimiae bonitatis est, quam ut experiri non mereor, sic sollicitare non ausim. Operam tamen daturus sum, ut itinere istâc instituto, cum Deo bene propitio in Prouinciam breui regrediar, tum coram agam quas deo gratias, tum coram fiam particeps, quorum esse videbitur communicatio non importuna. Si quid supererit, cum deinceps in Patria conuiuiscere dabitur. beabis me, quicquid me uoles. Tu interea rogatus perge, quod ultro cœpisti; hoc est, ama me, & bene, imò optimè Vale. Parisiis, vi. Eid. Decembris  
M. DC. XLII.

FINIS.



VIRO Nobilissimo PHILIBERTO DE LA MARE  
Senatori Diuionensi, *P. GASSENDVS S.*

**S**Erò Respondeo; nam ecce mensis, ex quo tuæ li-  
steræ datæ: sed in caussa fuit tum inualetudo, tum  
prolixa Responso, cui hoc adtextum schediolum ha-  
bes. Eadem vtor excusatione erga religiosissimum, ac  
eruditissimum Patrem. Tu, tametsi ille, qua est boni-  
tate, admissurus sponte eam est; intercede nihilominus,  
vt admittat pleniore sponte. Operam verò imprimis  
da, vt qui te authore amare me cœpit, me porrò, te  
quoque promotore, amet. Nimirum tantus ille est  
vir, vt maximi ducam eius amicitiam, & tibi, cui ipsam  
debeo solidam, me summo perè obstrictum agnoscam.  
Vale. Parisiis, vi. Eid. Decemb. M. DC. XLII.

### *SUMMA PRIVILEGII.*

**I**Vxta Priuilegium à Rege Christianissimo conces-  
sum, cautum est, ne quis toto Regno imprimat, alibi-  
ve impressas diuendat *PETRI GASSENDI De*  
*Proportione, qua graua decidentia accelerantur, Epistolas*  
*treis*, præter *LVD. DE HEVQVEVILLE*, Bibliopolam  
Parisiensem, idque in decennium, sub solitis pœnis.  
Datum Parisiis 8. April. 1642. Signatum CEBERET.



## Errata.

**I**N I. Epist. pag. 3. lin. 3. lege *increſcat*, lin. 13. præacquiſitis. 12. 9. acquiri 16. liceat. 13. 23. deſudem. 14. 7. deſiniri. 22. 11. ſerie. 23. 19. *centrum*. 28. 23. decliuſiori. 30. 27. habes. 32. 5. *ſpatium*. 33. 23. *velocitas*. 36. 2. ſuperficie vſque. 15. exſiliant. 37. 4. ex *empla*. 9. digitis verò. 42. 26. habes. 51. 2. pauculaſve. 6. exquiſitionem. 60. 10. ibi ſit. 20. præſenſiſti. 68. 28. *in C*, *erit*. 75. 22. A B in. 76. 13. p̄imam. 85. 4. ac. 87. 7. omneis impareis. 88. 5. ſperaſti affari te tui reuerentiſſimum.

**I**N II. Pag. 94. lin. 21. lege *pellecto*. 98. 8. Galileus. 18. præſtetur 104. 27. conſi-  
cient. 105. 7. ſine. 108. 21. EO. 110. 4. in S, ductaque. 13. ita S D 112. 17. Galilei ratio  
28, & 29. æqualeis. 114. 21. *Tragelaphos*. 118. 20. P M pro tempore A D. 148. 13.  
*uncia* 1. 151. 22. duplum. 160. 20. & ſine. 161. 18. *aſſerueris*. 163. 25. A B. 168. 22. de-  
ductus. 169. 14. conelufio trahi. 170. 17. oſendas. 171. 1. midio conſequi aliud In-  
commodum: 180. 10. moneo moneboque. 19. *ſuperexſtructa*. 187. 21. habuerint. 198.  
2. perſpicacia. 204. 8. non poſſimus. 207. 4. ipſa re. 210. 8. ſed ſolus. 214. 18. attra-  
ctricem. 219. 4. ſentiet. 225. 16. tium, ſeu. 226. 1. loquerer.

**I**N III. Pag. 234. lin. 24. lege *eximendus*. Quanquam ego. 236. 22. propalarat.  
238. 7. VII. 239. 25. *ἐμψυχον* 243. I. IX. 259. 25. traxerit. 260. 7. chorda. 265.  
22. at ſi. 269. 2. XXII. 278. 24. *deef numeris XXVII. nihil tamen textui*. 286. 7.  
dicit. 288. 19. *culicem*. 290. 10. tas? An 291. 28. decies mille. 292. 17. millium. 302.  
9. reat per. 309. 26. & 27. Plenilunio. 311. 27. tunc Terra ſe 312. 17. 18. hæreſcendum.

PETRI GASSENDI  
DE MOTV IMPRESSO  
A MOTORE  
TRANSLATO.  
EPISTOLÆ DVÆ.

*IN QVIBVS ALIQVOT PRÆCIPVÆ  
tum de Motu vniuersè, tum speciatim de Motu  
Terræ attributo difficultates explicantur.*



PARISIIS,  
Apud LVDOVICVM DE HEVQUEVILLE, via Iacobæa, sub  
signo Pacis.

---

M. DC. XLII.  
CVM PRIVILEGIO REGIS.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO



THE UNIVERSITY OF CHICAGO

THE UNIVERSITY OF CHICAGO


THE UNIVERSITY OF CHICAGO

THE UNIVERSITY OF CHICAGO



# ELENCHVS ARTICVLORVM.

## EPISTOLÆ PRIORIS.

- I.  Ecescentur compendiose experimenta ex equo, curru, & navi facta, quibus comprobatur, si id corpus, cui insistimus, transferatur, motum rei à nobis proiectæ verinde & fieri, & apparere nobis, ac si illud quiesceret. pag. 1.
- II. Proponuntur experimenta faciendâ de pila, quæ inter ambulandum dimissa semper procurrit; & iacta retrorsum, vel seorsum mouetur, vel ad perpendicularum cadit, vel etiam sequitur, promotâ antrosum. Causa dicitur ex motu, quem manus (seu habeat, seu non habeat proprium) accipit à corpore, imprimique contactu pile. p. 3.
- III. Dum manus inter ambulandum libere pendet, non nisi prorsum mouetur; & cum videntur retrorsum flecti, reipsa quiescunt. Ex quo dimissa pila, dum manus prorsum porregitur, mouetur duplo velocius (veluti & manus) quam corporis truncus; & dum manus apparet retrorsum ire, cadit ad perpendicularum. p. 7.
- IV. Experimenta de pilæ curru, aut equo (etiam citatissime mato) directè sursum proiecta, recedentēque in manum, & complu-

ra alia, idèd contingere, quod motus curru, aut equi impressus manus, componatur cum motu ipsius manus proprio, sicutque motus reipsa mistus, licet ad oculum non aliud, quam manus proprius appareat. p. 10.

V. Experimenta varia de pila, aut alio projectili, quod, dum navis mouetur, projectum sursum, in eandem navis partem recedit: dimissum ex fastigio mali, decidit ad eiusdem pedem; & seu in proram, seu in puppim pari vi adactum, æquale supernarium spatium conficit, licet in æquale aeris respectu. Causa dicitur ex compositione motus navis, & motus manus proprii, ocula interea non alium, quam manus proprium observante, ob motum navis, qui sit tam ipsi, quam projectili communis. p. 14.

VI. Ad inuestigandum causam motus tam naturalis, cuius impetus continuè crescit, quam projecturæ, cuius decrescit; præmittitur accelerationem, grauis decedentis sic fieri, ut acquisita spatia sint in duplicata temporum, quibus acquiruntur, ratione; & lineam, quam projectum obliquè describit, per aërem, esse parabolicam, resque monstratur ex schemate ad utrumque præmissum intelligendum comparato. p. 20.



VII. Ex eo elicitur lapidem è naui motu proiectum secundum altitudinem mali, & recidentem secundum eandem, describere lineam, ad visum quidem rectam, sed reipsa tamen parabolicam; ut & dimissum è summo malo semiparabolicam; composito motu ex perpendiculari, qui à manu, aut gravitate, & horizontali, qui à naui. Nihil ex utrovis motu ob compositionem deperdi, sed tantundem spatij & perpendiculariter, & horizontaliter peruari, quantum si motus seu iuncti forent. Tempora ascensus, & descensus esse aequalia, & velocitatem qua proportionem in ascensu decrevit, in descensu incrementum; idque perinde, ac dum motus translatus est nullus. Proportionem velocitatis crescentis, & decrecentis secundum lineam parabolicam, esse eandem, qua secundum perpendiculararem. In motu composito spatia quidem sursum, aut deorsum acquiri inaequaliter per momenta aequalia; at prorsum, seu secundum horizontem, penitus aequaliter. Quantumcumque aperta, aut contracta sint parabolica, semiparabolica, & lineae, modo altitudo eadem sit, ipsas tempore aequali describi. Denique quod vis proiectile, etiam globum bombardicum, directè sursum è pede mali, dum naui mouetur, emissum, ad pedem mali recidere. p. 23.

VIII. Declaratur etiam, cur ex duobus intra nauium motum colludentibus, pilamque vi pari ex protra, ac puppi remittentibus, non aut ille propius, aut hic remotius pila occurrat. Nempe quod motus naui utrique communis quantum virtutis addit pila ab hoc protectae, tantundem illum semouet: & quantum adimit reiectae ab illo, tantundem istum promouet, mirabili compensatione. p. 31.

IX. Nullus motus non naturalis, ut nullus non est à naturalibus principiis: Nullus non violentus, ut nullus (secto primo) non ab alio est. Is naturalis est, qui aut sponte, aut sine repugnantia fit; is violentus, qui prae ter naturam, aut cum repugnantia. Aequalitas character motus naturalis; inaequalitas violenti. Naturalis ergo proprie sonum circularis, maximeque caelestis; violentus autem rectus, qualis est non modo rei pro-

iectae suis sum, verum etiam rei cadentis deorsum. p. 33.

X. Cum motus lapidis tam dimissi, quam recidentis ex mali translati altitudine, compositus sit ex perpendiculari, & horizontali, horizontalis potius, quam perpendicularis habendus naturalis est, ob iam memoratam aquabilitatem. Videtur omnis motus horizontalis suapte natura aquabilis, atque perpetuus; ut vel intelligitur exemplo globi uniformis materiae, qui semel motus supra terrae superficiem exquisitè rotundam, politamque suppositam, videatur ut aquabiliter, ita perpetuo renouendus. p. 38.

XI. Si motus lapidis deorsum violentus est, & ab externo principio; debet hoc proinde esse vel impellens, vel attrahens, vel utriusque. Impellens aliud esse non potest, quam aer superne incumbens, qui ut lapidi sursum nitenti resistit, ita deorsum tendentem infestatur. Quanta sit aeris, fluxi licet, in impellendo vis, probatur ex variis effectibus, ac praesertim in pyriis, pneumaticis, & catapulis. Non sufficit tamen sola aeris vis ad motum illum deorsum praestandum. p. 41.

XII. Attrahens causa alia esse non potest, quam ipsa terra, cui sit insita (ut & cui vis Toti) vis continendi, retrahendi, quae partis sui omnis, quales enumerantur haec. Explicatur paucis analogia, vel eadem potius natura Magnetis, ac Terrae. Non videtur utriusque actio in res attractas fieri, nisi emissis corpusculis subtilissimis, quae ipsas pelliciant: quod nulla actio physica sine contactu, & organi saltem interuentu fit. Declaratur res exemplo balneis de re odoratis nareis transmissis. p. 46.

XIII. Idem fit circa alios sensus. Corpuscula, quae sensus permulcent, aliaratione figurata, quam quae exasperant. Arguitur idcirco ex odore. Subtilitas corpusculorum ineffabilis probabilis fit. Sympathia, & Antipathia, nisi per ipsa, quasi organula, non est. Debent in re excipiente respondere particulae analogicae; uti sunt, quae in naribus (non in paribus aliis) respectu corpusculorum

# ARTICVLORVM.

loris. Debent & potius analogici in iis, quæ  
 & ipsæ persuaduntur rebus; ut exemplis  
 scinditur. p. 50.

XV. Difficultas præcipua; quomodo attra-  
 ctio ferri à Magnete per emissâ corpuscula  
 at: Fieri fortè radiis ingi illorum corpuscu-  
 lorum emissionem creatis, refractisque in re-  
 tracta versus perpendiculararem: unde &  
 ætatis angulis, quasi cubitis, in ferro, com-  
 pressio, & attractio in magnetem sequatur.  
 rationem quorundam effectuum hinc red-  
 i, & actionem electricorum posse exinde  
 intelligi. p. 54.

XV. Vis Terræ attractrix, perinde ac Vis  
 magnetis exseritur. Propè, quàm procul, ma-  
 ior. Lapis in spatiis imaginariis constitutus  
 am constante mundo, quàm non exstante, ibi  
 misceat. Etiam in medio aëris spatio, si  
 deret penitus inane. Mouetur iam, quia tra-  
 hitur. Ingens saxum, cohibita attractione,  
 acillime mobile. Motus deorsum initio len-  
 tissimus. Vis proiecto impressa idè debili-  
 atur, quod attractio à Terra facta ipsam  
 continenter refringat. Quare pondera seu  
 magna, seu parua (eiusdem præsertim ma-  
 teria) æqua velocitate eadant. p. 58.

XVI. Impressus semel motus illi lapidi in  
 imaginariis spatiis constituto foret æquabi-  
 lis, & perpetuus, attractionis refringentis  
 lesctum. Comprobatur ex dictis de æquabili-  
 tate motus horizontalis, & ex constantia  
 motus rei pensilis, cuius excursus, & recur-  
 sus præcipuè ob solam ipsius chorda, par-  
 tiumve eius quasi sacculas sensum re-  
 vringuntur, ac denique cessant. p. 62.

XVII. Potest simplex Terræ attractio &  
 movere lapidem à quiete in aëre, & supera-  
 re resistentiam suppositi aëris. Si mobile uno  
 etu pulsus, pluribus similibus continenter  
 ueretur, ipsius velocitas continenter auge-  
 ritur. Lapis in aëre, seu à Terra, seu ab aëre,  
 seu ab utroque continenter ictus accipiat,  
 non potest continuè non accelerari. Si ab al-  
 tera, simplici ve tantum causa moueretur,  
 velocitas eius cresceret secundum seriem  
 unitatum. Atqui cresceret secundum se-  
 riem numerorū ab Unitate imparium. p. 66.

XVIII. Coniungenda utraque causa: ut  
 sit in primo momento unus ictus à Terra at-  
 trahente; in secundo sint duo, unus à Ter-  
 ra attrahente, alius ab aëre impellente, &  
 consequenter singulismomentis duo: sicque,  
 cum impetus omnes maneat, sint in primo  
 momento, 1. in secundo 3. in tertio 5. &c. quæ  
 est progressio numerorum imparium. Heine  
 sequitur spatia in fine cuiusque momenti ab  
 usque initio quasita esse 1. 4. 9. &c. quæ  
 sunt quadrata momentorum. Declaratur vis  
 schemate. Cur graue proiectum tanto ascen-  
 dat tempore, quanto deinceps descendit. Ea-  
 dem proportio seruatur in rebus oblique de-  
 cidentibus: & in excursibus, recursibusque  
 rerum pensilium. An casurus fuerit eadem  
 incrementi velocitatis proportionem demissus  
 in centrum lapis à Terræ superficie, à Luna,  
 à Sole, à Fixis? p. 69.

XIX. Vis motrix in re proiecta non aliud,  
 quàm impressus motus, qui ex se in eo perse-  
 ueraret perpetuo, nisi facta à Terra attra-  
 ctione labefactaretur. Imprimatur, dum mo-  
 uens iunctum mobili ipsum secum mouet, &  
 aliquo usque in viam tenendam comitatur.  
 Motus reflexus cum directo continuatur, ab  
 eadem causa cum illo est. Reflexio, & inci-  
 dentia ad angulos pares, eadem lege, qua  
 emissio, & proidentia in re pensili. p. 74.

XX. Differtur tractatio de argumento ex  
 motu rerum sursum proiectarum reciden-  
 tiarumque ad quietem Terræ afferendam as-  
 sumpto, in occasionem aliam. Epistola con-  
 cluditur. p. 77.

## EPISTOLÆ POSTERIORIS.

I. **P**roponitur agendum de imbecillitate  
 arguenti, quo ab Aristotele usque  
 probatur Terram quiescere. Seneca rem dis-  
 quisitione non indignam censuit, moueatur  
 ne Terra, an non. Plato eam moueri opina-  
 tus est. Argumentum vulgare pro quiete,  
 Quod lapis sursum directè proiectus è pup-  
 pi, dum nauis mouetur, non recidat in pup-  
 piam, interea subductam. Cum exemplum hoc fal-  
 sum sit, videtur argumentum posse retor-  
 à ii.



gneri.

p.79.

II. Declaratur schemate, quomodo lapis sursum projectus secundum altitudinem Turris, non possit deferri à Turri, tametsi Terra eam transferat; quoniam lapis una transferitur, propter motum, quo Terra mouens horizontaliter manum proicientem, mouet simul lapidem: quauquam hic motus, quod sit tam oculo, quàm turri, lapidique communis, obseruabilis non sit, sed solus ille, qui sursum, ac deorsum, seu perpendicularis est.

p.89.

III. Motus Terra inobseruabilis, nisi quis illo non abripiatur. Aer idem est Terra globo, quod lanugo malo cotoneo. Obscuritatem non nihil retardatur; unde & apparet in occasum moueri. Inde nauigatio in occasum, quàm in ortum facilior. Quomodo motus horizontalis imprimatur lapidi, quatenus Terra transfert proiectorem? Quomodo volueri, dum transfert rem, à qua illa auolat, & aerem, cui deinceps alis innititur? Quomodo nubi, aut plumæ? vento, igne & ve traiectioni?

p.91.

IV. Discrimen inter aerem, & mundanum spatium, in quo aer. Spatium immotum; aer cum Terra mobilis. Hinc lapis videri potest describere rectam lineam tam ascendendo, quàm exscendendo per aerem, & interea tamen describere lineam parabolicam per spatium mundanum. Potest videri viam exiguam conficere per aerem, & conficere tamen per spatium mundanum prolixam. Quid sit discriminis in motu projecti sursum lapidis, proist spectatur cum motu nautis, aut cum motu Terra coniunctus.

p.96.

V. Declaratur non concludere, quod obicitur de globorum explosione in ortum, in occasum, in austrum, in boream, & sursum, ex dictis à simili de projectis è navi: cum motus Terra globo impressus imprimatur etiam machinæ, ac proinde motu eodem communi existente Terra, machinæ, ipsi globo, solus explosionis motus supersit, cuius occasione globus perinde recedat à machinæ, seu quiescat, seu moueatur Terra.

p.99.

VI. Neque quod obicitur de apparente Solaris motu, & Terra quiete, ob visus fallaciam. Ve enim maris inexpertus, si non cogitans, constituitur in navi translata, iurabit ipsam quiescere, aliam anchoris firmatam moueri; ita nos non cogitantes nati in Terra, possumus, si ea circa Solem in mundano spatio quiescentem transferatur, existimare ipsam immotam, Solem circa ipsam moueri. Neque licebit illum hortari, ut scusum ratione corrigat, quin nos pari iure moneamur.

p.104.

VII. Idem dicendum, quod attinet ad cætera sidera exoriri visa, & occidere, ex conuersione Terra in ortum. Sic apparet attolli Polus ex solo nostri versus ipsum progressu. Argumenta aliquot à simili. Violentia ex rapinæ primi mobilis sublatæ ex simplici Terra conuersione in ortum. Soliditas orbium celestium cum obseruatis, & ratione pugnant. Argumentum ex apparente Cometarum & omnium sublimium in occasum motu. Ex rapiditate, quinquagies milles in celo, quàm in Terra ut matore, sic absurdior. Distractio partium Terra non timenda. Argumentum ex figura Terra sue præ natura volubili.

p.107.

VIII. Grauitas est partium Terra propria, ut vniantur; non totius, ut tendat in centrum. In mundo nihil est ex se supremum, aut infimum, sed solum extremum, aut medium. Non tendunt graua in centrum seu Terra, seu mundi, nisi ex accidenti. Gravititas est vis non tum grauibz insita, quàm magneticè à Telluris mole impressa. Leuitas nihil aliud, quàm grauitas minor. Comprobatur variis exëplis, ac in igne potissimum, qui sursum, non ut spheram petens, sed ut ab acre abactus contendit. Motus recti sursum, & deorsum, tanquam partium proprii, motui circulari, tanquam proprio totius non obstant. Idem iuris potest & Luna, & aliis globis competere. Terra non minùs mobilis per ætherem, quàm Luna. Cum nihil pendat, haud inepta Archimedea sponso fuit.

p.112.

IX. Ordo partium mundi Pythagoricus,

# ARTICVLORVM.

*ten Copernicanus. Sol in centro, Fixa in circumferentia immota. Medio in spatio Planetae mobiles, ac in ipsis Terra inter Venere, & Martem. Distantia Fixarum tanta, ut magnus orbis, cuius semidiameter sit ad Sole ad Terram, pro puncto habeatur, comparatus ad ipsam. Duplex Terrae motus, Diurnus circa proprium axem, Annuus sub Zodiaci signis, in quorum uno dum est, apparet Sol in opposito esse. Contineretur semper axis Terrae in sui parallelismo, & duci in Firmamentum conceptus, describit quidem circulum tantum circa polum mundi, quantum circulus magni orbis est, sed qui tamen appareat ut punctum. Continentia haec non omnino assequuta motum centri, retrahit sensim aequinoctialia puncta in signorum antecedentia.* p. 122.

*X. Translata per Eclipticam Terrae, Sol perinde videbitur Eclipticam percurrere, & Eclipses haud secus contingent, quam si in centro quiesceret. Si Terra habetur Planetarum unus, omnes tam motu, quam magnitudine congruunt; si non habetur, dissident. Luna videtur altera Terra. Licet Terra extra centrum Firmamenti sit, videtur tamen hemisphaerium, quod duae parallelae, una per centrum, alia per terrae superficiem raductae, ad sensum tandem coeant. Axis Terrae continentia, & Fixarum distantia facit, ut ubicumque in Zodiaco Terra sit, eadem stella verticales, eadem altitudo polaris appareat. Eadem axis, ac simul aequalis continentia & dierum, noctiumque aequalitatem, & aestatis, ac hiemis vicissitudinem parit. Stella Fixae apparent promoueri, iuxta signorum seriem, quod scilicet aequinoctiales regrediantur aduersus eandem. Sol Apogaeus, ac Perigaeus apparet, quod Terra Aphelia, & Perihelia fiat.*

*Motus Planetarum circa Solem ellipticus, non circularis.* p. 132.

*XI. Translata per Zodiacum Terrae, nullus est Planetarum, qui non uno tenore, ac suam semper viam procedat. Regressionis illae, Stationisque, quae in vulgari sententia tantae inconcinnitatis sunt, non nisi apparenter fiunt. Res declaratur in Mercurio, & Venere; itemque in Marte, Ioue, ac Saturno. Sol in medio omnium congrue collocatus. Constitutus in centro Sol, & nihilominus sibi ipsi motu circiter mensiuo circumductus (quod monstrant eius Maculae) videtur Planetas omnes suis veluti magneticis radiis circumagere, propiores rapidius, remotiores segnius.* p. 142.

*XII. Ex motu Terrae attributo aestus maris deducitur, & exemplum nauticae aquae semiplena declaratur. Ex motu diurno, & annuo coniunctis oritur bis in die inaequalitas, ob quam mare quotidie bis fluat, ac refluit. Res mediterraneo mari applicatur. In ora Provinciae attollitur mare, ac deprimitur ad sesqui-pedem. Creata speciali inaequalitate circa solstitia, & aequinoctia, fit aestus vehementior, sed circa aequinoctia praesertim. Creatae alia ob constitutam in coniunctione, aut oppositione Lunae, fit quoque aestus in nouiluniis, ac in pleniluniis maior. Ex motu Terrae aestus maris, ex aestu maris motus Terrae efficitur probabilis. Declaratur res iterum nauticae comparatione.* p. 149.

*XIII. Statum decreto Cardinalium de Terra quiescente, non mota. Epistola concluditur.* p. 155.

*Postscriptum. Explicatur Problemata; Quam ob causam fiat, ut res flexilis, veluti virga, aut lamina, ubi manu deflecta est, dimittente manu moueatur, suumque situm repetat?* p. 157.



# ERRATA.

Pag.	Lin.	Lege.	Pag.	Lin.	Lege.
1.	3. à fi.	optimus	65.	25.	huiusmodi
19.	22.	quiescente	68.	12.	deuexis
20.	18.	impares	78.	3.	confessui
24.	vlr.	æquiualeat	ab 80.	in 89.	nihil deest
32.	6.	peruenies	97.	6.	sæi
36.	23.	tus, qua rat	100.	4. à fi.	saltem in
37.	15.	formam	112.	25.	scintillatio
40.	18.	medium	128.	16.	tam, circumit in
41.	21.	sanè, nisi	134.	20.	Nona
45.	3.	explodit	135.	11.	quod
48.	19.	<del>explosi</del>	ibid.	17.	discernantur
49.	5.	alliciat	138.	23.	vllus
ibid.	28.	intercedente	139.	8.	monui
58.	14.	portaturus?	140.	7.	ipfa
60.	12.	exsisteret.	147.	14.	gredi
62.	1.	ponderosior	149.	12.	nauiculæ
ibid.	3.	tum, &	ibid.	22.	proprio

## SUMMA PRIVILEGII.

**I**uxta Privilegium à Rege Christianissimo concessum, cautum est, ne quis toto regni imprimat, alibiue impressas diuendat PETRI GASSENDI *De Motu impresso. Motore translato, Epistolæ duas*, præter LV D. DE HEYQUEVILLE, Bibliopolam Parisiensem, idque in decennium, sub solitis pœnis. Datum Parisiis 8. April. 1642. Signatum CELEBAT.